

清代傳記叢刊·綜錄類 ⑦
周 駿 富 輯

國朝耆獻類徵初編

(三十)

卷一八七至
卷一九六

(清) 李 桓 輯



明文書局印行

國朝耆獻類徵初編卷百八十七目錄

疆臣三十九

管幹貞

蔣兆奎

阿林保

孫永清

弟藩
子爾準

國朝耆獻類徵初編卷百八十七疆臣三十九目錄

國朝耆獻類徵初編卷百八十七

通奉大夫前署江西巡撫江西布政使司布政使湘陰李桓輯

疆臣三十九

管幹貞

管幹貞江蘇陽湖人乾隆二十四年舉人三十一年進士改庶吉士三十四年散館授編修四十二年充貴州鄉試正考官四十五年改陝西道御史四十六年轉掌貴州道御史四十七年十二月命巡漕天津尋轉京畿道御史四十九年九月命巡漕瓜儀十月擢戶科給事中五十一年二月擢鴻臚寺少卿巡漕如故旋授通政司參議八月以巡漕事竣入奏命馳驛往臨清偕漕運

總督毓奇治事九月 命巡漕瓜俄五十二年二月授光祿寺卿
巡漕如故十月擢內閣學士五十三年七月擢工部右侍郎八月
充順天鄉試副考官五十四年四月充會試副總裁六月授漕運
總督九月奏劾岳州衛守備錢選縱所屬運弁爲湖北按察使李
天培私運材木督糧稽延又劾沔陽衛守備焦廷遴怠玩不職失
察吏役通賄作奸均論如律初糧船抵天津楊村或需起撥運丁
缺乏不能給舟值例由長蘆運司先以鬻鹽錢貸丁撥直隸藩庫
銀十萬兩歸款運丁分年納之官其後議革丁多不便幹貞請復
其事以紓丁力 從之十一月疏陳江西軍丁疲敝設策調劑一
行月二糧折價不敷應籌款增補以資口食一軍船積漕應請借

官銀代償仍令分年輪納以清積款一屯田應請寬限清釐以收實效如議行五十五年三月 賞花翎黃馬褂五月奏各省漕船百餘幫役夫數萬人五方雜處最易藏奸時有匪徒潛幫滋事竊思弭盜務絕根株防奸須除強梗與其嚴緝於犯事之後何如嚴禁於無事之時上年新漕伊始飭各幫召募嚴立規條日則按伍行走夜則守望支更既親自巡察復遣親信員弁易裝密訪乃知別有奸人既不在船亦非土著隨運潛行每遇開壩募夫挽船卽從中把持勒索稍不遂意或勾結豪強肆行滋擾或偪教夫役索加傭值種種累丁不一而足臣督飭官役前後擒數十人遵例赴州縣官確擬從實發落不以遞籍了事得 旨嘉獎五十八年七

月疏言蘇州太倉重運分設總運丞倅二員由前漕臣咨請自水
次分督赴淮抵淮後改委赴通臣察二幫糧船並不由水次委督
中途分更督運官與旗丁不相認識恐所屬人意存蒙混及由淮
抵通又復更易遇有事故互相推諉甚非覈實急公之道亦與各
府事例不符議詳咨部部議仍令遵行如前臣思近年漕糧經
皇上指示再三事事便丁速運而速運之道首在責成道廳董戒
有法如中途更易非但官不習運丁不知糧未便以取結具文責
令接運且同係丞倅既可由水次督運赴淮無故到淮又行改委
停待交換沿途逗邁甚屬無益臣不敢因部行前漕臣咨案輒事
拘泥應請二幫運員分任督催自水次至通州始終其事庶官有

專司丁無蒙蔽疏入 上嘉之如議行幹貞屢以督運功 命部
臣議敘五十九年以疾乞假 諭毋庸開缺 命督臣書麟攝其
事疾愈任事如故六十年三月奏漕船到關放行向無畱滯自准
關監督莅任稽察甚嚴停幫甚眾 命罷監督盛住任幹貞未詳
劾盛住稽畱苛刻情事 嚴旨飭之嘉慶元年戶部移咨上年倉
場議白糧幫正供運至通州以羨米爲耗與經紀代運入倉時運
丁已自交納而幹貞猶以無款可議爲辭旣又具疏入奏飾其
前說 命降二級調用仍交部臣嚴議尋議鐫職三年卒原名幹
珍乾隆六十年遵 旨珍改作貞

右 國史館本傳

國家東南之利莫重於漕而弊亦最大數十年來克殫厥職又以清操著聞者咸推清江楊勤愨公錫紱及滿洲鄂寶公其後吾鄉管公實趾美焉公諱幹貞成進士時禮部改貞爲珍乾隆六十年有旨仍改原名字陽復號松崖自南宋以來世爲武進人曾祖淑考職州同知祖棟國子監生考景賢乾隆元年舉人公母娠勵七月而生生之夕舉人君夢神人負大旆書翰墨文章四字歷階升堂故初名又曰翰五歲而孤母史夫人苦節撫之嘗手錄鑑略以課年十一能屬文十九祖母陳夫人卒公以祖在雖不爲祖母服重而髻斷喪父於心未安終三年未嘗與歲試乙亥補生員丙子中副榜貢生己卯中順天舉人丙戌大挑舉人初以知縣用旋

成進士改翰林院庶吉士己丑散館授編修明年以母喪歸甲午
分校順天鄉試乙未分校會試丁酉充貴州正考官戊戌充教習
庶吉士庚子改陝西道監察御史掌貴州道辛丑巡視西城轉京
畿道癸卯巡視天津漕務是秋掌京畿道復視西城冬巡視南漕
遷戶科給事中乙巳再視南漕丙午遷鴻臚寺少卿通政司參議
協理漕運總督事仍視南漕丁未遷光祿寺卿內閣學士充文淵
閣直閣事戊申再命協辦漕運總督晉工部右侍郎署吏部右
侍郎充順天鄉試副考官己酉充會試總裁官授漕運總督加兵
部侍郎右副都御史銜庚戌三月大駕東巡賜孔雀翎黃馬
褂乙卯京察一等丙辰召與千叟宴其在翰林直史館任譔文

斤斤以品節自勵四庫館開纂修者得保騰錄人爭趨之以便其私當事欲以相屬獨辭不與札薩克蒙古外藩王公冊立表傳眾難其人公任總纂五日定議二年而書成其視西城城牒皆親斷立發劾左翼稅局濫罰牲隻及副指揮馬爲圮改供縱犯勢要請託槩不得遂暇卽周行郊內外凡命案竊案捕之輒獲其視天津漕楊邨方封雇民舟爲剝船至數歲不得釋又牖外幫有無弁無兵者公皆奏上之及視南漕幕無一人從容自理時漕船回空多守凍公以打冰須先通下游若治上游則冰凌下注益增堅厚如其法遂無守凍之患山東江南不雨雖挑濬運河漕艘仍阻公具陳兩少河無源開壩遲前後之阻有故因附陳河湖水利略言漕

船之速在運河運河又以諸湖爲水櫃誠使節節疏通雖遇旱澇
可以節宣否則雨少無籌濟之方雨多無容水之地至引黃入運
亦一時權宜苟水利充盈黃河全力下注運河自不致停沙又奏
駱馬湖蓄洩事宜所言皆中窾要並得 旨議行其總督漕運首
減浮款添給江西幫行月糧請畱直隸借款銀十萬兩交長蘆鹽
政易賣鹽錢文濟楊邨諸幫撥價又請蘇州太倉押重運官做江
南通省例自水次到淮不得更換又請河南豁免緩徵停運減存
之舟就近赴山東受雇撥運又請各幫水手短絳責成頭舵工以
素識誠實之人充補免聚眾竊盜諸累皆報 可時各省開兌多
至春初又在在逗遛遇水淺及河溢之年有在河北度歲者公嚴

飭弁丁修船受兌復冬兌冬開漕制速愈盤以免守候撤委員以
絕滋擾嘗策馬躬自督催風雨弗避或不歸所乘舟支帳露宿微
弁出力必親慰勞運丁舟人不用命立予懲罰當時或苦其苛急
及回空省費無絲毫派累咸大悅服五十八年春積勞感疾奏請
開缺 上命安心調理使總督書麟公就近兼攝乃不敢辭稍愈
卽起視事然自是精力始耗矣初白糧運京倉廩十之一偶值輸
派以爲畏途會有新令令全運至京而未籌運費倉場侍郎使運
丁以諸舟餘米給坐糧廳經紀代運浙江黽勉行之江南餘米少
丁情不便公以咨部倉場奏江南次年已曾具結不應仍執初議
部議鑄二級用公運次受替馳赴熱河 行在面陳江浙情形不

同旋奉此後江浙白糧照舊運通之 旨次日復 傳詢江南白糧運丁次年何以願行漕糧有無改運京倉及運京之費何出公因押運各員尙未及見運費屬監督所司並以未能深悉覆奏再奉嚴議摺仍畱中會江南大吏疏中有督糧道等曾以此事申告總漕未經批發語遂革職時丙辰七月也公任漕運凡七載知無不言遇當糾劾雖要人無所顧忌時內外章奏多以其副白執政請可否公獨緘封直陳以此頗爲當路憎嫉此又公卓然大節人或有所未盡知也少孤貧事母至孝交友不以窮達易節身雖顯未嘗一日去書五經皆有謨述諸史於有明一代尤稱淹貫詩文下筆立就獨得雄直之氣旣罷官自以蒙 上特達之知未忍遽

歸就逸傲居法源寺筠屏絕人事讓輯生平未成之書或以歸計
進輒怒然不語人亦無敢以此勸者居二年舊疾作以嘉慶三年
四月二十五日卒於寓舍距生雍正十二年十一月二十二日春
秋六十有五初娶史氏 誥贈夫人持家有禮法攻苦食淡戚柳
稱之先公十二年卒再娶史氏 誥封夫人子三適安河南濱縣
縣丞署涉縣知縣後公一年卒適儀布政司理問職銜適羣女一
未字孫二人貽蔭貽祿五年正月葬公某鄉之某原夫人耐焉禮
也懷玉交公垂四十載知公最稔其忍不銘銘曰
其才沛然兮其節卓然施於有政兮匪懈益勤初以爲苛兮久而
歸仁在唐維晏兮在宋則侁一蹶弗振兮并扈其年 帝方嚮用

兮曾不少延歿而誰嗣兮爲世惜人我銘其室兮永固且安

右墓誌銘趙懷玉撰

公姓管氏名幹貞字陽夫一字松崖先世家濠州南宋時遷武進
六世祖陽春明禮部侍郎曾祖淑祖棟父景賢 贈如子孫官公
在母七月而生命愈憂不育父聞號聲嘉其氣足曰善撫可鞠也五
歲喪父母史氏嘗手錄鑑略課之年十一能屬文中乾隆己卯科
舉人丙戌科成進士選庶吉士授編修與修國史任撰文甲午科
分校順天鄉試乙未科分校會試丁酉科典試貴州旋充教習庶
吉士四十五年改陝西道監察御史巡視西城調京畿道御史謝
絕勢要請託劾左翼稅局濫罰牲隻又劾副指揮馬爲玘改供縱

犯革除胥役積弊後四年奉 命視漕天津北河挾沙流行向多
淺阻武清縣楊村以雇船撥運累民有數歲不得釋至拆板者又
山東開外糧艘有無弁無丁者奏請添設剝船及自備船如所請
行是秋轉掌京畿道復巡視西城大學士九卿科道會議秋讞公
議由情實改緩由緩改矜者甚多皆中窳要某大僚後院廠有輿
夫聚賭爲盜窟者或控其魁馬坤坤回人巨猾而富飭屬出不意
擒之詰且坐城械諸市勢要屬託者不及其冬奉 命巡視南漕
旋遷戶科給事中時山東江南久旱雖大挑運道而漕艘仍阻公
因奏請令地方官疏濬支河濟運並言宿遷竹絡壩不必分黃入
運使黃河全力下注不致停沙得 旨諭令山東江南河臣疏通

水泉無庸分黃濟運使兩有裨益使還面奏駱馬湖蓄洩事宜略言山東蒙山雨水下注沂河至邳州城北支分爲三並入駱馬湖由上下開壩濟運如蓄水入湖遇黃林莊及邳宿上下水淺可以開涵洞及各壩濟運水小堵壩水大則開壩瀉入六塘歸海水旱皆可利濟得 旨議行九月奉 命仍視南漕五十一年遷鴻臚寺少卿旋遷通政司參議其秋奉 命協理漕運總督事務仍兼巡視南漕明年遷光祿寺卿又遷內閣學士兼禮部侍郎充文淵閣直閣事又明年夏 命赴山東協辦漕運總督事遷工部右侍郎兼署吏部右侍郎充順天鄉試主考官其冬奉 命赴山東兗州讞獄五十四年充會試總裁官 命赴直隸查勘旗地六月補

國朝通志卷之二十一
授漕運總督加兵部侍郎右副都御史銜明年就 覲行在 賜
孔雀花翎黃馬褂嘉慶元年與千叟宴公任漕督七載隨時陳奏
調劑事宜如江西各幫行月糧每石折銀七錢不敷米價之半又
各丁有積年守凍截畱交卸借墊之項困累幾不能出運者爲籌
減通省浮款酌添旗丁行月糧復請將各借墊併爲一款再分十
年攤還又請仍畱直隸藩庫借銀十萬兩先期交長蘆鹽政易賣
鹽錢文濟墊楊村各幫船撥價再於各丁名下分十年扣繳解還
直隸歸款又奏蘇州太倉重運二十一幫押運丞倅請照江南通
省水次兌運之例不得到淮更換改派又奏將豫省豁免緩徵停
運減存之船就近赴山東受雇撥運又各幫水手縶夫行竊累丁

請責成船戶保任並得旨諭獎先是各省兌糧延至春初離次
既近弁丁需索州縣私帶貨物沿途逗遛至秋水淺及河漫之年
回空船有在河北守凍不歸次者公嚴飭弁丁先期修葺受兌以
復冬兌冬開舊制舟過淮關盤驗向多守候公督運無弊乃使迎
前投報無敢畱難每年幫弁出運秉公僉派苞苴不入罷撤沿途
漕委各員以省擾累重運北行則策馬登岸督催雖風雨不避或
止宿行帳微弁出力親加犒勞嚴懲其不用命者故七年中糧艘
北上及歸次未嘗逾限蓋歸次早則漕卒省費漕卒船戶無苦累
則需索偷盜之弊自絕當時議其苛急知者以爲官丁交便數十
年來漕督之有清操而又能實力調劑者惟清江楊錫紱與公而

已 高宗皇帝召見時亦以此言 獎諭云五十八年春因病奏
請開缺有 旨命總督書麟公就近兼攝會奉令甲江浙白糧全
運京倉未議運費浙江運丁已將餘米交坐糧廳經紀代運公以
江南餘米較少執議不行被議降級旋奉 旨革職公盡瘁公事
彈擊勢要不避嫌怨嘗因公劾罷權使時有排擠之者事祕不可
知罷官後因居京師僦居閔忠寺杜門謝絕賓客人事寫書日數
千字居二年餘以嘉慶三年四月二十五日卒年六十有五著有
書經一隅易經一隅問禮一隅規左一隅明史志說文考異黃門
象說義玉書延陵志餘文集詩集詩餘偶存諸書若干卷又選刻
舊雨集並藏於家公少賤孤露能儉約無所嗜好官案牘皆自

裁決不延幕僚署中老吏俱惛服解絕私謁死之日家無餘貲時
論賢之子適安適儀適羣公於星衍爲從外祖又同里前輩因狀
其大槩如此謹狀

右行狀孫星衍撰

管松崖先生政事彪炳文章魁奇所刻松崖文鈔首爲明史志三
十六卷敘論簡古蔚然大觀

右瀛洲筆談阮亨撰

松崖官御史時屢奉 命巡視南漕以廉能上契 宸衷庚戌春
鑾輅東巡趨謁 行在蒙 恩錫予優渥工寫花卉得甌香眞
髓尤善設色牡丹

右墨香居畫識馮金伯撰

松崖才思敏贍乾隆丁酉典試黔中往返作詩四百首賦十數篇
雕鏤藻績擅康樂勝場記序亦絕類柳州緣抱騎省之戚登涉聞
時露悽惻語

右炙硯瑣談湯曾輅撰

蔣兆奎

蔣兆奎陝西渭南人由副榜貢生捐教諭乾隆二十六年補甘肅張掖縣教諭三十年中式舉人三十一年成進士以教授銜管教諭事三十三年俸滿保舉授四川合江縣知縣調灌縣知縣以憂去四川總督富勒渾奏請畱川省辦理軍務旋署華陽縣知縣賞知州銜四十一年捕獲拒傷官兵啞匪首犯送部引見交軍機處記名四十二年四月服闋四十四年補山西澤州府同知四十六年遷安徽潁州府知府改授山西汾州府知府四十八年調太原府知府四十九年擢河東鹽運使五十四年二月遷山西按察使六月擢甘肅布政使五十六年調山西布政使時河東商力

同治三年三月奉 旨 命協同山西巡撫馮光熊經理旋議將山西陝西河南
所熟諸 命協同山西巡撫馮光熊經理旋議將山西陝西河南
三省應納之正課雜項共四十八萬餘兩在於三省行鹽完課納
稅之一百七十二廳州縣地丁項下通計均攤約略每兩攤銀九
分有餘馮光熊奏入下部議行五十七年閏四月奉 上諭河東
鹽務從前僉商承辦徒滋地方官勒索之弊是以議將鹽課改歸
地下以期利歸於下商民交便見在該省鹽池產鹽旺盛兩三月
內發販鹽數較往年多至加倍是鹽課改歸地丁一事效驗甚速
此議實蔣兆奎所倡今果能始終承辦已著成效甚屬可嘉蔣兆
奎著加恩賞戴花翎十一月擢山西巡撫五十八年二月奏裁茂

城縣陌底渡巡鹽巡檢五月奏山西省北邊牆一道中有殺虎甯
魯得勝等口三十六處向於殺虎口設立監督凡貨物往來必由
該口投稅放行乾隆二十九年經前撫臣和其衷奏請於左雲縣
屬之甯魯口添設稅口稅務仍歸殺虎口監督派人征收奉 旨
允行在案茲查近來各貨多在大同府城聚集由府城出甯魯口
至豐鎮發賣計程三百六十里出殺虎口遠至五百二十里道里
既遠則腳價增添貨物因而昂貴若由大同府出得勝口至豐鎮
廳僅止百里道里平坦車輛可通請於得勝口添設稅口俾貨物
就近投稅赴豐鎮實屬商民兩便 從之八月以辦理秋審人犯
內布蘭毆死濟成一案定擬錯誤 命傳旨嚴飭仍交部議處五

十九年迎 駕浹津 賞穿黃馬褂六十年奏山西寶晉局鼓鑄
原設六鑪前因錢價平賤減去二鑪祇存四鑪茲查省城見在錢
價每庫平紋銀一兩易錢一千市平紋銀一兩易錢九百八十文
不等較之未曾減鑪之前仍屬相倣而各州縣錢價亦未見昂請
將寶晉局減存四鑪全行停鑄其搭放兵餉請 旨以銀兩滿支
報 可嘉慶元年奏參汾州府知府張力行審辦岳望冀負欠錢
債與伊子張情田通同婪索冀甯道鄧希曾太原府知府高燦朔
平府知府章鈺甯武府知府張端城委審此案未曾審出實情恐
有迴護同官情弊得 旨張力行著革職拏問鄧希曾高燦章鈺
張端城均著解任交與蔣兆奎一併提集人證嚴行質審定擬具

奏又續參張力行於庫貯兵餉飯食等項銀侵用一千二百餘兩業據供認 諭曰張力行以知府大員於審追錢債事件任意婪贓已屬大干法紀茲又查出張力行侵用兵餉各項銀至一千餘兩之多實出情理之外見經軍機大臣會同法司定擬斬決但該參員尙有婪索贓銀一案應行質對著傳諭蔣兆奎將前案卽速審訊明確歸案定擬一面具奏一面照議並將張力行卽於該處正法以昭炯戒二年八月以勦辦教匪調派本省官兵妥速交部議敘十一月以病懇休得 旨蔣兆奎著准其解任卽就近回籍調理四年二月起爲漕運總督七月倉場總督達慶奏本年山東臨清一帶河水稍落糧船起撥耽延天津以南脫幫計三十二日

奉 上諭漕船脫幫例干嚴議今夏運河水淺糧船起撥不免耽延亦何至脫幫三十餘日之多該漕督總司漕務不能設法進行著交部照向例議處尋部議鑄秩奉 旨改爲降二級留任八月奏辦理漕運要在卹丁見在清釐漕務 嚴諭有漕各省督撫整飭一切慎選米色革除陋規誠百度維新之會也第查陋規內旗丁於水次兌銀時向州縣需索兌費有一二百金者今既徵米精純嚴禁浮收州縣並無餘利豈肯復出兌費旗丁既得好米需索無詞自當受兌開行惟各衙門以及沿途陋規雖已禁革旗丁花費自可節省而生齒日繁諸物昂貴應得之項委不敷用急須調劑前讀 上諭言有漕州縣無不浮收江浙尤甚每石加至七八

斗等語此歷來交納習以爲常今若於七八斗之內劃出一斗津貼旗丁其餘盡行革除所出有限所省已多不特千萬旗丁藉資濟運卽交糧億萬花戶已霑 聖恩無窮奏入 命大學士會同戶部議奏 諭曰州縣徵收漕米不許顆粒加增例禁甚明近因各省多有浮收之弊節經降旨嚴查整飭今蔣兆奎以旗丁用度不敷輒請明定章程每石加增一斗以資津貼是使不肖官吏益得有所藉口且名爲加增一斗其所徵並不止於此數恐浮收積弊仍不能除而此新增一斗之糧與加賦何異其事斷不可行惟邇年旗丁疲乏亦當設法調劑量爲津貼著有漕各督撫確查妥議具奏務令丁力不致拮据而正供不致加增方爲妥善十一月

奏各幫費用不敷見奉 恩旨設法調劑今有漕各督撫確查安
議無如調劑者有名無實卽如兩江總督費滄所奏與運費並不
敷用尙奉部駁而江蘇撫臣之四升七合安徽撫臣之二升焉能
有濟揆度情形必有貽誤臣才識短淺無能補救惟求 皇上另
簡賢員速爲接手庶於卹丁濟運之道實有裨益 諭曰蔣兆奎
係朕特簡漕督如果實有礙難辦理之處亦應再爲設法籌畫何
得竟請罷歸爲此忿激之語看來蔣兆奎竟不免聽信漕屬員弁
一面之言而又無良策以善其後遽以引退爲詞實屬冒昧粗率
蔣兆奎著傳旨嚴行申飭並著將漕運情形詳悉陳明除加賦一
節斷不可行外其應如何津貼之處再行明白回奏候旨遵行尋

奏漕船冬兌冬開見在漸次兌漕轉瞬開行一切費用入不敷出然眉之急已不可解再四思維苦無良策擬每船借給銀一百兩於各省糧道庫內支領分作三年在該丁給領項下扣還歸款其山東河南船隻路途較近每船只給銀五十兩已可接濟再查有漕各省皆有輕齋一項本係應徵之米每斗折銀五分名爲輕齋今請仍徵本色按照旗丁每船所載米數賞給又江安輕齋改徵本色米石較少蘇松輕齋改徵本色米石較多白糧並無輕齋請通融勻撥漕白各幫如此則漕運不致拮据可以一勞永逸 諭曰蔣兆奎奏酌籌津貼運費一摺已交部議奏矣前蔣兆奎將有漕州縣徵收漕米每石增收一斗之奏事屬加賦斷不可行今聞

所奏又係損民益丁其意總欲於正供內設法添增巧避加賦之名而仍存加賦之實自係輕信衛弁恣意爲其所愚故爾頻頻瀆請但加賦一節斷不可行朕志已定蔣兆奎如果自問才具不能將漕運妥爲經理卽當據實具奏不得輒忿激求去如明季挂冠之狀朕前不可施此伎倆也將此諭令知之仍卽明白回奏又諭令鐵保馳驛前注會同費漕詳細飭查蔣兆奎究係聽信何人之言屢次瀆請抑係年老不能經理旋據兆奎覆奏臣才具實不能將漕運妥爲經理不勝漕督之任懇祈 皇上另簡賢員將臣更換此時正當喫緊之際並求 皇上令更換之員刻卽來淮接手免致誤公又奏臣前摺何將旗丁運費不敷及臣求退情由具

奏在案而其故尙未縷析陳明查旗丁運費本有應得之項應無不敷惟所定領項在數十年百餘年前迨後生齒日繁物價數倍從前所定之領項見在實費用不敷而近年旗丁尙可撐持者以州縣浮收向索兌費並因州縣折收米石將行月等米亦向州縣折收兩項所得以之貼補一切經費各處浮費見在革除漕弊則浮費可省而兌費究不能減於是始議劃米一斗再議輕齎改本均以加賦不准臣才識短淺別無經理良策恐貽誤重務懇 皇上另簡賢員接辦原從小心敬畏而來並非氣質用事先後奏入諭曰向來有漕省分徵收漕糧州縣以濟運爲名多方浮收最爲民困是以降旨清釐漕政剔除積弊仍慮運丁兌費不敷令有

漕省分各督撫確查妥議酌給津貼並降恩旨令旗丁多帶土宜
二十四石免其上稅原期地方漕務兩有裨益而蔣兆奎總以運
費不敷爲詞頻頻瀆奏又不妥籌辦法其意總在加賦借帑始終
堅怙己見執拗不回看來蔣兆奎竟難勝漕督之任所有漕運總
督員缺卽著鐵保補授蔣兆奎暫畱該處俟費清鐵保查辦完竣
後再降諭旨五年正月費瀆等奏查明蔣兆奎屢以旗丁免費不
敷瀆奏係爲恐誤漕運起見尙無任聽衛弁愆惠情事奉 旨蔣
兆奎免其交部議處卽來京候旨是月補工部右侍郎旋授山東
巡撫閏四月奏年老有病懇請 簡員更換 諭曰蔣兆奎前在
山西巡撫任內因年已七旬兼患怔忡予告歸里上年來京朕看

其精力未衰復用爲漕運總督伊赴任後將近一年聲名尙好惟於旗丁津貼不敷一節始則妄議加賦繼則請借給各幫銀兩曉曉置辦經朕節次申飭伊卽懇請解任已失敬事之道姑念其平日宮聲清潔不肖卽加罷斥改授工部侍郎伊來京謝恩在朕前猶以旗丁究屬不敷於漕運恐有貽誤堅執前見其實鐵保接辦漕運後並不見其掣肘各省漕船俱各依限開行見已陸續抵通並無遲緩可見將兆奎於漕運情形全不悉心體究逞其偏見自以爲是其剛愎自用之咎實無可辭朕猶念其曾任封圻於地方事務較爲熟諳將伊補授山東巡撫伊到任後於該省吏治官方並未見實有整頓之處前因御前侍衛明安往泰山進香回京奏

稱東省地方官私餽贖儀八百兩並稱沿途經過營汛墩房坍塌未見有兵丁守驛曾明降諭旨將蔣兆奎等申飭據伊覆奏上年明安前赴泰山進香亦曾收受銀八百兩至守汛兵丁因明安乘馬馳行不及身穿號衣站班伺候等語殊不成話向來奉 旨出差人員沿途驛站俱有傳單預行知照豈有明安業已到境而汛兵尙未得信之理所奏實屬迴護強辨復降旨申飭茲蔣兆奎遠因此事忿激求去如此執拗任性豈人臣事君之禮乎況朕不過降旨申飭尙未將伊交部嚴議而伊卽抗章求退豈內外大臣行善必旌有過卽不應加之譴責乎若臣工等皆似此相率效尤甯不成明季挂冠惡習此風斷不可長蔣兆奎在朕前尙敢如此其

接見屬員辦理公務必更有偏執已見不恤人言之處安能飭吏治而得民心本應革職治罪究念其廉名素著量予薄懲蔣兆奎著革退巡撫拔去花翎加恩降爲三品卿銜卽予休致由山東啟程回籍不必進京謝恩伊卽來京朕亦不復召見回籍後惟當閉門思過以終餘年用副朕格外矜全至意五月御史周枋奏蔣兆奎因事申飭竟引疾去嗣蒙恩賞卿銜理宜匍匐宮門謝恩請罪乃竟悍然不顧徑自歸里請交部治罪上以蔣兆奎係奉旨回籍毋庸過事搜求特原之七年二月卒子蓮二品廕生捐納主事

右 國史館本傳

三
臣
等
三
年
庚
子
年
冬
月
廿
二
日
奉
詔
旨
下

一
十
一

阿林保

阿林保正白旗滿洲人舒穆祿氏乾隆三十一年考中筆帖式三十二年補吏部筆帖式四十四年補安徽鳳臺縣知縣旋調江蘇溧水震澤等縣四十八年升松江府川沙同知四十九年兩江總督薩載保舉堪勝知府送部引見五十二年補直隸河間府知府五十三年擢山東鹽運使五十五年署山東按察使五十八年諭曰浙江鹽道一缺見已有旨改爲運使一切新立章程皆資委員經理所有浙江鹽運使員缺著阿林保調補五十九年因前署山東按察使任內失察曹縣盜案部議鑄級以道員用六十年授長蘆鹽運使嘉慶元年因商人范光震呈控總商欺隱窩價一

案 命尙書張若淳侍郎成德前往查辦得 旨楊秉鉞以總商自議白認且所領引地又較三商獨優其爲倡意謀產無疑運使阿林保因何率據總商估值詳報若無受其請託情弊豈有如此理該著卽革職嗣經軍機大臣會同戶部訊明各商該運使等實無徇私袒庇等情其咎止於辦理不善奏入得 旨阿林保著加恩賞給主事右刑部行走四年七月授江西廣饒九南兵備道十一月擢江西按察使六年調江蘇按察使七年升安徽布政使八年二月擢安徽巡撫先是安徽營制統歸江南管轄至是始 特命巡撫兼提督銜節制通省營伍十二月調補湖南巡撫十年奏 勅辦水緩時逆苗寨落擒獲首犯石崇四石貴銀 上優獎之又

奏永綏七八九十等里繳出侵占田地一萬畝並鳳凰乾州二廳亦陸續呈繳請責成苗弁分佃取租及將來邊防裁撤之後仍挑畱苗兵卽將此項租糧支給口食歸入均田經久案內彙辦下部議行十一年五月擢閩浙總督旋密參浙江提督李長庚因循怠玩上以該督遠在閩省恐未確實令浙江巡撫清安泰將該督所參各款一一秉公詳查據實具奏旋據清安泰覆奏諭曰阿林保前此密參李長庚因循怠玩種種貽誤請將伊革職治罪朕披覽該督所奏卽覺不愜阿林保到任不過旬日地方公事一切未辦海洋情形素未熟悉而於李長庚更從未謀面輒行連次奏參殊屬冒昧本日據清安泰覆奏李長庚帶領兵船經各海口並

未回署又轉詢黃飛鵬何定江二人亦均稱李長庚實在奮勇等語是阿林保前此奏參全屬于虛著傳旨嚴行申飭十月諭曰阿林保統轄兩省營伍此次雇備船隻添鑄礮位又搜洗芹角賊巢辦理均屬認真著加恩賞戴花翎十二年二月京察及期諭曰阿林保雖補放總督未久但到閩後於海洋捕務能認真督辦使洋匪接濟斷絕勢極窮蹙洵屬勤勉著加恩交部議敘四月因前任江西臬司湖南巡撫任內積案繁多議降調均得旨改爲降三級畱任十一月以失察匪船竄泊普陀自請議處諭以阿林保究係兼轄之員且見在閩省辦理防堵等事尙爲認真著施恩改爲察議十四年六月蠲除首逆蔡牽等奏入諭曰阿林

保年來於各海口巡防嚴密使一切火藥米石槩行杜絕不使稍有透漏該逆乃日形窮蹙立行殲滅辦理實屬認真著加恩交部從優議敘七月調兩江總督十一月卒於任 諡曰阿林保久聘外任才猷練達辦理地方事務極爲認真不意遽爾溘逝殊爲軫惜所有任內降罰處分加恩悉予開復其應得卹典著該部查例具奏尋 賜祭葬如例 予諡敬敏子瑞齡見任浙江同知瑞徽見任湖南知府瑞生見任四川知府

右 國史館本傳

阿林保滿洲正白旗人嘉慶九年任湖南巡撫值監臨秋試貢院舊有井六每屆試期味輒變飲之者多病躬詣井禱泉頓清冽永

綏逆苗石崇四與苗日石貴銀等糾集各寨叛虜守備千總等柳
禁之焚劫官廩虐殺平民將進攻涼水內地命同知傅爾率所練
鄉勇徑搆苗巢又檄總兵魁保分扼要道苗倉卒還關無少長悉
就擒焚其寨十六遂於沿邊設屯堡嚴斥堠列礮卡置戍卒士民
既樂業多願均出田畝因奏請分佃以資耕守挑丁以備耕戰收
租以裕經費設弁以嚴約束捐廉以儲接濟練勇以肅營規禁結
黨杜苗民滋事之漸查叛產給苗兵口糧之需均如議行尋擢閩
浙總督

右傳李元度撰

孫永清

弟滿

子萬年

孫永清江蘇無錫人乾隆三十三年舉人三十四年會試取授內閣中書三十九年正月遷侍讀四十四年十月轉刑部郎中十二月擢江西道監察御史四十五年四月超遷左副都御史八月授貴州布政使四十七年四月奏黔省柞子廠產黑鉛向例以二成抽課餘給價官賣撥供京局鼓鑄嗣因鉛少歸湖南辦解上年察覈情形將鉛四成通商鑪戶得需微利踊躍攻採獲鉛較旺得課餘鉛三十餘萬斤查各省鼓鑄雖改用白鉛而直隸山西各省尙用點鉛每年撥五萬餘斤解楚備購若遇添辦須奉文增撥必致遲延請添撥十萬斤解楚存局以備如鉛廠更旺仍請復解京舊

額得 旨嘉獎四十九年二月署撫篆三月奏黔省黑鉛向於四川永甯縣設局委員經管收發自柞子廠至永甯十四站山路崎嶇臨期挽運非易查黑鉛自四成通商後廠旺課增連前其得課餘鉛三百餘萬斤與其臨時趕運不如寬爲存貯請每年預撥五十萬斤赴永作爲底鉛按年就近撥運疏入報 聞五十年正月擢廣西巡撫十一月奏審參革新甯州知州金埧等拖延西稅一案劾前署鹽道臬司杜琮前任鹽道周延俊扶同捏報全完議杜琮等革職永清以到任盤查未將捏報情弊查出自請議處部議降三級調用奉 旨從寬畱任五十一年六月奏賀縣宜山河池博白等四州縣積欠地丁正耗銀四百八十兩零本色糧米四十

四石每年奏銷時累任牧令因爲數無多墊解買補具報全完見
曉諭欠戶限三箇月完繳歸公充用報 聞七月奏柳州府屬羅
城縣之三防塘與貴州交界泗城府屬之八渡墟與雲南接壤均
萬山環錯猺獠雜處近復商賈雲集原設之通道潞城二巡檢與
該處寫遠且微員不足彈壓若各設主簿一員職分稍優請將通
道司巡檢裁汰於適中改設主簿一作爲三防塘主簿其潞城司
地當孔道巡檢未便裁汰查果化土州原設吏目可裁於八渡墟
地方設主簿一作爲八渡墟主簿議行五十二年九月奏粵西官
兵渡臺勦賊應備棉衣禦寒臣接准咨調卽飭臨桂等縣勒限趕
製點送出境按名散給查出征例馬兵准賞銀十兩借十兩步兵

賞六兩借六兩茲查照舊臣孫士毅奏明廣東調撥征兵例賞銀一項俟到臺後如果出力聽將軍參贊隨時酌賞見在無分馬步於借項下每名准給銀三兩扣存三兩留爲製衣之用報 聞十月 諭曰臺灣自逆匪林爽文滋事以來節經降旨令各省撥米及添調兵丁前往接應見據各該督撫先後奏到運閩米石及調赴兵丁俱各妥爲辦理隨到隨行甚爲妥速孫永清著交部議敘部議加一級旋奏佐雜人員大銜借補小缺向未分其差等予以限制銜大者槩准借補於階級無所區別占缺亦有偏枯查司道府屬有經歷理問照磨知事等官稱首領州同州判縣丞主簿等官稱佐貳巡檢吏目典史閘官河泊大使驛丞等官稱雜職階級

本屬分明請首領佐貳祇准於首領佐貳中借補不得占佐雜缺
從九品巡檢吏目准借補典史等官下部議奏旋議從六品正七
品從八品之首領佐貳准借補至從八品布政使照磨等缺爲止
從八品之按察使知事等官准借補至從九品倉大使等缺爲止
正九品之按察使照磨等官准借補至未入流縣倉大使等缺爲
止 上從之十二月奏歸順州知州陳章升署百色同知摺內攙
入奏明動支耗羨銀兩其陳章參罰清單又另摺具奏前後舛錯
傳 旨申飭旋因赴京 陛見將年終彙奏事件交護撫藩司虔
禮寶陳奏 上以其藉端推諉交部嚴察議奏部議降一級調用
命降三級改爲畱任五十三年二月奏籛縣監有行劫事主黎

秉舉案內夥盜梁美煥並另案擬杖賊犯何柏於正月初一日夜乘間穴牆而逃旋先後拏獲將梁美煥恭請 王命正法何柏擬絞監候 諭曰孫永清奏拏獲越獄監犯審明辦理一摺內稱梁美煥係在外接贓行劫夥盜膽敢越獄脫逃審明後卽恭請王命正法何柏之罪僅止杖笞應照新例原擬軍流以下無論原犯罪名擬絞監候等語所擬殊屬過當越獄監犯固宜嚴示懲儆但其情罪亦有不同如羈禁囚犯膽敢反獄劫獄執持器械拒傷禁卒或裏應外合糾夥同逃卽屬亂民一經拏獲其爲首者自應立正刑誅爲從之犯卽問擬死罪亦當聽候部議或入於情實辦理方足以儆兇悍若監禁之徒畏死倖生希圖免脫或刨挖壁洞扒

越圍牆祇僥倖苟免性命與公然逞兇殺傷禁卒糾夥衝出者有
開此等越獄之犯自不得與反獄劫獄者一律科罪若因其同係
在獄脫逃不爲區別則越獄者旣槩置以重典而於情節強橫反
獄劫獄者其罪無可復加未足以昭平允自應將爲首者問擬情
實爲從者酌予擬緩方無畸重畸輕之弊今孫永清所奏梁美煥
一犯係在獄撬脫木柵穴牆鑽出非反獄劫獄可比該撫乃於拏
獲時卽問擬斬決亦應奏明俟接到部覆再行處決乃卽請王命
正法辦理實失之太過若各該督撫於此等案犯槩如此辦必有
橫議今之督撫皆好殺弄權者況執法用刑各有輕重緩急如見
在閩省辦理漳浦焚搶匪徒該督李侍堯於拏獲審明後將案內

要犯一面正法一面奏聞原因臺灣正在勦捕匪徒之際而漳浦匪徒輒思乘閒竊發並冒稱林爽文夥黨恐嚇居民以爲內外響應之計此而不速正典刑何以消亂萌而戢姦宄又如從前粵省菱塘沙灣一案皆係海洋巨盜積年糾夥肆劫一經拏獲到案亦自當決不待時立置重典今此等越獄重犯與倡亂奸民強劫大盜情罪有閒又何迫不及待而遽請王命卽行正法耶前次刑部所定如在監脫逃人犯祇有越獄之例而於越獄人犯與反獄劫獄者並未分晰條例本未周到著該部卽將越獄人犯與反獄劫獄應如何酌覈情罪分別定擬之處悉心妥議具奏所有孫永清摺內所奏何柏一犯卽照見定之例覈擬旋以失察監犯越獄降

一級留正十一月大兵勦安南永清駐劄南甯旋奏太平府設立
軍需局委升任福建延建邵道陸有仁太平府知府沐虎榜經理
查太平爲出關門戶軍需經過事宜須該府督辦勢難兼顧局務
桂林府知府查淳曾在四川辦理軍需擬飭赴局辦事 上嘉之
五十四年正月奏安南國王黎維祜復國遣陪臣迎其母委員沿
途護送又奏查新安南陪臣據稱該國王初復國遠迎眷屬除內
地賞給衣服行李外無餘資出關後日給之需不無拮据當將臣
攜帶備賞錦緞紬綾布匹並銀四百兩宣 恩意賞給該國王之
母感泣叩頭祇領尋奏此次官兵出關火藥鉛丸除隨營攜帶及
陸續運送外餘貯出關兩站之諒山境一聞官兵至黎城撤退卽

於關防兵內抽派三百名委參將王立功帶往接應並將軍火軍糧運進關口自諒山至大營並無存貯軍火惟糧石自數石至一二千石不等詢據管糧官稱事起倉猝搬運無及恐有寇食卽縱火焚燒至撤回東西兩省兵五千餘添撥各關隘防禦關內各站均有存貯糧米防兵可就近支食俱報 聞四月 諭曰孫永清自駐劄南甯以來於彈壓邊關籌辦糧餉等事調處得宜並無貽誤甚屬出力著加恩賞戴花翎六月同兩廣總督福康安奏安南用兵自上年起至本年事竣關內外支放過銀一百萬兩零米八萬餘石此案起事時本未籌及進兵嗣督臣孫士毅統師出征一切錢糧物料臣永清俱節省慎重辦理惟爲期甚速不無隨時變

通見在詳悉酌定章程飭屬逐款詳覈凡動銀米覈與則例相符者必查對底案始准報銷或有例准開銷而未經動用及實用之數比則例較少者卽照實用之數具報不得因則例可援稍任浮冒此外有軍行緊急必須略爲變通而覈與成例不符者卽照例覈減另行分別著落認賠 上曰汝二人自不至此以實爲之可也屬員之弊仍當防之九月 諭曰昨閱廣西秋審冊內刑部由緩決改入情實者共有三起覈其情節如唐氏鍾疏成尙在可緩可實之間至船戶陳國漢因客民古功烈乘坐伊船該犯見其行李沈重起意圖財害命乘古功烈睡熟潛入艙內取古功烈枕邊之劍因黑暗向摸頭顱古功烈驚覺叫喊該犯隨用劍砍其胎膊

又因奪劍傷左右手指雖古功烈叫喊未致殞命而陳國漢圖財謀害摸劍向砍致傷其胎膊手指等處已有致死之心向來圖財害命已死者定擬斬決今古功烈傷而未死亦當入於情實辦理該撫何得定擬緩決殊覺失之寬縱孫永清著傳旨申飭十一月奏東蘭州安插臺灣投首鄭管陳廷二犯與流犯周亞卿等同逃經兵役追拏該犯乘小船順流而下拏獲周亞卿一名鄭管陳廷持篙拒捕被打落水撈捕無獲請將吏目繆晉階革職拏問署知州黃圖革審諭從賊匪徒因投首免死安插各省地方官遇此等人犯該撫等自應諄囑所屬時刻畱心嚴加防範不容稍有疏縱今鄭管等膽敢勾通流犯結伴同逃殊屬不法該管官平日既

不能嚴行管束致匪犯脫逃及追捕時又不能擒獲打落水中復未撈獲屍身安知非受賄縱放裝點情節希圖了事若不從嚴懲治無以示儆東蘭州吏目繆晉階著革職拏問知州黃圖僅予革職不足蔽辜著一併革職拏問其該管道府不能隨時稽查漫無管束非尋常玩忽可比著交部嚴加議處至巡撫臬司不能督飭所屬防範匪徒咎亦難辭亦著交部議處部議降二級調用得旨從寬畱任是月奏阮光平於十月馳赴黎城受封請於來年三月進京叩祝萬壽先遣陪臣齋表文貢物赴京謝恩已於十月十九日進關臣飭令緩程前進在太平南甯一帶候旨報聞時廣西學政潘曾起聲名平常命永清據實查奏尋奏潘

曾起輕易喜怒性情褊急未恢士心曾密飭提調等訪察雖無營私實據聲名實屬平常疏入曾起交部嚴議諭曰徐立綱潘曾起學政任內聲名俱屬平常業經先後降旨將徐立綱降補司務博士等官潘曾起交部嚴議矣巡撫與學政同在一省其聲名優劣平日斷無不知之理乃陳用敷孫永清並不及早據實劾參及至朕降旨詢問陳用敷則以徐立綱初任聲名不好原有風聞自復任以來考選尙屬公平模稜具奏而孫永清則以潘曾起性情不好未愜士心委婉開脫俱屬意存隱飾厥罪維均本應皆予降調但孫永清辦理安南投誠一事尙屬妥協明春阮光平到京親自入覲祝釐仍須該撫在彼照料進關若遽易生手恐阮光平心

存疑畏是以將孫永清暫予畱任陳用敷著降補奉天府府尹又諭曰前據孫永清奏阮光平陪臣已於十月十九日進關自應一面具奏一面令其迅速赴京以遂其瞻覲之誠若該陪臣於進關後卽行起程此時應早行至楚省計距歲杪尙有月餘儘可按程趕到乃該撫轉令在太平南甯一帶停待候旨遵行以致起程遲滯計算程期年內竟不能趕到孫永清何以糊塗拘泥若此著傳旨嚴行申飭並著傳諭該撫務須飭知伴送委員加緊行走並知照沿途經過地方預爲妥備以期迅速遄行卽年內償行不及必須於明年銜節前抵京與外藩蒙古等一體入宴孫永清若再不知奮勉該陪臣等竟遲至銜節後始行到京恐該撫不能當此

臣等聞奏不遑
得也旋偕福康安奏安南陪臣進京見委右江道宋文型前往迎
催不拘何處相遇令該貢使加緊行走 諭曰前經降旨以阮光
平膺受封爵先遣陪臣恭齋表文貢品赴京謝恩其感怍實出至
誠自應卽令迅速赴京乃該撫轉令在太平南甯一帶停待候旨
殊屬糊塗拘泥此旨孫永清接奉後僅與福康安會銜奏稱就近
委令右江道宋文型前往迎催不拘何處相遇卽令該貢使等加
緊進行而於該撫何以令該貢使在鎮南關內停留拘泥糊塗之
處未經專摺具奏豈於此等特旨飭詢事件竟欲顛預混過置之
不覆耶著將此諭令知之十二月奏安南陪臣阮宏匡等於十一月
二十九日到桂林省城照例犒賞十二月初一日自省起程計期

於來年正月初十以前可趕到京 諭曰該貢使等久已進關若
卽起身前來此時應行至直隸境年內儘可從容趕到今十二月
初一日始自桂林起身途中趕緊行走雖可以明歲鐙節前到京
然令該陪臣等遊行前進長途究屬勞頓此皆由孫永清拘泥糊
塗以致程期迫促其咎實無可辭前因該省學政潘曾起聲名平
常孫永清並不據實劾參模稜具奏本應治以欺罔之罪特因辦
理阮光平入覲一事尙係熟手是以加恩暫予畱任今該撫照料
貢使進京遲滯及奉到前次訓飭諭旨竟欲顛預混過並不專摺
請罪尤屬不合孫永清著罰繳巡撫養廉一年以示懲儆又 諭
曰潘曾起曾任貴州廣西兩任學政孫永清由貴州藩司擢任廣

西巡撫同在一處更有何辭乃該撫於上年陳奏尙復含糊其詞
不卽舉發及朕有風聞傳旨詢問始行劾參猶復委婉開脫實屬
有心欺蔽矣又安南貢使久已進關孫永清並不卽令起程轉於
南甯一帶遲延停待直至十二月初間甫自桂林起身計算程期
斷不能於年前趕到卽使明年鐙節前可以到京然使該陪臣等
僭程前進長途不無勞頓究由該撫拘泥所致孫永清於巡撫任
內屢次謬誤前已罰繳巡撫養廉一年不足蔽辜著再加罰養廉
一年以爲封疆大吏遲延瞻徇者戒五十五年正月奏屬員賢否
摺係年底應奏之件遲至鐙節前始行具奏 命傳旨申飭又奏
安南國王阮光平奉到 欽頒印信並續奉 御賜詩章遣陪臣

恭齋表文貢物謝 恩約計正月杪抵關貢物應否賞收令陪臣
赴京之處請 旨遵行 諭曰阮光平祇領印信詩章備深感激
遣使臣具奏陳貢係出至誠自應令該陪臣赴京將貢物賞收孫
永清又何必奏請訓示始行遵辦此次貢使總令按站略速行走
不必似前次之僭程太速致多勞頓也又奏太平南甯鎮安三府
所轄關隘與安南接壤見因邊務告竣辦理善後事宜於龍憑旭
轟鎮安相近關隘適中處抽撥左右江鎮標及新太隆林思恩等
協營弁兵分隸龍憑旭轟二營管轄以資巡防並將沿邊各隘立
柵開壕添建新舍飭新撥弁兵協同舊防兵勇分布稽查禁止偷
越及私販違禁貨物出口各弁兵巡查無懈邊近甯貼報 聞又

同福康安奏嚴辦軍需實用銀米按款分案報銷又奏從前留辦軍需局之升任福建道員陸有仁熟悉款項經臣等於撤兵後留省督辦報銷俟全案完結給咨送部引見又州同于瑗因公部議降調曾隨孫士毅出關崇山縣典史劉影丁憂離任臣因其熟悉邊情酌留辦事該二員於撤兵後在省局幫辦報銷均奮勉出力可否仰懇 聖恩于瑗照所降之級留粵差遣劉影俟服闋後仍赴粵委用遇相當之缺咨補報 允旋因留禁按察司監斬犯覃大成自縊身死擬司獄許廷煌罪不如例永清降三級留任三月奏安南國王阮光平奉到 欽頒時憲書並開關通市 恩旨具表陳謝由驛奏呈 御覽報 聞四月偕福康安奏阮光平進京

恭祝 萬壽於三月二十九日起身四月十五日進關親子阮光
垂陪臣吳文楚依戀情深必欲隨同入 覲並將阮光平表文進
呈得 旨褒嘉六月卒 諭曰廣西巡撫孫永清見在病故所有
任內降革罰俸處分俱著加恩寬免

右 國史館本傳

孫永清字宏度乾隆三十三年舉人授內閣中書尋入直軍機處
永清性警敏諳曉時事大臣交相倚重遷內閣侍讀再遷監察御
史 特擢都察院左副都御史出爲貴州布政使擢廣西巡撫會
安南阮惠逐其主黎惟祁敏關求內附永清方奏 聞而總督孫
士毅遽請出師永清以不宜深入阻士毅士毅不聽踰三江挾惟

祁至黎城官兵竟敗於富良江其後惠悔罪投誠效職貢既入關永清料簡護送往來瘴癘積勞成疾卒弟藩字振宇國學生以四庫館議敘中書科中書累任劇郡善治獄擢陝西督糧道以教匪不靖督辦軍糈著勞績終安徽布政使

右傳秦瀛撰

安南諸大校莫黎鄭阮諸姓相吞噬久矣先是黎氏殘莫氏而據其國其臣鄭檢尋篡奪阮惠誅鄭並逐黎氏乾隆二十五年黎維祁敏關求內附時高宗純皇帝已遣福公康安總督兩粵將議討君爲廣西巡撫密陳曰黎阮相吞噬外夷之常聞安南深懼天威可以折箠使也福公然之阮惠果悔罪自陳乞效職貢恭遇

高宗八旬萬壽入 觀既至請用中國冠服 上益嘉之賜名
光平禮成而還

五十二年臺灣林爽文反調廣西兵合勦君往駐梧州擇勇銳者
勞遣之士氣騰涌臺灣平福公謂是役也得廣西槍兵之力爲多
右測言張維屏錄

孫爾準

孫爾準江蘇金匱人父永清廣西巡撫自有傳爾準嘉慶十年進
士改翰林院庶吉士十三年散館授編修十七年大考二等十八
年京察一等十九年授福建汀州府知府二十年升鹽法道二十
四年八月遷江西按察使九月調福建按察使二十五年升布政

使道光元年六月調廣東布政使尋授安徽巡撫八月調廣東巡撫九月仍調安徽巡撫二年三月奉旨清查虧欠奏言從前清查僅就州縣報冊查辦今欲清其源必先將司案互相鉤考如有參差卽從此根究其掩飾之故如款數相符卽確查民欠有無捏混再將歷年歷任經徵各款清出除代解前任銀數及應領款項並因公動墊可以追還之款此外尙有欠交卽係該員實虧確數又言根查底案必得其實在致虧之由然後可以酌定追補之法以杜續虧之漸上躉之七月豫省匪徒邢名章等糾眾百餘人竄入潁州府岳家莊屯聚聲言爲從前伏誅之教首王百川復讎爾準時赴江甯監臨鄉試至南陵聞警檄按察使惠顯馳往勦辦

經知府劉珊遊擊彭鎮川率兵勇圍剿格殺邢名章及王百川之子興仁興義等餘黨悉數殲擒爾準尋馳赴潁州審勘匪黨朱鳳閣劉洪棕等三十餘名置之法疏請添調營兵以資防禦並查沿途被災各屬請分別蠲緩賑恤得旨允行先是御史宋其沅條陳賑務積弊毋得以銀折錢爾準奏災賑大口小口應領銀數零星剝鑿折耗必多分釐高下亦非易辦災戶急於售食非易錢不便行用請仍循舊章上如其議三年正月調福建巡撫因延建一帶山徑叢雜盜劫滋多奏請於鹽庫曬帑息銀項下歲撥銀一萬兩爲懸賞購捕之費先後獲匪首闕春喬鄭思應邱五妹等戮之四年正月渡臺巡閱時畿輔糧價昂貴御史奈文銓奏請採買

臺灣米石下戶部議覆稱由官採買不免勒捐需索諸弊請暫弛
海禁招商於糖船酌載官給印票運赴天津海口呈驗各按時價
糶濟民食所過免其納稅 上命爾準察看臺地情形分晰奏聞
爾準傳示商人運米十四萬石刻期到津 上嘉商人急公分別
獎勵爾準又奏臺地南北袤延千餘里郡城設於臺灣縣者緣其
初祇有鹿耳門一口可通舟楫嗣添設鹿仔港八里岔兩口而鹿
仔港沙淤淺狹內山溪水奔匯入海別開一港在嘉彰之間曰五
條港寬約數里巨舟通行無滯請將五條港開設正口便於商賈
又噶瑪蘭山峻路險負載難行不通百貨該地並無出產取資外
來其地有烏石港加禮遠港皆可通四五百石小舟亦須設爲正

口以通貿易而便稽查七月回省五年九月擢閩浙總督十月條
奏開闢噶瑪蘭事宜一番社墾耕埔地分給民人番民均便一田
園租穀照原議徵收減免餘租以紓民力一地土瘠薄墾未成熟
埔地請緩報升科一建築城署地基占用墾熟田園店屋換給埔
地另列一款徵收以免淆混一歷年水衝沙壓之田園應請豁免
租賦一籌存常平倉穀以資儲備一額編文武員弁廉俸兵餉役
食就廳所徵供賦支給一裁移營制新添官兵俸餉在於年徵供
耗餘租鹽課等項支給一酌留餘埔以資歸化社生番生計一分
別添設隘寮以防生番一編設保甲設立族正以資稽查約束奏
入下部議行時閩省米貴復奏暫弛海禁募商販運浙米籌備民

食 允之六年五月奏臺地五條港向屬彰化南投縣丞專管相距寫遠請改屬嘉義笨港縣丞管轄相距三十里可資彈壓又噶瑪蘭之烏石港係頭圍縣丞所轄加禮遠港係羅東巡檢所轄兩口相距十餘里凡船到加禮遠港必由烏石港經過祇須將烏石港設爲正口其加禮遠港毋庸另設口岸統歸頭圍縣丞管轄如所議行時彰化縣賊匪李通等因挾粵民搜賊之嫌糾眾報復附近匪徒遂造言閩粵分類械鬪乘機焚搶數日之間沿及嘉義諸處蔓延未熄值水師提督許松年赴臺巡閱爾準令其勦捕又以提鎮重兵俱駐彰化南界該匪勢必北竄淡水兵力未能策應檄副將邵永福等帶兵渡八里岔趨艋舺以阻北竄之路總兵陳化

成帶兵渡鹿仔港防其逃遁入海自赴廈門調度策應又以兵力未厚掩捕未能迅速復檄副將佟樞都司聶標文等分赴彰化淡水搜山圍捕復偵知淡水所屬之竹塹中港復壟等處俱有賊匪焚搶與嘉彰匪徒互相煽誘拒傷兵勇且慮被焚村民無家可歸相從擄搶賊勢益張六月奏請令陸路提督馬濟勝移駐廈門自帶各營及水師兵渡鹿仔港駐彰化城李通逃入山千總關桂擒獲之因奏查滋事根由實由造謠焚搶並非反叛當以強盜論淡水以此分類報復當以械鬪論俱定罪如律爾準移駐淡水令各莊舉報義首查拏餘匪使閩人捕閩粵人捕粵以化其黨護之習閩地漢奸有通番語而與生番貿易遂娶番婦者俗名番割爲首

奸民黃斗乃黃武二溫阿磬等久經盤踞三灣潛出劫掠彰化賊匪滋事時有粵人潛與句串率領生番出山助鬪戕殺多人爾準密令參將黃其漢遊擊謝朝恩謝建雍等由斗換坪南港鹽水港分三路入匪徒竄匿後山峭壁懸崖無徑可尋兵勇皆攀葛附藤而上生擒黃斗乃等二十一名戮之遂抵臺灣郡城撫卹難民奏請賞給口糧籌辦善後事宜以全臺形勢彰化居南北之中南路設總兵以下二十餘員北路至艋舺地方幾五百里僅有守備一員巡緝難周請調南路遊擊一員移駐竹塹卽以竹塹守備移駐淡彰交界之大甲又調把總一員駐銅鑼灣外委一員駐斗換坪歸北路遊擊管轄聲勢可期聯絡又頭道溪爲生番出入總路

請於該處築土城撥熟番健丁充屯丁守之慎選總董責令約束子弟改建淡水土城俾資鞏固 上並從之十一月事竣內渡命加太子少保銜 賞戴花翎七年三月入京 陛見 諭曰孫爾準由福建巡撫擢授總督在任數載辦事勤能上年臺灣彰化匪徒滋事該督渡臺督辦迅速蕪功善後事宜亦俱籌畫周妥茲來京陛見著再賞給緙絲蟒袍一件大卷庫緞二匹大卷紅緞二匹伊子廕生光祿寺署正孫慧翼著加恩以主事卽用以爲封疆大吏克勤厥職者勒五月回任先是爾準自臺回省過莆田順勘木蘭陂水利陂坵建於宋熙甯閒灌溉民田四十萬畝築石隄一千一百餘丈以禦海潮歲久傾圮奏請修復 上嘉之八年木蘭

陝工竣請將柵陝首功宋長樂室女錢氏列入祀典得旨每年
於東作方輿時飭令地方官致祭一次以慰輿情而昭祈報又奏
請修理貢院增號舍一千餘間九年三月工竣奏聞命官紳
等量予獎勵十月署福州府糧捕通判閩縣知縣張騰以各任內
虧短捐雜銀兩被參因稟許督撫收受門包各款命禮部尙書
湯金釗刑部右侍郎鍾昌往勘張騰所控多虛坐誣訐論如律爾
準亦以失察家人得受銀兩交部議降二級畱任恩准抵銷十
一年二月爾準六十生辰特賞御書錫羨巖疆扁額及福壽字
並朝珠各物命其次子兵部主事孫慧翼齋赴閩省宣賜九
月以病請假命給假兩月調理十一月假滿請開缺命再賞

給一月十二年正月卒 諭曰閩浙總督孫爾準由翰林出身出
膺外任擢至閩浙總督宣力有年海疆劇要正資倚畀上年因患
病懇請開缺當經賞假調理方冀醫治就痊不意遽爾溘逝殊堪
軫惜孫爾準著晉贈太子太師銜照例賜卹任內一切處分悉予
開復應得卹典該衙門察例具奏伊長子舉人孫慧惇著加恩賞
給進士俟服闋後一體殿試次子兵部主事孫慧翼著加恩俟服
闋後以本部員外郎遇缺卽補尋 賜祭葬 予諡文靖十二月
福建巡撫魏元烺題請崇祀名宦 諭曰原任閩浙總督孫爾準
由翰林任道府洊擢至閩浙總督辦事認真不辭勞瘁前次臺灣
匪徒滋事迅速蒞功善後事宜俱籌畫周妥著准其入祀名宦祠

毋庸再交部議二十九年奉旨入祀鄉賢祠子慧惇山東利津縣知縣慧翼賞兵部員外郎升郎中候選道

右 國史館本傳

道光十有二年春正月己酉朔越二十有八日丁丑太子少保兵部尚書閩浙總督金匱孫公薨於位天子念海疆劇要遽失倚毗深軫惜之晉贈太子太師賜祭葬如禮賜諡文靖子長子慧惇進士次子慧翼兵部員外郎復奉批荅前疏曰曷勝追悼之至曰已成夢幻矣天下感歎以爲君臣遭遇之間數百年所未有也逾月兩公子奔喪至將扶匱歸葬以壽祺與公久相知請銘墓壽祺往自武林還京師嘗拏舟蓉湖訪公旣而同在詞垣

編摩天祿跡淡而志親及持英蕩來茲土每從容諮民俗虛懷海
納言多聽從或縱論海內文章人物如契印齒公之下交壽祺也
茶壽祺之知公也亦悉於公子之請雖不文其曷可辭按公幼讀
書一目十行背誦如瀉水舉止端重器局英亮少隨侍父巡撫公
貴州廣西官舍弱冠從王述庵侍郎邵二雲學士受業丁外艱後
游嶺南與德清許周生南海黎簡民唱和年三十作自壽詞云但
說文章能報國恐蒼蒼未盡生才意公抱負非常不屑以文人自
居於此見矣試禮闈出大興大庾吉林三相國之門三相國門生
故舊滿天下士之四方輻輳者如入良醫之室集藥栝之庭公又
嘗爲吉林公子師然進退以禮獨一無所依附及筦閩鹽筴大府

桐城汪尚書公舉主也適有嘉定李藩伯被訐獄尚書持之急撫部不能救壽祺謂公曰李君儒者而剛吏挫辱之必死矣公先進諫不聽踰數日李君竟雉經公哭之慟經紀其喪歸其孥徧告寮屬所以賙贈之甚備雖觸大府忌弗顧也壽祺以是心服公之執義不阿不畏強禦也通籍翰林凡院中制詞典冊悉以委公公雖處承明而研究朝章國政務爲經世之學比擁節旄十餘載章奏皆自屬草文檄亦多手定未嘗假之幕賓朝見庶僚晝治官書夕攷政業又以其閒綴詩筆披毳袂百務倥偬措之餘裕每與監司守令有所謀政議未上而牘札先四馳矣遇事可否是非一言立剖及弛之軍內靡不洞中窺會其知汀州汀介贛潮之間姦宄

攘劫爲民害公治以嚴明坐堂皇鞠訟無虛日民無羈累屢奉檄
赴屬邑勘獄勘阨隘奸無所容大吏召訊連江民黃貞煌失竊致
死獄與權臬使時鞠福清革生林彌高抗糧鼓眾獄皆數言定讞
眾驚以爲神其釐鹽政請復租秤以補耗折定江西引地以配戶
口分限完短課銀三十二萬有奇以紓商力商人德之其撫安徽
前後週宿州靈璧鳳陽泗州潛山五河霍邱水患放口糧銀二十
餘萬兩緩徵蠲免民尠凍餒逃亡者赴江甯監臨鄉試途次聞潁
州警密飛檄臬司督守令營將勦獲迅速閭閻安堵其撫閩稔知
延建山徑叢雜易匿莠穠放滋多請年撥鹽庫帑息萬兩資緝捕
先後獲盜首闕春喬等戮之又飭所屬行聯甲法迄今著爲令其

巡閱臺灣威立惠行禁占番田建鳳山城勘屯餉埔地擘畫善以
周議改海口謂鹿港沙淤淺狹噶瑪蘭山峻路險負戴難行請別
設正口以五條港隸嘉義縣丞烏石港隸噶瑪蘭頭圍縣丞通貿
易疏積穀商賈皆悅而願出於其塗其督軍事籌關噶瑪蘭事宜
凡十有四其中如番社墾地分給民人田園不可加徵減免餘租
緩報升科豁民欠錢糧及田園之水衝沙壓者存常平倉穀移營
制增隘養編保甲立族正皆撫馭之要也公最重民食道光元年
閩縣侯官穀不升卽開倉平糶且招販臺米五年十一月閩中各
屬米貴豫請弛海禁募商運浙米十數萬石其外汀州請發倉者
一龍巖甯洋德化請發倉者一永春請發倉者一二請無區故歲

儉而民不飢公好興水利莆田木蘭陂者始自宋熙甯間侯官李
長者宏溉田四十萬畝瀕海東角遮浪兩邨隄以石千有一百餘
丈疏溝大小百七十有八設斗門涵洞旱澑潦洩啟閉以時久之
陂圯潮灌變膏腴爲斥鹵公憂之捐廉勸輸凡糜十數萬緡遴邑
進士陳池養董其役築石壩二於荷包瀨以遏衝沙并修溝洫及
處壽陂南北二洋咸濬復其舊歲以有秋稔石隄爲莆保障令遵
浙江海塘程式造焉工竣公大書鎮海隄三字刻石立隄側福州
西湖者繫於晉郡守嚴高唐宋以來屢修治溉田萬餘畝 國朝
康熙後凡四濬之每開四十餘年一舉頃湖墊隘公委員履勘延
鄉官主土功周圍爲石隄使永鞏湖之北梅柳橋始暢流而西北

諸山之水有所鍾四野霑渥東湖在郡城東北久湮宋蔡忠惠復
五塘卽其地也鄉民願自捐貲開之公令先濬鶴觜橋土壩口以
醜水源三月竣事溝渠頗導達矣公亟振文教捐助鳳池書院餐
錢請編臺灣粵籍生員額中一名增廣臺鳳嘉彰四縣文章額進
各二名澎湖廳文章每試額進二名購書籍分貯海外學宮書院
請以明儒黃石齋先生從祀兩廡又鳩貲鉅其全集重建貢院號
舍改五爲四巷道改三爲二增號舍千有餘間厚其牆垣道皆砌
石糜十餘萬緡復以餘貲重纂省志親裁定之公尤嫻兵略其大
者彰化賊李通等與粵民黃文潤挾嫌糾眾鬪殺奸徒誘煽乘機
焚掠數日延及嘉義先是水師軍門適巡臺灣公慮臺地南北表

千餘里重兵駐其南賊必北竄淡水檄閩安副將邵永福澎湖遊擊謝建雍率兵自五虎門渡八里岔疾趨艋舺阻之調金門鎮總兵陳化成率兵渡鹿港圍捕使賊不能遁入海公卽日馳抵廈門策應又檄副將崇福延平都司聶標文興化副將佟樞率兵赴彰化淡水而札諭戎帥嚴勦捕當是時賊氛熾蔓延月日所戕殺不下萬餘人屍相枕藉於道室廬旣燬民無所歸不死則相從爲盜彰化距淡水二百里間蹂躪尤甚抗拒官兵頗有所傷而戎帥巽懦按兵不得要領文報多不實乃姑集眾講和損失威重賊愈張無忌釀禍且益鉅於是公奏請陸路提督馬公濟勝移駐廈門而自率長福連羅水師千徑抵鹿港察知許蔡二帥遲延謬誤狀劾

罷之而議賊造謠焚掠非反叛律當以強盜論淡水以北意在報復當以械鬪論助鬪者老弱單丁皆寬減鄉愚附和脅從者不株連始公至臺民懷疑必興大獄既而首戮六人皆素名兇惡於是民爭相傳謂總督止誅強盜不誅良民也餘以次按律定罪數百人旬日人心大定當是時上方出期門仗飛遣大臣前帥臺灣者率而南挾閩舊將及燕齊偏裨丞倅與俱且許其便宜調沿途兵 朝廷推轂以寄閩外慎重與征討等公已由大甲赴淡水收餘燼疊疏言北路賊平彰化難民悉歸莊舉義首自縛匪徒令以閩人捕閩粵人捕粵可省兵力而前所遣大臣者弗果來軍需不糜亂亦遄已無何三灣番割之事起番割者漢奸能通番語與生

番市竄入內山往往散髮易裝引生番潛出劫掠民常苦之三灣黃斗乃其尤暴也方淡水械鬪粵人輒有句串番割率生番出而助殺者公決計剪除之內山險阻蒙翳蹊徑不可尋公檄諸將三路入值秋霖溪漲賊匿後山懸崖滑如餒趾不容寸諸將攀藤上擒黃斗乃等二十一人寘於法人心大快自軍興閱三月事平乃撫恤難民以北路兵單請以南路游擊一員移駐淡水以竹塹守備一員移駐大甲是役也公履險如夷不爲浮議動攝萬緒於寸心應百變於一瞬簿牘枹鼓之間從容鎮靜酷暑中繕疏飛書揮汗立辦籌筆徹宵鬢鬢爲之頓白僕從有勸以愛惜精神者公曰我受國恩此身豈尙爲我有耶麾下聞者莫不感奮是年冬十

二月奉命晉太子少保。賜花翎。明年入覲。蒙七召見。垂詢海疆事甚悉。上以公治事勤能且蔽功速。再賜服。賜幣。予次子候補光祿寺署正慧翼以主事卽用爲大吏勤職者。勸踰年京察奉旨議敘。十有一年恭遇。皇上五旬萬壽。以公年六十。特賜御扁曰錫羨巖疆。御書福壽字各一。其餘賞賚便蕃出於異數。命公子慧翼茶齋至闕。蓋公負名世之資。席世祿之閭。竭忠誠以奉君國。才猷什倍於儕伍。故朝廷寵顧之深。超越尋常。公歿而猶悼惜無已也。公自赴浙江閱兵。感寒溼患。疽踰年。將監臨鄉闈。病劇。乃乞假醫治。上賞假兩月。期滿請開缺。仍賞假一月。不數日而公遂逝。春秋六十有三。於戲哀哉。公

天性孝友規模閎遠知人明而用之能盡其材任事勇而行之不知其勤宅心夷白而不爲礪礪之行練才敏達而不爲訑訑之聲色有黃次公抉擿之神而不矜趙張有寇子翼文武之略而不學孫吳古之所謂孚一德宣四方鏤景鐘而銘衛鼎者非斯人其誰與歸

系曰公諱爾準字平叔一字萊甫世爲無錫人後占籍金匱明萬厯甲戌進士第一人官吏部左侍郎贈禮部尙書祀鄉賢諱繼皋者公七世祖也清 贈中憲大夫江南淮徐兵備道諱仁溥者公高祖也 贈資政大夫兵部侍郎廣西巡撫晉 贈振威將軍安徽巡撫兼提督軍門諱廷鏞者公大父也乾隆戊子舉人已丑

欽取內閣中書軍機處行走官廣西巡撫祀鄉賢諱永清者公考也乾隆六十年舉於鄉嘉慶十年第進士公之科名也授翰林院編修充武英殿纂修文穎館提調全唐文總纂官教習庶吉士大考二等京察一等十九年出知汀州府二十一年擢福建鹽法道二十四年授江西按察使仍調福建甫兩月遷布政使調廣東尋授安徽巡撫中途調廣東仍補安徽道光三年調福建五年授閩浙總督六年晉太子少保十二年 贈太子太師公之敷歷也前湖北督糧道通州諱錫嘏女劉夫人者公之配也乙酉舉人內閣中書慧惇廕生慧翼 今上賜進士與兵部主事晉員外郎者公二子也銘曰

舉殿益贊德義豐亮采惠騰岳牧崇梁谿清淑鍾我公海邦砥柱
旌鉞雄甘雨崇朝興岱宗陂湖當復肥澤農黃雲萬頃春膏澍有
時中野安柝鴻亥倉滅糶玉粒紅舳艦相望米舶通稽人雖薄釜
不空往者蝸蠻紛鬪攻鯤人龍戶成沙蟲疾馳帆艣裨瀛東奏彈
韎韜威如風扶桑出日轡 天弓陸鷲水慄收帙寶 天寵三錫
酬厥庸勳伐榮哀垂始終後世無叛由杜翁孰識智名與勇功公
之遺愛將毋同

右墓誌銘陳壽祺撰

孫爾準字平叔永清子嘉慶十年進士由編修出知汀州府屢決
疑難大獄甯化民斂錢拜會大府將治以叛逆爾準訊悉其狀誅

其首無株連遷福建鹽法道升按察使擢布政使巡撫安徽平豫
省竄入邪黨旋授閩浙總督會彰化賊械鬪附近蠢起全臺震動
爾準先遣將遏之而親帥兵渡洋時臺民惶懼爾準首誅盜六人
以徇奏請焚殺有據者始坐辟餘從未滅雖附從而卽解散者置
弗問數日間人心大定保全無算復聞將調兵協助奏止之內地
宴然爾準宅心平恕恂恂如書生雖兵事倥傯誦讀勿輟所至必
咨訪疾苦前後修舉水利成膏腴數萬頃學問淹貫尤長於詞以
瘁卒官 贈太子太師諡文靖

右傳楊熙之撰

國朝耆獻類徵初編卷百八十八目錄

疆臣四十

圖薩布

玉德

福甯

陸有仁

許祖京

奇豐額

張誠基

李慶棻

田鳳儀

岳起

西事通考卷之九十四

一

國朝典類徵初編卷百八十八

通奉大夫前署江西巡撫江西布政使司布政使湘陰李桓輯
疆臣四十

圖薩布

圖薩布滿洲正紅旗人姓瓜爾佳由筆帖式中乾隆三十三年舉
人三十七年授兵部堂主事四十年四月擢工部員外郎四十三
年閏六月擢陝西督糧道四十五年四月調漢興道九月調甘肅
蘭州道四十六年撤拉爾逆回蘇四十三滋事犯蘭州圖薩布與
候補道永慶捐資募夫晝夜親督防禦 諭阿桂等奏圖薩布永
慶均能奮勇宣力不愧滿洲甚屬可嘉著賞戴花翎仍交部從優

議敕七月甘肅監糧冒賑案起部議圖薩布係王廷贊任內屬員
應嚴究 諭革職拏問交阿桂等併案嚴審嗣奏圖薩布係四十
五年十月到任各屬造報捐監糧數均未出結亦未索取屬員供
支可否暫免革審得 旨俞允十一月調陝西督糧道四十七年
四月署陝西布政使尋實授四十九年甘省鹽茶廳逆回田五滋
事據石峰堡陝撫畢沅調派綠營兵赴鳳隴一帶防守旋奉 特
旨派京兵一千名赴甘堵禦其經過陝省供應事宜諭令圖薩布
沿途照料圖薩布奏京兵抵陝尙需時日其一切供應俱已密爲
妥備擬先馳赴鳳隴一帶查各隘口及如何分兵設卡並將所需
防守官兵口糧馬匹草料通盤查覈不敷卽就近撥運協濟隴州

距省五百餘里數日即可回省仍當趕赴潼關照料京兵入境又
奏隴州汧陽麟游三處重兵食指浩繁兵民俱多未便且見調滿
漢及各省綠營官兵相距原營均有數百里至千餘里不等裹帶
勢難常繼差取未免寫遠薪蔬雜用日所必需似未便拘泥成例
臣已飭知各該處將官兵應得口糧或日給本色或折支炒麵統
於常平倉內動支並於司庫酌借銀一萬兩借給於各弁兵應得
俸餉內扣還仍隨時查覈接濟疏入 上俱嘉之五十一年二月
擢湖北巡撫尋調廣東巡撫仍暫署湖廣總督八月抵廣東任復
命兼署粵海關監督十月審擬海陽令韓義通稟拐匪陳同彪
究明幼孩卞和尚自幼殘廢並非該犯折割所致 諭曰據圖薩

布奏審究海陽縣拐騙幼孩殘傷肢體之陳同彪一案訊據卞官氏及幼孩等供稱陳同彪所拐幼孩實係卞和尚並非謝阿淺自幼因生瘡爛去手足膝行求乞後遇陳同彪將伊背往漳泉一路討乞陳同彪時將卞和尚打罵受苦不過後至海陽被差役拏住適有該縣謝寶煌幼子被拐報縣就妄認爲父母嗣見親生母官氏前來認識只得據實供明質之同案人等供俱相符並非陳同彪用灰尿泡爛割斷手足等情此案陳同彪如果誘拐幼孩採生折割情罪重大自當按律定擬乃該撫等將見獲幼孩與卞官氏等三面質對委係誘拐屬實並無折割情事則原問官何以卽據捏指誣供率行具詳此與該省從前用藥迷人故入人罪一案何

異恐又係原審之員並不確覈案情用刑誣服希圖保薦送部引
 見等弊不可不確實查究以成信讞著傳諭圖薩布卽將此案係
 何員承審因何妄稟陳同彪用灰尿泡爛傷殘肢體有無故入周
 內等情於定案時據實查明具奏將此傳諭圖薩布並諭孫士毅
 知之圖薩布奏海陽係潮州首邑與福建漳泉等府鄰近奸匪叢
 集該令韓義盤獲同彪實係拐犯其有無折割虛實自應嚴究該
 令尙係據實辦理毫無刑訊周內希圖邀功情事今若因該令稟
 報在先卽行議處恐將來州縣規避處分遇案情少有疑竇輒顛
 預了事不復稟報上司殊與公事無裨是以臣於審擬摺內不復
 將該令韓義申請議處 上是其言五十二年七月 諭曰圖薩

布奏懇棍謀殺多命一案及收戍動支耗羨銀數各摺俱以孫士毅駐劄潮州不及會銜聲敘看來圖薩布有意與孫士毅不和孫士毅在總督中係能實心任事之人該撫正宜推誠相助公同辦事乃如此心懷私見豈和衷共事之道圖薩布著傳旨申飭又奉諭曰昨圖薩布呈進貢物有鑲金嵌珠等物殊屬無謂已將各件全行發回矣著傳旨申飭十月 諭以臺灣逆匪林爽文滋事閩廣二省於兵未到境時照料配渡甚爲妥協圖薩布著交部議敘五十二年五月圖薩布奏擊獲洋盜審明後即將盜首陳亞五恭請 王命卽行正法 諭曰前因外省承辦案件如係尋常斬絞之犯應俟接到部覆再行處決不得因有恭請王命之例率行

辦理又恐督撫不權輕重過於拘泥遇情罪重大之犯亦等候部覆以致要犯稽誅復經降旨申諭見在臺灣軍務甫經告竣而海洋劫掠頻聞此等盜犯尤不可不從嚴辦理以示懲警今該督等審明陳亞五一犯糾夥在洋連劫三次情節較重卽請王命立行正法並不拘泥所辦實屬得當將此諭令知之五十六年四月以病懇請解任 諭曰圖薩布奏見在感患風痰病難速痊巡撫任重事繁恐有貽誤請解任回旗調理並求簡員補放等語昨據福康安奏該撫病勢淹纏一時難冀速愈已降旨將郭世勳調補廣東巡撫卽令速赴新任該撫接諭旨後自必迅速前往接篆任事圖薩布自應解任回旗安心調理以期就痊後再邀簡用也將此

國朝通志卷之八十八

傳諭知之十二月回旗卒

右 國史館本傳

玉德

玉德瓜爾佳氏正紅旗滿洲人乾隆三十三年由官學生考補內閣中書三十七年遷侍讀三十九年授湖南衡州府知府四十一年遷岳常澧道四十二年九月丁憂回旗在刑部郎中上行走四十四年二月 命署山東濟東泰武道俟服闋實授四十五年因前在岳常澧道任內失察沈大綬刊刻書籍狂謬降二級調用仍在刑部行走四十八年署員外郎四十九年升郎中五十一年擢山東按察使五十二年調安徽按察使五十四年遷布政使十月擢刑部右侍郎 命赴湖北鞫濟陽縣民楊隆霖控案五十六年赴奉天錦州遼陽州各處查辦控案五十七年轉左侍郎迭赴直

隸河間及江西浙江查辦控案六十年授山東巡撫並賞戴花翎二月拏獲劉之協同教案犯陶興諭曰玉德到任未幾卽能飭屬拏獲邪教案犯足見畱心著賞給大荷包一對小荷包四箇五月以二麥歉收未將缺雨情形具奏諭曰山東與直隸接壤本年直隸麥收已足九分而山東僅六分有餘自因該省春間雨雪本未普霑入夏以來雨澤又復短少是以麥數收成較爲歉薄玉德身任巡撫於地方民事漫不經心並不將缺雨之處預行奏聞酌籌接濟甚屬非是見據該撫將各社倉穀出借以濟民食若再不盡心經理任聽屬員浮冒實惠不能及民則是該撫自取重戾不能仰邀寬宥也七月疏稱與兩江總督蘇凌阿札商擒捕洋

盜事宜備有賊船北竄追至鄰近卽以兩礮爲號鄰省兵船聞號礮之聲亦放兩礮接應 諭曰盜船在洋面駕駛正當不露聲息設法誘之使前以便悉數擒捕若甫經望見盜船相隔尙遠輒先施放槍礮豈非使賊得聞風聲逃逸此最爲水師惡習昨已降旨通飭若云恐賊竄逸祇須嚴飭官兵常在洋面梭巡並勤加瞭望亦無難彼此會合設法兜擒十月疏稱東省水師營額設戰船十二隻體式笨重未能如商船之便捷臣前赴登萊海口目覩情形與鎮臣許世臣奏明添雇商船巡緝因思雇船多費不若將應修營船改造商船式樣俾資駕駛而收實效下部議行十二月署河東河道總督嘉慶元年正月疏稱山東糧價平減採買穀數已足

復發銀增買以裕倉儲 上飭其所辦非是 諭曰玉德卽欲買
倉穀亦祇須按照額數量爲採辦乃於各屬已足之外復行增買
必致民間糧石因地方官採辦過多漸形短絀糧價轉就騰貴是
未必實於倉儲有益而小民先受其累看來竟係該撫聽信屬員
之言率冀額外添買以爲藉端勒派侵肥地步除見在應行買補
缺穀業已足額外其餘加買者不必辦理以期民食無礙六月調
浙江巡撫二年二月疏稱洋面捕盜兵船設有旗號篷帆寫有字
號賊匪望見兵船卽先行逃竄今擬撥兵船十隻假寫商船字號
誘賊來劫並將各營小船形式與漁艇相似者每營撥出十隻每
船派兵十名充作漁戶遇盜匪卽著一船報信十船隨行槍礮齊

發可期人船並獲。諭曰所辦俱見畱心該撫惟當督飭所屬實力妥辦以期設法誘擒肅清洋面六月疏劾宣平縣知縣張蚤譽霉泄倉穀。上以奏參遲延降旨詢問八月覆奏因該縣交代時值春雨連綿不能即時盤量致逾兩月又因宣平縣距省較遠經兩司覆明始行揭奏。諭曰此案該縣係二月初二日交印卸事該撫於六月二十九日始行奏參遲至四月有餘是該撫既經遲誤於前又復支飾於後實屬非是玉德著交部議處部議革職奉旨從寬免其革任著罰交養廉三年以示薄懲四年正月奉恩旨免繳養廉銀五千兩七月。命赴江蘇審辦巡撫宜興被參各款及地方官濫責生員案十月署閩浙總督五年正月實授六

月疏稱查辦漳泉賊匪情形親抵泉州出示曉諭俱各紛紛呈繳器械約束子弟永不械鬥出具甘結並送匪經官嚴懲人人稱快又洋面艇匪往北竄逸卽擬分配兵船選派將弁親往擒捕上嘉之六年正月署福州將軍五月奏請各鎮總兵分年輪班入覲諭曰所奏甚是各省文武大員三年奏請陛見一次固屬定例但必須本任見無應辦緊要事件方可循例來京亦無一省提鎮同時奏請之理著照玉德所奏不必拘定陛見年分亦不必限以年底總視各鎮見無應辦要務者每年酌令輪替來京展覲十一月奏參提督李長庚心粗氣浮於提調官兵統轄全省水師之任未能自荷上以其與兩次密陳考語自相矛盾嚴飭之七年

五月疏稱營兵操演烏槍前請除去槍上所釘星斗射靶俱改用梅鍼箭 諭曰所奏大屬紕繆施放烏槍全憑槍上所釘星斗爲準若平素演習精熟自能便捷命中今玉德因閩浙營兵放槍遲慢手顫欲將星斗除去殊不思兵丁等執槍手顫自因演習生疎所致應卽將該兵丁等責懲豈除去星斗卽不手顫乎至所稱軍營用箭皆係梅鍼操演布靶應改用梅鍼箭亦不成話箭枝式樣種種不同隨地異宜總在發矢有準如果將鏹箭演習純熟卽易用梅鍼必能一律命中若平日操演必須改用梅鍼方能射賊則樹侯設正亦非臨陣時所用豈有以人爲的竟將應死罪囚試演射藝之理眞所謂無知瞽說矣我朝武備整齊弓矢槍礮最爲軍

中利器法制精良世守不易乃玉德輒思改變舊章此奏若出提
鎮漢員內已屬不經況玉德係滿洲總督竟以本朝武備懵然不
知率議更張尤爲謬妄玉德著摘去花翎傳旨嚴行申飭仍交部
議處部議革任 詔從寬畱任八年二月因平定三省邪匪推恩
內外臣工玉德降級畱任各案均 予開復十二月江西石城匪
徒滋事毘連閩界 命玉德馳往建甯一帶查辦九年正月拏獲
首犯吳韜甯金鰲及聽糾滋事之匪犯溫正順等十餘名地方甯
謐 賞還花翎十年十二月廈門行商以洋匪蔡牽乘閒肆劫呈
請捐造巡船二十隻添募兵丁八百名各行商每年公捐番銀四
萬圓以爲兵丁月餉出洋口糧及燂洗船隻修換篷索之費玉德

借巡撫李殿圖以 聞並請將兵丁所用火藥鉛丸令各商繳價
還營 諭曰該商等捐造巡船藉資保護其事尙屬可行卽燬洗
船隻更換纜索捐資修整亦無不可至添設兵丁所用火藥鉛丸
令各商繳價還營則實不成政體國家設兵衛民豈有以歲支糧
餉例用藥鉛取資商捐之理玉德李殿圖均著傳旨申飭是月蔡
逆犯臺灣由鹿耳門竄入句結鳳山嘉義陸路匪徒滋事 上命
將軍賽沖阿會同玉德及提督李長庚辦理十一年二月 上以
玉德駐劄廈門安坐數月毫無籌畫降三品頂帶拔去花翎三月
李長庚率水師勦敗匪船賽沖阿渡臺掃清陸路蔡牽仍乘間由
鹿耳門竄出玉德自請革職治罪 諭曰玉德任總督有年並不

整頓水師認真緝捕其養癰貽患之罪已無可寬其蔡逆滋擾臺郡既不渡洋親往又不多派官兵寬備糧餉種種貽誤此時應行革職治罪之處何待奏請但見在軍需緊要若遽將伊交部治罪轉得置身局外著先行革去頂帶仍將見在軍需責令經理五月因患病請假調理並奏言拏獲蔡牽逆黨洪教等供稱蔡牽幫船原有八九十隻被官兵節次攻毀僅贖大小船三十餘隻前在臺灣時每船給火藥一二百斤自臺竄回後每船給火藥三四十斤其米糧係隨時打劫商船所得 諭曰王德於海疆事務不能隨時整頓以致洋匪蔡牽竟敢勾結陸路匪徒竄赴臺灣滋擾此皆由該督平素因循玩誤咎無可辭卽據該督此次所訊賊供蔡逆

原有幫船八九十隻每船給發火藥一二百斤統計已不下一萬數千斤試思盜船火藥至如許之多豈在洋面所能率辦前蔡牽竄擾臺灣時玉德因局存火藥不敷撥用曾咨江西巡撫備辦協濟是官署火藥較少而盜匪轉多有積存若非內地奸民私運接濟卽係營汛不肖弁兵牟利營私可見沿海一帶非特視詰奸爲具文竟以通盜濟匪爲常總督統轄文武所司何事乃玩誤一至於此今該督復以肝氣病發奏請賞假一月調理玉德卽著革職回旗調理俟病痊之日再降諭旨是月李長庚奏參前年札商玉德因兵船低小情願借廉捐造大船玉德以爲有需時日窒礙難行又蔡牽在鹿耳門竄入時篷索破爛火藥缺乏見回內地在水

澳大金地方裝篷煙洗盜船無一非新火藥無不充足 諭曰王德於李長庚札商時任意駁飭賊船回至水澳大金地方卽能裝換新篷火藥充足可見該處必有奸民及不肖弁兵等平日積慣通盜此亦王德廢弛貽誤之罪 命速赴刑部審訊治罪並 諭福州將軍楊春密查王德聲名款蹟九月楊春覆奏王德在廈門公館時每日需用洋銀二百八十圓其家人等每日每人需用洋銀二十圓王德先在蘇州開有當舖今知事將敗露潛遣人赴蘇將當舖售賣又在廈門置造免死金牌欲招致洋盜朱濟 上命畱京王大臣親赴刑部監提王德詳悉研究尋訊明勒索供應一節並無其事蘇州開當舖一節僅止存寄玉器銀兩委無合夥之事

惟誤聽人言往招賊首朱濱並打金牌旋經銷燬及辦理洋盜事務種種廢弛錯誤應請發往伊犁效力贖罪奉 旨依議十二年十月 賞給三等侍衛作為烏什辦事大臣十三年四月因病恩准回旗調理十二月卒子斌良江南候補道桂良禮部員外郎岳良理藩院員外郎徵良大理寺司務法良候補筆帖式

右 國史館本傳

福甯

福甯伊爾根覺羅氏鑲藍旗滿洲包衣人由繙譯生員考補兵部筆帖式升光祿寺署正乾隆三十三年授安徽廣德州知州丁母憂回旗以工部額外主事用洊升郎中三十九年授甘肅平慶道四十六年升甘肅按察使時撒拉爾逆回滋事福甯查辦首逆馬明心家屬餘黨全數弋獲 賞戴花翎四十八年調安徽按察使四十九年調湖南按察使尋奉 旨仍畱安徽按察使任七月升甘肅布政使五十四年調陝西布政使五十五年擢湖北巡撫五十八年七月 諭曰福甯係貝子永碩包衣人見任巡撫辦事尙屬妥協著加恩將福甯一支入於鑲藍旗滿洲九月調山東巡撫

五十九年三月奉 命籌辦衛河運務疏稱臨清以北水淺不敷行運若於官備撥船之外添雇民船又恐河水長落靡常請先籌撈淺束壩其汶河之水稍遲啟放以待江廣重運 上是之七月漳衛二河並漲館陶冠縣邱縣一帶被水成災福甯率運河道羅瑛啟放閘座疏消積水撫恤災黎 上以辦理得當優敘之時江省豐碭兩岸壩堰三十餘道有礙曹單漫水去路 上卽命福甯會同兩江總督蘇凌阿河道總督蘭第錫李奉翰等馳抵豐北籌辦八月福甯等酌籌南北兩岸各壩去留俾豫東水勢得以暢流下注而下游黃河亦不致滯緩停淤奏入 諭曰所奏甚爲明晰卽照此辦理嗣後毋得再有更張是月調河南巡撫尋擢湖廣總

督 命駱劄復陽直辦川陝楚各省傳教匪徒先後捕獲教首宋
之清王應琥艾秀等及夥犯數百人審明懲辦如律六十年正月
調兩江總督曾黔苗石柳鄧句連楚苗石三保焚掠辰州 命仍
雷湖廣督辦二月福甯帶兵馳抵鎮筵會剿時鎮筵四面山梁均
爲賊苗占踞 上嚴飭之二月招降永順窩喇寨苗人張廷仲三
月借護軍統領德楞泰勦散永哨賊匪又與總兵蘇靈在鎮筵山
後殺賊百餘名五月奏瀘溪縣屬之四堵坪地居扼要自被逆苗
焚劫占踞從此擾辰谿鎮筵等處後路最爲腹心之患臣督率官
兵奮勇攻擊斃賊二百餘名奪獲鳥槍刀矛數十件並農具耕牛
米穀甚多該處雜民均扶老攜幼投歸復業六月賊攻鎮筵後路

高村福甯遣參將佛甯都司伍爾卿額等敗之鎮軍兵力無多賊
屢次攻圍雲貴總督福康安四川總督和琳請撥荊州滿兵二千
令成都將軍觀成帶赴鎮軍堵禦八月大兵會剿於馬鞍山福甯
固守鎮軍後路賊不得竄十月福康安等獲逆首吳半生 上以
福甯雖未能督兵進剿而幫同等籌辦亦俱無誤交部議敘嘉慶元
年五月大兵克復乾州疊有 頒賚福甯與焉時湖北邪匪滋事
攻來鳳縣甚急福甯自永順馳抵龍山敗之賊屯旗鼓寨奉 命
偕署四川總督大學士孫士毅合剿士毅卒於軍尋 命福甯接
署四川總督偕將軍觀成總兵諸神保督兵夾攻七月破旗鼓寨
獲賊首胡正中賊黨復趨高岡築小木城抗拒八月克之獲賊首

田谷敦謝伯樂 賞加太子少保銜尋奏生擒旗鼓寨男婦二千餘人誅其習教爲逆者一千七百餘家屬應行緣坐者五百餘又敗賊於三堡嶺指甲坡獲首匪楊子敖楊子林來鳳邪匪肅清九月偕觀成諸神保等進攻宣恩縣龍馬山賊匪降其黨四千餘人遂移兵剿賊於榔坪賊分兩路一首逆林之華擾長陽一首逆覃加耀擾巴東復分黨焚掠支井河福甯與觀成由張家村勸農廳夾擊之殲戮甚多覃逆被傷竄屯長陽之滋邱恃小峰埡爲門戶官兵攀援而上勦洗一空俘賊目二十餘人 上嘉之 命咨部議敘十月林覃二逆徙屯黃柏山福甯乘雪夜渡清河疏通道路十一月偕觀成及理藩院尙書惠齡會攻黃柏山連奪緊要賊卡

上以時屬沍寒 賞御用黑狐冠各一頂金盒各一箇復攻克西流溪頭老米山等賊卡二年正月觀成惠齡均赴川省達州勦賊 命領侍衛內大臣額勒登保移師黃柏山福甯以兵隸之克一碗水蜈蚣山四方臺等賊卡四月林覃二逆竄踞鶴峰州界之芭葉山五月破之六月圍林覃二逆於大堽口賊竄建始宣恩輾轉追躡未卽就擒屢奉 嚴飭十一月始殲林之華於長陽覃逆竄入歸州三年正月 上以福甯攻圍不力革去宮銜花翎嗣獲首逆覃加耀等於終報寨 諭曰楚北賊匪覃加耀等在長陽一帶肆出竄擾額勒登保福甯帶兵勦辦未能及早搜捕任其輾轉逃竄已及年餘此次折竄歸州在終報寨山內藏匿僅贖一百餘

人以四五千名之兵及無數鄉勇遷延數月始行拏獲實屬有過無功至福甯之罪更重於額勒登保伊本由湖北巡撫洵升湖廣總督楚北教匪勾結竄擾卽係伊所轄地方前在鎮筸勦辦苗匪一籌莫展已屬無能及至旗鼓寨勦賊又任賊輾轉奔竄毫無振作福甯所有四川總督本係虛銜著一並革去罰繳銀四萬兩以充軍需賞給副都統銜在川辦理糧餉是年偕侍郎英善駐達州籌辦四年正月英善駐藏辦事川省糧餉福甯專司之二月奏各路運送軍需糧餉爲數浩繁驟載夫負絡繹在途值此官兵追剿緊急之時賊匪奔竄益甚所有各路糧運迎頭則截掠堪虞尾隨又行緩難繼且糧臺甫經安設卽須改撤臣再四熟籌各官兵往

來勦捕緝不出川東川北十數州縣見已飛飭承辦各員將糧石酌量數目豫行分撥各州縣先爲存貯如道路疏通各路仍照常滾運卽有阻梗各屬亦皆有儲備一遇官兵抵境何處捷便卽就近解送以資接濟又索倫吉林及綠營官兵打仗奮勇有例所本無勢所必需者不得不權宜辦理量爲通融疏入 諭曰福甯奏籌辦糧餉一摺殊多浮泛之詞此次辦理軍務爲期已久而軍需經費數逾七千餘萬之多尤屬向來罕有總緣帶兵各大員在軍營酒肉聲歌相爲娛樂以國家經費之需供伊等嬉戲之用此等積弊朕聞之熟矣軍營支費原應實用實銷卽或例外供支通融辦理亦必有實在情形可以覈覆若如見在軍營各路兵勇日費

雖多而遲延不發多令枵腹從事至領兵大員則任意支用承辦者不敢過問無怪其浮濫更甚也福甯係專辦糧餉之人若再不知撙節仍前通同欺隱獨不自爲身家慮乎七月 上以川省支發軍需數倍於楚福甯自辦理糧餉以來種種經理不善又所奏賊數有增無減與四川總督勒保所奏有減無增互異其意止爲浮圖開銷地步 命吏部尙書魁倫前往達州查辦十月魁倫奏稱從前川省大股賊匪每股實有二三萬人及數千人不等節次剿戮及解散者不下三四萬人賊數實屬大減此時或數千人爲一股數十人數百人爲一股卽係從前大股中分出亦有隨時偏脅者福甯因新添賊股姓名多於從前指爲有增無減勒保統

大數故云有減無增又奏詳查福甯經手款項及有無餽送寶難
得弊竇確據惟於部撥餉銀內短平十一萬餘兩一案並未即時
奏辦又陝省解送川餉短平五萬餘兩亦始終未經上聞竇屬
含混命革去副都統銜仍畱達州聽候覈算軍需尋以前在旗
鼓寨殺降事發上復命魁倫據實查奏十二月魁倫奏此案係
副將呂朝龍經手訊稱嘉慶元年七月間官兵攻破旗鼓寨餘匪
竄至謝家營無路奔逃跪地乞降福甯允准當卽投出男婦老幼
三千餘人福甯以其臨陣窮蹙始降非豫先投出者可比因帶至
龍山縣城外分割將女犯及老幼釋放外男犯誘以帶同打仗進
城給與號褂口糧於夜間陸續殺死約計共有二千餘人諭曰

各路軍營勦辦教匪其中被賊偏脅良民甚多本年節經降旨令領兵大員勦撫兼施如有臨陣投出者卽當分別省釋爰爲安撫剴切諄諭不啻至再至三而宣諭以後投出者人數寥寥自係招撫之法未得其道今福甯於旗鼓寨攻破後其附從夥黨旣經跪地乞降相率投出自應分別收恤以示招徠乃轉誘令入城使之駢首就戮且誅及二千餘名似此旣降復殺賊匪紛紛傳播則被賊裹脅之人自知投出仍不免於一死又焉敢束身歸命是驅之從賊無怪乎安心不降賊匪亦人何殘忍若斯之甚秦白起阬降猶因敵國今則四海一家自相殘敗若此朕心寧有不忍見在訊據擊獲之賊首高均德亦據供稱賊匪夥黨只懼投降後仍遭誅

戮是以觀望不前可見福甯前此所辦錯謬已極適以堅賊黨從
逆之心試思賊匪抗拒官兵其臨陣殲戮者原難細爲區別設投
誠後果有心懷反側復思蠢動之徒亦應嚴辦示懲若已畏罪乞
命允彼投降無論本係被脅民人情原可憫卽實係邪教而能棄
械投出亦當貸其一死量爲安插豈有無分玉石槩予駢誅並用
言哄誘入城濫戕生命旣示人以不信復阻其來歸是賊匪至今
投出者少皆由福甯辦理此事失人心而傷天理所致福甯業經
革職著魁倫卽將伊拏問令與呂朝龍質訊明確按律定擬具奏
尋議發往新疆自備資斧效力贖罪五年二月 諭曰福甯在旗
鼓纂誘殺已降之賊致各處賊匪心懷疑懼不肖投出其罪甚重

本應照擬發遣姑念福甯恐降賊不可深信辦理錯謬尙屬有因
著加恩免其發遣自備資斧前赴額勒登保軍營效力贖罪嗣魁
倫奏報賊匪搶渡嘉陵江西岸係福甯裁撤鄉勇所致奉 旨仍
發往伊犁十二月 賞給三等侍衛駐西藏辦事六年 賞頭等
侍衛七年加副都統銜九年奉 旨回京十年正月補正白旗副
都統閏六月調鑲黃旗滿洲副都統十一年以三品銜休致因前
在西藏大臣任內曾借藏庫銀兩雖經交還究屬錯謬奉 旨革
去頂帶復因前在湖廣總督任內應賠軍需濫應銀三千餘兩延
不完繳十九年十二月由本旗奏交刑部監追是月故子毓慶見
任戶部筆帖式鄂慶見任內閣中書

國史館本傳

右

陸有仁

陸有仁浙江錢塘人乾隆三十四年進士分刑部學習三十七年
補貴州司主事四十年授雲南司員外郎四十二年轉四川司郎
中俸滿保舉知府四十五年充貴州鄉試正考官四十六年授廣
西梧州府知府四十九年調太平府知府五十二年升福建延建
邵道時以安南內訌夷眷來奔陸有仁詳詢夷官援接防護經總
督孫士毅奏入並請畱同防邊得 旨嘉獎五十四年調福建督
糧道五十五年升山東按察使五十七年五月授直隸布政使十
月因山東任內未能確查所屬盜殺重案率行據詳降甘肅按察
使嘉慶元年六月擢刑部侍郎畱辦甘肅賑務十一月 命代辦

陝甘總督事時因四川達州教匪西竄陝甘總督宜縣親往辦理
甘省秦州鞏昌均與川省毗連 上諭陸有仁嚴密堵截二年四
月河南賊匪竄入來朱場偏近雒南請與西甯鎮總兵富不賽馳
赴潼商相機堵禦又以賊匪侵入商雒境地請督兵進剿並飭調
甘涼鎮營兵前往堵截 諭曰陸有仁不過代辦總督事件至軍
務緊要自有巡撫在彼今檄調甘涼等處兵丁並親身來陝殊屬
張皇甘肅地方緊要陸有仁自應在彼彈壓何不曉事體緩急輕
重若此著於途次轉回蘭州並將所調兵飛飭停止五月因宜縣
檄調撒拉爾兵二千交總兵柯藩於興安防勦陸有仁諭令暫停
循化經宜縣等奏入 諭曰漢中兵單力少是以檄調此項回兵

以資截勦乃教匪竄至漢陰而回兵尙在循化是陸有仁從前遇事張皇一經申飭於檄調應援之兵亦屢催罔應遲誤軍情較永保漫無調度者尤爲過之陸有仁著革職交刑部治罪八月訊係拘泥候 旨與宜縣查奏相符 上命戴罪往四川效力旋補陝西按察使十一月授陝西布政使三年賊匪高均德股匪竄浣手寺 諭陸有仁畱心防截敘功 賞戴花翎四年正月擢廣東巡撫時夷洋盜匪同劫鹽船飭兵擊捕之九月以農耐與安南國兵船遭風入粵所奏失當 旨飭之十一月奏盜匪悔罪投首分別撫卹安插得 旨所辦甚是至安南農耐盜匪或有風聞來投者卽當給資遣回五年二月內遷工部右侍郎六月調刑部右侍郎

九月授陝西巡撫十一月奏沔縣洋縣餘匪疊經經略額勒登保
參贊德楞泰勦截不難剋期蕙事見赴漢中督辦糧餉惟期和衷
共濟早靖逆氛時陝省民心散懈於團勇築堡不能實力奉行防
堵未能盡力 上切諭之旋以結寨得宜可以堅壁固守團勇得
力可以禦賊衛民入奏 上是之又奏安撫難民被脅有久暫之
分則安頓亦須區別如寄民貿易猝遇賊脅旋卽逃出者其原有
產業只給川資卽可甯家惟落業之戶不得已隨賊日久一經逃
出惟恐兵勇所不容又恐謀生無術以致疑懼不前前奉 諭旨
飭令清查叛產以備安頓難民見查白河安康等處叛產可以備
撥又有全家被害無人承業之產以及南山客民試種之田因賊

拋荒俱可確查以備安插無歸之人各遂生全則賊黨自能解散矣得旨解散賊黨安插難民自應如此辦理果能給予恆產固其恆心何至甘心從賊總在實力奉行不可徒託空言也六年正月奏委員曉諭各寨並於總要隘口分撥兵勇守卡無使賊匪入境又請將五郎孝義專派大員加意團練堵剿以專責成可期卽收成效二月奏賊匪被剿情急往往竄南山老林劫奪零星居戶以爲口糧請勸令居民搬移出山安頓使賊入林無糧自不能日久潛跡諭曰此事斷不宜輕動妄爲將來事定後惟當酌量情形安設營汛派兵分駐永臻綏靖三月以辦理糧餉迅速議軍功加級又與總督長麟籌辦甯陝鎮額設新兵六千以兵六勇四配

摺請於凱旋時以各路鄉勇充補 諭曰長麟陸有仁之意以所有應設新兵俟凱旋歸入善後事宜辦理未免不知緩急務當設法速爲經理俾屹然成一巨鎮以杜賊匪再入之路儻有遲延賊復竄入山內則惟長麟陸有仁是問四月奏目下據險設防南山之賊剿滅淨盡各路防兵俱已抽撥入山又籌議撫輯饑民難民上是之六月 諭曰陸有仁自簡任以來皆能預爲妥辦且於築堡一事與額勒登保酌量章程籌畫盡善俱有成效賞給荷包議軍功加級紀錄七月奏安插鄉勇爲善後第一要務請於大功告竣之日分別安置十一月以川省賊匪逼近黑河有仁飭總兵齊郎阿通判雒昂截擊有功 上嘉之 賞烏雲豹馬褂時餘匪

東甯牛尼河有仁飭副將韓自昌等擊勦淨盡議軍功加級七年
四月會議甯陝鎮新設兵丁分別防勦事八月諭曰陸有仁三
年以來經理糧餉俱能先事綢繆供給充裕並督率地方官辦理
搜捕零匪甚爲出力且節次捐廉製辦衣履解營分賞兵勇著交
部議敘十月卒於漢中賜卹如例子繼祖蔭生

右 國史館本傳

匡章之庸美行不和

三

許祖京

公諱祖京字依之德清許氏曾祖諱煌甲祖翰林院編修南昌府知府諱鎮考舉人西安教諭諱家駒三世皆以公貴 贈通奉大夫公少勤學工文辭乾隆戊子科中浙江鄉試第一人己丑科成進士授官內閣中書貧甚徒步懷餅入直暮而出歷七年內閣侍讀缺公次當擢金壇相國于文襄公欲別擬人矣聞公論謂許舍人不得擢爲不平乃卒擢公在內閣兩遇京察皆一等丁酉充四川鄉試正考官覆 命奏對稱 旨旋 命爲雲南驛鹽道逾三年擢雲南按察使屢辦疑獄悉精當得情姚州有劫盜以刀背傷事主司擬死罪上部駁謂刀背雖金非刃不當死承審官知州誤

擬應降職公言州本擬如部所論臣飭改之咎乃在臣奏上 純
皇帝愈以此重君擢廣東布政使公在雲南時值總督李侍堯怙
勢求賄其後事發得罪屬吏多爲所累降黜公初不迎附卒亦不
與其咎及在廣東仁和相國孫文靖公爲總督值林爽文亂臺灣
文靖馳至潮州調兵餉甚眾公抗言臺灣亂當卽平不可無故先
用粵民文靖得牘怒甚欲奏公沮軍會臺灣平乃止及毅勇貝勒
相國福文襄公爲總督勢益重而公守意自如文襄之護安南阮
惠入朝公定郡邑供帳有限數阮惠行出廣東緣道官乃務極華
侈傳單至達 行在所 純皇帝以讓文襄文襄乃歎公初所定
禮約之當也廣東濱海民雜易擾公治之凡十年於事患多所消

弭民有欲請於瓊州開鑛者公駁不許又有欲於省設船步網利者公亦不許民以晏然乾隆五十九年以請養歸逾一年丁母蔡太夫人之憂旣而病居杭州就醫嘉慶十年二月二十一日卒於杭州年七十四公強識過人少所見文字至老未嘗忘治官事勤甚累日夜廢寢食不疲其在雲南不置幕客文案皆親定之又以餘力訓子爲學其在內閣修官書一統志西域圖志西域同文志勝朝殉節諸臣錄皆獨當其勞平生自著書則有書經述八卷詩四卷許氏譜二卷藏於家夫人同縣進士祁縣知縣胡官龍女賢明有禮先公四年卒子二翼宗國學生早卒宗彥嘉慶己未科進士兵部車駕司主事女一適山陰王思鈞胡夫人先葬武康春岡

嶺上青浦王侍郎我銘之矣嘉慶年日日啟穴以公夫人合葬焉
桐城姚鼐爲之銘銘曰

公以儒興操筆文雄秉節吏能愍愚察病勇爲眾靖優哉從政其
道蹇蹇建謨伊善植躬靡忍禁閔菁庸山徼海邦身去慕從王斯
民澤錢塘之郭公臥不作有配允賢會附茲阡厥嗣昌延

右墓誌銘姚鼐撰

奇豐額

奇豐額黃氏先世朝鮮人後隸內務府滿洲正白旗人乾隆三十四年進士以主事用分刑部三十五年派委提牢年滿補陝西司主事洊擢四川司員外郎河南司郎中兩遇京察皆列一等四十二年授廣東高廉道四十五年升貴州按察使四十七年擢安徽布政使四十九年調廣西布政使五十二年調江蘇布政使五十七年五月擢江蘇巡撫八月奏江南海口凡商漁船隻赴海領照卽於照內註明舵工水手姓名年貌住址俟攏收口岸覈對相符方准貿易而近來海洋行劫之案往往連船劫奪冒認姓名年貌竟至無從覺察請嗣後商漁船隻照票內舵工水手人等年貌項

下將箕斗驗明添註出入按名查驗如水手人等在洋患病雇刑船水手令該船戶於收口時具結呈報該管官於新雇水手年貌項下亦添註箕斗仍驗明同船各箕斗相符方許具保 上從之十二月奏山東本年被災經臣奏准委員採買平糶查江南淮徐二府秋收豐稔見飭地方官嚴禁市僧居奇東省委員已於窯灣順河仲興等集採買黃豆等糧一萬一千餘石先行趕運得 旨嘉獎五十八年正月兼署兩淮鹽政三月奏籌銷淮北綱食積引以清課運下部議行五十九年六月 諭曰奇豐額於巴甯阿與商人交結一事前經降旨詢問未據實參劾實屬徇庇本應革職姑念究係地方官又不同城與董椿情罪有閒著交部嚴加議處

部議革職得旨改爲從寬畱任十一月奏擊獲販賣小錢人犯張世揚等按律懲辦諭曰所辦好奇豐額於此案查辦認真著賞給大荷包一對小荷包四箇用示嘉獎六十年三月奏減價平糶以裕民食得旨妥爲之勿滋弊四月濳墅關短少稅課盈餘銀兩諭令奇豐額暫署織造監督事務將五德任內虧短情弊據實查奏尋奏五德辦理不善緣由上以奇豐額知情袒庇交部嚴加議處部議革職諭曰奇豐額前於巴甯阿在兩淮任內有與商人交結聯宗等事經朕降旨詢問並不據實具奏朕以其究係巡撫未經與董椿一律治罪已屬格外施恩今於五德辦理關稅不善一事又復知情不舉若非朕降旨詢問竟欲始終袒護

實屬聖恩鴻職斷難復膺巡撫之任著卽革職來京尋 賞給郎
中職銜在圓明園三山等處效力九月 賞二等侍衛銜充庫爾
喀拉烏蘇領隊大臣嘉慶元年擢葉爾羌辦事大臣五年奉 旨
回京六年經喀什噶爾參贊大臣富俊奏參從前在葉爾羌私給
回子頂帶部議革職奉 旨賞給內務府主事十一年故子祝麟
內務府郎中

右 國史館本傳

張誠基

張誠基山東金鄉人乾隆三十四年進士分戶部學習三十七年
補浙江司主事洊升郎中四十三年授貴州貴西道四十六年調
糧驛道四十七年擢貴州按察使五十年調四川按察使五十一
年丁母憂五十五年二月 命署甘肅按察使十一月擢直隸布
政使五十七年調江蘇布政使嘉慶元年六月授安徽巡撫八月
查緝潁亳六安等處匪徒奏 聞 上是之調廣東巡撫先是粵
東洋盜充斥肆行劫掠誠基嚴飭員弁購線緝拏二年二月獲盤
踞夷地積年在洋肆劫之盜首大辨貴及匪黨十八名又獲盜犯
周得仁等十七名按律懲辦梟示沿海地方奏入報 聞三月獲

在洋行劫盜匪並服役各犯審明分別辦理具奏 諭曰此次所獲盜匪祇係隨同在洋行劫及服役各犯並非盜首何足爲奇張誠基務須督飭所屬上緊購緝將盜首林發枝等悉數拏獲以靖根株毋得稍存推諉是月仍調安徽巡撫四月調江西巡撫十一月以高安縣兪聖基任聽管倉丁役私造大斛希冀浮收奏請革審旋於三年三月訊明係糧道張姚成恐人造斛作弊令差役私誘木匠故作寬大斛面以便從此根究後木匠畏罪妄扳高安縣家丁姚成誤信揭參請將該道革職該縣開復並請交部議處 諭曰張誠基於已經奏參之案並不迴護據實平反所辦尙是自請交部議處之處著加恩寬免仍交部議敘八月義甯州陳坊地

方有習教匪徒聚眾滋事誠基接據稟報卽督同總兵帶兵勦捕將首犯劉聯奎槍斃餘匪擒獲居民安堵如故奏入 上嘉之賞戴花翎交部從優議敘 諭曰江西地方向未聞傳習邪教亦無糾眾搶掠之事此案劉聯奎聞湖北蒲圻縣有匪徒搶掠獲利遂起意在陳坊地方豎旗聚眾焚劫村莊實屬不法張誠基督率將弁馳抵該處勦捕直搗賊巢於匪眾初起之時將各犯全獲已降旨從優議敘賞戴花翎張誠基著賞黃綬大荷包一對小荷包四箇玉搬指一箇纍絲盒一箇碧玉帶板一塊以示獎勵六年上聞江西正考官周興岱以侍直內廷於前赴該省時稱有奉旨查訪地方之事並擅出告示收受程儀 密旨命誠基查覆七

年正月誠基據實陳奏 諭曰周興岱以供奉內廷在外誇張何以該省官員畏其聲勢餽送從厚張誠基平日辦事必非無瑕可指慮其舉發故爾曲意周旋仍蹈逢迎積習俱著交部議處十月原任江西建昌縣知縣劉光遣子赴步軍統領衙門控告誠基勒捕義甯州逆匪時冒功 上命侍郎姜晟前往審辦姜晟奏稱訊問誠基供認此事實有粉飾因年來心疾未釋當日聞地方有反叛之事雖經辦竣恐干重罪是以將八月搜捕完竣之日作為伊帶兵打仗之時其實並未親自臨陣並繕具誠基親供呈 覽 諭曰張誠基以巡撫大員於地方逆匪滋事之案平日不能畱心查察及破案之後尙不將辦理情形據實陳奏又復粉飾情節今

據供稱希冀輕減罪責試思失察逆匪之罪較之捏飾具奏之罪孰輕孰重張誠基著革職交軍機大臣會同刑部審擬治罪八年正月審訊屬實擬斬監候 上寬之改絞監候交刑部監禁十一年奉 旨發伊犁效力贖罪十三年釋回 命自備資斧前往南河聽候差委十四年奉 旨以六部主事用十五年補刑部江西司主事二十一年卒

右 國史館本傳

氏名 姓名 年齢 性別 職業 備考

三

李慶棻

李慶棻正藍旗漢軍人湖南鎮筵鎮總兵佛保孫由筆帖式授戶部主事遷員外郎乾隆三十四年二月授浙江湖州府知府三月襲勳舊佐領三十六年調嘉興府三十七年擢糧儲道四十年丁艱回旗四十三年服闋授福建糧驛道四十五年調汀漳龍道尋擢按察使四十六年調湖南尋調江蘇四十八年擢河南布政使四十九年調江蘇五十年七月擢貴州巡撫十二月疏言黔省水城廳屬之福集廠年額運京楚鉛向由該廳運至四川永甯相沿無誤但須遠赴畢節雇用夫馬地非本屬呼應不靈應將該廳鉛運至畢節由畢節接運永甯較爲迅速得旨嘉獎五十一年正

月覆審思州民劉玉貴毆傷石明富身死一案疏劾督按察使尼勒富什渾將要供刪減致情罪失當前撫臣承保不行詳察冒昧具題致干部駁承保等鐫級有差八月疏言威甯鎮標兵米向因該州秋糧不敷支放於大定府水城廳等處撥運並威甯州領價採買湊足查該鎮右營游擊改都司後養廉名糧裁減又民苗陸續升科徵收秋糧共積存米七千餘石仍復按年採買不特糜費糧價且餘米愈積愈多既有霉爛之虞更啟那移之弊見飭該司道本年暫停採買卽將此項動撥一千石備支從之五十二年正月疏黔省錢局向設畢節嗣因稽察難周移建省城又因上游安龍等鎮離省較遠俸餉艱於領運遂停搭放邇來錢文日少市

價昂奇兵民殊多不便請將省城二十鎮內酌分五座移設大定
鼓鑄將安龍各鎮俸餉一律搭放下部議行二月疏黔省每年應
辦楚鉛委員解交漢口以備各省採買其銷售銀暫貯漢陽府事
竣解黔查鉛價計八萬餘兩府庫經年存貯易啟官吏那移之弊
黔省委員非其所屬難保無通融瞻顧漢口與湖北省城僅隔一
江與其存貯府庫不若解交藩庫防範較爲嚴密得 旨允行五
月湖南鳳凰廳句捕寨苗人石滿宜劫搶過客拒捕滋事慶棻奏
派委按察使陳大文參將張世斌馳赴松桃一帶督同地方員弁
彈壓稽查 諭曰此案起事之初卽經該鎮道等親率將備官兵
前往直搗賊巢立時平燬將首犯石滿宜等擒獲業已辦理完結

黔省距該處境壤毗連豈無信息傳聞何以該撫又派令文武大員前往彈壓致涉張皇外省習氣遇有此等案件不揆事理輕重率以一奏塞責以見其急公勉力爲站腳地步及地方果有緊要重務則又不能措置得當辦理裕如甚屬無謂李慶棻著傳旨申飭該撫嗣後遇有地方緊要務須酌量輕重妥協辦理不可如此冒昧也六月因前在江蘇藩司任內辦理硝磺遲延部議降調諭從寬畱任十月因臺灣逆匪滋事慶棻調兵協剿辦理妥速得旨議敘五十三年奏本年黔兵調赴臺灣協剿所需火藥鉛彈在備貯項下動支解往卽飭司採辦足額火藥於軍需最重旣經開廠採辦應於補額外寬爲儲備以敷一年之用報聞九月疏

黔省應兌京楚兩運正耗白鉛每年共計五百九十二萬四千餘斤又帶運十萬斤查廠內額辦課餘共止五百十餘萬斤歲缺一百餘萬斤向於舊時存鉛廠內湊補足額見在存數漸少不早調劑恐致匱乏查從前開廠之初撥運外歲有餘鉛近八九年來日形支絀蓋由開採年久嵯峒愈深工費較增兼之食物漸昂廠民所領鉛價不敷採辦仍請照滇省增銅價之例每鉛價百斤酌加銀三錢黔省但有解運京鉛節省水腳銀兩可以動用得旨允行五十四年正月卒

右 國史館本傳

田鳳儀

田鳳儀河南安陽人乾隆三十六年進士分刑部學習主事四十五年補江西司主事四十八年遷湖廣司員外郎是年京察一等授廣西思恩府知府尋攝桂林府事五十一年巡撫孫永清以鳳儀廉明公正熟練刑名保舉堪勝道員引 見陳情父年八旬奉旨發往湖北以五百里外道員用補安襄鄖道五十四年署按察使五十七年兵部議裁站船鳳儀以爲楚省襟帶江湖水程迢遞銅運往來實需利濟每年糧運赴淮例有撥運前經總督吳達善酌議裁減所存僅四十隻此外有黃陂縣之汨口站黃梅縣之清江鎮或因驛遞衝途中隔大江或因山路崎嶇並無驛站皆非

徒事虛糜未便遽裁 從之五十八年遷浙江按察使五十九年
遷布政使時會議定海縣五奎山爲海船停泊扼要之區添設礮
臺下部議行六十年四月奉 上諭田鳳儀人尙結實著調福建
布政使五月鳳儀奏清查閩省各屬倉庫虧缺得 旨一切實力
妥爲之八月與署總督長麟巡撫魁倫酌議改造營船向來均係
合省捐貲茲值查辦虧缺之時旣不能再令不肖州縣藉資口實
而勦捕洋匪勢難停止請支借庫項以供急需將浙省緝船等船
酌爲改造亦不致多費帑項旋經議行十一月鳳儀審辦屬員虧
欠倉庫正雜各項分賠設立清查局有因前任虧缺扣畱後任代
爲彌補以致後任虧缺者仍歸各任以昭平允至虧缺雜款以及

因公應捐等項究與侵那有閒止應責令補還以五十六年清查以前爲原虧五十六年清查以後爲續虧得旨議行嘉慶元年請以臺灣蠲免供粟應分三年輪免除本年畱給臺灣澎湖二處兵米外以其存餘勻徵供粟運給內地支餉不敷惟上年漳泉被災曾於浙江動碾倉穀採買米石以備糶濟嗣因春收豐稔停糶之米尙餘存貯堪以支撥兵精從之二年五月奉旨諭福建巡撫員缺著田鳳儀補授尋以該省倉庫虧缺未完應查明追繳命鳳儀一手經理督同司道詳查妥辦閏六月以分別繳賠所議未公有旨申飭七月丁父安世憂督臣奏鳳儀哀毀太過精神不濟離任回籍九月卒於浙江杭州府子寶齋二品廕主

醫學書目類聚卷之二十一

右 國史館本傳

三

岳起

岳起滿洲鑲白旗人姓鄂濟氏由文生中乾隆三十六年舉人四十二年由方略館議敘補授 昭西陵筆帖式五十年升戶部堂主事五十三年升本部員外郎五十四年升翰林院侍講學士五十六年升詹事府少詹事旋擢奉天府府尹五十七年升內閣學士兼禮部侍郎五十八年授江西布政使因查水災致疾告假歸旗調理 諭曰岳起自簡任藩司以來辦理地方事件尙爲妥協今因查勘被淹圩隄落水致病殊屬可惜岳起著卽回旗調理嘉慶四年病痊授山東布政使旋擢江蘇巡撫九月奏清查漕務積弊曰京中所關俸餉米石久有回漕米之名積習相因惟弊是營

竟懼米數之盈絀米色之純雜於不問是以旗丁領運無處不以米爲挾制卽無處不以賄爲通融糜費至今有加無已推原其故沿途之抑勒由於旗丁之有幫費而旗丁之需索幫費實由於州縣之浮收竊思欲除一弊先絕其源而禁止浮收實爲絕弊源之首應請 諭旨敕下有漕諸省各按本省情形詳細籌畫列款指明嚴行禁止俾各省旗丁及漕運倉場諸胥役無從更生觀望冀倖之心奉 硃批所指浮收折價及旗丁挾制需索各事實爲切當其另單所開幫船費用出運陋規及南賑北賑名目足見實心查覈將歷來積弊和盤托出從此按款清釐逐條嚴禁可期漕務肅清是月奉 廷寄胡觀瀾結交鹽政長隨高柏林修寺派累一

案情節據實具奏尋奏查廣福寺年久坍塌非保惠民生之要工自應聽寺僧自行募修今高柏林係鹽政長隨希圖誇耀鄉里怱慮鹽政徵瑞捐銀五千兩胡觀瀾以知府大員明知工程浩大非五千兩所能辦理有意逢迎輒令該縣選舉董事飭發印簿派捐鄉鎮復因催繳不前差追滋擾以致民怨沸騰今胡觀瀾已經革職永不敘用高柏林亦已遞回原籍管束尙不能安服眾心相應請旨將前捐錢二萬七百十串卽於胡觀瀾高柏林二人名下各半追賠惟查各商民所捐之錢爲數零星若令按戶給還轉恐書役地保頂冒侵蝕查蘇州一帶官塘石路橋道攸關閩浙等省文報且爲糧船經由緯道多有殘缺亟應修理請將胡觀瀾等罰

賂之錢謂爲修理塘務工程之用得旨允行五年羈兩江總督
五月查辦南河積弊人員莊剛劉普等侵漁舞弊奏入莊剛劉普
逮罪七月奏揚州關徵收盈餘溢額稅銀儘數報解以歸覈實十
月奏江蘇藩司耗羨酌覈刪減同閒款各實存銀數造冊報部惟
有率同詳慎覆覈加意撙節不致稍有浮濫俱 敕部施行十一
月偕總督費滄奏陳江浙輕齋米石原定折價每石五錢爲數太
少本不足以服旗丁之心但因旗丁運費不敷竟全行改爲本色
百姓以銀交米頓覺浮多亦有難行之勢與其以虛名致旗丁轉
生覬覦莫若徵收實數俾民丁永絕葛藤應請嗣後江浙輕齋折
價以十成折算分爲四六將六成改徵本色以撫旗丁四成竟與

豁免以惠百姓奏入 上敕大學士九卿會議駁曰據該省市價每石總在二兩上下約略覈算完納前納六斗之米較原定折價幾多至一倍有餘是使小民虛受四成之名轉增六成加本之累實與加賦無異況折徵銀兩尙虞加耗滋弊今若改徵米石更可藉口浮收 國家愛民薄斂之政業經百有餘年未便輕議更張事遂寢六年二月奏審明職矜韓怡呈控紳士鄒光國妄呈知縣黎誕登實政黎誕登於眾紳之前將所辦之事自行誇張欲人見好迨王文治攢集實政索看後並不將溢美之處深自引咎亦不將保留之議自行阻止洵屬沽名釣譽且貼給夫價毫無覺察李魏氏在逃三年未獲於贖房細事擅責生員又將久經例禁之房

不折實屬溺職應照例革職奉旨依議四月奏借項挑築河堰以資保衛毛城鋪迤下洪減等河又天然閘下河道前因邵工漫水下注以致河身淤成平陸兩岸堰工衝塌必須挑浚深通補築堰工以資黃河分洩暢達無阻上游之河南永城縣洪河下游蕭碭等縣境內河堰尤應趕緊挑築其所借銀兩分作五年按畝攤徵庶民力得以舒徐田疇得以利賴得旨允行五月奏審河工舞弊人員莫澧身列職官乃公然於任所開設店鋪及將貨物運至工所居奇網利漁弊及賤役民夫種種卑鄙巧詐實屬不堪奏入莫澧擬罪八年來京 陛見以疾畱京署禮部右侍郎七月承辦 孝淑皇后永遠安奉事儀之王大臣禮部堂官於會奏摺內

粗心疎忽措詞不經 諭曰岳起見在患病著不必署理禮部侍郎仍以革職畱任註冊是月卒 諭曰岳起自簡任封圻以來雖歷年未久而操守清潔在督撫中最爲出眾前日來京時見病後體氣未克特令畱京調攝以冀速痊茲聞溘逝殊堪軫惜岳起著加恩加贈太子少保銜照侍郎例賞給卹典其各任內降革處分悉予開復至伊見無子嗣同族又無堪繼之人所有伊家墳墓祭田無人經營著該旗照例查辦八月本旗奏臣等遵將 諭旨宣示岳起之妻孀婦隨將伊家見有房四間契紙一張地七十六畝內除給族眾作爲墳地四畝並本家立墳地十五畝下賸地五十六畝五分契紙七張呈旗查辦查定例凡有官無子嗣呈出應入

國朝通志卷之八十一
官地至一頃以下准以三十畝爲祭田其餘畝全行入官今岳起
係有妻室復蒙 聖恩優渥之人伊妻孀婦呈出地畝不敷一頃
若按例辦理轉覺有負 聖主鴻施臣等遵奉 上諭將岳起之
妻呈出房契一張地契七張卽存貯該旗於每年應得租錢京錢
四十千文仍交伊妻孀婦作爲祭埽修墳之用俟岳起妻沒後將
呈出五十六畝五分地交該旗佐領於所得租錢派人承管一半
作爲祭埽之用一半作爲修理墳塋之用得 旨依議

右 國史館本傳

先生諱岳起號小瀛滿洲鑲白旗人姓鄂濟氏舉人歷官江蘇巡
撫父長庚官侍御先生自少讀書制行刻苦堅忍久而自然畢生

無市名心弱冠侍御歿家赤貧事母甘旨無缺以孝聞讀四子書
必心會身體有所發明嘗謂學者當守乞人不屑之義爲京朝官
雖賈賻不受外任則廉俸外不名一錢勞儉若性成人見爲困乏
者適適如也至其爲政則盡心力以爲民不以潔己爲稱塞故尹
奉天革放糧陋習使瘠民腴己者絕其根株及巡撫江蘇奏肅清
漕運揭倉場漕丁需索回漕諸弊爲州縣浮收藉口請一切嚴禁
上嘉納之而民丁亦帖然稱便其他興利除害濟猛濟寬隨處
皆有條理可以知其學之有本矣卒年五十五嘉慶二十三年從
祀蘇州名宦祠

右學案唐鑑輯

岳少保起滿洲人以孝廉起家初任奉天府尹前府尹某以貪黷著公入署時命僕自屋宇器用皆洗滌之曰勿緇染其污跡也後與將軍某抗罷官 今上親政首起用爲山東布政使俄調任江蘇巡撫公以清介自矢夫人親掌簽押署中僮僕不過數人出則騶從蕭條屏卻輿轎瘦驂敝服居然寒素禁止游船妓館無事不許讌賓演劇吳下奢侈之風爲之一變實數十年中所未有者其馭下甚寬然不假以事權嘗與客共談指其侍從曰若輩惟可令其灑掃趨走烹茶喫煙而已署中政事乃 天子付我輩者安可使其與聞從來大吏多不能令終者皆倚任若輩爲心腹故也其夫人尤嚴正公嘗往籍畢弁山尙書產歸已暮面微醺夫人正色

告曰弇山尙書卽以耽於酒色故至於家產蕩然今相公觸目警
心方畏戒之不暇乃復效彼爲耶公長謝乃已故吳民至今思之
演爲岳青天歌以湯文正之後一人而已

昔蘇東坡以不及見范文正公爲恨蓋不同朝故也岳少保起入
爲少宗伯時余已任散秩大臣因直宿中禁不得常至西苑故
未能與公一會至今心猶耿耿聞公入都時已抱沈痾京中素無
邸舍因寓居友人家後病篤時遷於某寺中龕鐙總帳渾如旅客
實近日大僚中所罕見者其夫人賴友生爲之置室親織紡以度
日而其本旗都統某因公有代屬員分賠款項立偪夫人鬻室充
公人皆爲之切齒未逾歲某卒以貪事敗死

右錄宗室昭榘

序

國朝耆獻類徵初編卷百八十九目錄

疆臣四十一

方昂

汪志伊

成齡

鄂輝

許兆椿

李堯棟

台布

汪日章

國朝耆獻類徵初編卷百八十九

通奉大夫前署江西巡撫江西布政使司布政使湘陰李桓輯
疆臣四十一

方昂

劉文正公有言曰士大夫必有毅然任事之心而後可集事必無
所牽就附合而後能毅然任事又必一塵不染一念不私而後能
無所牽就附合至於仕宦升沈則有數焉君子弗論也余承師訓
恆抱愧心乾隆庚辰分校會試得諸子桐嶼其性剛勁無所阿雖
登鼎甲入翰林卒外調一郡坎壈以沒巧宦者恆指爲前車然桐
嶼乾隆壬午典試山東得方子坳堂剛勁過於其師固未嘗不以

國朝典章類考卷之九十一
功名終蓋坳堂自辛卯成進士分刑部舉習得貴州司主事癸卯
遷浙江司員外郎丙午遷雲南司郎中己酉出爲江西饒州府知
府庚戌遷江蘇蘇松道有足之者遂以病乞歸壬子病痊仍往江
蘇候補甲寅署理松太道旋補江甯鹽巡道嘉慶戊午遷貴州按
察使己未遷江蘇布政使庚申閏四月以積勞成疾奏請解職遂
以是月卒其在刑曹也值新更秋讞之例凡金刃殺人之案槩定
爲情實坳堂分別其輕重固爭不得後果蒙 高宗純皇帝指示
改正緣是爲同事所服亦緣是爲同事所忌淹滯殆十年又嘗兩
上書與司寇爭司寇雖微愠而心重其人故卒排羣議而特薦之
其在饒州也值阮光平入 覲沿途守令多釀金飾供帳坳堂曰

聖天子以威德服四夷非誇以靡麗也戒所屬皆勿與頗忤上官既而密偵其居官實一介不取乃轉以此知坳堂諸事倚重焉其初擢蘇松道也饒州新守已任事坳堂具船將行矣適營弁緝鹽波及良善眾洶洶不平營弁遽以民變告且請徵兵坳堂曰新守與民未相習民弗信也乃自出曉諭捕首倡二十五人分別置法而申請上官褫營弁不動聲色大難立平其署松太道也閩廣洋盜竄入吳淞總督巡撫提督會師於寶山坳堂獨建議曰衡山與大小羊山江浙之分界也港汊叢雜盜船隨處可寄旋一得風潮之便倏忽出沒猝不及防當其乘風而來迎擊之則彼順而我逆及其趁潮而退追擊之則我後而彼先是使盜常憑勝勢也請

於要隘多設伏俟其至則縱使過而躡其後過其退則扼不使前以待後隊之追剿盜雖黠無能爲也眾從其議盜果大摧時督師皆大吏坳堂一監司耳卽坐受指揮未爲緘默而籌畫方略慷慨陳詞以一身任勝敗之責此其用心豈苟且自全者所知乎其爲江甯鹽巡道也缺至清苦而繁劇特甚坳堂緝訟師剔衙蠹戢强暴弭盜賊事事注以全力而尤以砥礪風俗爲先遇事則我用我法若不知有宦途酬應事同官習聞其丰采亦不以爲訝也其爲貴州按察使僅八閱月爲江甯布政使僅三閱月沈幾默察尙未肯輕有作爲然其以病乞歸也 硃批奏摺有此人可惜之旨然則坳堂之生平 天鑒之矣使其沈痾早瘥開府建牙固掌握

中事卽天不假年未竟其用而以孤寒下士中朝無葭莩之親又負其磊落之氣動與物忤而敷歷中外亦不爲不通顯然則剛柔者性也人所自爲者也窮通者命也天所預定而人無預焉者也觀於坳堂可知桐嶼之顛躓乃命之所爲卽使曲意脂韋不過自喪其所守安見策高足趨捷徑必一一紆青拖紫歟吾於是益信劉文正公之言不必以桐嶼之事遂猶豫不果矣坳堂諱昂字叔駒一字訥庵坳堂則其別號也先世歛人至 贈通奉大夫持干公始占籍山東歷城卽坳堂之考也娶楊太夫人又娶朱太夫人是爲坳堂之生母坳堂生於乾隆庚申五月十四日卒於嘉慶庚申閏四月二十八日年六十有一元配楊夫人繼配趙夫人並早

國朝書局叢刊
卷一百一十
三
卒又繼配吳夫人子四世平世與世德世絃女三一適金鄉張鎮
峯一適吳江周霞一未受聘孫一某世平等將以某年月日卜葬
乞銘於余余素重坳堂之氣節乃不辭而爲之銘銘曰
佳城一閉泉路寂寥吾不知千百年後或鬱松柏或翳蓬蒿然銅
棺可朽鐵骨則不銷

右墓誌銘紀昀撰

公諱昂字叔駒其先由歙遷於義烏自公祖諱紹倫以上居義烏
二十三世至公考諱起英乃遷歷城祖考皆 贈江蘇布政使公
十三歲而孤貧甚爲歷城諸生親執薪汲以養母而其意怡然乾
隆壬午科舉山東鄉試辛卯恩科成進士授刑部主事居刑部十

餘年再擢至郎中其執法平用心仁恕屢以此與上官爭至忤而
公不變所守乾隆五十四年授饒州府知府饒州人甚愛之尋歲
命擢爲江蘇道交印將發矣而營弁以捕私鹽擾民於德興民
大驚恐皆欲奔亡公曰吾不可辭此責馳往民見公卽定公旋請
削武弁職而實民之犯官鬪眾者於法然後至江蘇待缺以委審
積案三百餘勞甚致疾暫解病痊引見復發江蘇署松太道事
值海上盜近寶山總督率兵至寶山防之公籌軍需甚備盜旋去
公乃建八策大府頗用之以弭後患次年補江甯鹽巡道公以爲
吏治不善與民俗之惡二者每相因而益甚故與諸生庶民語皆
諄諄教之如子弟知其貧乏者時濟以資至懲治姦蠹則極嚴峻

嘗早暮聽訟不懈民益趨公所而訟人或謂此非觀察之體也公曰然使舉吾職視不肖令長盡汰之吾坐受成豈不善然其勢不得非如此何以盡吾心哉自公臨江甯凡五年吏民風習之尤惡者大抵皆革而士皆親公矣旋擢貴州按察使行日民涕泣送之連塞數十里公亦爲泣顧而不忍去 今上夙聞公治名矣及臨太政卽擢公爲江蘇布政使公至江蘇甚欲有所建而已被疾百日而卒嘉慶五年閏四月二十八日也年六十有一公爲人孝友仁厚雖家去義烏而修祠墓厚宗族皆盡其禮意作詩文不多而自然穎拔讀者知其爲奇人也夫人歷城楊氏生子世平女二壻張鎮峯周霞繼娶海陽趙氏生子世興世德又繼娶上元吳氏生

子世紱女一未字世平奉公葬歷城之某山桐城姚鼐居江甯時親見民之戴公甚也爲之銘曰

卓犖其才勤撫眾黎用意愍愍天子既知作屏海淮任荷當時宐壽以祺而早謝之家貧子羸舊民載思作是銘詩以告萬期

右墓誌銘姚鼐撰

匡
年
月
日
系
ノ
イ
イ
ニ

三

汪志伊

汪志伊安徽桐城人乾隆三十六年舉人充四庫全書校對四十三年議敘知縣籤掣山西四十九年補靈石縣五十一年遷霍州直隸州知州五十二年擢江蘇鎮江府知府五十三年調蘇州府知府五十六年二月授蘇松糧道十二月升江蘇按察使五十八年遷甘肅布政使六十年調浙江布政使嘉慶元年十月因蕭山縣額徵地租報解遲延督催不力以致杭州乍浦二處滿營養贍錢文三月未放經署將軍成明奏參 上以汪志伊既未能先事催徵又未奏明籌款給發 命解任交戶部侍郎台布赴浙審訊尋訊拘緩屬實並無別項情弊請交部嚴議部議降二級調用得

旨汪志伊降調事屬因公並聞其平日操守尙好著加恩補授江西按察使但伊此次獲咎較重卽補授臬司未免過優所有降調處分著改爲革職畱任帶於新任二年四月授福建布政使九月擢巡撫十二月漳泉盜首王騰等糾眾行劫客貲復拒捕殺傷弁兵志伊提訊後未卽正法仍具奏 上以決不待時之犯輒復拘泥請旨致兇暴暫稽顯戮殊非整飭海疆之道嚴飭之三年五月奏水師人材難得請寬舊案疏防處分服制未滿人員與無服各員一體揀選先准升署副將參將請仍兼用本省人員遊擊都司守備於兩省通融撥補疏入報 聞四年五月奏閩省州縣經收糧米限期過緊處分過嚴請仍以一年爲限升調各缺難得合例

人員請不拘三年俸滿及參罰十次以內之例人地實在相需仍得據實奏請通省攤扣軍需爲數過多恐有藉爲口實侵蝕倉庫之弊應請援免得旨軍需一項照原扣三成減二餘如所請十二年二月奏閩縣知縣王紹蘭守潔才優洵爲出眾循吏請量加鼓勵諭曰王紹蘭原係好員朕已早知其名見今在京大臣業已三四人在朕前密保者朕正欲降旨詢問該員官聲若何今汪志伊復將該縣居官實蹟破格保奏可見該撫於察吏尙能畱心王紹蘭卽著加恩送部引見另候擢用志伊因閩洋地面常有盜船游奕飭屬緝捕節次擒獲首夥盜犯多名及船隻礮械均先後奏聞會福鼎縣有匪徒倡立天地會經御史梁上國奏請查辦御史黃

照復請嚴懲漳泉府屬會匪並械鬪惡習 敕下志伊嚴密訪查
五年四月疏報漳泉一帶匪徒節經剿捕均知斂跡 諭曰該處
會匪素以三指爲號更非持咒念經之邪教可比其滋事不法者
自應有犯必懲若並無犯事實跡遞行查拏徒滋紛擾轉恐激成
事端該撫惟當鎮靜妥辦固不可姑息養奸亦不可操之已蹙請
奏稱漳泉所屬之龍溪詔安馬港海澄四廳縣地方經遴員力加
整頓以來見在民間均不械鬪 諭曰察吏爲安民之本欲使民
風丕變必先吏治肅清龍溪等廳縣一經良有司認真整飭百姓
皆知改除積習是小民不難於化導要在親民之官得其人汪志
伊總當於平日遴擇賢員俾之實心任事爲正本清源之道五月

刑部題稱福建盜匪方城等行劫民人陳維番銀並將事主擄禁勒贖 諭曰閩省盜賊肆行已非一日不但明肆劫掠且因贓不遂意往往將事主關禁勒銀取贖情節實爲可惡總由地方官置若罔聞甚或將呈報之案延閣不辦有心消弭以致釀成刁俗爲地方大害汪志伊何毫無見聞任聽屬員蒙蔽抑或明知不辦甘蹈諱飾之咎著卽嚴切查辦毋稍疎縱六月復有閩商黃豐勝等行至鹿耳門地方遇盜被劫 上切責之是月泉州府知府錢學彬呈請改補京職志伊輒偕總督玉德入奏 上以旣稱錢學彬氣局不能開展遇事竭蹶又云年壯才明在任並無貽誤殊屬自相矛盾傳旨申飭旋奏錢學彬在知府任內有任聽家人李玉句

串司獄舞弊焚贓之案得旨該督等於錢學彬平日居官政績漫無覺察輒據稱冒昧陳奏茲查該員任內果有此等昏庸不職之事是察吏不明咎無可辭俱著交部議處尋議革任上寬之先是玉德奏請酌減福州等府官辦盈餘引額格於部議十月志伊復疏言晉江等四縣最爲賠累籲懇刪減溢課如所請行六年十月因病請解任調理七年二月回籍諭將病狀隨時奏聞八年四月病痊入覲得旨以二品頂戴署理副都御史五月署刑部左侍郎旋赴江西鞫案途次卽簡任江蘇巡撫十一月給事中蕭芝奏請於南方產米之鄉官爲採買由海道北運命志伊議奏尋奏江蘇地隘人稠日食浩繁若再加採買恐致有妨民

食至海運風信靡常耗費亦爲繁重實屬窒礙難行 諭曰原係
必不可行之事然若不交議又謂朕不聽言矣爲君難於此益知
九年十月江南清口一帶河口淤淺回空幫船未能飛挽渡黃
上念軍船停泊日久食米恐致短缺 諭志伊豫籌米石旋奏稱
碾動常平倉穀三千石備撥尋河流通暢另行存貯會新漕減運
命酌量採買米石搭解旋奏稱安省民田有每歲兩收者若令
花戶於七月內完納漕糧派撥減歇軍船領運則九十月內必可
到通江西湖廣兩省均可如此辦理 諭曰前經降旨令有漕省
分酌量採買米石搭運解通原因江浙等省明歲新增蠲緩多至
百餘萬石計算通倉之數將來恐有不敷是以不得不預爲籌備

乃本日汪志伊覆奏殊不成話向來完納漕糧例於一月開徵若於七月間先令完納無論小民未必樂從卽或照此辦理如屆十月內仍行徵收則是一歲兩徵國家無此加賦病民之事若十月內不再徵收來歲到通米石仍屬短絀又於國計何益所見甚屬迂謬斷不可行尋覆奏陸續採買米十二萬石搭幫漕帶報聞十年九月奏報連獲洋匪蔡文秀周文達等行劫二案得旨嘉獎十一年正月疏言蘇州省會爲人文薈萃之區向有紫陽書院近來文士日多必須擴其肄業之途廣爲教育請增設正誼書院允之是月雲貴總督伯麟奏滇省辦解京銅請於江楚兩省遞運 敕下志伊議覆疏言江南一省沿海沿江以及河工漕務事

務殷繁各州廳縣斷難驟易生手若令解運京銅勢必紛紛調派
盡委試用人員署事於河工海防收漕等項均恐有誤疏入 命
仍循舊章滇省委員徑運以歸簡易八月擢工部尚書十月授湖
廣總督十二年正月銀匠陳信義父子侵蝕武昌通城棗陽光化
穀城等五縣徵解錢糧事覺信義旋畏罪自盡志伊僅將信義之
子士芳問擬斬候經刑部議駁 諭曰此案與直隸司書王麗南
挖改庫收虛冒錢糧一案如出一轍乃汪志伊奏稱祇係銀匠侵
蝕舞弊各縣並無商串分肥情事未免存化大爲小之見且王麗
南卽時正法此案僅將陳士芳問擬斬候亦屬輕縱所辦未爲允
協試問州縣徵解銀兩例有申解批文司照庫收爲憑何以一任

銀匠侵吞至一萬餘兩之多彌縫至數年之久此而謂非官吏通同舞弊其誰信之 命吏部侍郎玉麟往鞫尋訊明實係陳信義洗改照收朦混所致請將陳士芳卽行正法徵解各官吏各祇失察汪志伊尙非化大爲小惟原奏未將各情節詳晰聲敘請交部議處 上寬之十月福建巡撫張師誠奏歷年未結詞訟至有二千九百餘案請將歷任巡撫分別查辦旋查明志伊在任四年未結案八百餘件莅任久而積案最多下部議處尋議降二級調用得 旨寬免十二月因楚省兵糧漕運不敷支給率將捐監一項擅行動撥部議褫職 諭曰外省捐監銀兩前經降旨諭令各督撫隨時解京不准擅行動撥卽該省遇有緊要撥用亦當奏明請

言似此率意徑行豈不開地方那移之漸自應加以懲處惟其咎
尚不至於革任著從寬改爲革職畱任十四年正月 諭曰向來
鹽引滯銷皆由私梟充斥本年江安一帶經鐵保派員查獲著名
梟犯官鹽卽報銷暢旺因思兩淮行銷綱地江廣二省尤多鄰私
侵占在所不免該二省雖設有卡隘查緝恐日久視爲具文汪志
伊不可不知奮勉尋疏言近於襄陽之老河口小河口鄖陽之夾
河關黃新灘分設卡隘並專派襄陽同知米宗騰督率稽查以杜
透漏先後起獲私鹽不下二萬餘斤又奏報見獲拒捕梟犯多名
暨奸販囤戶提省懲辦 上嘉之十月恭逢 五旬萬壽開復歷
任處分是月遵查漕務積弊疏言有漕省分自應督率各州縣徵

收好米兌交運丁運丁亦即以好米運赴通倉交卸其未經兌船
之先責成州縣既兌之後責成弁丁 上是之十五年正月 諭
各直省督撫查訊漕船陋規嚴行禁革志伊疏請自本年爲始令
旗丁由糧道衙門領銀時以至過淮抵通出具書役經紀人等並
無需索陋規甘結該旗丁等儻被剋扣需索必不甘心出結或有
扶同徇隱者與受同罪得 旨裁革陋規最爲切要勉力辦理九
月調閩浙總督十六年六月來京 陛見先是志伊在湖廣總督
任內有應山縣民喻春謀殺胡紹德一案業經原審之縣令錢丙
曜訊明詳報因喻春之母喻李氏以刑求誣服入控 命志伊親
提嚴鞫輒委同知劉曜庚賈鈞審訊遂誘誣翻案以無辜之民人

葉秀頂兇因賊證全無案懸待質嗣湖北巡撫同興爲之平反據實奏參至是 召對又爲劉曜庚等剖白心跡且情願代認處分上以其偏執已見下部嚴議尋議照迴護原參不行審雪例革職得 旨改爲革職畱任十九年遵辦編查保甲疏言牌甲保長不應派以緝拏人犯催徵錢糧惟編查戶口稽察匪類是其專責三年後果有成效加以獎賞其怠玩者隨時革究至沿海及內河大小船隻請設簿登記按季查照如所請行三月疏稱福甯府屬之三沙等處海口向以蔡牽朱濟二逆未擒前總督阿林保奏裁督糧道改爲分巡甯福海防兵備道今海氛平靖請復爲督糧道移駐省垣統轄全省糧糈以專責成 從之十月浙省民人朱友

堂僞造諭旨 命備戶部侍郎成格刑部侍郎陳希曾會鞫得實
二十一年十一月前署龍溪縣改教知縣朱履中稟許升任藩司
李賡芸前在汀漳龍道任內收受陋規志伊派福州府涂以勅會
審訊據朱履中所指各款均係地方公用自認誣控志伊與巡撫
王紹蘭疑有賄和消弭情事固執駁飭涂以勅卽心存迎合輒於
李賡芸供詞內添捏朱履中曾代墊過修船洋銀一千六百餘圓
又復厲聲拍案肆意僞誣致賡芸含冤自縊二十二年正月事
聞 命侍郎熙昌王引之往鞫果因志伊等僞令誣認所致 諭
曰李賡芸係良吏舉國皆知汪志伊王紹蘭必欲令其受貪汙之
名以致僞斃其命此而不加昭雪黑白混淆成何政體五月讞定

得旨汪志伊年已衰邁辦事復如此謬誤毋庸交部嚴議著卽革職永不敘用二十三年二月故

右 國史館本傳

實心藏者兵部尙書總督閩浙軍務桐城汪公之生壙也公自言平生惟矢心去妄而存實焉此念無間於終身故以名其壙且著說以示子孫以謂歿且不棄實心況生者乎又以說寄同里姚鼐使爲之壙銘鼐謹按公名志伊字稼門以乾隆八年正月□□日生年二十九中乾隆辛卯 恩科舉人其歷官爲靈石知縣霍州知州鎮江蘇州知府蘇松糧道江南按察使甘肅浙江布政使福建江蘇巡撫工部尙書湖廣閩浙總督其政績之美甚眾而其尤

情實矣公驗其兇刀甚小與傷痕不合所敘情節甚乖舛執以爲誣欽差至猶頗以翻眾案爲難也公辨之詞證明而義堅正木成卒得生公名由是大起東南之漕爲天下至重公爲糧道及浙藩尤爲清理之使輸者不困而官運充自昔江漢汎溢沈浸民田或數十年且數百里公督湖廣時奏請建閘濬河而建立隄工親往督視用財實而工鞏至今爲利其察江盜尤嚴密法當而令行及在閩治海盜事皆整辦江海行者靡弗頌焉其自勵訓士及誨其家子弟一皆出於儒者之正義而歸於實心則公所自得之要也是藏成於嘉慶二十年公年七十三矣猶謂古人多以垂暮之年

復大建勳業若漢趙營平宋文潞公皆以八九十而更有事功載
於史傳今公雖逾七十而精神尙健足爲 國任前日之事可書
後日之業吾不能紀然惟一以實心之道成之則事雖未見理則
可明大人君子之道一於誠而已以是作公藏豫銘可也公曾祖
諱□□祖諱□□考諱□□皆以公貴 贈資政大夫妣皆 贈
夫人公夫人姚氏先卒已別葬子□□□孫□□銘曰
國政巍崇寢食之細悉以誠將一言可蔽猗惟汪公名德重臣塞
淵其心自矢畢身其行未央焯其已見銘告千禩爲士林勸

右實心藏銘姚鼐撰

兵部尙書閩浙總督汪公志伊字稼門桐城人乾隆辛卯舉人以

知縣起家歷江蘇巡撫兩湖總督內召工部尙書改督閩浙風
裁嚴重所至勵節操飭吏治處事堅定有古大臣風同時督撫咸
推敬之嘉慶初白蓮教既平兩湖多盜江上尤甚公嚴治之多所
誅捕始靖公去久而民益思之二十一年公在閩藩司李麩芸爲
改教知縣朱履中所訐謂李爲汀漳龍道修軍船假用其三千金
李固公所薦舉也素有廉稱公弗之信而不敢隱請勘問而厚李
者咸爲李周旋履中言前稟非其所爲乃家人何佳竊印文妄訐
公以其辭不情斥之索問何佳則烏有也公怒嚴鞫履中吐賄和
狀且出在漳用銀簿爲證李不肖承福州守涂以輶隨兩司會鞫
李堅執如初案久不定公促之李乃縊公乞病退上別命大臣

往勘厚李者復謀使人呈請爲李建祠言其清操而陰爲飛語都中謂督撫與李有嫌涂以鞫勒供致自盡遂坐履中誣訐與以鞫皆論遣公與巡撫革職閩中人知其事者謂漳厥修船例由龍溪縣申文領價歸道承修司銀未至縣中暫墊而道償之非贓私也李爲人狷急素以清名恐涉嫌不承公峻待紳士不禮於公者皆恨公而厚李建祠之請以中公也或曰李供詞頗涉及厚李者故與汪公爲難然其人亦公所薦舉游致閩督乃陰險如此今諸人皆歿矣未審地下作何相見也李僅一子有神童譽李死後兩歲而亡竟無後

右識小錄姚瑩撰

國朝通志卷之二十一

三

成齡

成齡鈕祜祿氏滿洲鑲黃旗人乾隆三十六年由侍衛處筆帖式調步軍統領衙門筆帖式四十五年升主事四十八年三月遷員外郎五月調戶部緞匹庫員外郎仍兼步軍統領衙門行走五十年授福建汀州府知府五十三年調福州府五十四年以緝獲海盜柯啟得 旨嘉獎五十五年擢湖南糧儲道嘉慶元年逆苗石三保等作亂成齡隨四川總督和琳勦之以收復乾州功 賞戴花翎八月調辰沅永靖道四年擢貴州按察使五年調湖北按察使七年調福建按察使八年遷湖南布政使十年擢安徽巡撫十一年調山西巡撫先是吉蘭泰鹽務經欽差工部左侍郎英和內

閣學士初彭齡奏請改隸河東鹽政卽令河東運商兼辦嗣經署
巡撫金應琦奏請另行招商至是下成齡議成齡亦主分辦並詳
定河東鹽務章程列款上之一陝西鳳翔府入屬向食花馬池鹽
今應改銷潞鹽邠州暨所屬二縣向行潞鹽其地距花馬池較近
應令食花馬池鹽一巡按河東鹽務監察御史印內應添鑄吉蘭
秦三字並鑄給河東道兼管山西陝西河南鹽務關防陝西鳳邠
道甘肅甯夏道兼管鹽務關防一改甯武府府同知爲河東監掣
同知仍駐運城一陝西花馬池鹽課大使舊改爲分防縣丞今應
復設大使原設鹽知事併歸經歷管理一監掣同知磴口運判河
口批驗所大使定爲繁難要缺東場大使改爲繁缺西場中場及

新設之磴口吉蘭泰大使均定爲簡缺下部議行十四年四月以前在安徽巡撫任內阜陽縣民金博槍斃竊賊梁均贊原審擬絞成齡改爲拒捕仍照原擬科罪刑部議駁原審官分別降革至是已革知府樊晉在省呈控降 旨查詢成齡自行陳明部議革職諭曰成齡審擬絞犯金博一案未能究出實情又復刪改供招咎有應得但於罪名尙無出入著從寬改爲革職畱任七月調陝西巡撫十二月以在山西巡撫任內查閱營伍需索州縣供應并失察家人得受陋規署巡撫初彭齡劾之下部議革職十五年四月以六部主事起用六月補兵部主事十二月授直隸霸昌道十六年六月內遷大理寺少卿是月擢刑部右侍郎兼鑲黃旗蒙古

副都統八月復授山西巡撫十一月復授刑部右侍郎十七年正月兼鑲白旗滿洲副都統十一月調戶部左侍郎十二月調吏部右侍郎十八年三月轉左侍郎九月升工部尚書尋調禮部尚書兼鑲藍旗漢軍都統十月調鑲紅旗滿洲都統十一月上祀南郊增設翊衛以成齡酌議詳妥 賞還花翎十二月 賞紫禁城騎馬十九年閏二月因擅移賢良祠牌位降藍翎侍衛充哈密幫辦大臣十月 賞副都統銜充喀什噶爾參贊大臣二十年四月擢理藩院右侍郎十一月以在喀什噶爾參贊大臣任內失察回匪攷牙墩謀逆降三等待衛充烏什辦事大臣二十一年五月召回京授直隸秦甯鎮總兵八月復擢禮部尚書十一月兼正

白旗蒙古都統二十二年四月充繙譯會試正考官尋調正白旗漢軍都統六月調鑲藍旗滿洲都統七月以太常寺清文則例廟號擡寫錯誤 命以內閣侍讀學士降補二十三年七月補官尋調大理寺少卿九月署正白旗漢軍副都統旋授正藍旗漢軍副都統十月擢吏部右侍郎十一月調倉場侍郎二十四年五月仍調吏部左侍郎兼正黃旗蒙古副都統六月遷正白旗蒙古都統八月授漕運總督 諭曰成齡曾任巡撫於外任事宜尙爲熟諳但伊前在山西巡撫任內好爲華侈致屬員加意供應因此降黜嗣復棄瑕錄用昨以漕運總督簡用乏人將成齡補授並賞用頭品頂帶成齡當倍加感激勤慎辦公於操守一事尤應力自檢

東不可因係頭品頂帶妄自尊大又復好尚華靡再蹈前轍二十
五年六月以糧船行走迅速 賞還花翎道光元年六月 召回
京八月署鑲白旗漢軍都統二年二月原品休致七月卒子重謙
見官戶部員外郎重倫見官四等侍衛孫穆昌阿見官理藩院員
外郎穆興阿見官廣西柳州府通判

右 國史館本傳

鄂輝

鄂輝滿洲正白旗人姓碧魯乾隆三十六年由前鋒校分發四川試用守備三十七年署建昌鎮越巒營守備三十八年六月隨將軍阿桂攻勦金川敘功 賞戴花翎擢甯越營都司三十九年八月擢廣東潮州鎮遊擊四十年五月擢湖北興國營參將四十一年擢貴州上江協副將四十二年四月調成都將軍標中軍副將四十五年擢四川建昌鎮總兵四十六年五月隨大學士阿桂進勦蘭州逆回 賞法什尙阿巴圖魯名號四十八年六月擢雲南提督五十一年三月調成都將軍十一月奏言新疆屯練民戶承墾地畝原借牛價口糧請寬限徵還得 旨豁免五十二年正月

署四川總督八月將軍福康安勦臺灣逆匪鄂輝奉調帶領四川
屯練降番赴閩十月得旨鄂輝久歷行陣於軍旅較爲諳習著
授爲參贊協同福康安悉心籌辦進勦十一月隨福康安渡海由
鹿仔港赴援諸羅鄂輝堵截東莊溪橋攻克牛稠山竹柵諸羅圍
解追至大排竹痛殲之及我軍進逼斗六門賊眾從山上撲殺鄂
輝分領兵練衝截之賊奔逸進攻大埔林大埔尾二莊殺獲無數
賊潰首逆林爽文由大里杙逃入內山番界鄂輝同各將弁追至
集埔五十三年正月擒獲之上以鄂輝等勇略最著令臺灣郡
城及嘉義縣建祠塑像並命畫像紫光閣御製贊曰無前出力
屯練之兵將軍鄂輝實率以行覆穴摧壘到處功成勇而有謀

國之英敘功 賞雙眼花翎雲騎尉世職七月詣熱河 陛見旋
回任時巴勒布滋擾西藏搶占濟隴聶拉木等處 上命鄂輝馳
驛抵川與提督成德帶兵赴剿復 命侍郎巴忠馳赴後藏偕鄂
輝等查辦九月 諭曰據慶林奏賊匪紛紛退去自係聞知內地
大兵將到預爲奔竄之計鄂輝成德正應會合兵力趕緊行走乘
勝追殺斷斷不可因有賊匪敗逃信息進兵稍緩又致遲誤事機
也十月 諭曰昨據成德奏仲巴呼圖克圖與章嘉呼圖克圖私
自差人與賊眾說和鄂輝摺內於講和一事竟未提及未免稍存
將就完事之見巴勒布賊眾擅敢侵犯後藏邊界業經內地派兵
前往若不示以兵威將來大兵全撤設復潛來滋擾勢必紛紛徵

調疲於奔走向復成何事體鄂輝等若尙能趕上痛加殲戮回屬
甚善儻賊去已遠不值爲窮追之計亦應將巴勒布附近邊界奪
取一二處使之震懾乞降方能蕝事鄂輝等不可不遵照妥辦也
五十四年六月鄂輝偕成德巴忠舒濂普福等奏收復巴勒布侵
占藏地設站定界事宜一前藏向駐綠營官兵五百十員名見有
駐藏大臣管轄其扎什倫布地方亦應酌撥綠營官兵分駐請於
察木多抽撥外委一員兵六十名江卡抽撥兵三十名碩板多抽
撥都司一員兵二十名前藏抽撥兵四十名以上四處共抽撥兵
一百五十名卽令抽撥之都司外委管領移駐後藏於馬兵內挑
拔二名作爲軍功外委管束兵丁再後藏旣移駐官兵由後藏至

前藏一路應分立塘汛十三處以唐古忒番兵安設每塘挑選附近番兵四五名並交噶布倫等辦給口糧均令駐防後藏都司隨時稽查管束一拉子地方請添設唐古忒番兵二百名并添第巴二名管領按年一次更換至脅噶爾番兵亦不敷防守請於拉子防兵內撥出三十名安置脅噶爾地方其薩喀一處距拉子不遠亦卽於防兵內撥出三十名輪赴該處巡哨再宗喀聶拉木濟隴等處遠在極邊其緊要處所仍須修砌卡隘堅礮以資瞭望而嚴防守一西藏官兵以耕牧爲生見飭噶布倫等按寨落名號編定數目前藏派唐古忒兵八百名後藏四百名於每歲九月望後操演至十月底止隨同綠營駐防一體練習至操演槍箭於綠營內

挑取千把并兵數十名充爲教習令其分領番兵逐日操演唐古
忒兵向無錢糧令定於派出操演日期至散操日止令噶布倫等
酌給口糧又達木兵向駐達木角地方換班應差令併歸操演番
兵內一體教習仍照舊令達賴喇嘛月給口糧又查達賴喇嘛山
上舊存大小鐵礮二十餘位請編定號數令綠營兵帶領番兵演
習施放一請於秋收後查明稞麥時值動項發交該噶布倫等在
附近各處買稞麥三千石交駐藏糧員於扎什倫布城內建倉收
貯俟採買二年後按年出陳易新以六千石常貯爲額至拉里察
木多巴塘裏塘四處糧臺皆有糧員而察木多尤爲川藏居中之
地方請一體儲備一西藏各寨落設立第巴管理缺分甚多其間

美惡不齊然皆有應辦事件請令噶布倫等嗣後無論缺分一體補放務令該第巴親往照料不許擅差家丁代往差遣堪布囊蘇赴京進貢并赴打箭鑪辦茶皆係經行內地往返需時請嗣後均由駐藏大臣會同達賴喇嘛及噶布倫等揀選妥人給與護牌將需用夫馬酌定數目註明沿途照給以杜需索一駐藏大臣應於二人內按年分爲兩次輪赴後藏巡查之便親加操演分別勸懲至藏眾散居各處耳目難周該處有噶布倫四人管理地方事務嗣後請於四人內每年輪派一人於春秋隙時親往稽查一從前駐藏大臣同居一處自珠爾默特納木扎勒滋事後房屋入官始行分駐查前藏之撒木珠康撒爾住房卽係從前珠爾默特納木

扎勒舊居其地房屋寬廠足敷駐藏大臣二人分駐且同居一處
遇有公事即可隨時商辦一西藏貿易外番必須老成謹慎之第
巴協同該處頭目專管卡契回民及巴勒布平日悉心撫馭不許
互相欺壓爭競以便秉公調處仍責令噶布倫等隨時訪察儻有
第巴頭人及官弁兵役倚勢強買苦累地方卽稟駐藏大臣拏究
一向來西藏遇有訟事係歸管理刑法頭人卽仔轄聽斷俱照夷
例分別重輕罰以金銀牛馬減免完結恐有高下等弊見在告知
達賴喇嘛及噶布倫等凡有關涉漢回外番等事均令卽仔轄呈
報揀員會同審理一聶拉木濟隴緘峽三處均與巴勒布連界邇
來販運日多巴勒布駝載貨物來藏貿易者第巴收稅加至十分

之一易致爭執以後止准減半收取並令勒碑界所長遠遵循一
西藏鹽斤於沙中刨出本不潔淨應卽挖出時交該處第巴查驗
鹽斤成色酌中定價毋許故昂任意勒買一駐藏大臣衙門向挑
官兵應役均無定額將備以下從而效尤應酌定名數按期更換
至駐藏大臣差遣官兵赴省製辦賞號之事有曠操防應咨明本
省總督飭有司代辦遇便帶藏並飭禁兵丁雇役番婦以肅營伍
一西藏噶布倫戴綳第巴等缺辦理地方管束兵民均關緊要遇
有缺出應於誠實勤安子弟中慎選承充至第巴營官商車特巴
等不下二三百缺逐一奏補未免過繁應請將大處緊要地方缺
出調驗補放其偏遠第巴等缺出仍令達賴喇嘛自行選擇一理

藩院司員並駐藏遊擊向未議給關防懇 敕部鑄給辦理藏番
事務章京關防一顆駐藏遊擊關防一顆俾辦事呼應較靈一宗
喀濟隴聶拉木等處爲巴勒布往來門戶收稅行鹽等事均關緊
要見在噶布倫揀派第巴三人分頭安設又選老成能事戴綳駐
劄脅勒爾地方統轄宗喀濟隴聶拉木三處就近稽查其缺較爲
繁重請照阿哩第巴之例由部發給號紙以專責成一從前解赴
打箭鑪口外兵餉皆係元寶迨後祇解碎銀但自省至藏萬里崎
嶇儻有挫失各站易於推卸況番地買賣交易均以元寶成色爲
足請嗣後仍照舊以元寶起運一西藏向有賞需一項係蒙 皇
上軫念達木官兵素無錢糧將三十九族每年所交例馬銀三百

九十餘兩買辦緞布煙茶銀牌按年獎賞一次此外並無別款今
既添設唐古忒番兵按期操演經駐藏大臣親查自當照例獎賞
請於川省閒款內加給銀五百兩飭辦緞布煙茶銀牌等項備賞
一口外至西藏一切事務向歸駐藏大臣管理但裏塘巴塘與川
省較近皆有土司管理原非西藏所屬應劃分總理請自南墩迤
西一路凡屬西藏所管之地照舊歸駐藏大臣管理其巴塘迤東
土司地方歸川省將軍督提衙門就近管理至江卡乍了察木多
並移駐後藏各營汛臺站統歸駐藏大臣總理其巴塘裏塘安設
塘汛官兵就近歸和卓協副將兼轄一打箭爐出口以至西藏向
於文職內派委州縣丞俸武職內揀派遊擊都司守備千總分駐

辦理三年一次更換該文武等官員遠役三年往返將及四載向來期滿並無保題升轉之途嗣後請令駐藏大臣照金川營屯各員三年期滿出具考語奏明咨送本省將軍督提考察保題仍照邊俸報滿之例一體升用其駐防官兵遇換班之期亦須選派妥幹以資防守奏入下軍機大臣議行九月鄂輝偕成德舒濂普福等奏巴勒布貢使沿途行走安靜自藏起程妥爲照料前進五十五年前藏達賴喇嘛之弟商卓特巴等在各商上漁利舞弊四月命鄂輝赴藏查辦旋鞫實以商卓特巴等解京治罪十月擢四川總督五十六年廓爾喀侵占聶拉木濟隴定日等處九月鄂輝偕提督成德帶兵進剿先是巴忠以駐藏大臣專擅藏務又素諂

唐古忒言語因投意噶布倫丹津班珠爾與廓爾喀定議歲給元
寶三百錠令退還侵地鄂輝等遂藉是議和歲事嗣因後藏捐不
給銀復致侵擾事 聞巴忠畏罪自盡 命鄂輝迅速進兵立功
自贖十月奏言賊匪業已敗回不過在濟隴聶拉木一帶觀望拒
守俟與成德抵藏設法攻取 諭曰賊匪見在濟隴聶拉木一帶
正可帶兵星馳赴藏痛殲賊眾鄂輝身爲總督應將成德行程遲
緩奏參星速趕上奮力剿戮乃計不出此坐失機會且鄂輝等身
在中途賊匪於搶掠後早經飽載而歸安得大言不慚爲此賊匪
敗回之語著傳旨申飭 命將軍福康安由青海抵藏督兵 諭
曰上次廓爾喀因鹽稅細務與唐古忒人等爭執鄂輝聽從巴忠

謬爲辦理以致復滋事端朕格外加恩不卽問罪仍令帶兵赴藏立功自贖理應加倍奮勉剋期抵藏乃竟濡滯不前坐失機會其錯謬甚大鄂輝著革去總督賞給副都統銜駐藏辦事聽候福康安調度差遣五十七年二月鄂輝偕成德等攻克聶拉木寨賊匪及福康安抵藏鄂輝督辦糧運七月奏言沿途查催定日一路糧石馳往聶拉木接濟成德上嘉之十月工部尚書和琳奏參鄂輝積壓糧運並壓閣鄂爾喀表章貢物諭曰鄂輝於糧運積壓始念伊係總辦之員彼時又赴聶拉木一帶查催勢難兼顧尙非有心玩誤而鄂爾喀呈進表貢隨不具奏鄂輝之罪實在於此邊外重務竟敢壅於上聞此而不嚴行查辦何以肅政治而飭官常

著將鄂輝革職交福康安嚴切跟究旋福康安奏言鄂輝因貢品較少不合體制先發檄駁斥擬俟廓爾喀貢使到來再辦但未能先行具奏 命解回前藏永遠枷號五十八年帶罪回京 賞拜唐阿六十年四月加員外郎銜擢熱河總管嘉慶元年二月賞給三等侍衛馳赴荊州軍營協剿邪匪三月賞頭等待衛四月賞副都統銜八月調赴湖南軍營剿捕苗匪九月永保奏鄂輝剿除鍾祥邪匪奮勇殺賊 命加太子少保並都統銜授湖南提督十月抵湖南大壩角軍營十一月率兵由老石溝山梁攻克平隴寨旋進占養兵塘山梁德楞泰爲右路攻克棊衝土貫坡湖耳坳等處石卡進偏平隴後山復奪據馬頭山餘錦坡賊卡十二月由貴魚

坡下溝深入繞出石隆山後扼要圍襲與領侍衛內大臣一等威
勇侯額勒登保等併力攻克斬首逆石柳鄧擒獲石老喬蕨功予
三等男爵二年正月督兵擒獲吳廷義並各寨賊目旋畱乾州查
辦餘匪開通道路辦理撤兵善後各事宜九月擢雲貴總督十二
月抵黔撫勦狃苗並搜查安順興義及馬乃屯鑼鍋背松等處苗
黨均得 旨交部議敘三年六月卒遺疏入 諭曰鄂輝自擢授
雲貴總督以來辦理苗疆軍務一切事宜奮勉妥協著加恩入祀
賢良祠其前賞三等男爵卽著伊長子鄂彌善承襲 賜卹如例
諡恪靖四年十月以鄂輝前在湖北辦理教匪時於軍需項內得
受餽送銀四千兩 命撤出賢良祠子鄂彌善見襲男爵

右 國史館本傳

國史館本傳 卷之二十一 臣四十一 三十一

國朝通志卷之六十四

三

許兆椿

許兆椿湖北雲夢人乾隆三十七年進士改庶吉士四十年散館授職編修五十一年升福建道御史十月以湖北孝感縣武生梅調元活埋多命一案本籍科道未能奏參奉旨交部議處降一級調用遵例捐復對品補用五十二年選補刑部員外郎五十五年升郎中五十九年授松江府知府六十年調江甯府知府嘉慶六年擢江南河庫道八年調蘇松糧儲道九年擢江西按察使十年調浙江按察使十一年升江甯布政使十三年六月擢刑部右侍郎轉左侍郎十四年調補倉場侍郎四月授廣西巡撫尋以倉場侍郎任內舊太倉米色霉變不行查明率請交放經欽差旗漢

軍都統蘇德將米色包封呈驗請旨懲辦命吏部議處降二級留任先是許兆椿偕倉場侍郎福慶密奏通州中西二倉白米多有虧缺並有積蠹高天鳳私用花押白票裝米出倉種種弊混

上命侍郎托津及福慶會同新任倉場侍郎玉甯戴均元詳細查勘五月托津等查明西倉地字廩短少白米七百餘石中倉法字廩短少白米四百餘石此外廩座與原貯數目多有不符提訊高天鳳確係積年在西倉經手糧務之人奏請解交刑部審辦

諭曰福慶與許兆椿到任未久能將此等積弊訪查奏聞得以根究查辦尙爲畱心伊二人前因舊太倉米色霉變部議降二級處分著加恩銷免十二月授漕運總督十五年偕兩江總督松筠奏

請減造江廣漕運剝船五百隻節省銀四十萬兩分撥江廣三省
發商生息以爲隨時修船之費 上韙之十一月以回空漕船渡
黃安速 命交部議敘十七年五月以南糧於四月二十八日卽
行全數渡黃復 恩予甄敘七月奏浙省温州後五幫漕船旗丁
疲乏經漕督鐵保於嘉慶七年疏請停造十八隻將所有糧米灑
帶本幫其應領錢糧卽照灑帶米數分給各丁十年後察看情形
如果丁力漸殷再行成造茲屆十年期滿查丁力仍屬拮据承僉
造船費屬不易且該五幫自停造疲船以來本幫灑帶漕米每船
祇多裝六七石並無負重之虞每年各丁攤給錢糧三四十兩
於見幫亦多有益請將疲船永遠停造以省幫累 上允其奏尋

以倉場侍郎榮麟等奏查驗興武六幫米色灰暗分別辦理奉
諭此次蘇松兩屬漕糧灰暗者多至數千石許兆椿僉盤草率著
交部察議尋議降一級留任八月補工部右侍郎轉左侍郎十八
年正月調吏部右侍郎三月授貴州巡撫會黎平府苗匪歐桃等
欲爭占學額藉向各寨斂錢漁利恐生童應考所圖不遂造貼無
名傳單多方嚇阻並糾無賴苗眾將應試之三十五家肆行搶劫
拆毀房屋兆椿移檄古州鎮總兵帶兵六百名馳赴黎平擒獲歐
桃正法傳首犯事地方並首從一百五十一犯全數弋獲依律嚴
辦奏入 上嘉之十九年正月補刑部左侍郎四月署倉場侍郎
尋授浙江巡撫未至任以病奏懇開缺調治是年五月卒二十一

年題准入祀江蘇名宦祠

右 國史館本傳

李克棟

公諱堯棟字東采又字松雲李氏世居上虞後遷山陰之趙墅村
曾祖諱士珍河南彰德府通判祖諱光昭直隸東安縣知縣考諱
浚原舉乾隆庚午順天鄉試仕至臺灣兵備道妣梁太夫人文定
公國治妹也有子三人公爲長公少秉異資讀書過目不忘爲文
章清麗雅贍操紙筆立就十八舉於鄉二十成進士改庶吉士習
國書散館授編修四庫館開充永樂大典纂修官其奉使事庚子
丁未兩與會試分校癸卯典試江西丙午典試福建其官階充文
淵閣校理日講起居注官右春坊右贊善左春坊左中允乾隆庚
戌京察一等授常州府知府調江甯丁父艱歸服闋選授雲南東

川府以母年老改近調山東泰安再調濟南以迴避門生方提刑
維甸歸里居二年謁選授江南徐州府調福建延平丁母艱歸服
闋授四川雅州府調成都擢建昌兵備道晉貴州按察使調江蘇
按察使署江南布政使調雲南布政使晉雲南巡撫調福建巡撫
未之任署雲貴總督調湖南巡撫 今上卽位 命來京以三品
京堂候補道光元年九月初八日卒於寓享年六十有九公少以
文學有聲館閣中而勤敏其職讐校祕書詳覈審慎 高宗旣知
公矣又嘗代撰進日下舊聞考表文 高宗覽之而亟稱善焉公
又工於應制文字屢任衡文之役向例主江西試正考官多卿貳
而公以編修被 命異數也其前後所拔取多知名士後多歷卿

貳任封疆者人謂公久居京職旦晚可躋卿相而公顧乞外迴翔二十餘年乃終陟封疆之任雖未足以盡公然觀公爲政知大體能因地措施以宜民而不爲趨避矯激之行則知公固有幹濟才而非徒以詞章著者也公在濟南時巡撫陳大文治尙嚴公輒侃侃與爭是非及居延平則一以簡靜爲治其在建昌中瞻對土司洛布七力抗拒官兵大府命總兵羅思舉勦之公駐打箭爐籌辦糧餉設議置礮以擊碉樓葺役敘績 賞戴花翎其自雲南布政使入 覲而歸也於途次膺 仁宗擢任巡撫之 命馳驛往滇助總督進勦臨安夷民高羅衣爲亂事至滇而事已平云助鞫囚誅渠魁數人而分別治其脅從者所全活甚眾既奏請緩徵建水

蒙自二縣之被兵而誤春耕者又以爲滇南夷番借處易起爭端
思患豫防奏陳十款下部議施行邊民德之嘉慶戊寅緬甸之木
邦新街夷民爲亂緬甸遣兵攻捕議者慮夷民竄入煽動內地公
乃嚴飭邊防而於所獲竄入之夷民許緬甸求請發還自爲懲治
邊境以安其在湖南湘潭商民互鬪讎言至京師獄久未決公至
旬餘廉得其實定讞具奏戮十三人而已眾咸以爲允也蓋公之
爲政得大體如此其爲雲南山川地理圖二卷夷人圖二卷圖後
各係以說蓋續成前巡撫陳若霖奉 仁宗諭旨特辦未就之書
及其扞修四川通志詳實不蕪而以公帑五百緡購書以惠湖南
嶽麓書院之士子則又公博聞精識嘉惠士民之大者若其爲江

甯建長干橋繕莫愁湖贖園而誌以詩築補梅亭於湖南節署以誌嗣美梁文定撫楚之名蹟風流輝映世豔稱之又其餘也用光當乾隆癸丑歲謁公於江甯嘉慶辛未遇公於蘇州見公手寫十三經而質以所業公所以期許者愧未足以副之也今年公來京謁公於法源寺詢公詩文公笑曰予生平未嘗禍黎棗不以自信也詢湘潭事公曰僣言不足信也始覺由江西商民而繼則湖南之報怨其所云掠殺之子女後其父母皆獲得之則未嘗掠殺矣戮爲亂者十三人非寬縱也余謂公論得其平惜欲詢以贍對事而公已卒矣公子罔以神道碑文屬用光曷敢以不文辭公所著有寫十四經堂詩集十二卷樂府詞各一卷又奏疏二十卷皆藏

於家公家世子姓詳墓志茲不具銘曰

懿鏗李公以文起家究是儒術義穗仁芽壯歲乘輶中年露冕施
吾鈴鍵俾民宴衍新雨之堂榮誌天褒良二千石式此詞曹委畀
既隆外攘內靖不茹不吐施于有政愔愔宴寢矻矻寫經匪日澤
古曷駿惠聲素絲之節緇衣之好廉己厚人施不望報臚厥嫩行
儒者慕思儀型有位視此銘詞

右神道碑銘陳用光撰

按李公乾隆三十七年進士

台布

台布正藍旗蒙古人姓奇普褚特乾隆三十七年由繙譯生員補理藩院筆帖式四十七年擢額外主事四十八年承襲騎都尉因習唐古忒蒙古托特等字理藩院奏畱辦事兼軍機處行走四十九年補理藩院主事五十年遷員外郎五十三年補公中佐領遷郎中五十四年調戶部銀庫郎中五十七年調工部郎中擢內閣侍讀學士五十八年遷內閣學士兼禮部侍郎五十九年授鑲紅旗漢軍副都統仍兼內閣學士六十年正月調正黃旗滿洲副都統以署軍機大臣 特賞戴花翎九月擢工部左侍郎嘉慶元年調戶部右侍郎二年正月以太僕寺少卿初彭齡劾奏江西巡撫

陳准信用南昌縣徐午串通舞弊 命偕兩江總督蘇凌阿馳往

按狀讞定卽以台布署四月調署廣西巡撫尋奏言粵西兵赴黔
攻勦需役擡運礮位軍裝黔省雇募維艱請雇長夫以利兵行得

旨允行三年奏粵西錢賤銀貴請將錢文搭放兵餉並酌減寶
桂局額設鑪七座以節糜費四年正月實授廣西巡撫八月調陝
西巡撫五年正月奏言鄉勇一項未便深恃請俟軍務告竣編入
新設標營以資管束又奏賊匪逸出老林後往來折竄必須分路
兜截庶免句結隨督綸布春桑吉斯札克塔爾等由張家溝觀祥
盛成阿等由七佛溝截勦殲賊甚眾獲賊首高遇春解省訊辦又
奏上年十月進山修築寨堡一事每皆觀望經臣繕發告示派丞

倅佐維攜帶分途曉諭遂踊躍興工計商南五鄆等廳州縣其築寨堡五十一處 上命軍機大臣傳諭曰台布自分兵專辦南山賊匪以來將從征日久疲乏之兵量加裁汰重爲整齊實力妥辦不稍存畏難之意確探川匪竄出其地卽趕赴子午谷迎頭攔截所見甚是二月奏陝省近來吏治廢弛官吏不相浹洽各州縣團練鄉勇呼應不靈臣將向來累民陋規革除並明白曉諭激以大義見擬近山處派鄉勇二三千人分守山口 上命軍機大臣傳諭曰賊匪狡詐百出凡遇官兵迎戰先將裹脅難民當前精銳在後我兵當專注賊匪精銳及馬隊之賊奮力衝擊方爲得手今台布所論與朕意合深爲嘉悅但當依計而行不可虛託空言又奏

官兵連獲各股賊眾并擒斃首逆得 旨嘉獎三月奏請將西鳳漢興各府及商邠等州縣被賊地方未完錢糧分年帶徵奏入報 可是月 諭於五郎廳新設總兵一員賜名甯陝鎮從台布請 也四月以賊匪竄入豫境革去花翎閏四月額勒登保奏在商雒一帶痛剿賊匪 諭曰那彥成長麟台布與額勒登保同係辦賊之人今既將賊匪截回俱著加恩賞還花翎六月 上以台布在陝未能督率將弁剿截致賊匪西竄并致糧運缺乏革去翎頂仍 交部議處八月奏添設甯陝城守營都司額設營兵五百名十月 因豫省赴陝協剿兵丁鹽糧遲運部議褫職 賞頭等侍衛 命 往西甯辦事八年六月以病奏請回旗調理十一月病仍未痊乞

解退頭等侍衛九年本旗奏世職襲次已完並解退騎都尉十年
四月卒

右 國史館本傳

汪日章

汪日章浙江錢塘人乾隆三十七年由舉人考取內閣中書三十八年在軍機章京上行走四十一年七月丁父憂四十三年服闋四十五年升兵部主事四十六年八月升員外郎十一月記名以御史用四十七年升郎中四十九年授江南道御史五十三年十一月丁母憂五十六年服闋補福建道御史十二月轉掌貴州道御史嘉慶二年授禮科給事中四年轉戶科掌印給事中五年正月奉 旨仍畱軍機處以四五品京堂升用五月授通政司參議六年二月升大理寺少卿八月授江甯布政使十月調安徽布政使因迴避祖籍仍回江甯布政使任十二月調江蘇布政使七年

六月蘇松太倉等府州田禾被淹失察棍徒俞長春等糾眾搶米
有旨交部議處部議降一級准其抵銷十年六月升廣西巡撫
十一年正月因刑部行知廣西省句到情實人犯公文被馬夫將
封套磨破日章奏到時未將句到人犯名單開呈備查上以其
疎率交部議處部議罰俸一年准其抵銷八月調江蘇巡撫十四
年正月因金山寺僧控王兆良糾約焚搶毆死多命一案承審官
遲延草率日章率行覆勘具題奉旨交部嚴議尋議降二級調
用上從寬改爲降三級畱任五月因江淮漕船米石潮溼有
旨交部議處尋議降一級畱任六月因失察山陽縣知縣王仲漢
謀害查賑委員李毓昌身死一案論曰汪日章駐劄省垣豈竟

毫無見聞實屬形同木偶著先摘去頂帶自行議罪七月奉 旨
革職回籍日章接奉 諭旨卽行交卸回籍 諭曰江省河防見
在與辦要工勞費繁重汪日章卽行回籍可謂毫無人心著傳旨
申飭令伊捫心自問應如何繳出己資以助工用之處自行酌量
呈明九月呈請繳銀三萬兩解交河庫並請卽日束裝赴京於
萬壽聖節隨同各廢員行禮由護理浙江巡撫按察使蔣繼勳具
奏得 旨允行十六年正月故

右 國史館本傳

国事考類卷之六

三

國朝耆獻類徵初編卷百九十目錄

疆臣四十二

吳熊光

富尼善

同興

葉世倬

諸以謙

裘行簡

姚令儀

衡齡

國朝耆獻類徵初編卷百九十

通奉大夫前署江西巡撫江西布政使司布政使湘陰李桓輯
疆臣四十二

吳熊光

吳熊光江蘇昭文人乾隆三十七年由舉人考取中正榜以內閣
中書用四十一年補官尋充軍機章京四十四年擢侍讀四十六
年升刑部郎中四十九年遷山西道監察御史五十一年轉掌四
川道監察御史五十四年擢工科給事中尋丁父憂五十七年服
闋補戶科給事中尋轉戶科掌印給事中嘉慶元年擢鴻臚寺少
卿二年四月遷通政司參議閏六月 特賞三品卿銜隨同軍機

大臣學問行走十二月授直隸布政使四年正月 高宗純皇帝
龍馭上賓熊光專摺瀝陳哀悃敦勸 仁宗睿皇帝節哀 上以
其情詞真切合君臣之義 諭嘉之三月擢河南巡撫時川陝楚
教匪滋擾豫省西南兩面逼近寇氛熊光抵任卽馳赴盧氏督辦
飭河北鎮總兵張文奇駐盧氏之樂莊南陽鎮總兵田永桐駐浙
川之荆子關自駐適中之地以爲犄角四月陝西股匪張漢潮竄
入商州境復分股西竄藍田熊光奏言張漢潮股匪係參贊明亮
帶兵專剿今分爲兩股牽制官兵又探另有賊匪由洋縣五郎廳
東竄是又在官兵之後尤恐明亮顧此失彼豫省官兵不能再行
抽撥請將山東派赴川省兵丁一千三百餘名於道過陝州時截

赴明亮軍營以資協勦已密札張文奇先於邊境聲言見帶山東勁旅前赴堵勦以壯聲援 諭曰昨因陝省兵力稍單已降旨將山東新調兵丁畱陝應用並先廣爲宣布以懾賊膽吳熊光所見皆與昨旨相合可嘉之至又以湖北股匪張添倫竄至楊家牌樓距鄖陽江岸二百餘里豫省東南邊境在襄江北岸應密爲布置以期有備無患查直隸正定標營尙有挑備戰兵一千餘名可以調用已飛咨總督胡季堂密飭預備聽調疏入 諭曰河南邊界緊要自當添兵防堵朕本有調用直隸官兵之意今吳熊光已咨胡季堂密飭豫備與朕意不謀而合深堪嘉許嗣以張添倫等股匪擾至湖北竹山竹谿熊光奏請將前調直隸官兵迅疾派往聽

調如兵丁到豫可以無需或就近令赴楚省協剿 上以熊光張
皇侵越有意見長訓飭之五月奏言各股賊匪俱在漢江之南江
北惟張漢潮一股須會集兵力先行撲滅是以前奏請將山東官
兵截交明亮嗣以張漢祥擾及隴州將東省兵丁改赴鳳翔一帶
茲聞張漢祥已竄回秦州應仍飭東省官兵徑赴明亮軍營廓清
江北賊匪再移赴南岸併力剿辦 諭曰吳熊光係河南守土之
臣將本境防守事宜妥協經理使賊匪不能闖入卽爲盡職至豫
省而外陝甘等處軍情朕與經略尙不能遙度吳熊光乃率行臆
斷紛紛檄調儼然以軍機大臣自命欲分經略之權不知分量不
曉事體著傳旨嚴行申飭尋奏報賊匪張漢潮由商州竄越分趨

雒南商南境雒南與豫省盧氏接壤商南與浙川接壤飛飭張文
奇田永桐分兵堵截均截退未闌入豫境又奏賊匪由陝境竄近
里漫坪復由黃柏溝罐兒溝一帶翻山奔竄恐其直向東趨急分
兵兜擊賊首張漢潮身受槍傷西竄回陝復飭將邊境餘匪搜捕
淨盡彙奉 諭旨嘉勉時東河總督吳璈議加河工稽料運費於
地糧內攤徵熊光不加詳察與聯銜具奏下部嚴加議處尋議降
調 上加恩改爲畱任七月 特旨賞戴花翎尋奏言前飭南汝
道陳鍾琛赴襄江一帶督同府縣提淨南岸船筏並調集鄧州鄉
勇在沿江要隘防守復恐沿江道里縣長陳鍾琛一人照料難周
隨令糧道完顏岱帶滿營兵前往協防仍飛咨山西將楚省前調

官兵催令迅速前進又酌派壽春鎮兵五百名往樊城駐劄 諭
獎其籌畫皆合機宜摺內有楚省爲豫省南面保障爲楚卽以爲
豫之語 上尤嘉賞焉又以邊隘遼遠江防緊要請召募練兵五
千名以資保障並以開封練勇一千一百餘名征防得力請作爲
撫標新兵 從之時有 旨命副都統額勒亨額領盛京官兵赴
楚剿賊八月復 諭令盛京官兵改道赴陝熊光奏言官兵頭起
已行抵南陽若仍由樊城未免紆折應卽由鎮安前赴商州但軍
需一切陝省一時不及備辦已於南陽貯備項下就近支發俾得
迅速進行 上以熊光能以國事爲重不稍拘泥 諭獎其實心
任事五年正月奏陳豫省西南兩路辦賊情形得 旨嘉勉先是

直隸總督胡季堂奏請將河南內黃縣改歸直隸管轄已下部議
行三月熊光以河南全漕皆在內黃楚旺地方受兌若改歸直隸
隔省呼應不靈恐誤兌運奏請仍歸河南 從之四月楚北賊匪
竄入均州擾及鄖縣將偷渡襄江豫省防江兵勇擊走之事 聞

上念河南兵力尙單 特命直隸山東山西督撫各派官兵赴
豫交熊光調撥又 諭熊光添募鄉勇熊光奏言各省團練鄉勇
惟鄖西之勇最爲壯健緣前此賊匪齊王氏等係鄖西鄉勇擊斃
該縣民人恐賊復仇是以同心協力奮勇禦賊至豫省盧浙一帶
從前原駐鄉勇萬餘名而賊股奔竄仍得游行自如因盧浙地方
民鮮土著團練維艱所募鄉勇悉係鄖州之人旣去其鄉安望其

勇凡應募者無非游手好閒之輩賊至先已潛逃轉使兵心爲之搖惑是以上年秋閒奏明裁撤鄉勇添駐防兵半年以來賊匪未敢肆竄此設兵勝於駐勇之明驗也目下盧浙邊境地廣兵單所有直隸等省官兵即可陸續到豫擬分撥鎮臣等帶領擇要駐守分投策應疏入報 聞又以營兵張文忠等暴橫滋事鞫實卽將首犯正法附從者論罪如律並自請議處 上以熊光所辦能知輕重其失察處分 特予寬免六月奏以豫省有餘馬匹分解湖北陝西軍營各三百匹又撥銀十萬兩解楚北二十萬兩解陝西俾資接濟 諭獎其不分畛域得封疆大臣之體七月寶豐郟縣匪徒李傑楊士全等聽從賊首劉之協勾結倡亂經布政使馬慧

裕在翟家樓率兵勦散潰匪竄至彭山熊光在盧氏防堵馳赴追
捕先飭附近各屬分布壯勇於隘口設伏嚴守親督將弁四面兜
截盡殲其眾劉之協遁至葉縣就獲伏誅事 聞 上嘉熊光調
度合宜將士用命下部優敘時湖北賊匪折回鄖縣並竄至穀城
均州熊光奏請 敕令吉林黑龍江官兵赴楚進勦 諭曰本日
據姜晟奏到已諭令長齡將所帶吉林黑龍江官兵徑赴湖北勦
賊吳熊光所奏適與朕旨脗合可嘉之至六年二月京察 上以
熊光防堵認真上年勦捕寶邨教匪辦理妥速下部議敘三月以
鎮平縣誤將秋審絞犯處斬熊光僅將應議職名歸入年終彙題
本內開參並未專摺奏劾 諭飭之四月擢湖廣總督會經略額

勅發保奏勅湖北巡撫倭什布遲誤軍糧等款 命熊光傳旨
速問倭什布卽逐細詳查熊光奏言湖北與豫省接壤該省從前
文武廢弛臣在豫已有所聞其不給兵餉一節臣以督臣書麟旣
經奏聞故未具奏今若不徹底根究何以儆官邪而靖地方惟
是實局雖總司收發而發給各營又另有糧員經手軍務未竣一
時難以傳齊審訊容俟詳細密訪至倭什布不能約束家人亦有
所聞並須審訪確切一體嚴參 諭曰吳熊光身任封疆旣知楚
省文武廢弛及倭什布不能約束家人不給兵餉等款卽不專摺
奏參亦當於奏事之便附片密陳乃年來並無一字提及事已敗
露始稱早有所聞殊非誠心爲國之道至所稱經手糧員一時難

以傳訊所見甚是吳熊光唯當詳細密訪陸續奏參六月偕提督長齡巡撫全保奏言川匪湯思蛟劉朝選等逆擾近上龔青峰溝官兵於青峰溝范家埡等處連次殲擒甚夥又奏賊匪經官兵追至興山長房河一帶遁入老林官兵奮勇迎剿賊不能支分股北走欲乘虛闖入東湖地界官兵分道兜剿俘斬無算並槍傷黃號賊首張萬林殲斃白號賊首王正賢生擒偽總兵鄧起龍等多名賊大潰上以熊光雖未親身打仗但一切調度供支糧運經理妥協溫詔褒嘉並賞賚焉尋又以官兵在竹谿房縣一帶殲賊多名又在房縣興山一帶分路剿賊生擒首逆崔宗和之姪連兒及偽總兵王冠軍殲其黨千人先後奏聞均有旨嘉獎十

一月奏請移德安營守備駐隨州隨州營千總駐德安從之七年正月奏言楚北新設提督改移鄖陽鎮協應添兵三千五百名請卽以無業鄉勇補充可收駕輕就熟之效又得官爲鈴東不致流而爲匪所需千把外委等官卽以鄉勇首領內酌量拔補又言二竹房縣當添兵力以資駕馭擬在腹地各營酌量抽撥於房縣之上龕設守備一九道梁冷盤堽各設千總一竹山之官渡設守備一洪平吉陽關各設千總一竹谿之豐溪設守備一向家壩設千總一各駐兵有差均如所請行又奏報官兵搜剿邊境潛匿賊匪生擒首逆張泳壽之子得貴並將青號餘匪全行撲滅王愾賢曾芝秀等股匪折竄巴東經官兵截剿殲賊多名三月又以官兵

追勦賊匪射中賊首曾芝秀殲斃賊首唐明萬先後奏 聞均得

旨嘉獎六月以樊人傑股匪掃除淨盡 上嘉熊光督辦糧餉

認真俾士馬飽騰所向克捷 命下部議敘八月奏言寨勇習於

戰鬪輕視官兵種種流弊不得不豫爲顧慮見派員分投督辦令

將寨堡戶口器械逐一登記陽資其力以助此日之軍威實默挈

其綱以弭將來之民患 上韙其言十二月賊首崔宗和在武當

山就俘復 諭嘉之尋以大功戡定川陝楚逆匪全數掃除 賞

加太子少保銜仍下部優敘八年正月奏籌辦安插鄉勇應於大

兵未撤以前酌量籌遣並知照各原籍地方官妥爲管束毋致結

隊擾民間二月奏言湖北等省教匪滋事所有叛產絕產前經奏

准詳查明晰或以安插鄉勇或以分給難民茲查湖北叛匪絕產
散在蒲圻等二十六州縣按縣查覈多寡不齊肥磽異致如以本
境之產分給本境鄉勇難民則固於方隅辦理不能畫一然以此
屬之有餘撥補他屬之不足該民勇等移家就業未獲受田之益
先增遷徙之繁惟有勘明變價照賑卹之例列等給賞以資生計
報 聞三月奏楚省兵餉月需銀十六七萬兩今將不得力之疲
兵有業可歸之鄉勇節加裁撤見在月需八萬兩有奇 上以熊
光能隨時撙節覈實支銷 諭嘉之七月請將提標後營守備移
駐湖河鎮右營守備移駐樊城 從之是月剿捕餘匪全竣三省
肅清 諭曰吳熊光督率地方文武及堡寨人民幫同搜捕勤奮

出力著交部議敘尋奏都司麻光裕原帶施南鄉勇五百名隨征數年技藝嫻熟請卽飭光裕帶赴巴東江北駐劄另立一營各給守糧一分設馬糧十二分作爲額此外委令其管帶操演下部議行十二月奏劾湖南巡撫高杞違例調補湘潭縣知縣周凝遠有意開脫耒陽縣知縣熊維培及採買倉穀亦有情弊上命刑部侍郎賡音馳往察審並召高杞來京尋賡音覆奏查無舞弊營私之處止於辦理遲延將高杞議降一級高杞由湖南來京上詢以熊光近日辦事如何高杞奏稱熊光性情躁急接見屬員每加訶斥批稟書札往往措詞過當上復詢熊光操守高杞奏稱熊光操守實屬廉潔願以身家相保旋經戶部侍郎初彭齡奏參

熊光得受河陽州知州秦泰銀一萬兩每年收受匣費銀六萬兩
又將資財送交伊戚李世望代爲營運三款 上究問彭齡此語
得自何人以高杞對復 召見高杞詰問奏稱秦泰餽送一節係
湖北通判魏耀所言得 旨交湖北巡撫全保鹽政佶山據實查
覆九年七月全保等奏熊光實無貪鄙劣蹟匣費久經裁革魏耀
向高杞所言堅不承認將魏耀解京與高杞面質耀供秦泰餽送
等語係高杞先問隨口迎合實無影響其匣費及李世望代爲營
運二款高杞與彭齡彼此推諉各執一詞高杞彭齡耀皆獲譴
特命軍機大臣傳諭熊光不可不返躬自省有則改之無則加勉
並 敕以文稟批荅自有體制須平心辦事不可仍前躁妄十年

六月調直隸總督九月 上巡幸瀋陽熊光迎 鑾 賜黃馬褂
時兩廣總督邢彥成與廣東巡撫升任湖廣總督百齡互相參訐
又兩淮鹽政佶山奏湖北鄖陽等處官引滯銷潞私充斥 上命
熊光偕侍郎托津馳往湖北查辦十月調兩廣總督十一年正月
以路臣國商船駛至廣東熊光未能詳查明確遽准開船回國下
部議處尋有湖北試用知縣盧家元訐告熊光任湖廣總督時升
調不公及此次審辦百齡家人有意從嚴巡撫瑚圖禮以 聞
上以盧家元越分瀆陳革職治罪如律九月直隸司書侵帑事覺
將司書王麗南等論罪有差 上以歷任藩司漠不經心 嚴旨
飭責惟熊光在藩司任無虛收總督時亦無失察 特旨優獎十

二年四月奏言粵東內洋海道遼闊舊設礮臺多不得力請撤去礮臺兵丁多備船隻又米艇在外洋不能得力只可畱於內洋守禦請另造戰船資外洋巡緝得旨允行九月有船商金協順等裝載暹羅國貨物來粵貿易熊光因奏請禁內地民人代駕暹羅國船隻進口以杜弊端上是之特降敕諭知暹羅國王申明例禁又以舟師在仰船洲洋面追捕匪船獲賊日多名得旨嘉獎又請增設開平縣文武學額從之十月御史鄭士超奏粵東吏治廢弛上以熊光於海疆重地不加整頓飭之十三年正月奏陳粵東實在情形謂從來有海防而無海戰上是其言八月有英古利夷目帶領兵船駛入內洋泊香山縣屬雞頭洋面夷兵

三百名持兵擅入澳門分守礮臺九月熊光始行奏 聞並言已飭令停止開倉派員曉諭俟夷兵退出澳門方准起貨若再挨延卽封禁水路絕其糧食 上以熊光究竟如何嚴切曉諭及見在作何準備全未奏及所辦太輒 諭曰邊疆重地外夷竟敢心存覬覦飾詞嘗試不可稍示以弱此時如該國兵船業經退出則已如尙未退出卽著遴派曉事文武大員前往澳門嚴加詰責以天朝禁令綦嚴不容稍有越犯逐層曉諭義正詞嚴該夷人自當畏懼凜遵仍當密速調派得力將弁統領水陸官兵整頓豫備一有不遵竟當統兵勦辦不可畏葸姑息此事於邊務夷情大有關繫該督不此之慮而唯鯁鯁於數十萬稅銀往復籌計其於防備機

宜全未辦及懦弱不知大體著傳旨嚴行申飭旋命軍機大臣將奏到英吉利國原稟繙譯進呈稟內措詞多不恭順上以熊光接閱夷稟早當驅逐駁飭乃祇以虛文入告且具奏後夷船曾否退去亦未據續行馳報詔責其糊塗懈怠敕將見在情形及如何密飭籌備速行奏聞十月奏夷船尙在澳門挨延觀望詔飭熊光因循廢弛只知養尊處優全不以海疆爲重大負委任先降爲二品頂帶拔去花翎仍下部嚴議尋褫職命新任兩廣總督百齡查明實在情形具奏十四年四月百齡奏言上年夷兵抵澳時地方文武節次稟報吳熊光批令照常防範香山縣等請兵堵逐亦批以鎮靜不可張皇並未親往查辦夷兵見無準備將

兵船駛進虎門停泊黃埔又駕坐三板船至省城外停住求見總
督懇代奏在澳寓居熊光總未見面該夷兵欲向十三行裝取火
食總兵黃飛鵬開礮轟斃夷兵一名帶傷三名夷兵卽行退回熊
光檄兵防守並未攻擊及至恭宣 諭旨夷兵畏懼情願撤兵復
求開船熊光諭令全行退去始准貿易夷兵陸續退至外洋 諭
曰此次夷兵遇官兵開礮並不敢稍有抗拒及奉有嚴飭諭旨亦
卽開帆遠去是尙知震懾天威無他伎倆設吳熊光於夷兵登岸
之初卽親往彈壓曉以大義一面派兵防守該夷自必知所畏懼
卽時退出庶足宣示國威吳熊光於此等事遲至月餘始行具奏
既未親往查辦又不面詢斥逐雖開船在兵退之後而許其開船

國朝通志卷一百一十一
二
究在未退之先奏報既屬遲延辦理又形畏葸且屢次夷人具稟
及吳熊光批示並轟斃夷兵等事俱未入奏亦屬含糊吳熊光由
軍機章京蒙 皇考高宗純皇帝不次超擢用至軍機大臣復經
朕簡任三省總督非新進不曉事者可比乃種種錯謬實負委任
吳熊光前已革職著拏交軍機大臣會同刑部審訊定擬具奏尋
遣戍伊犁十五年洋匪肅清 上念熊光平日尙能辦事前在軍
營亦屬出力此時巨盜殄除 特命釋回以六部主事用十六年
補兵部主事十八年請假回籍道光八年舉行戊子科鄉試熊光
係乾隆戊子科舉人至鄉榜重逢疆吏以 聞 諭曰原任兵部
主事吳熊光曾任督撫大員雖於兩廣總督任內獲咎事尙因公

此時養病在籍年近八旬適當慈榜重逢洵屬藝林嘉瑞吳熊光著加恩賞給四品卿銜准其重赴鹿鳴筵宴以昭盛典十三年卒

右 國史館本傳

吳氏至德之裔以國爲氏南並浙北抵淮皆吳地而蘇州爲都其族當望蘇然今吳氏在蘇者皆源徽徽又自別爲歙爲休甯始居休爲唐左臺御史文惠公其後析休之環珠村又析大斐至公考贈資政公遷昭文昭文蘇支縣蘇之吳氏多以科目起其家或源歙或源休近世冠蓋尤盛而其盛實自公始公諱熊光字望崑別字槐江考諱敬貢生祖諱宏祖歲貢生曾祖諱國啟貢生皆以公貴累 贈資政大夫曾祖妣金祖妣查妣金皆累 贈夫人贈公

以上皆隸休贈公初至蘇僑郡南桃花塢實認公既卜居昭文迎
春橋以公應童子試請入籍乾隆戊子舉順天鄉試出故吏部尙
書秦承恩門秦公父翰林學士大士推公造日師爲假總督弟乃
眞總督耶時秦公年二十四初授編修公年始十九聞者殊不謂
然後秦公以尙書署直督而公歷兩湖直隸兩廣三督如學士言
己丑壬辰兩舉中正榜授內閣中書乙未挑直軍機處己亥擢侍
讀庚子記名御史辛丑擢刑部郎中甲辰授御史己酉擢給事中
奉贈公諱去官壬子服闋補原階嘉慶丙辰遷鴻臚寺少卿丁巳
遷通政司參議故事科道司糾劾通參班廁大九卿皆退出軍機
處公以明達勤慎當軸特保得畱直 國初沿故明制票擬承宣

皆由內閣至 憲廟許內外職掌官具摺奏事凡事有出入者皆
奏定然後循例具題設軍機處於門下選三品以上鴻達親信者
爲軍機大臣得挑小四品京堂以下至閣部屬之能者爲章京每
日寅刻奏事處納摺匣 上炳燭批覽畢卽發軍機處錄入檔乃
面諭大臣寄信各原奏衙門可否之名曰廷寄班次非朝賀皆
絕席會議大政皆主議實當古錄尙書事同平章之職爲政府其
大學士在內閣者則承明發票題本受成事而已公初挑章京卽
爲阿文成公所器前後隨文成勦辦蘭州回匪者一讞浙閩重案
者二督堵東河漫口者四查閱海塘淮河者各一與文成同柄政
者爲故大學士伯和珅丁巳文成薨益橫溢無檢至於廷寄前行

專署己銜姓天下稱伯相從風盡靡以文成尤善公積不平是年
閏六月 純廟幸灤陽時苗匪未靖而教匪漸猖獗 訓政憂勤
或午夜視事一日以 宣軍機大臣不得 命召章京唯公已上
直入對稱 旨次及同直章京之戴文端公少頃伯相至 上曰
軍機事日繁傅森吳熊光皆任事可在軍機大臣上行走以助若
伯相謂公官纔五品不符體制 上命加三品卿銜又曰其家貧
大臣例開轎恐力不辦 上命賞戶部飯銀一千兩又曰戴衢亨
出身狀頭官學士已四品在軍機日久與吳同用吳不如用戴
上曰此豈殿試耶伯相語塞乃承 旨然文端卒與公同加三品
銜拜 命而班次仍居公下傅公任侍郎久日昨 召見詰問甚

厲人其危之及上直乃知 聖意疑傅公識度或未勝大受審試
而後發與一面之頃決機授政者有聞矣公在政府六閱月伯相
深不便其所爲出授直隸布政使己未春 純廟升遐和珅敗公
言和珅管理吏戶刑步軍統領各衙門日久多變舊章以營私大
憝雖除猾吏仍可因緣爲奸利亟宜逐條更正之 睿廟可公奏
授河南巡撫自丙辰兵興川陝楚豫之督撫皆駐邊界治戎務公
在豫以防勦功 賞戴花翎加敘軍功三級辛酉夏擢兩湖總督
壬戌春會同各省領兵官奏報餘孽蕩平晉太子少保既回省視
事有以收受沔陽知州秦泰金及兩淮匣費二事劾公者查驗無
蹟事以白甲子夏調督直隸乙丑 聖駕東巡奉天恭謁 三陵

九月十一日公接 駕於夷齋廟 賞穿黃馬褂時百文敏公已
由粵撫莅楚督任而是日都察院有據廣東已革知縣訐控文敏
在粵婪索各款之奏兩廣總督那彥成與文敏互訐之奏亦至次
日 上命侍郎托津副公往抵楚訊得其門丁婪索狀未定讞
上復入粵撫孫玉庭言當那公以倡撫洋匪至三千餘人擅賞匪
魁李崇玉翎頂 嚴旨逮入都調公督兩廣以楚獄交托公公甫
行而文敏亦被逮公在北久粵中地溼性不習漸作寒熱洋氛劇
力疾治事而 溫綸屢問病狀給優假公益不敢有他請戊辰七
月英吉利兵船十三隻泊香山雞頭洋其酋度路利以兵船三入
黃埔并有三板船入省河聲稱法蘭西欺凌大西洋欲奪澳門英

吉利素與鄰好故派兵來澳幫同防護而意殊叵測故事外夷兵
船或寄內洋俱調兵立時驅逐公念三年來督率鎮將轉戰重洋
中匪氛雖獲稍戢而師殊老故務爲鎮靜唯飭令回帆歸國傳諭
大班停開船以絕其望而夷船遷延至十月起旋奉嚴議奪職效
力南河己巳春公行抵蘇城買宅城東之平橋居嘗口乃赴工會
文敏爲後督有旨飭查夷船來去之由以公慮情覆奏遂逮發
伊犁抵戍一載特旨召還辛未授兵部武選司主事癸酉春乞
病回籍其秋林逆變起上思公議起家爲楚藩時柄政者爲軍
機舊屬恐公難爲人下乃止道光戊子重宴鹿鳴恩賞四品卿
銜又六年以癸巳二月二十七日卒於平橋私第年八十有四公

之初赴戍也文端已在揆席嘗與予論中外大僚優劣曰吳公謫
戍可惜吳公在外治事不具論其自楚調直初入謁 上謂曰教
匪淨盡天下自此太平矣吳公曰督撫率郡縣加意撫循提鎮率
將弁加意訓練使百姓有恩可懷有威可畏太平自不難致若稍
形鬆懈則伏戎於莽吳起所謂舟中皆敵國豈可備防哉又 皇
上返自關東 駐蹕夷齊廟董師相老夫吳公同起 召見 上
曰外人言不可聽此次有言道路崎嶇風景略無可觀者今到彼
道路甚平治風景絕佳人言豈盡信哉吳公越次對曰此非讀書
人語也 皇上此行欲面稽 太祖 太宗勗業艱難之迹以爲
萬世子孫法豈宜問道路風景耶有頃 上目吳公曰卿蘇州人

朕少扈 蹕過蘇州風景誠無匹矣吳公曰 皇上前所見翦采
爲花一望之頃耳蘇州城外唯虎邱稱名勝實則一墳堆之大者
城中街皆臨河河道仄偏糞船擠幫午後輒臭不可耐何足言風
景乎 上曰如若言 皇考何爲六度至彼耶吳公叩頭曰 皇
上至孝冒天下臣從前侍 皇上謁 太上皇帝蒙 諭曰朕臨
御天下六十年並無失德唯六次南巡勞民傷財實爲作無益害
有益將來皇帝如南巡而汝不阻止汝係朕特簡之大臣必無以
對朕 仁聖之所悔言猶在耳文端語至此擡舌良久迺曰老夫
見聞所親略如此論語言勿欺而犯史記言引大體慷慨吳公殆
於近之矣戊寅己卯閒公家居余始得謁面質文端所稱述公笑

曰誠有是言然積推糞船兩節乃乾隆初故相訥公奉差江浙查道覆奏之言老夫重述之耳無足異也公又嘗語余刑賞者 聖主之大柄而其柄寄於封圻大吏以有司援案比例求免駁斥之術處之外矣例有一定情則萬端故遇事必當詳細審情以施刑賞賞一人而有裨於吏治有裨於民生雖不符例賞賞所必加也刑一人而有益於世道有益於人心雖不符例刑刑所必及也卽不得請必再三力爭之乃爲不負若憂嫌畏譏隨波逐流其咎蓋非溺職而已也初公赴楚督任未出豫境遇協防陝西兵趙士福等二百餘人以缺餉兩月逃回本營而陝營咨會亦至公命集訊或言是皆死法公仁人且已非豫撫可無理此公曰察其情形苦

累缺餉必矣協防非臨陣回本營非避匿山海豈可同論哉遂杖首謀者二人悉分撥豫邊防堵諸鎮將給與口糧既入楚有鄉勇糾搶民寨被寨民縛送三十餘人公卽日受詞而駢梟之移粵甫下車李崇玉懸首菜市之信已至那公罪且不可測而東莞縣報鄭流唐率眾投誠當事者莫知所措公審其悔罪情實不可殺降以爲功婉奏請仍遵前旨免死安插被脅者遞原籍其駐鄧也譌言賊將大至一夕揭帖徧街巷而州民復告密有村莊有期會公杖而逐之軍吏請增防公曰是賊黨肆煽惑以求便隙耳嗣得賊聞訊之皆聞所爲也乃大服其駐盧氏也當鐙節川陝賊各萬數竄入南山迫盧氏公命大張鐙賀節賊遂遠去嘗與余論兵興

以來諸將賢否首推湖北遊擊李東宣曰不逐利能用眾老夫以
訊誠知之專薦得請而部賄不至經十五六年仍未一遷也後余
遊大名李公適居其鎮得相識洵端厚君子能任重益以歎公之
知人公娶金氏累封夫人前卒生一女其子二女六皆側室出
長子華基太常寺博士次沂基孫一兆詵昭文縣學生七女皆適
名族公著伊江別錄春明補錄封溪筆錄三書紀所見聞滿漢諸
大老言行足以維繫國脈民命者每見余輒爲述一二事皆得所
未聞然索觀必不可曰俟老夫身後從華基取閱耳公未晬失恃
弱冠宦遊違定省時切鮮民之憾故營生壙於虞山北麓傍先人
兆域以致哀慕可謂有懷無忝者也公既卒其年十二月二十四

日卜者曰宜葬公之客涇包世臣次行治爲墓碑題曰故大臣者
從昌黎權文公碑例也復銘之曰

公之始出失職居藩幸用不躋豫楚持旄俯同羣碎以刈蓬蒿逾
嶺遊疾嗟哉毒淫威用不振予懷風議詩於公碑爲大臣紀

右墓碑包世臣撰

皇朝通志卷一百一

一

富尼善

富尼善滿洲鑲紅旗人富察氏漕運總督富顯之子富顯以乾隆三十四年隨大學士傅恆征緬甸在野牛壩造船病沒奉旨富顯之子著帶領引見時富尼善年幼不通清語命在咸安宮學習食額外主事半俸洎三載嫻習乾隆三十八年授戶部主事軍機章京上行走旋擢員外郎四十八年授贛州府知府五十年擢天津道五十一年調熱河道五十二年升直隸按察使五十四年二月署直隸布政使六月以頒賞沙瑪爾巴呼圖克圖物件中途遺失議處十月升安徽布政使五十五年以直隸建昌縣盜犯馬十案承讞遲延奉旨富尼善係直隸臬司且曾任熱河道建

昌縣是其所屬此案係伊任內之事乃以劫盜重情一任縣宥多年置不速結非尋常疎忽可比富尼善著卽解任來京又奉旨富尼善於馬十之案旣經提犯到省僅派委員辦理以致輾轉宕延其咎甚重該員經朕不次遷擢乃於劫盜任聽玩延殊爲溺職富尼善革職拏問旋賞頭等侍衛銜赴烏什辦事六十年正月授京口副都統十月以母老畱京授鑲紅旗蒙古副都統嘉慶二年三月調正白旗滿洲副都統十月授密雲副都統三年調甯古塔副都統疏言甯古塔官地自乾隆四十八年以後三遇冰雹霜災兵丁無力耕種猶按年交納錢糧實爲兵累請將此項地畝撥給有力無地民戶耕種俾得課項有著旗人不致受無地之累奉

旨下部議五年十二月奉 旨富尼善奏請伊母年逾七旬不服水土常常患病著將任內諸物交代來京六年到京署鑲紅旗蒙古副都統授鑲藍旗蒙古副都統七年二月赴喀拉沁查辦事件五月署正白旗滿洲副都統六月雲南巡撫孫日乘奏貴州糧道孫文煥差人呈控事件奉 命偕侍郎初彭齡查辦途次奉上諭貴州巡撫印務著富尼善暫行署理案內各員應得罪名初彭齡富尼善嚴訊定擬旋與初彭齡奏孫文煥所控不能指實藩司百齡非苛索人已惟巡撫常明久任黔藩輒將軍需款項牽混支抵署藩司張長庚接收常明交代因循貽誤均請 旨革訊貴西道呂雲棟於應撥廠銀代常明擔認候補道馮克鞏與孫文煥

同在廠局亦應革訊 上從之尋授貴州巡撫九月卒于慶安見
官刑部河南司主事

右 國史館本傳

同興

同興鈕祜祿氏滿洲鑲黃旗人乾隆三十八年由監生考取繙譯筆帖式四十年捐升主事籤分刑部四十五年補堂主事四十六年遷員外郎五十一年二月京察一等超擢直隸按察使三月

上自五臺回鑿 諭曰直隸按察使缺出前已將同興補放朕以該員係刑部所保一等於刑名自必熟習是以逾格用爲按察使今於途次召見該員清語甚屬生疎詢以刑名事件亦不能諳習直隸臬司事務繁劇見屆辦理秋審之時非該員所能勝任下闕五十九年廓爾喀平以同興辦理往來軍報及各項差務均無貽誤 賞戴花翎嘉慶元年遷長蘆鹽運使四年升直隸按察使六

年三月擢江甯布政使四月調直隸布政使七年正月丁母憂回
旗七月 命署湖北布政使九月因前在直隸布政使任內永定
河決口查勘遲延部議降調 上加恩改爲畱任九年四月服闋
七月擢山西巡撫十年六月以前在直隸布政使任內失察通省
倉庫虧缺部議褫職 上加恩改爲畱任閏六月以失察大同鎮
總兵恩承阿剋扣兵餉降四級畱任十二月以河東道鄭人慶患
病奏請解任又另片奏懇暫緩開缺前後歧異復降四級畱任十
一年九月因直隸藩司書吏王麗南私雕假印串通州縣官侵帑
事覺湖查同興任內虛收銀二萬餘兩下部議褫職十月發往南
河交兩江總督鐵保差委十二年三月王營減壩合龍 命以六

部筆帖式用八月補刑部筆帖式十三年三月 賞通判銜發往
南河督工六月加五品頂帶授河庫道十四年三月加四品頂帶
遷雲南按察使七月擢安徽布政使八月擢雲南巡撫十五年二
月調湖北巡撫十一月調浙江巡撫十二月調貴州巡撫十六年
四月調山東巡撫先是湖北應山縣民喻春謀殺同縣人胡紹德
經原審知縣錢丙曜訊明定案因喻春母李氏以刑求誣服上控
前任湖廣總督汪志伊委同知劉曜庚等覆鞫遂誘供翻案以貧
民葉秀頂兇因無贓據兇仗案懸待質 上畱同興在湖北詳悉
研鞫至是據實平反始赴山東任七月以前在湖北布政使任內
失察書吏陳文俊等營私舞弊降四級畱任十二月請將山東州

縣佐貳等官廉俸各項解司收發備扣墊款 諭曰各省州縣等廉俸役食銀兩卽於所徵耗羨項下坐支著有定例前此河南直隸因藩庫墊款過多奏請將州縣養廉辦公銀兩解司支發抵扣姑允所請俾資調劑前降諭旨內卽明示他省不得援以爲例今山東省又以抵扣曹工幫價爲詞奏請援照坐扣該州縣於應行解還司庫之款如果任意遲延該上司儘可分別參處乃率請更改成例各直省司庫大率俱有墊款若似此紛紛奏請殊乖定制同興所奏不准行著傳旨申飭十七年三月因前在湖北巡撫任內秋審失入部議降調 上加恩改爲畱任五月因前在直隸按察司任內審辦教匪劉美奐等擬罪輕縱復降四級畱任六月以

山東訟獄紛繁且多京控之案非首府首縣所能清理請將兗州府知府鄭文明武定府知府胡祖福調省委訊統限四箇月完結諭曰所辦非是該府各有本任及所屬州縣其應辦之事不少一經調省則伊等本任事件又將委之何人勢必耽延積壓日漸廢弛是省垣之舊案未清外府之新案已積況該撫摺內稱因公來省之員委之幫辦往往視非本任之事因循觀望有名無實今鄭文明胡祖福二員委審之案亦並非本任之事何獨不慮其意存觀望該撫措詞直同醉夢不覺自相矛盾乎同興所奏斷不准行著傳旨嚴行申飭十二月以東平州境內小清河爲分洩汶河盛漲之所安流龍拱二河疏消州境積水民便河匯注泉源達汶

濟運均係民田運道攸關日久淤塞奏請疏濬 尤之是月因宗室縣遜致書關說訟事未卽奏辦降二級畱任十八年二月以微山湖蓄水短絀不敷濟運偕河東河道總督李亨特移會兩江總督百齡啟蘇家山閘引黃入湖事 聞 上慮湖身受淤且穿運爲害 嚴飭之六月以緝獲 南苑竊馬要犯得 旨獎賚下部議敘九月河南天理教匪李文成作亂陷滑縣賊黨之在山東者繼起應之定陶曹縣俱失守同興率運司劉清赴曹州督勦直隸復有教匪林清遣其黨入 禁城謀逆被獲伏誅先是山東金鄉縣賊勢萌動同興委署知縣吳堦緝獲匪犯崔士俊張建木等數十人究出首逆劉真空又名劉林潛匿京南二十八里之沙河馳

疏以聞及禁城有警提督英和遣弁兵卽其地蹤跡之獲林清於黃村訊知劉真空劉林皆其詭稱諭曰前經同興密奏該犯在附近京城地方潛匿英和等派員前往得以立時捕獲並將其家屬全數成擒此亦同興之功並加恩交部議敘十月劉清請兵於同興由曹州進復定陶分兵破韓家大廟賊巢獲教首趙文祿餘匪竄曹縣扈家集上以同興督率有方下部議敘時賊屢敗將奔河南與李文成合同興遣兵剿扈家集殺賊二千餘擒偽副元帥王奇山上嘉之賞玉牌玉韞黃鞵大小荷包旋偕副都統蘇爾慎勦賊於安陵集殲戮無遺官軍分路破賊山東境內肅清得旨嘉獎十二月欽差大臣那彥成收復滑縣首逆李文

成自焚死賊平 上以同興辦理防剿事宜奮勉出力 賞太子少保銜時當撤兵同興以曹州民情剽悍恐有遺孽未除請暫留三千分布扼要之地以資鎮撫俟明年察看情形隨時裁撤 上允之十九年五月以運河水勢短絀請動用官項雇備剝船 諭曰本年徵湖淺涸以致運河缺水皆同興辦理不善此項剝船費用該撫尙不思自效輒請動銷官項亦太不知認咎矣所有本年東境雇用剝船應給工食著同興一人賠出 不准開銷六月 上以山東吏治廢弛並傳聞金鄉縣餘匪滋事 命吏部尙書章煦刑部右侍郎那彥寶往勘七月同興始以金鄉之事上 聞 諭曰上年山東定陶曹縣匪徒滋事同興本有失察之咎及帶兵前

赴曹州又復畏葸遷延全賴劉清奮勇請先督兵剿捕得以迅速成功朕以彼時東境先就肅清加恩免其罪譴乃本年六月金鄉縣復有匪徒聚眾逞兇之事同興接據稟報隱匿不奏及朕已聞知特派章煦那彥寶前往查辦同興於七月初二日始專差齎摺補奏以圖掩飾前非似此因循玩誤斷難再事姑容同興著交部嚴加議處卽自行摘去翎頂來京聽候部議章煦等尋查係竊匪拒捕並非邪教餘黨惟山東地方凋敝倉庫空虛訟獄繁興官民交怨同興怠玩因循惟藩司朱錫爵之言是聽並縱容濟南府知府凝圖徇私廢公各款 上以同興負恩溺職照部議褫職仍命章煦會同新任巡撫陳預清釐庫款九月以山東州縣虧空罰

徵巡撫養廉銀四萬五千兩二十年陳預奏查明十五年以後續
虧銀三百三十四萬餘兩 諭曰同興廢弛貽誤至於此極姑念
前歲究出首逆林清由驛馳奏尙有微勞著發往盛京派在工程
處效力二十一年七月 賞三等侍衛充古城領隊大臣十月調
阿克蘇辦事大臣二十四年以賠項未清褫職解京勒限完繳道
光七年故子崇慧兵部主事崇齡刑部員外郎崇源工部筆帖式

右 國史館本傳

葉世倬

葉世倬江蘇上元人乾隆三十九年舉人四十八年充四庫全書館膳錄五十年議敘知縣分發四川五十一年署長甯縣知縣五
十三年以捕獲鄰省遠年越獄盜犯遷浙江嘉興府乍浦同知五
十六年丁母憂五十九年服闋六十年正月選湖北德安府同知
八月丁父憂嘉慶三年服闋四年選陝西西安府同知十二年遷
興安府知府興安不習蠶織世倬教以樹桑畜蠶之法民利賴之
名其帛曰葉公繭又擇律例中民易犯者九十餘條刊示各屬令
長吏隨時講說府西萬春隄當漢水之衝爲舊城保障世倬屢加
修築後值漢水漲發城賴以全興安鹽向聽民販負後定爲河東

引地畝商行運貧民失業世倬請復其舊民便之二十二年擢福建延建邵道二十四年調臺灣道二十五年遷江西按察使道光元年二月遷山西布政使十二月署巡撫舊制山西丁銀地糧分款徵收以貧民艱於輸納節經奏准將丁銀歸入地糧攤徵者八十一州縣惟平定州孟縣等二十一州縣如舊是歲孟縣民人秦廷章籲請照改 命前任巡撫成格覈辦未果行二年正月世倬疏言查丁徭久停編審從前丁少之戶今雖蕃衍賦額不加丁多之族今已衰微追賠尙苦與其從傭工負販者按徵其丁何若於服田力穡者稍益其額請將平定州孟縣丁銀攤入地糧徵收其餘十九州縣俟次第查辦 上允之旋擢福建巡撫閏三月御史

董國華疏陳械鬪積弊 命世倬嚴行查禁旋奏編查保甲即可
以禁械鬪前在陝西興安府任曾輯清查保甲說行之甚效一編
戶冊在周知一夥之人凡親屬不同居者悉爲開載一設門牌在
周知一戶之人凡同居者悉爲開載冊式宜詳取以備稽查也牌
式宜簡取以備覈驗也又有編審之法聯十家爲一牌十牌爲一
甲十甲爲一保逐戶編排不可紊亂每戶之鄉貫丁口鄰佑每口
之田房生理親族皆可逐一查審爲刊布飭屬通行 諭曰清查
保甲爲除暴安良之法地方官果能實力奉行自可漸收成效著
該撫嚴飭各州縣實力稽查不可日久生懈如有奉行不力之員
卽據實嚴參毋得稍事姑息用副朕循名責實至意九月署閩浙

總督十二月以糧道吳簾前任安徽太和縣知縣鹽引滯銷部議
於見任內降二級調用旋經開復世倬未行出具考語送部引
見並請嗣後凡係 特簡道府前任內有公罪處分例干降調者
部議入奏時聲明請 旨並 飭督撫密查如係賢員免其離任

諭曰國家考課綦嚴豈容驟更成例朕澄敘官方升降黜陟一
秉大公並未豫設成見若如該撫所奏是特用人員於前任一切
處分竟可置之不問甚至例干降調亦可以詢問平日居官了事
則簡拔各員皆可倖逃吏議非特無以示懲勸並恐開奔競之門
於吏治人心大有關係葉世倬率爲此奏變改舊例示天下以不
公是誠何心想老悖不能承受國恩矣著傳旨嚴行申飭三年正

月以年老休致九月卒七年護理陝西巡撫徐炘題請入祀陝西
名宦祠十二年江蘇巡撫林則徐題請入祀鄉賢祠均 允之子
德豫直隸保定府同知

右 國史館本傳

國朝書目類編卷之二十一

三

諸以謙

國家分職授官得人綦重 聖天子臨軒策命督撫監司大員畀之重任或數年而遷或數月而遷雖久暫不同皆在 帝心之簡人與地宜非偶然也未有起家收令致位兩司不越其省跬步如我方伯諸公者非 朝廷委任之重閭閻被澤之深何能專且久若是公服官三十年積勞成疾以 恩重不敢引退後以微罪行家居七年而沒其孤太守嘉杏等既請於章桐門相國爲埋幽之文復以外碑屬雲璈自惟名位未稱且不文旣辭不獲命謹述其大者一二以附家乘焉按狀公姓諸氏諱以謙字撫堂別字訥庵先世籍餘姚明嘉靖閒遷於杭遂世爲仁和人曾祖朝棟祖三省

父克咸三世考妣皆以公貴 贈如其階公弱冠補弟子員第一
年二十八辛卯舉於鄉乙未成進士方就銓丁父憂歸服闋後隨
選授河南盧氏令此公筮仕之初卽豫民蒙恩之始也自是而太
守而觀察而廉使而方伯扶搖直上和風甘雨徧滿兩河河南之
民視公如家督公亦安此邦如故鄉融融洩洩情洽上下 睿皇
帝知百姓之戀公也屢擢官以酬匪躬之忱不易地以慰蒼生之
望故禮曹未補仍畱河南知府臬使被議仍授河南糧道並有州
縣官當以方積劉清諸以謙林嵐爲法之 諭 恩綸稠疊中外
榮之公亦竭毳毳之誠矢勤矢慎不自知身之勞而神之瘁也當
由盧氏而牧信陽也適湖北逆匪起孝感之吳家皆實偪信陽公

多方籌備民恃以無恐女賊齊王氏由襄陽入豫將入秦大府知
公能奏擢知陝州以禦之所屬盧氏當其衝居民洵懼公乘驛而
至民見舊使君如慈父母皆懽躍人心遂定縣城不完公倉卒命
鑲甃城於土城裏晝夜巡守賊望雉堞森然無敢近從他道去明
年楚匪張漢潮自秦竄回武陟令林公嵐猝遇於橫澗川賊恃眾
遮戰公在盧聞之會天暝率敢死士二百人列炬鼓譟而至大呼
大兵來譁鉞震山谷賊駭遯是日微公林幾殆庚申丁金太夫人
憂釋服仍赴豫奉 旨加道銜授知南陽府調開封乙丑擢河陝
汝道丁卯晉按察使 陛見 命謁 裕陵尤異數也左遷糧鹽
道再升按察使擢布政使旋以屬吏牽控事落職時 上方以督

無待公人咸惜之而公適符遂初之願無幾微見於顏面還山養
痾先是已患風旣歸漸劇手足不仁卒至不起實道光元年辛巳
十二月二十八日也年七十有七公當官惠政不可枚舉生平無
嗜好不設城府遇公事懃懃懇懇深自刻勵而不苛人以難故人
樂爲用事有棘手者多以煩公而公從容料簡若平地置器前後
督撫倚如左右手及其去皆愾惘失志豫之民更於嚴風烈日中
一旦亡蓋障而無所覆被也嗚呼雖古名臣豈是過哉先娶於金
繼應皆先公卒累 贈夫人箴室唐以子階 封宜人亦先卒子
二嘉杏湖南永順府知府應夫人出嘉厚詹事府主簿唐宜人出
後於叔父女一孫五孫女三將以某年月日合窆於靈隱山之麓

銘曰

天生偉人非尋常天之生之惠四方一方獨被愷澤長推於天下
施彌彰不爲繭絲爲保障公之宦蹟風雲翔公之襟懷皎日光公
之政事兼戎行公之起伏人所望人沐公德幾若忘惟我 聖主
廉其詳好官每憶宣城羊天風小劫吹滄桑拂衣歸臥湖山旁無
端傲溷生中央和緩束手醫無良公德河水同洋洋朱邑之祀應
桐鄉

右墓誌銘張雲璈撰

臣等謹將所奏各款繕列如左

三二

裴行簡

裴行簡江西新建縣人父曰修官工部尙書諡文達自有傳乾隆四十年行簡蒙 恩賜舉人內閣中書四十二年在軍機章京上行走四十五年擢內閣侍讀是年京察一等復考選御史先後引見皆記名四十九年隨大學士公阿桂赴甘肅勦辦石峯堡回匪旋隨赴河南查辦睢州河工堵築事宜五十年擢山西甯武府知府五十三年調平陽府歷署雁平道太原潞安等府五十五年八月呈請改補京職奉 旨裴行簡向在軍機處行走由內閣侍讀補放知府今以親老呈請改補京職外省官員往往有父母年已衰老不肖據實呈請意圖戀棧裴行簡情願內用甚屬可嘉著

加恩仍留知府頂帶以員外郎卽用旋補戶部員外郎仍在軍機處行走六十年擢刑部郎中嘉慶四年擢內閣侍讀學士奉命祭告南海五年擢太僕寺少卿六年正月偕大理寺少卿窩星額赴陝西軍營犒軍擢太僕寺卿四月授河南布政使旋調江甯布政使五月上以裘行簡前赴軍營犒賞兵勇並將王廷詔管解均屬出力賞戴花翎諭曰裘行簡奏謝恩馳赴河南藩司新任摺內有俟大功告成仍懇求來京供職之語今又調任江甯屆期候朕酌奪七月抵江甯任八月丁母憂回籍八年五月諭曰裘行簡將屆服闋著署理福建藩司印務不必來京請訓卽赴新任十二月服闋實授福建布政使九年十二月調直隸布政使十

年正月奏直隸藩庫各項錢糧大槩情形酌擬辦理緣由又遵旨逐條復奏直隸虧缺款項細數應飭各道府造冊齊全送局後方可徹底查覈至州縣因何賠累之由說者動以皇差爲名藉口賠累殊不知乾隆三十年以前從未聞直隸有虧空之事然乾隆十六年二十二二十七三十等年四舉南巡盛典乾隆十五二十六年兩次巡幸五臺二十年之內六次辦理差務不爲不多何以並無虧空乾隆四十五四十九等年兩舉南巡盛典四十六五十一五十七等年三次巡幸五臺二十年之中辦差五次較少於前而虧空日增總緣三十年以後之地方大吏貪黷營私納交餽送非辦差之踵事增華實上司之借端橫索近年大吏

不加查察一任州縣藉詞影射相習成風試令州縣捫心自問果有賠累其捐官肥囊之錢究從何出此臣之所不敢代爲寬解者也至分年彌補之說可以行之於他省而在直隸爲難可以行之於見任而在離任之員爲難蓋直隸爲各省通衢往來驛務最爲繁多缺分較好之州縣祇可哀多調劑津貼衝途又無別項陋規可以提取此直隸較他省爲難也至見任之員查有虧空予以革職畱任勒限彌補彼必保護身家愛惜官職卽賣田鬻產亦思依限全完若責以代離任之員按年彌補伊焉肯自解私囊代人完欠勢必取給倉庫遮掩目前是前欠未清後虧復至此見任代前任彌補之爲難也至直隸屢次清查虧缺漸增完繳漸少之故蓋

亦有說查屬員之虧項無著例應該管之道府分賠道府之賠項無著例應本任之院司攤賠今直隸並未申明定例查照辦理則其自爲之私已可槩見乃惟沾沾於原虧之員是問又不按例嚴追無以示懲此所以原款無著後虧復增也臣愚以爲初二兩次清查應行在省監追之員及應令各省監追之員經此次盤查後再行勒限一年如果實在無力完繳查明任所原籍財產實屬盡絕卽由部臣查明各該員在任月日著落該管各上司分別賠繳以歸有著至嘉慶十年以後州縣交代遇有虧空臣惟有執法從事斷不准混入清查致從寬縱總之自九年以前查覈虧數以清虧空之源十年以後嚴究交代以截虧空之流如此辦理庶以前

之虧空或不致懸宕無著以後之交代或不致仍前藐玩疏入
上獎其所奏明晰令大學士六部尚書議行五月兼署按察使九
月護理總督十月 諭曰裘行簡資格較淺於直隸地方事務尙
能整飭著加恩以兵部侍郎銜署直隸總督十一月奏直隸初二
兩次原虧銀兩將應行監追人員飭追旋卽查明原任知府顧賓
臣等五員虧缺銀數奏請辦理十一年奏請移駐汛員以重河防
補築永定河隄埝工程直隸舊有千里長隄及新舊格淀隄亟請
疏築又會籌兵丁差費於該省公項內撥款生息均得 旨允行
五月因辦理宋二油餅故殺一案入於緩決部議降調 諭曰裘
行簡於應入情實之犯咨請入緩嗣復引案飾非部議降二級調

用著改爲降三級畱任六月奏查北運河一帶官剝民船滋弊情
形請明定章程報 聞七月永定河北岸坍塌一百餘丈防堵不
力自請嚴議奉 旨降二級畱任八月布政使慶格查出司書假
雕印信串通銀匠虛收解款行簡據實入奏 欽派大學士費淳
尙書長麟馳赴嚴訊查明款項具奏 諭曰裴行簡在藩司任內
曾虛收銀一萬一千餘兩其署總督任內亦失察藩司虛收銀一
萬六千餘兩但爲數較少再伊署任總督後因藩庫款項未清奏
明查辦方能釐出弊端免其嚴議著交部議處部議革任 上改
爲革職畱任九月卒 諭曰署直隸總督裴行簡係裴曰修之子
少時卽蒙 皇考高宗純皇帝賞給舉人內閣中書在軍機處章

京上行走有年游擢山西知府嗣因親老籲留京師供職嘗荷
恩准以四品頂帶改補部秩仍直樞曹朕親政之初曾經有人密
保迨擢授京堂簡放藩司果能辦事實心正己率屬前年由福建
藩司來京覲對彼時因直省錢糧款項糾纏懸宕恐有弊端特將
伊調任直隸自到官以後將通省倉庫徹底清查條分縷析於地
方一切公事均能不辭勞瘁經理認真是以上年該省總督缺出
卽命以侍郎銜署理此次辦理書吏等句通州縣舞弊虛收錢糧
一案雖係慶格自行查出究因該署督立法清查始能句稽得實
封圻重寄倚任方資茲披覽遺章並據天津道胡鈺奏稱該署督
由天津赴永定河查看漫口工程行至三河頭地方偶感風寒醫

藥無效遂致不起殊深惋惜著加恩照實任總督例給與一品卹
典所有任內一切處分均予開復伊子裘元善著加恩賞給舉人
俟服闋後一體會試 賜祭葬諡恭勤子元善見任翰林院庶吉
士

右 國史館本傳

公諱行簡字敬之姓裘氏始祖萬頃仕宋爲大理寺司直自會稽
遷新建遂世爲江西南昌府新建縣人曾祖琅歲貢生祖君弼刑
科給事中父曰修太子少傅工部尙書諡文達妣一品夫人熊氏
文達公生子四長麟翰林院編修次師國子監生皆早卒次卽公
次行恕湖北漢陽縣知縣公年二十丁文達公艱服闋 高宗純

皇帝欽賜舉人內閣中書推文達公 舊恩也旋直軍機處遷侍
讀擢山西甯武府知府調平陽府以熊太夫人年老請內用補戶
部陝西司員外郎仍直軍機處升刑部福建司郎中 本朝之制
凡章奏陳達 制詔宣降軍機大臣取 進止章京行之內閣六
部或徑下各直省及外藩公在直二十餘年內嫻掌故外悉四方
之政於是朝野之論皆以爲能可大用 今上加意人才大臣多
以公名舉奏升內閣侍讀學士奉 命祭南海是時教匪未靖經
略額勒登保公駐略陽公奏請陝西四川帶兵大臣扼衝嚴守使
陝匪不入川川匪不入陝然後偪使東竄經略以大兵蹙之可計
日梟縛覆 命後升太僕寺少卿奉 特旨偕大理寺少卿高星

額公犒軍公奏請自寶雞至褒城棧道兵卡宜復設且於要害設大營隔賊走路兼通大軍糧運而其時經略引嫌請止舉劾麾下功罪公奏請五路帶兵大臣所統將士皆聽舉劾移書四川總督威勤伯勒保公爲陳廉頗藺相如相下之義兩帥大和公論事多中機宜得大體類如此途次鳳縣升太僕寺卿次西安除河南布政使調江甯布政使 賜花翎丁熊太夫人艱未禫除福建布政使旋調直隸布政使兼按察使護直隸總督先是天下大政事賑貸轉輸供億皆以州縣爲經由藪匯錢穀出入多未釐正 高宗純皇帝欲以曠蕩之恩滌之暨 今上登極 下詔盡免費負而地方大吏鈎稽簿領束於成格不能一槩除豁官民或借以爲煩

國之具公以爲非清幣無以塞僥倖去煩苛遂一以清幣爲首事
福建布政司冊目十有一公於中分子目一千五百有畸於是支
解者豪黍皆見吏不能欺得銀若干萬兩直隸民逋議分年遣輸
官逋議分年罰繳得銀若干萬兩前後兩省凡清幣若干萬兩旋
奉 特旨以兵部侍郎銜署直隸總督嘉慶十一年永定河溢公
舟行視堵築九月庚午感急疾卒年五十有三遺表 聞 子實
授總督卹典 賜葬銀五百兩碑銀三百五十兩祭銀二十有五
兩謚恭勤配莊夫人禮部侍郎存與公女子六長元善 欽賜舉
人候補內閣中書次元溇國子監生次元俊副榜貢生候補鹽場
大使次元遜候補通判次元穆次元英孫開甲元善出女六皆適

名族某年月日元善等奉 諭旨葬公於新建慈菇鄉之硃砂岡
立碑設祭如禮敬於元善相習知公爲詳謹條其大端碑於墓道
之左銘曰

文達蓄德是延恭勤上品之才如擢寒門截鵠斷犀導鋒微至精
心一往用其不二遂涉吏事佩乎青朱囊封之言 天子是俞治
戎以和治事以肅大將柔心小胥重足甫授節鉞爲方鎮臣祁雨
未周已墜其雲幽幽青原戴吾 君賜子孫繩繩于千萬世

右神道碑銘揮敬撰

日本書紀卷之二十一

三

姚令儀

公諱令儀字心嘉別字一如先世自浙江遷婁縣曾祖諱天麒祖諱士英考諱宗侃三世皆以公貴 贈通奉大夫四川布政使公少爲松江府學生乾隆四十二年爲選拔貢生次年 朝考一等引 見以知縣用發往雲南至則攝祿豐縣事值易門缺官上官令並攝事皆辦改署尋甸州總督誠嘉毅勇公福康安見公所爲賢之時四川有亂民爲患福公移督四川乃奏以公從幕府其後繼福公爲督者李公世傑孫公士毅皆知公賢俾令隸爲仁壽晉石碁同知又從將軍鄂輝進討西藏廓爾喀兵行人迹不至之地 返寒巖谷之中爲儲峙供頓皆辦鄂公本四川總督也以罪降而

孫公士勳復爲總督福公爲大將軍同征西藏而異路皆以書招
公公以旣許鄂公從之不去而任事彌力 上聞亦義公乃 賜
花翎旋擢雅州府知府及功竣又調成都府知府其後川東湖廣
苗民爲亂福大將軍又往征檄公至軍初福公以公於西藏之行
不就其招爲愠也旣而意解及征苗軍中事率與公謀公言無不
盡屢有功矣會大將軍與人毆都司徐某於營門裂其衣公叱止
之不聽公乃擒杖之一夕死大將軍頗憾抑其勞不晉官其時大
將軍從人暴橫甚軍中皆倚公爲重公旋以勞疾請假而大將軍
亦薨於軍其後四川達州白蓮教復爲亂及威勤侯勒保爲總督
又檄公入幕當嘉慶二年三年與賊連戰公皆與謀畫以戰捷所

獲俘囚公承鞫其無罪獲釋者不可勝數威勤公旋被逮其時公
晉官四川鹽茶道矣而未之任乃護送威勤公入都旋釋罪又與
偕返而威勤復權總督事其時數大帥相峙公皆與相知於其閒
勸以和一言甚忠盡諸帥多聽功成寇殄四川以甯嘉慶六年公
乃莅鹽茶道任逾四年擢四川按察使次年擢布政使公生平在
軍中時爲多臨民時雖淺輒有績當爲縣令善平獄訟方孫公士
毅爲督禁民間小錢法峻幾廢市公乃急發倉穀令以小錢若干
易米若干錢收而民靖孫公大善之令各屬以爲法其知成都府
歲祲請發倉粟大吏持不可公身任請必償卒以濟民每冬月設
粥廠以食餓者及春逮爲監司令各郡行其法至今四川賴其賜

其爲按察使也數月清釐積案六百餘事然亦積勞自居軍中已嘗失血暮年遂亟嘉慶十四年十一月癸未卒於成都年五十六夫人許氏生子二椿楗皆諸生公持身廉而厚施於族黨故舊少能文工爲書至老不倦於學嘗謂孺知爲文以書交使其子論學就孺然未及見公而聞公喪矣其子扶柩歸葬嘉慶十六年十一月甲申窆於青浦縣三十八保一區二十八圖罔字圩孺爲之銘曰

愉愉有文侃侃其武不辭險艱不憚疆禦內靖外襄不以功誦柔撫勞民作藩西園不竟厥緒銘告來許

右墓誌銘姚孺撰

衡齡

衡齡費莫氏滿洲鑲紅旗人由筆帖式加捐主事籤分吏部乾隆四十二年補主事四十五年在軍機處行走四十六年遷員外郎四十七年授浙江嘉興府知府四十九年改授吏部郎中仍在軍機處行走五十一年京察一等九月授江西廣信府知府五十三年調南昌府知府五十四年護理鹽法道旋因失察屬員派銷鹽斤降三級調用五十六年經巡撫姚棻奏稱衡齡於鹽務熟諳請俟新選鹽法道陳大文到任將一切事宜當面交代再行離任諭曰衡齡降調尙係因公獲咎該員辦理江西鹽務已有三載尙稱熟諳見在建昌地方增設卡巡減價敵私諸關緊要一手經理

較爲妥協著加恩以同知銜仍護理鹽法道嘉慶二年 諭曰衡齡護理鹽道已經八年該省鹽引節年皆屬溢銷著卽升署江西鹽道以收駕輕就熟之效六年遷江西按察使九月石城縣匪徒廖幹周等糾眾滋事經紳士探知具報衡齡督率文武員弁帶兵掩捕悉數殲擒 上嘉其出力 賞戴花翎十月遷貴州布政使十一月調廣東布政使十二月江西巡撫金光悌奏查歷任臬司未經結案衡齡任內多至二百餘件 命交部議尋議降三級調用上從寬改爲革職畱任十三年以迴避族兄廣東巡撫永保調江西布政使十四年正月仍調廣東布政使七月護理廣東巡撫十二月擢山西巡撫十六年閏三月 上幸五臺 諭曰衡齡

上年到任時所有各處工程甫辦二三成及該撫督率經理一切均屬妥速瀆樸又能遵旨沿途未辦點景鐙彩音樂等件著加恩賞穿黃馬褂八月丁母憂回旗十一月命署山西巡撫十八年八月奏太原駐防兵丁每年應需公費銀八百二十四兩零遇閏之年加增銀六十八兩零請於藩庫社義息穀變價款內動撥銀二萬兩發典生息所收息銀按月支放滿營公費以資接濟得旨允行九月河南教匪李文成等滋事上以衛輝西北附近太行山界與山西澤州潞安兩府毗連恐賊匪乘間竄逸諭衛齡派總兵張績帶兵防堵衛齡先接直隸總督溫承惠札以豫省拏獲匪犯供有見欲入山之語卽咨太原總兵祥泰簡兵四百名分

駐各隘並派將備會同潞安澤州二營分投照料至是復令張績率兵一千名馳赴太行山外駐劄巡防十一月奏太行山外兩次撥兵二千名接續前往嗣准那彥成咨調防兵一千名前赴軍營當咨張績將初撥防兵一千名派往協剿見止存兵一千名山外地勢縣長實不敷用又於大同鎮各屬調補兵一千名除潞安澤州二府各隘口俱已添兵嚴堵外其餘遼州平陸芮城垣曲並與直省交界之平定等州縣各隘口於原派弁兵外陸續加派營兵數百名以資分堵報聞尋以河南封邱等縣賊匪逼近山界張績分兵進剿不敷調撥衡齡札祥泰於就近營汛調兵三百名前往策應嗣因輝縣十八盤山一帶有山東逸匪數千人西竄距晉

省壺關陵川縣界近祇百里衡齡飭祥泰撥兵赴壺關等縣協堵復恐張績不能周顧親往督飭防勦並撥撫標兵三百名大同鎮標兵五百名往備調遣 諭曰見在晉省山外既有賊匪竄至該撫自應前往堵禦該撫前此諸事顛預曾降旨嚴飭此時惟勉力自贖相機防堵此股竄匪逆首李文成及賊目劉綏明均在其後該撫若能鼓勵將此股賊匪勦捕淨盡不特宥其從前諸務遲延之咎仍加以恩賞儻堵禦不力致令賊匪竄入晉省完善之區則惟該撫是問十二月獲坎字卦下賊目牛世旺乾字卦下賊目蔡克甲大兵尋復滑縣賊平衡齡撤兵歸伍二十年正月 命閱山西營伍九月河東運城並蒲州解州所屬各縣連日地震壓斃人

口數千名奏請撫卹 上命迅速查辦衡齡委藩司吳邦慶往勘
十月 上復命刑部侍郎那彥寶齎帶賞銀親往撫卹尋以平陸
縣知縣陸樟驚悸自縊 諭曰本年山西蒲解等處地震被災較
重該撫接到該州縣稟報卽應親身前往妥爲安撫乃僅委藩司
吳邦慶馳赴查勘並不親往聞那彥寶曾知會衡齡同往該撫因
仍未去經朕降旨飭諭方行續往可見該撫於災黎疾苦漠不關
心茲奏稱平陸縣知縣陸樟因地方猝被重災心神驚悸赴廟申
訴願以身禳旋卽自縊該撫尙疑其虧缺庫項畏累輕生若因畏
累早已輕生必待因災藉口設無災異如何辦理衡齡糊塗極矣
陸樟著照軍營病故例賜卹該故令家屬卽著衡齡捐資送回二

十二年以失察藩司習振翎任聽家人營私舞弊並陽曲縣知縣
邱鳴泰苛派累民革衡齡巡撫 賞藍翎侍衛充和闐領隊大臣
二十四年卒

右 國史館本傳

國朝書目考

卷一百一十一

宋

國朝耆獻類徵初編卷百九十一目錄

疆臣四十三

顏檢

嚴士鉉

和琳

廣厚

伊江阿

和舜武

台斐音

國朝耆獻類徵初編卷百九十一

通奉大夫前署江西巡撫江西布政使司布政使湘陰李桓輯
疆臣四十三

顏檢

顏檢廣東連平州人父希深官兵部左侍郎自有傳檢乾隆四十
二年拔貢 朝考一等以六部七品小京官用籤分禮部拔貢用
京官自是始四十二年丁母憂四十五年丁父憂四十八年服闋
五十四年升主事五十五年遷員外郎五十六年扈 蹕灤陽校
射中四矢 賞戴花翎五十七年升郎中五十八年授江西吉安
府知府五十九年擢雲南鹽法道嘉慶二年正月調迤南道四月

勦賊威遠探匪帶領兵練擒獲裸首扎杜 上嘉其功 賞加按察使銜十二月升江西按察使四年升河南布政使尋調直隸布政使五年護直隸總督疏言通永道所屬楊村通判劄處所距天津近而距通州遠請改歸天津道管轄下部議行東明縣民李車強姦七歲幼童趙六不從起意致死疊斫十五傷於保辜限內治愈檢以李車淫惡逞兇未便拘引常例請絞立決得 旨所議甚是又永年縣民梁自新勒索繼妻白氏及媳張氏一案訊由氏攜前夫女張氏再醮梁自新自新子有幅以愚駮爲白氏所嫌時加凌虐自新念係獨子媒聘張氏爲有幅妻冀白氏因愛女并憐其子詎白氏憎詈如故復縱張氏與族孫梁順先通姦爲自新父

子寤破違商同謀毒有幅經自新搜出毒食忿欲鳴官白氏母女
轉驅逐有幅自新憤極先後將張氏白氏勒斃準律毆妻至死應
絞監候惟白氏怙惡不悛與夫恩義已絕與尋常斃妻有間請從
輕改擬杖流 上韙其議 加恩減爲杖一百徒三年六年三月
疏請復旗租原額以紓民力 諭曰直隸省回贖旗地租銀因地
方官經理不善以致拖欠至十三萬餘兩節經前任督臣胡季堂
奏請調劑迄無善策而汪承霈復有將官地變價之請事涉紛更
尤爲非體著加恩全行減免其餘額徵租銀年清年款毋許仍前
延玩六年四月擢河南巡撫先是檢弟顏樾由舉人大挑一等王
大臣避嫌扣除 諭曰廣東舉人顏樾業經王大臣挑取一等後

因係顏檢之弟復經扣除朕本欲俟會試揭曉後另行加恩今榜發未經中式顏檢平日居官公慎伊弟顏樾著加恩仍作爲一等九月奏增豫省武職荆子關添設副將一員都司一員千總把總各一員外委額外外委各二員盧氏縣汛添設守備把總各一員朱陽關添設千總一員新野汛添設遊擊一員千總額外外委各一員彰德營添設參將一員千總把總外委額外外委各一員內黃汛添設外委一員內黃縣之楚旺地方係河南通省兌漕重地添設千總一員從之十一月獲西華縣隆勝溝地方土棍張憨子等首夥各犯上嘉其妥速鎮靜七年二月違例奏補羅山息縣知縣部議降一級畱任上以檢平日辦事尙好改罰俸四月

署直隸總督 諭曰顏檢曾任直隸藩司護理督篆辦理地方事務尙屬認真伊資格較淺著以兵部侍郎銜署理直隸總督九月擢直隸總督 諭曰本年直隸總督缺出因顏檢資格稍淺特令以兵部侍郎銜署理抵任以來將及半年辦理公事尙無貽誤顏檢著加恩實授直隸總督並加兵部尙書銜尋 賞穿黃馬褂八年三月奏改直隸涿州管河吏目爲北岸三工巡檢霸州管河吏目爲北岸六工巡檢滄州減河吏目爲滄州風化店減河巡檢專管河務 從之五月面奉 訓諭具摺奏謝 諭曰君臣相得亦非常之緣不可思議卿當思頌不忘規朕若有叢脞之處必密行進諫切勿不言不言則爲負恩矣卿若有失算之處朕必加譴責

斷不姑息姑息轉爲私德矣勉之誌之六月請將元城大名南樂
清豐四縣捕務責成大名府同知管理改爲兼河捕盜同知長垣
開州東明三州縣捕務仍歸大名府通判管理兼管通屬鹽務得
旨允行七月以永定河三汛安瀾 賞加太子少保銜 諭曰
顏檢自入夏以來駐工防汛督同道廳各員隨時搶護各工俱臻
穩固宣防盡力殊屬可嘉是月直隸各州縣蝗害稼檢奏三河昌
黎樂亭三縣並無蝗蝻其餘如遵化豐潤玉田灤州盧龍遷安臨
榆等州縣間有飛蝗過境俱在空際飛揚並未傷及禾稼 諭曰
飛蝗過境之處道里縣長豈有久飛不停之理旣經停歇斷不能
忍飢待斃又焉有不傷禾稼之理總由地方官規避處分非以有

報無卽以不傷禾稼之語諱匿具詳視爲故套顏檢自不肯飾辭
陳奏而地方官誑報積習實不可信朕聞三河一帶蝗蝻不但飛
集田疇卽大路旁亦紛紛停落而豐潤竟有填積車轍者此皆過
往官員目擊之語顏檢不可聽屬員稟報遂以爲實仍當詳細訪
查期於秋收無歉儻該督不認真查辦經朕查出恐不能當此重
咎也八月奏請將大城等各州縣旗租全行豁免經部覆豁免十
分之五復以戶部繕寫錯誤仍咨請更正部臣以 聞 命傳旨
申飭尋 諭曰前因戶部具奏直隸督臣顏檢請將大城等七州
縣旗租例應蠲免五分者於奉到部覆後仍咨請查覈更正全行
豁免曾傳旨申飭仍照部議行旋經顏檢於差次而奏此項旗租

國朝通志卷之二十一
業已頒發贍黃與民糧一體全行豁免此係加惠黎元之事所有
大城河間新河甯晉隆平新安安州七州縣及宛平文安二縣應
徵七年各項旗租著加恩全行豁免至該督於奏請時如欲將旗
租與民糧一律請豁則當聲明從無全免之例懇求破格施恩方
爲正辦何得含糊聲敘以致辦理歧誤著交部議處是月以查辦
水利工程請酌加鹽價爲興修之用 上命大學士九卿會議尋
議駁 諭曰九卿議駁顏檢等等籌辦水利工程請加鹽價一摺此
事本屬難行鹽斤加價不獨係病民之舉且官鹽價昂則私販愈
多滯銷愈甚於鹽務亦屬無益若以興修水利爲詞則該督等所
奏每歲僅將加價銀六十餘萬兩歸入河工於目前修濬事宜亦

屬緩不濟急顏檢向來辦事認真此奏未必全係該督主見自係
賽尙阿輕聽商人之言從旁慫恿而顏檢卽會同入告殊屬非是
著傳旨申飭九月奏請緩徵文安大城雄縣安州新安河間青縣
靜海隆平新河等州縣新舊錢糧 允之九年二月京察屆期
上以顏檢辦理地方一切事宜黽勉妥協下部議敘四月謝 恩
並自陳惶悚微忱 諭曰常持此心不令稍放自能永受多祜朕
以自勉之心望卿慎勿稍忽復 諭曰物阜民安節度方能愉快
近日望澤頗殷未能霑溉朔日內苑例陳龍舟水戲亟命罷之以
承 天澤赦過憫農曷勝企望六月以廣渠門外及通州等處間
有飛蝗 上命檢查明具奏尋奏蝗不成災 諭曰昨據奏見已

捕盡並稱飛蝗不傷禾稼惟食青草殊不成話范建豐赴廣渠門
外見田禾被蝗食者已有十分之四尙得云不傷禾稼乎顏檢不
應出此當於摺內批示該督平日辦事尙爲認真惟於摺內每敷
陳吉語未免近於虛浮朕勤求治理惟日孳孳總以實不以文卽
景星慶雲前史所稱朕皆不以爲瑞必果係時和歲稔家給人足
方爲有象太平豈可稍有粉飾如顏檢之好語吉祥則屬員等意
存迎合偶有地方災歉必不冒據實直陳閭閻疾苦壅於上聞吏
治民瘼大有關係仍著顏檢迅派委員分投查勘務期撲捕淨盡
如有傷殘禾稼收成稍減之處卽據實查奏候朕加恩毋得仍前
諱飾致干咎戾本日御製見蝗歎一首並錄交顏檢閱看尋奏陳

實在情形並自請嚴議 諭曰前因京城廣渠門外及通州等處
間有飛蝗一面派范建豐前赴查勘一面諭令顏檢將直隸地方
有無蝗蝻滋長之處悉心查明具奏旋據該督奏稱均已撲除淨
盡嗣於前月二十九日朕齋戒進宮披覽章奏適一飛蝗集於御
案當令撲捕經太監等捕獲十數箇因思宮禁既有飛入者則郊
原四野不知更有幾何旋卽派員四路查勘茲據奏馳赴宛平縣
屬之水屯八角二村查勘該處七八十畝之廣穀粟被傷約有三
四畝復據大興宛平通州武清新城遵化任邱容城涞水固安保
定滿城等州縣稟報所屬村莊均有蝻子萌生見在上緊捕除可
見如許州縣均有蝗蝻若非特派卿員馳勘顏檢仍未必據實直

陳前此所奏實不免於粉飾顏檢奏請嚴加議處之處本屬咎所
應得姑念該督平日辦事尙屬認真著加恩改爲交部議處嗣後
惟當痛改前非實心任事遇有地方災歉事務尤當一面查辦一
面據實陳奏俾閭閻疾苦不致壅於上聞方爲不負委任如再有
諱匿遲延經朕查出必將該督嚴行懲處不能曲爲寬貸矣七月
束鹿縣民王洪中獄上 諭曰此案王洪中被張文觀糾眾尋毆
寫呈具控復被張文觀等揪落髮辮脫衣履王洪中赴省在臬
司處控告批府該府卽應親提訊辦輒委之分發試用初學審案
之知縣黃玠審訊偏信張文觀等一面之詞稱王洪中素不安分
疑爲誑告轉將干證等各加掌責遂至順口捏供迨經臬府覆審

吳兆熊仍不虛衷研鞫復將王洪中掌責以致王洪中受屈自縊
王洪中平素卽係刁健而就案論案實因官司負屈莫伸輕生自
縊皆由該府縣偏聽枉斷所致總督顏檢據詳率結已屬非是況
此次在差次召見經朕詢問伊等但奏稱係屬尋常鬪毆案件於
部訊各情節竟茫然不知可見該督等於此等民人負冤上控之
事並不親加伸理委之首府審辦任令顛倒是非出入人罪似此
玩視重案國家又安用督撫藩臬爲耶顏檢著交部嚴加議處尋
議革職 上改爲革職畱任九月永年縣民郭四獄上 上以此
淫兇重犯不容一口稽誅該督仍照尋常案件奏請 敕部覈議
實屬拘泥 命傳旨申飭十二月奏陳各屬文武年終考語得

臣等竊惟帝其難今之慎終如始者鮮見利忘義者多朕實
愧知人之明願卿留意勿被人欺勉之十年四月刑部以逆犯劉
士興獄上 諭曰直隸民風素稱良善乃劉士興一犯平日在藁
城地方與周廷敬等結拜兄弟並向魏迎春學習槍棒其好勇鬪
狠本非一日竟敢於禁門外持械逞兇實爲罪大惡極地方官稽
查姦宥責任甚嚴如尋常賭博細故尙皆申明禁約何至此等匪
徒傳習槍棒毫無見聞總督顏檢著交部議處部議降調 上以
劉士興平日尙無逆跡彰著此次持械突至禁門原非意料所及
命改爲降一級留任是月奏敬承 諭旨嗣後加意整飭屬吏
諭曰方今中外吏治貪墨者少疲玩者多總尙因循每多觀望

大臣不肖實心惟恐朕斥其專擅小官從而效尤僅知自保身家此實國家之隱憂不可不加整頓卿係心腹之臣故將此旨諭知卿其勉之又奏言敬承 聖訓推廣管見屬員平日出力處如果超眾而所羅不是輕而可原仍當教導成全以協爲國儲才之義諭曰屬員中不肖者乃殃民之官斷不畱於治世如近日廣西之孫廷標湖南之董如岡去其已甚正所以保全餘者能多幾員改過之人保全百姓之元氣多矣以此類推知其略矣非教卿存心刻薄嚴厲御下也五月奏劾易州知州陳漢虧空累累並自請嚴議 諭曰陳漢在任八年虧空倉庫正雜錢糧銀九萬八百餘兩又捐雜各款銀二萬一千五百餘兩地方官於帑項任意侵那

該管上司扶同徇隱若不嚴行懲辦何以清帑項而飭官方顏檢
係由本省藩司升任總督於屬員倉庫虧短並不早爲參辦著交
部嚴加議處尋議褫任 諭曰各省倉庫錢糧均係國帑儻有虧
缺卽當按律治罪節經降旨通諭各省督撫令其督率清釐毋許
屬員續有虧那不啻至再至三而顏檢歷任直隸藩司總督總未
據實入告每於差次逐日召對面加垂詢亦未將實在虧短情形
備悉密陳祇圖含糊了事實則並未上緊查辦顏檢好爲虛語意
存粉飾屢經訓飭仍不悛改一味徇庇屬員因循推諉以致各該
州縣無所畏懼藐法營私前欠未補抑且任意續虧今易州一處
虧空正雜款項至十一萬餘兩之多皆由各上司沽名見好遷延

不辦所致本日吏部議奏將顏檢降四級調用因本有革職畱任之案無級可降應行革任此專指易州一案而言合之通省續虧之數該督獲咎甚重本應革職治罪姑念顏檢平日尙能辦事操守亦尙確傷破格施恩著賞給主事銜在吉地工程處效力仍帶革職畱任八年無過方准開復六月以永定河隄工蟄陷 諭曰直隸總督職司宣防此次隄根油蟄自因辦理草率所致顏檢前在直隸總督任內何以並不畱心稽查責無可辭傳諭顏檢刻即馳赴永定河北岸隄工隨同那彥寶辦理堵築事宜勉贖前愆如查有應行賠修工段卽著落顏檢等賠修是月以直隸省上年情實人犯刑部由緩決改情實者十四條得 旨督撫臬司於秋讞

事件自應詳慎參覈分別定擬緩實期於無枉無縱乃顏檢傳修於兇毆斃命各案輒從寬貸且將原擬情實之犯無故改擬緩決似此心存姑息欲邀寬厚之名而不顧死者含冤地下該督等於此等情真罪當之犯尙思曲爲末減又何能整飭吏治無怪乎屬員罔知儆畏於倉庫任意侵挪日久不行彌補並有續虧該督等一切置之不問尙復成何事體直隸省諸事因循廢弛卽此次辦理秋審失出至十二案之多而前實後緩者又有兩案顏檢傳修卽見任總督臬司其咎已應罷黜况前於辦理清查案內業經獲罪顏檢前經賞給主事銜令在永定河工次效力今辦理秋讞似此謬妄實屬辜恩顏檢著革去主事職銜仍在工次效力以爲各

省大吏聞茸廢弛者戒十一年七月 諭曰顏檢前在直隸總督任內於各屬虧缺庫項因循不辦任令監追各員在省間住復於秋讞情實案犯改擬緩決有意輕縱該員在工效力已閱年餘其才具尙不至終於廢棄其罪亦非必不可恕見在南河要工林立顏檢著賞給五品頂帶發往江南差遣委用接奉此旨卽著迅速前往如果奮勉出力鐵保等卽據實奏明將顏檢以同知補用先是直隸省官吏句通侵吞帑項歷有年所事覺 諭曰該省官吏幕友長隨人等敢於一氣句通將國家正帑任意侵吞明目張膽毫無忌憚歷任總督藩司懵然不知竟同木偶所司何事 從來未有之案朕不得不從嚴加重辦理顏檢本係在直隸總督任內

獲咎之人經朕節次施恩棄瑕錄用賞給同知發往南河效力今
伊在總督藩司任內復有此重大之案實難再爲曲貸顏檢著革
去頂帶著鐵保派員押送來京聽候部議尋議革職 上以革職
不足蔽辜發往烏魯木齊效力贖罪十三年三月 命釋回令其
自備資斧前往南河工次差遣委用十四年六月 命以主事充
西倉監督十月調大通橋監督十五年二月調戶部主事三月授
湖南岳常澧道五月授雲南按察使十六年六月授貴州巡撫具
摺謝 恩得 旨潔清立身汝之長處剛方御下汝未能及所以
被人欺侮今世小人多於君子一味厚道斷乎不可勉力振作爲
要十七年正月奏謝 頒賞福字得 旨貴州民情不似從前淳

樸有習西洋教者有販賣人口者汝不嚴究又似先時懦弱情形
矣若再犯國法朕斷不輕恕慎之勉之二月給事中何學林奏劾
貴州傳習天主教各鄉聚集數十人及數百人不等省城之北門
外尤甚又思州府等處有拐匪各據巢穴誘拐婦女地方官俱不
嚴行查辦 諭曰思州平越等處距省尙遠或係府縣官隱匿不
報至省城北門外傳習天主教者實繁有徒該撫駐劄省垣豈竟
毫無聞見乃漫不經心所司何事顏檢係獲咎之人經朕棄瑕錄
用仍畀以封疆重任倍當激發天良力圖報效今該省有此奸匪
伊未能早行查辦已有失察之咎著該撫卽督率所屬將省城關
外各處傳習天主教匪徒及思州等處拐匪分飭嚴密查拏以靖

地方而除積患若因循姑息釀成大案其咎更重於失察書吏侵蝕錢糧矣思之慎之御史王開雲奏陳黔省近年略販人口之風甚熾諭曰顏檢身任封圻戢暴安良是其專責今該省有此奸匪略賣輿販干禁病民伊已失察於前若再因循姑息不認真查辦其咎更重朕追論前愆一併懲治恐該撫不能當此重譴也五月命來京候旨先是灤州民董懷信等傳習邪教事覺吏部議上歷任總督等官處分上以顏檢在總督任內最久並曾任藩司其咎較重降二級以京員用八月復以直隸涿州知州徐用書交代含混經侍郎景安等查明奏參諭曰前任總督顏檢被屬員朦混據詳率奏實屬憤憤豈能復勝京堂之任著於到京後以

六部郎中降補十八年補工部郎中十九年六月授山東鹽運使
七月 命以三品頂帶爲浙江巡撫十二月以杭嘉湖三府旱疏
請豁除蠲緩 允之是月奏請開濬西湖其略以爲杭州之西湖
聚南北諸山七十二泉之水潴而爲湖仁和錢塘等州縣及嘉湖
二郡田畝均藉此湖灌溉且許村西路黃灣等場商人掣運鹽斤
賴以浮送實爲浙省緊要水利 從之二十年正月 諭顏檢曰
汝操守好才幹優所欠者愛惜小陰功心慈面軟不能振作是以
屬員祇知懷德而不知畏威吏治做壞皆由此起猛以濟寬汝其
勉之五月西湖山內厝棺被竊獄上 命刑部叢議尋經議駁
諭曰此案俞瑞祥等燒棺竊取財物自有撬棺移屍情事該撫所

稱並未損及一骨殊難憑信明係將賊犯罪名從輕問擬豫爲地方官開脫處分顏檢向來辦事疲輒經朕棄瑕錄用乃於地方竊盜案件仍縱惡養奸因循怠玩不能實力整頓又欲爲部曹平著傳旨申飭七月武平縣民劉奎養等結會傳徒獄上諭曰此案劉奎養聽從在逃之謝悃勳糾入添弟會給與祕書一本顏檢既經起獲卽應向該犯等追究係何人編造作何行用乃僅將該犯等照復興添弟會名目加重問擬斬決並未研究該犯等有無謀爲不軌情事實屬草率顏檢因循疲玩總不能改姑著交部議處十二月西湖厝棺被竊之案復經御史蘇繹參劾命侍郎成格等往讞訊明俞瑞祥等均非燒竊厝棺正犯係由縣役差緝正賊

未獲畏懼比責賄囑誣認 諭曰此案若非特派大員前往查辦
幾至以假亂真使正賊轉得漏網成何事體顏檢前任直隸總督
卽聞葺不職以致地方廢弛邪教萌孽滋生後遂釀成大家迫由
貴州巡撫降補郎中因一時簡用乏人又加恩擢授浙江巡撫顏
檢蒙屢次棄瑕錄用之恩自當力圖奮勉乃仍復因循怠玩無能
已極且年已就衰難望振作卽著照部議革職回籍家居閉門思
過二十四年恭逢 萬壽入都祝 嘏奉 旨以六部員外郎卽
用二十五年七月補刑部員外郎十二月擢福建巡撫道光元年
疏陳編查白底漁船以靖盜源其略以爲奸弊必有由起防察須
究其源閩省下游各郡民多操楫爲生舊例凡商漁置造船隻由

地方官取結給牌出入各汛口一體挂驗又復烙號書篷將船戶姓名懸於目睫如有在洋作奸犯科情事人皆一望瞭然立法未嘗不周無如狡猾之徒行爲詭祕常有私置船隻或向人轉租私賣假冒原主名姓混越出口陽託採捕爲名實則隱圖劫掠大爲商旅之害查各澳船隻出洋貿易者惟有白底船卽大漁船一項每屆春冬駛往浙洋捕鱸釣鱒其初原無爲盜情形若漁汛愆期無利可獲往往乘間伺劫舊例烙號書篷易於塗滅仍屬有名無實惟有編立甲牌以十船爲一甲責令該澳甲族房長取具連環保結一船爲匪九船連坐嗣後飭領本籍牌照不准於鄰縣請照亦不准將船租賣別縣民人以杜假冒庶守分者不敢妄爲玩法

者知所做懼得 旨所辦甚善務在實力實心地方文武員弁認真稽查奉行毋懈如有疏防玩縱情弊爾督撫等卽據實奏參勿稍徇隱以靖海疆勉之二年正月復擢直隸總督先是直隸藩司屠之申奏直隸差務殷繁議請於每地一畝攤徵差銀一分以均徭役 上命俟顏檢到任後妥議具奏尋奏稱減差均役之說實不可行其略曰自古有治人無治法立政貴持大體無事紛更守土重在得人自臻治理見惟有嚴飭該管道府各就地方情形並向來辦理舊制隨時斟酌妥爲布置一有差務卽嚴察該州縣等如有能體卹民艱公平允協之員據實保舉其有聽信書役任意浮派苛累者卽指名糾參不得稍從寬縱 上以所論極是

諭曰賦徭之制東南則賦重役輕西北則賦輕役重立法至爲深厚若如該藩司所奏是役重而賦並重其意何居嗣後直隸辦理差務著顏檢嚴飭該管道府仍遵舊章各就地方情形斟酌妥辦七月奏請賑濟霸州等二十一州縣被水災民得旨如所請行八月疏陳永定河水勢驟漲南六工東西壩共走失十三丈未克如期合龍懇請寬限 諭曰近日天氣晴明並未陰雨即使偶值北風汕刷勢猛永定河面不爲寬廣何至水勢陡長波浪洶涌不能如期合閉口門反走失十三丈之多總由料物本未購備齊全人夫又不能督飭搶辦種種辦理不善咎無可辭此次姑允所請予限二十日毋許再有遲誤顏檢督辦無方著交部議處尋議降

一級畱任九月大壩合龍得旨該督督率廳弁晝夜趨辦慎重
進占於十三日啟除土埂開放河水建瓴而下大溜掣動暢流下
注卽時挂纜合龍全河復歸故道覽奏欣慰十月奏緝獲在逃十
年習教之逸犯宿景連等按律懲治上嘉之三年二月請將大
城縣續淹七十村莊加賞一月口糧得旨允行四月上以
顏檢自簡任直隸總督以來辦理均無遺誤惟年近七旬究恐精
力不逮有大整頓命來京另候簡用是月署工部左侍郎六月
調署禮部左侍郎九月授戶部右侍郎兼管錢法堂事務十二月
調倉場侍郎四年七月以失察舊太倉監督吉升保等得贓部議
降二級調用上加恩改爲降三級畱任十二月授漕運總督五

年以河淤漕滯下部嚴議尋議降三級調用 諭曰朕惟國家用
人之道貴在賞罰嚴明而賞罰之平允在權衡功過朕自臨御以
來於內外諸臣無不傾心委任從不以其人之功過豫存成見意
爲寬嚴顏檢經朕特簡漕督漕務是其專責乃不能妥速辦理有
負委任且年力就衰著加恩改爲降二級以三品銜休致尋疏稱
察看船監運情形恐致遲誤請援照成案截畱存貯籌辦復
諭曰顏檢曾任督撫有年自特簡漕督以來並不通盤籌畫一味
游移遷就實屬無能著降爲五品銜休致十年以戶部假照案發
覺顏檢失察被議降六品銜十一年入都祝嘏 賞還五品頂
帶十三年卒子伯誠見官閩浙總督緣事褫職

右 國史館本傳

公考諱希深歷任湖南雲南貴州巡撫生公兄弟六人公其長也
乾隆丁酉拔貢授禮部七品京官升主事員外郎郎中扈 蹕灤
陽校射連中四矢 賞戴花翎以京察授江西吉安府知府劾墨
吏逮蠶役置之法一郡肅然遷雲南鹽法道調迤南道權按察使
安南夷民擾邊界大吏將大舉問罪公曰某請往詰果反卽申討
否則毋開邊釁大吏許之公馳赴開化以二十騎往詰擾邊狀檄
國王立界石約不得犯境國王如約事定福文襄曰此真封疆才
能世其家矣威遠猥扎杜反或誘之降已凱旋公曰扎杜數反今
又示弱患未艾也未幾果畔督府奏以公偕提督往平之三戰擒

扎杜事定不妄謬一人奏上授江西按察使嘉慶四年 睿皇帝親政遷布政使調任直隸時三省教匪未靖軍書旁午公部署井然旋護督篆疏除旗地加租之令六年授河南巡撫明年署直隸總督尋實授 賞穿黃馬褂又明年永定河三汛安瀾 欽加太子少保銜直隸民困於役積年虧帑六百萬公以日久人眾不可窮治奏請立限彌補完舊逋已強半矣新任藩司以易州庫虧揭報公奏自請議處 仁廟方嚮用公然不欲廢吏議因給主事銜詣 吉地效力又以直隸藩司任內書吏舞弊公坐失察謫戍烏魯木齊十三年 召還給主事銜十五年授岳常澧道尋授雲南按察使十六年授貴州巡撫復以前直隸失察邪匪降工部郎中

十九年授山東鹽運使擢浙江巡撫林清倡亂後各省多以緝邪
教得敘杭俗多持齋誦經者或以謀逆告公廉得其情燬其簿民
賴以安杭州西湖多停匱偷兒或發匱竊物言官疊上封事公坐
庇所屬落職二十四年入都祝 釐除刑部員外郎 今上御極
起福建巡撫兼署總督疏陳利弊舉劾並行閩中歲貢建蘭荔支
久爲民累公疏請罷有 旨嘉獎永行停止道光二年復督直隸
未幾 內召授戶部侍郎調倉場侍郎四年改漕運總督以河淤
漕滯降三品銜後以五品銜休致子伯燾甲戌進士由翰林官直
隸布政使公歷事 三朝皆受 特達知簡用優隆然屢起屢蹶
不得久於其任旣老就養忠愛之忱經濟之蘊未竟於身者還授

國朝書目類考卷之二十一

其子益大其用嗚呼是可謂至人矣

右墓誌張維屏錄

十一

嚴士鉉

公諱士鉉字震叔姓嚴氏江蘇丹徒縣人先世太學生永中居汴
當宋靖康時與太學錄陳東等擊登聞鼓請畱李綱不報遂渡江
而南居京口爲遷丹徒始祖曾祖之錫祖榮德輕財好施喜交魁
儒碩彥鄉里敬之馳 贈中憲大夫父璟晉 贈中憲大夫妣華
氏曹氏 贈恭人公爲中憲第三子少端靜及長儀度修偉性沈
毅寡言笑喜愠不形於色工文辭尤畱心經世之學公叔祖元燮
以名進士教於家窮經治史旁及星緯象數公從遊盡得其傳乾
隆丁酉科公舉選拔以知縣試用四川攝秀山內江題補墊江將
赴任以憂去服闋攝天全州攝成都兼攝金堂題補犍爲攝樂山

奏調華陽以軍功擢資州尋擢知甯遠府事攝夔州府事奏擢川
東道攝布政使攝永甯道攝按察使擢湖南按察使調河南按察
使未之任以疾去公善折獄任華陽時有以貲得道職仍充潼商
負健商本不歸健商訟之某怙勢亂鹽法不爲屈公識定褫其職
加桎梏豪猾奪氣又有以貲得副指揮某利嫠叔母財誣其與婿
姦訟諸按察使飭公會鞠嫠懷利刃欲自剗於訟庭公廉知之訊
其指姦無證乃坐誣告者嫠與宗人數百伺公出焚香泥首馬前
又富家某賃一婢忽逃去婢家以謀殺控公方集人證研鞠時按
察使承差明招佐者陰偵伺日一至縣庭公疑之廉得招佐匿婢
狀蓋招佐賺富家欲陷之公帶幹役出不意於二鼓後排闥入獲

婢卽禽招佐論如法公發姦鋤強類如此平反獄至多錄其犖犖大者公尤知兵乾隆六十年湖南苗疆軍興福文襄王帥師進剿孫文靖再督四川駐節秀山時公攝夔州府事府據白帝控瞿塘萃水陸之險又東縮宜昌東北表鄖陽北指興安南涉施南古戰爭地也公亟修水陸營堡誅匪徒潛伏者未幾白蓮教匪齊王氏姚之富張漢潮覃加耀等起分竄荆襄宜施各府在在與夔州牙錯公亟請於孫文靖撥權銀集團勇積穀練兵爲守禦計選健卒數十人布所轄六邑偵奸細而大甯之一碗泉開縣之周家槽有伏寇公會營弁疾馳掩擊殆盡是時川中教匪尙未蔓延故旋起旋撲滅文靖又以巫山爲川東門戶檄公守焉巫山郭俯江憑大

甯河距楚境不百里而巴東之培石違箭槽拐子坪皆有教匪欲
攻巫山城得則據之不勝則奔湖北與大股賊合其酋曰侯光斗
李宗嵩無何侯之宗人告變公時出巡培石聞之遣親信入山偵
卽約都司徐朝綱議勦撫時公度賊密約已久而未發必脇從者
眾心力未齊也乘其未發撫之則不煩兵矣語都司都司奮曰朝
綱任巫山久與各峇居民習當爲公往公握其手下拜曰君信有
膽識某亦同往義不獨令君勞也各帶僮從數人而分撥兵勇每
五里置二人爲急遞脫有變卽馳歸報巫山使登陴守瀕行探卒
旋曰居民數萬戶教匪三之一耳公與都司徑入不三十里有寇
備冠者十餘人迎於馬首詢何姓皆侯李也曰來者非太守與都

司耶曰然曰是不可入中有教匪數千戶將揭竿奔湖北矣都司
曰知之眾曰既知之何不帶兵而單騎入都司曰吾與太守不以
教匪視吾民奚兵爲且爾等不聞湖南苗疆凱旋之兵十餘萬圍
賊於巴東之黃柏山不日盡勦無孑遺乎彼棄其田廬墳墓妻子
欲往助至卽授首耳愚甚彼能悔教從我我與太守能生之眾頓
首泣下曰太守與公來某等活矣某等亦誤入教者公於是拔佩
刀裂短後衣一幅示之曰所不許爾投誠而食言者有如此衣眾
曰首逆謀者侯光斗李宗嵩耳某等願禽以獻公卽委候補員馬
鳴鑾吳國鴻各率兵勇往追捕自與都司徐分歷各教匪巢穴宛
轉曲諭十餘日而徧皆革心爲良民尋獲侯光斗李宗嵩斬之公

下令赦悔教者於是數千戶人歡聲若雷嘉慶二年川東達縣之王三槐徐添德川北巴州之羅其清冉文儔等蠶起陝西亦然三省連兵會剿而賊愈熾參贊德楞泰公駐兵開縣之大團包公在參贊營總糧餉乃獻策曰齊團練使之守招鄉勇使之戰參贊聽之公招集鄉勇一月餘得萬人選隊長二一爲桂公涵一爲羅公思舉今皆官提督總統宜縣公參贊德楞泰公奏公勤力奉 旨賞戴花翎時賊匪出沒不恆德公屢挫之因選勁旅乘夏漲爲下峽計公馳入夔州集兵船三百艘載官軍隨德公自夔門下抵宜昌德公登岸將整隊忽前鋒偵報賊匪不入鄖陽將竄荊州出襄陽以齊王氏樊城人樊城接南陽德公恐震中州計賊匪已過宜

昌不可追甚憂之公進曰可仍由水路下荊州因手令箭傳呼曰
 兵船無散仍載大兵下荊州舟子皆夔人感公舊政均踴躍時宜
 昌餉緇不能給船值公卽以川餉給之剋日請德公登舟德公喜
 曰此行扼賊不使過南陽君之功也果及賊於荊襄敗之復敗賊
 於鄖陽殲之公以軍功加道銜隨德公營至漢中府漢中與保甯
 接公調川兵及餉遂至保甯之廣元而土匪何四蠻刀等欲起應
 賊公禽其首撫其餘境內以安大府上其事以道員卽用尋授川
 東道仍留軍營嘉慶十一年陝西甯陝新兵叛川東毗陝西省公
 赴綏定籌邊而綏定新兵亦翻城出欲由新甯竄巴山公卽檄桂
 公涵迎擊淨盡時事起倉卒公籌畫凡十晝夜不寐公自乙卯兵

興運辛酉功竣凡七年在戎行運用神速知山川夷險故所策多
勝算恆出諸將帥先耐辛苦尤儉約食等士卒臥一敝穹廬不避
燥溼寒暑卒以是致顛眩疾大兵之後川北一帶州縣有未治城
郭者方伯方公積議開南江老林招商出售可得城郭貲請於常
齡公檄公往勘公按行一閱月致書方伯以五不可阻之大旨謂
南江山谷阻深毗陝西漢中爲南棧別支賊匪初平人宜散不宜
聚聚則易因緣爲姦而兩省墾荒之人不下數十萬皆衣食此山
一旦設廠伐木是奪其利又老林爲縣屏蔽伐之恐地脈傷方公
得書白制府罷之未幾陝西南山大饑木廠倡亂人皆服公先見
襄平相國蔣公攸銛時督四川知公練達詢以川省情狀公條吏

治兵政邊防盜賊四事大約謂蜀中州縣起科目者半起投效者
半易分門戶角技能又瘡痍之後弱宜撫強宜戢當判其才之寬
猛使各盡其長去其短拘常例輪委則上才屈揣地方肥瘠則私
門開又軍功超遷往往起微末洊至方面流品至雜尤宜審擇蜀
中兵久戰故兵強兵強則易叛糧帑不可移動訓練不可廢弛以
勇將兵以誠將將則百萬統於一邊境番夷之黠者北曰果羅克
三部南曰瞻對三部又建昌道所屬各州縣永甯道敘州府馬邊
峽邊雷波等處民番交錯易侵占啟釁盜賊之尤者曰峒匪峒匪
有專律格殺勿論其民浮囂易動故剽掠作奸不獨莠民富室豪
強亦爲之且匿猾與通賄尙巫信祿好結盟黨皆教匪之漸公所

陳皆遠大辭公一一施行蜀以大治始公以知縣辦西藏軍務大員某僂從入局索夫馬勢甚張公立禽治論如法嘉慶四年川督勒公被逮以某公代某公至將與大獄公從容陳白以情理折之其事遂解人謂公善用剛柔有如此公以嘉慶二十四年疾劇在告道光六年就養於楚南官舍八年夏感熱疾秋不起享年八十有三夫人趙氏 封恭人晉淑人先公十有一年卒子三長學瀛候選鹽場大使爲公兄士銓後前卒次學淦舉人署湖南耒陽縣知縣三學澄候選縣丞前卒孫六榕廷枋樽榆標承曾以道光十年正月初七日葬公於城西曹王山枝之徐灣原趙淑人祔焉記澤官黔時識公門下士糜方伯奇瑜方伯稱公德量智術不去口

恆奉以爲法尋澤移官楚南以年家子禮拜公公時年過八十言語恂恂猶未釋恭去歲從蔣襄平夫子遊夫子譽公一如方伯所言嗚呼魁儒長者芳烈之昭著如是是可銘也已銘曰

其量淵淵其才磐磐洞深察微秉經達權市朝原野皆天所棄戰人之命匪仁曷恃五過有疵弱肉餒強公折鉅豪剽狼恤危用武之國死若薙草公起白骨授以文祿或摧機牙或爭須臾騰趨飛行如風御虛燧銷馬卻雍容坐論東井有絡西川如鏡卅載服官七年枕戈心燔欲枯筋憊猶磨屢筦億鎡退無四壁布裘白髮危坐獨息有子謙慎循吏通儒公活萬生流慶必都武惠山側嶽嶽華表過者式焉視此有道

國朝通志卷之九十一

古神道碑銘程恩澤撰

三十一

和琳

和琳滿洲正紅旗人鈕祜祿氏父常保副都統兼三等輕車都尉
乾隆四十二年和琳由文生員補吏部筆帖式以兄和珅署吏部
侍郎調工部筆帖式累遷郎中五十一年署杭州織造五十二年
三月擢湖廣道御史九月 命巡視山東漕運五十三年五月
上令江西湖南各造船百隻備東省剝運和琳請以一百船工料
分造三百縴挽既輕并可經久 允之八月疏言運河定例一年
小挑用銀二千餘但挑工多寡當視受淤之厚薄爲準請不必拘
定大小挑工原案總以二年用銀不得出一萬五千兩之數 諭
曰所奏斤斤計較尙未周到當於每年回空時確加履勘認真辦

理亦不必拘於銀數責成總河巡撫及巡漕御史互相稽察以杜浮冒而利運行嗣後並以爲例五十四年閏五月劾奏湖北按察使李天培私交湖北糧船分帶桅木尋訊出兩廣總督福康安寄書索購狀天培坐褫職遣戍十月疏陳東省開河南旺分水口爲水脊稍北劉老口迤南濟甯塘河地並高仰彭口一帶尤淤應挑土方請如例支給五十五年正月授吏科給事中二月疏言東豫二省及通州天津兩幫協運舊雇民船易滋弊竇請改用直隸北河官造剝船得旨允行十一月奏履勘運河上河洲河三應屬各河淤沙較厚工段較長應挑土方請於額設兵夫外循例支給五十六年二月擢內閣學士和琳自五十二年至是皆命畱山

東巡漕之任四月疏請於滕縣濰河所經之皇甫村修築舊土壩
攔水歸獨山湖以免挾沙淤運 從之九月授兵部右侍郎十月
命往勘陝西潼關廳城工同巡撫秦承恩覈實辦理尋覈減銀
七十萬餘兩令承修各官賠償再請水關改立木柵泊岸築挑水
壩責成潼商道德明經理疏下部議行十一月兼署工部左侍郎
五十七年正月授正藍旗漢軍副都統二月廓爾喀侵擾後藏將
軍福康安等統師進剿 命和琳馳驛往理藏庫督前藏以東臺
站烏拉等事四月疏陳運送軍糧分五十四站險阻限日行八十
里平坡九十里並分加獎責可期迅速 上敕其善爲招集勿過
嚴滋事閏四月 諭曰軍行需用糧餉等事自察木多以西由前

後藏至濟隴以內地方和琳與鄂輝二人輪往照料不可稍分畛域和琳隨疏報由江下至丹達一路設法督催切實曉諭營官喇嘛等咸知畏懼 上諭令妥爲駕馭又 諭曰和琳平素敬佛此次到藏見達賴班禪自必照常瞻禮其辦事原與達賴班禪平等應加意整飭勿矯從前積習五月 予都統銜八月擢工部尚書疏報馳赴宗喀濟隴催僱接濟軍食方是時大軍深入賊酋拉特納巴都爾悔罪乞命得 旨令福康安軍前受降善後事宜會同和琳熟商妥辦尋授鑲白旗漢軍都統九月疏言私往廓爾喀搆毀之巴故沙瑪爾巴財物籍沒入官其陽八井廟僧房令歸濟隴呼圖克圖管理紅帽喇嘛改爲黃教分交前藏大寺堪布約束十

月又疏言凱旋事宜俱已籌備至廓爾喀貢使親來謝過恐達賴不諳事體應對失宜請仍回前藏料理報 聞十一月 諭同孫士毅惠齡覈辦察木多以西銷算事宜仍兼理藏務十二月會奏唐古忒訓練番兵藏內鼓鑄銀錢各事五十八年正月陳善後十八事詳福康安傳四月奏言廓爾喀酋長拉特納巴都爾以立結撒儻兩地本係該部落所屬因該處營官不許管理求仍給還前經勘明俱在熟隴橋鄂博外已飭總轄營官聽歸該部落管理又底瑪爾宗亦廓爾喀舊地應自行接管毋許薩迎呼圖克圖私議收受 諭曰和琳接到拉特納巴都爾來稟應將不聽管理之營官懲處使之畏懼何以未經想及辦理尙未周到若因營官係藏

內所派之人稍存歧視轉不足以示公允宜勿存迴護之見六月
予雲騎尉世職九月疏言噶布倫戴琫係請旨改補之員請
分別給與三四品頂帶以崇體制嗣後噶布倫亦無庸給札薩克
名號十月疏言唐古忒自去年改鑄乾隆寶藏銀庫三品試行迄
今其重一錢五分者停積難行請嗣後祇鑄重一錢重五分兩品
與巴勒布舊錢通用並允行十一月疏言廓爾喀酋長以哲孟
雄作木郎二部不遵約束稟請剖斷並官爲定界緣二部落本非
藏屬久被廓爾喀侵踞當諭令弗過窮追欺凌弱小亦不復代爲
定界十二月請將前藏新設監鑄局員照糧員例減半支給口糧
公費五十九年三月諭曰和琳奏阿足地方差員被掠一案摺

內倉儲巴字樣沿舊時承襲之語藏內管倉庫人稱爲商卓特巴
遇有陳奏應按照譯正和琳卽未能諳悉何妨轉詢講求一一通
曉也七月授四川總督八月西藏新建 御製十全記碑亭成恭
進四體書墨捐并爲廓爾喀呈進貢表六十年二月貴州逆苗石
柳鄧糾眾擾正大嗅腦二營及松桃廳湖南逆苗吳半生偕石三
保等圍永綏廳 特命雲貴總督福康安統兵剿捕 諭和琳馳
赴酉陽堵禦和琳方自藏來京至邛州聞警卽由川東赴秀山時
松桃道阻該境當黔楚之衝閏二月督參將張志林都司馬瑜連
戰皆捷復率先到兵廓清後路三月攻礮木山黃坂通道於松桃
賜戴雙眼花翎時福康安已解正大嗅腦松桃園將黔兵逕攻

石柳鄧大塘汛和琳率川兵會於滿華寨是時軍營攻戰之事皆統於福康安和琳則隨參議八月克蝦蟆碯烏隴巖降羣苗七十餘寨敘功封一等宣勇伯九月克巖碧山捷聞賞上服貂尾褂又以降吳半生功賞黃帶十月以龍角碯及鴨保天星諸寨大捷加太子太保銜賞上用黃裏元狐端罩嘉慶元年四月由連雲山克結石岡廖家衝連峰坳諸隘賞用紫韁五月福康安卒於軍敕以軍營調度機宜交和琳一手督辦時石三保就擒石柳鄧尙踞平隴六月由馬鞍山渡河克尖雲山踰礮臺收復乾州賜戴三眼花翎七月疏陳苗疆善後六事清釐田畝歸併營汛酌改土弁修理城垣收繳烏槍器械安插被難民人上以

收繳鳥槍一條尙須斟酌仍 敕和琳籌辦妥善八月大軍進圍平隴維時 上軫念戎行以苗疆水土惡劣 敕和琳於攻破賊巢後卽與統兵大員移至辰州弁兵以次徐撤越五日軍營奏入和琳卒於軍晉 贈一等宣勇公以子豐紳伊蘇襲給治喪銀五千兩並賜陀羅經被 予諡忠壯 賜祭葬 命配饗 太廟並入祀昭忠祠賢良祠准其家建蓋專祠四年正月和珅以罪賜死大學士九卿文武大員翰詹科道等以和琳藉勢邀功議請撤出太廟削除公爵拆毀專祠 諭曰和琳本無功績祇因奏參福康安木植一案得以屢邀擢用此案並非和琳秉公劾參實係聽受和珅指使爲傾陷福康安之計今和珅籍沒家產查出所蓋柁

國朝書庫卷之九十一
木房屋僭妄踰制較之福康安託帶木植之咎孰重孰輕且和琳同福康安勦辦湖南苗匪亦因和琳從中掣肘以致福康安及身未能辦竣是和琳於苗匪一案有罪無功所有和琳公爵自應照議革去至配饗太廟尤爲非常鉅典和琳何人乃與開國功臣同列著卽照議撤出太廟並將伊家所立專祠一併拆毀伊子豐紳伊縣著革去公爵斥退侍衛不准在乾清門行走仍加恩賞給雲騎尉豐紳伊縣見襲三等輕車都尉

右 國史館本傳

廣厚

廣厚高佳氏鑲黃旗滿洲人父高晉官至大學士自有傳廣厚由乾隆四十三年進士分部學習四十六年補主事四十八年升員外郎五十一年遷湖廣道御史五十二年授江西吉南贛甯道五十三年十二月調山東濟甯道旋丁母憂回旗五十四年二月在吏部郎中上行走五十五年三月 命署陝西延榆綏道服闋實授五十六年調潼商道六十年擢甘肅按察使嘉慶二年五月湖北教匪張漢潮由陝西鳳縣闖入甘境總兵吉蘭泰赴兩當一帶堵剿廣厚帶兵馳往策應四年正月賊經官兵截擊奔竄徽縣兩當境內奏入 諭曰賊匪擾及甘境經廣厚等堵剿仍折回陝境

摺內奏殺賊數十名而陣亡兵勇轉多卽此可見其開報得實並無諱匿傷亡虛報功級之處如此方合入告之體二月川匪張映祥聚眾萬餘由陝省甯羌州趨至文縣余家河經官兵奮擊仍折竄入陽平關分擾階州兩河口梅子園鞏家灣等處廣厚馳赴截擊三月賊分兩股藍號張映祥竄涼恭白號楊添注竄宕昌廣厚偕吉蘭泰圍捕藍號賊匪乘夜進擊之於新寺鎮斬獲多名賊首張世龍殲斃廣厚吉蘭泰均 賞戴花翎賊由桃花山西竄直趨鞏昌府城廣厚擊敗之殲斃八十餘名生擒宋廷成等九名追至徽縣岱門鎮旋聞白號賊匪折入秦州之馬礮泉距州祇三十里廣厚等卽回秦州迎擊賊竄渡渭河山水漲發淹斃及殲戮者甚

眾生擒楊世才等四十七名 上以其能權事宜緩急 賞喜字
玉搬指金纍絲盒火鑷大小荷包白號賊匪竄入成縣拋沙河廣
厚由江洛壩追至小川子賊由白馬關南竄因藍號股匪復竄至
禮縣將軍恆瑞令廣厚馳回會同成都將軍富成勦辦五月自大
川壩進擊聞白號賊匪被恆瑞勦辦折竄大石山距大川壩僅一
犀牛江之隔廣厚等復夜冒雨進攻殲斃六百餘名生擒楊生才
等七十一名 上嘉之賊竄成縣旬旗寨復追擊之南竄大河店
廣厚等與吉蘭泰兩路夾攻賊沿江而上欲逃回川省從虞關向
白水江偷渡多被衝沒我兵又殲斃多名 命交部議敘又 諭
曰此時甘境已無賊匪但賊蹤往來無定廣厚吉蘭泰仍當在邊

國朝三才集卷之二
三十一
境駐劄防堵六月藍號賊匪在階州東南邊界滋擾廣厚等由富
家鎮迎勦賊渡白水江竄陝不致闌入川西完善之區 上復嘉
之八月擢江西布政使 諭曰廣厚見在甘肅辦理防堵事宜俟
軍務告竣來京請訓後再赴新任九月張漢潮股匪由陝省逼近
甘省廣厚自秦州馳至清水溝截回張逆旋被陝兵殲斃尋 命
赴西甯暫署辦事大臣印務查辦番賊殺傷蒙古搶掠牲畜案十
一月調甘肅布政使五年正月番案辦竣仍赴秦州堵禦二月各
竄匪在岷州禮縣奔竄無定廣厚慮其趨向西北率領官兵由岷
州之遮羊鋪前進屏蔽西北完善地方 上是之賊由西固擾及
岷州本諸寺一帶有直趨狄道渭源之勢廣厚督飭官兵擊之賊

向東南竄逸 上嘉之時甘境賊匪經略額勒登保等痛加殲戮或折回川境或向川省邊界奔竄甘境已就肅清 諭曰此時防範最爲緊要廣厚旣在岷州本諸寺相機堵禦務須督率兵勇實力防堵勿令再有賊匪闖入四月川省竄匪高二馬五等欲由玉壘關左家壩一帶搶船過河均經廣厚督兵擊退五月賊分兩股一竄西茵鄉一竄舊關溝廣厚派弁兵繞截斃賊甚多馬五之徒謝旺張士祿俱被陣斬 諭交部議敘馬高二逆與陝省竄來之戴家營股匪合夥又伍金柱冉學勝等股竄西河禮縣一帶辛聰宋麻子等股竄擾秦州均經廣厚勦潰八月伍金柱槍斃其餘匪竄至文縣甯羌等處廣厚等設法兜截專堵階文往龍安之路

六年二月因病 諭令回旗調理八年病痊閏二月補江西布政使三月調廣東布政使九年七月 命赴廣西審勘武緣縣革生黃萬鏐遺子黃會泰控黃文煬被黃鸞歲截傷身死知縣孫廷標改傷捏詳故出正兇毀屍誣陷黃萬鏐以絞候案訊明定擬如律仍回廣東任十年十月 上以廣厚有隨同總督那彥成宴飲及令家丁演戲事解任質詢十一年正月 恩賞三等侍衛 命爲庫車辦事大臣十二年三月伊犁將軍松筠參劾喀喇沙爾辦事大臣玉慶劣蹟奏請就近令廣厚確查 命將玉慶先行解任審訊大槩情形帶往伊犁會同松筠秉公審訊尋將玉慶授意需索各款鞠實定讞五月調喀喇沙爾辦事大臣十一月奏回疆各城

軍臺當差回丁多於臺防隙地種植苜蓿大小麥藉資食用卽以飼餵馬牛喀喇沙爾臺防見無可種之地查得開都河北臺東西有荒地五頃餘係與臺連請以之分給開都河南北及特伯爾吉三軍臺回戶耕種又烏沙克勒三工屯地餘壤尙多請撥出六頃餘分給烏沙克塔勒喀喇阿薩爾庫木什阿克瑪三軍屯回戶耕種於軍臺大有裨益得旨允行十三年十二月授浙江按察使十四年四月調廣東按察使五月升浙江布政使十五年三月擢安徽巡撫十六年七月調湖南巡撫二十年正月奏湖南永州府屬江華縣之上五堡嶺東二處地方縣互百餘里距縣城寫遠界連兩粵民猺雜處近年每有匪徒出沒勾結滋事雖原設有錦岡

巡檢及竹山汛把總駐劄分防官職既小兵力復單不足以資巡
查捍禦前與督臣馬慧裕等會商請以駐劄常德之湖南提標前
營守備撥歸永州鎮標統轄移駐嶺東之橋頭墟地方奏聞在案
今請以駐劄江華縣城之理徭同知移駐上五堡濤墟地方就地
撫綏民徭緝捕盜匪得與橋頭墟守備聲勢聯絡互相接應庶邊
隅要地稽查彈壓益臻周密下部議行二月奏辰州府屬沅陵瀘
溪辰谿三縣每年買補兵米又沅陵瀘溪二縣代永綏廳買補倉
穀向因本境產穀稀少均赴桃源縣購買查該三縣俱在桃源上
游灘河險急挽運每多沈失且一縣之出產供三縣之採買糧價
每致增昂於民食有礙見計三縣歲收民食之外儘有餘穀請卽

就本境採買以節運費得 旨允行四月署邵陽縣知縣徐維麟
拏獲李和卽劉呈祥其年貌與逆犯劉呈祥相似審訊六七日旋
卽病斃廣厚據稟輒將首級解送刑部查驗驗明實非劉呈祥
諭曰廣厚並不詳覈供詞亦未查驗屍傷有無刑偪教供情弊輒
將疑似之人戮屍傳首實屬冒昧糊塗廣厚著交部嚴加議處部
議降二級調用奉 旨改爲革職卽任八月卒子與訥兵部學習
筆帖式

右 國史館本傳

伊江阿

伊江阿正白旗滿洲人拜都氏父永貴協辦大學士吏部尙書自有傳伊江阿由理藩院筆帖式於乾隆四十三年升兵部主事四十四年升兵部員外郎四十六年兼公中佐領四十八年承襲三等輕車都尉五十一年升兵部郎中五十三年授公中佐領旋擢土魯番領隊大臣五十六年調往葉爾羌協同辦事六十年補乍浦副都統十月授鑲白旗滿洲副都統署刑部侍郎嘉慶元年六月授山東巡撫八月奏豐汛漫水淹及濟甯魚臺村莊撫恤完竣籌辦窪地積水糧艘造行無阻並協濟江南料物全數完工俱照時價購辦並不絲毫派民 諭曰伊江阿甫經擢任巡撫一切事

宜自應實心籌辦今於撫恤疏消各務尙能經理周妥但不得始勤終怠漸染外省習氣諸事委之屬員惟當遇事爲之以實持之以久方爲不負委任十二月 諭曰伊江阿奏到所屬文武各員賢否其文職除奏摺外另行開單填註考語而武職則卽於摺內註考並未另開清單殊未明晰伊江阿著傳旨申飭二年四月奏南糧首進尾幫於四月初五日僨出德州東境比上年較早十一日得 旨交部議敘十二月偕河臣康基田奏曹汎壩工合龍穩固得 旨欣慰覽之三年九月 諭曰據伊江阿奏河南高家寨迤下漫口曹工水勢陡消上游已經掣溜不勝焦切等語措詞殊屬失當前因睢州南岸上游漫溢則下游水勢自必消落曹工易

於堵合經費亦大有節省此正極好機會乃伊江阿摺內轉稱不勝焦切實屬不諳河務伊江阿著傳旨申飭四年正月諭曰本日伊江阿由驛遞到奏摺有寄和珅書信伊業經聞知大行太上皇帝龍馭上賓信內惟諄勸和珅節哀辦事等語而於朕遭大故並無一字提及卽以常情而論寄書唁問自以慰人子爲重今伊江阿於和珅則再三勸以節哀而於朕躬僅照常具一請安之摺轉將尋常地方事件陳奏不知是何居心著傳旨嚴行申飭並交部嚴加議處仍著明白回奏尋奏因正月十四日以前未經接准禮部咨文恐措詞失當僅照常備摺請安至給和珅一札因和珅身依禁近望其出力故囑其節哀辦事與和珅從無交涉

諭曰前因伊江阿由驛遞到奏摺有寄和珅書信因降旨將伊江阿交部嚴加議處並令明白回奏見在和珅罪狀已著業經伏法其平日之種種貪黷營私尙得爲國家出力大臣乎如果伊江阿與和珅素無交結則該撫之浮收漕糧見被奏參不知又將何用也伊江阿既經顛倒錯亂於前又復飾詞巧辨於後實非尋常謬誤可比著卽照部議革職來京候旨二月 賞給藍翎侍衛授爲塔爾巴哈臺領隊大臣六月 諭曰本日陳大文奏覆審伊江阿於前任山東巡撫任內定擬免死充發之強盜王二係起意爲盜又恐嚇失主爲盜後往荏平縣被拏伊江阿有意援投首之例定擬等語從前伊江阿在巡撫任內接見屬員率坐蒲團合掌論

事朕早經聽聞但念公餘之暇與其互相宴會演劇伊獨自持齋拜佛不誤正事亦無甚關係任其自便可耳是以未明降諭旨今強盜王二揣知伊江阿好行善事於審訊時詭稱自行投首伊江阿入其轂中欲積陰功將應斬重犯膽敢違例有意故出竟同婦人之仁殊負巡撫重任著革去藍翎侍衛及伊承襲輕車都尉發往伊犁效力贖罪十二月 諭曰伊江阿因將奏摺呈於和珅是以將伊革職發往伊犁皆由伊稟性情憤尙無重罪著施恩賞給藍翎侍衛作爲古城領隊大臣六年三月卒於任子麟昌見任東陵員外郎次麟興刑部筆帖式次麟陞戶部筆帖式

右 國史館本傳

國朝書目考卷之二十一

三

和舜武

和舜武伊拉里氏滿洲鑲藍旗人乾隆四十三年由官學生補太常寺筆帖式嘉慶四年洊升員外郎十年因查辦匿名呈詞究出已革護軍校阜保懷私匿控實情下部議敘升兵部郎中兼公中佐領十三年以監修清夏齋工程草率部議降三級調用 詔改爲革職畱任十五年京察一等授江蘇鹽法道十六年調廣東高廉道十九年五月擢河南按察使七月調廣東按察使二十年二月遷山東布政使十二月疏稱審結京控五十餘案 上嘉其實心任事紀錄二次又以徵收本年新賦在六分以上 特旨賞加一級二十一年因失察前次要犯劉玉滙潛匿東境部議降一級

調用 詔改降二級畱任二十二年七月擢山西巡撫十二月調河南巡撫時布政使吳邦慶奏請於漳衛合流處建立閘壩上命勘明具奏尋疏言漳河盛漲時奔騰湍悍斷非一閘所能抵禦難保不越閘旁趨且慮停蓄泥沙轉將閘口堵閉衛水宣洩無路必致壅決爲患莫若循照舊章每年將寶公河一帶加挑深通以資濟運俟商力充裕另疏衛水河渠 從之二十三年四月疏言衛輝府屬考城縣治於乾隆年間移建縣之東南距舊城七十里界連三省汛小兵單不足以資巡緝請於河北鎮標左右兩營抽撥弁兵以把總一員兵三十七名駐劄城南以原額外委一員兵二十名移駐舊城歸衛輝營參將兼轄又請於參將兼轄撥兵十

名添於府屬之新鄉汛以資巡防差遣均得 旨允行是月調山東巡撫五月疏言遵 旨勒限清釐積案分別勸懲章程其京控案件請照十九年 諭旨責成撫藩臬三人分提審辦每月將已結未結若干起自行具奏 諭以秉公研鞫不可草率定案儻辦理認真積案全消必施恩甄敘以示獎勵六月 諭曰朕因和舜武官聲素好擢任藩司畀以巡撫重任又因伊前任山東藩司時整飭吏治頗洽輿情特由河南調回山東俾資整頓伊調任以來東省頓無京控之案自係該省民人知和舜武到任必能勤於民事遂不遠來赴訴和舜武當倍加飭勵振作有爲以期吏治民生日有起色八月疏稱東省竊案甲於他省請裁改竊賊窩匪條例

加重定擬俟盜風消息奏復舊例 從之十一月疏言登州鎮中
右二營地處海濱糧草昂貴兵力未免拮据請於司庫扣存工程
銀兩內撥給四千兩以二千兩交登州鎮存貯每年秋收後採買
糧石散給兵丁於發餉時扣還存項以二千兩發商生息所得息
銀分作八年還款得 旨允行十二月以審結積案一千一百二
十四起下部議敘二十四年正月京察屆期復下部議敘三月卒
諡曰和舜武在巡撫任內年資雖淺然所至之省皆能實心整
頓遽聞溘逝殊深軫惜著加恩賞給總督銜照一品例賜恤尋
賜祭葬諡恭慎子鍾祥寶歲俱候補主事

右 國史館本傳

台斐音

台斐音包國羅特氏正黃旗蒙古人由繙譯舉人於乾隆四十四年考授國子監助教四十九年分發甘肅以同知試用五十二年補莊浪同知五十三年調循化同知五十六年升直隸承德府知府五十七年授圍場總管 賞戴花翎五十八年擢口北道六十年調熱河道嘉慶二年十二月擢陝西按察使時邪匪李全等滋擾省西一帶台斐音抵任後卽馳赴子午谷夾嶺等處督率員弁加意防範三年四月擊賊於夾嶺以南斃三百餘名餘匪南竄五郎邊界復偕遊擊龔鐸兩面夾攻勦洗淨盡得 旨嘉獎四年四月張漢潮股匪竄至孝義藍田台斐音督同文武嚴密防禦并預

備各路軍火糧餉又川餉接踵過陝行近鳳翔時賊匪張映祥由秦州竄至隴州之赤沙香泉地面台斐音以賊勢切近飛飭隴州汧陽鳳翔寶雞等處厚集壯勇防堵仍飭參將海洪阿帶兵馳往寶雞并飭潼商道吳沂將副將四達色帶赴商雒協剿之山東官兵一抵潼關卽改由大路行走既可護送川餉且爲西南一路聲援 上嘉之九月陝甘總督松筠以五郎孝義鎮安三廳縣爲賊匪往來必由之路居中扼要須幹員董率奏調台斐音赴五郎駐劄五年正月擢廣西布政使經陝西巡撫台布奏畱陝省辦理軍餉二月調陝西布政使總督麟因子午谷以西蓋屋所屬之黑水峪西駱峪辛峪一帶無官兵防守飭令台斐音率各員揀派壯

丁嚴密布置六月有戴家營股匪自辛峪竄出經略額勒登保以
台斐音籌畫疏虞並於鎮安五郎等處糧運辦理未能妥協奏參
得旨拔去花翎降爲鳳邠道七月署陝西布政使時黃河漲漫
朝邑縣城內水深一丈有餘民房田禾被淹命會同潼商道吳
沂分投確勘尋奏因見辦軍糧於查勘後卽面交吳沂悉心辦理
仍兼程回省經理軍需事務上是之六年十二月偕巡撫陸有
仁等捐廉備辦衣履解送軍營上以其急公可嘉交部議敘七
年督修斜峪關華陽營各工程首先依限完竣仍賞戴花翎八
年十一月因前在圍場總管內牲畜減少不能實力稽查鐫四
級畱任旋授河南按察使九年遷湖北布政使十年七月因鍾祥

潛江二縣民修隄坑例應保固之工並不查照乾隆五十三年議定章程率以毋庸保固年限稟請巡撫瑚圖禮入奏經工部查與舊例不符奏參 上以台斐音有心朦混降四級調用旋 賞給二等待衛授庫爾喀喇烏蘇領隊大臣十一年九月以前在湖北藩司任內查出大冶棗陽二縣虧空並不立時奏參又銀匠陳信義虧那庫項畏罪自盡輒因正犯已故亦未據實究辦 上以其顛預不職革職拏問發往伊犁效力贖罪十三年三月 恩旨釋回八月 命以六部主事用十月 賞給藍翎侍衛授哈密幫辦大臣十四年 賞給三等待衛授和闐領隊大臣十五年 賞給二等待衛授庫倫辦事大臣十七年十月 上以台斐音在新疆

年久 諭來京在二等侍衛上行走十八年七月 賞給三品頂
帶授河南布政使八月護理巡撫時睢汛下游漫口甯陵睢州商
邱柘城鹿邑被淹又匪徒李文成等滋事台斐音帶兵往勦 上
命熱河都統高杞馳赴豫省署理河南巡撫專辦勦堵之事台斐
音仍赴漫口處所幫同經理堵築及災區撫恤事宜旋因具摺覆
奏輒由五百里驛遞 上以所奏並無勦賊情形徒勞驛站飭之
十二月因督辦軍需攻具無誤經直隸總督那彥成奏入 諭交
吏部議敘十九年二月授廣西巡撫二十年二月卒子成善見任
兵部員外郎

右 國史館本傳

國朝耆獻類徵初編卷百九十二目錄

疆臣四十四

楊遇春

胡克家

陸伯焜

楊揆

成林

曾煥

清安泰

覺羅琅玕

補錄

楊遇春

翁元圻

卷之四十四

--	--	--	--	--	--	--	--	--	--	--	--	--	--	--	--	--	--	--	--	--

國朝耆獻類徵初編卷百九十二

通奉大夫前署江西巡撫江西布政使司布政使湘陰李桓輯
疆臣四十四

楊遇春

楊遇春四川崇慶人乾隆四十四年中式武舉於四十五年入本省督標效用四十九年甘肅石峯堡回民不靖四川總督福康安率師往討遇春隨征出力拔補龍安營把總五十三年復從福康安出師臺灣討平叛匪林爽文敘功 賞戴藍翎遷茂州營千總五十七年復隨征廓爾喀在事有功擢四川城守右營守備五十九年福康安調雲貴總督遇春隨赴雲南六十年二月貴州逆苗

石柳營聚眾圍正大營嗅腦營松桃廳三城湖南逆苗石三保等圍永綏廳附首逆吳半生爲亂三月遇春隨福康安督兵赴黔剿賊屢戰克捷連日解正大營等處賊圍將賊寨盡行燒燬捷入賞換花翎復隨欽差都統額勒登保分兵赴湖南援永綏圍亦解四月攻克竹子山蘭草坪賊寨福康安上其功 賜勁勇巴圖魯名號遷雲南督標中營都司尋以擒首逆吳半生於高多寨擢四川松潘營遊擊仍下部議敘嘉慶元年二月遷四川普安營參將十月以進剿平隴賊巢奮勇出力得 旨以應升之缺升用旋擢廣東羅定協副將十一月逆苗吳廷義成擒苗疆肅清復下部議敘時湖北教匪滋事延及川陝各省 上命額勒登保移苗疆兵

至湖北剿辦林之華覃加耀等股匪遇春從焉二年五月敗賊於長陽縣之廖家臺六月敗賊於打子臺閏六月賊竄宣恩建始等縣遇春跟踪追剿於羊公頭尙書巒長坪疊有殲擒又殪賊於官店口賊竄金果坪偏近金雞口糧臺遇春帶兵繞至護守果有賊匪窺伺擊卻之復追擊於白魚寨均斬獲無算十月賊踞恩施圍子嶺抗拒官兵遇春奮擊復敗之賊竄歸州終報寨三年正月進攻終報寨其地懸巖峭壁四面斗絕遇春夜縋而登率士卒冒矢石鼓勇直進生擒首逆覃加耀僞元帥張正潮並擒賊目覃加師等百餘名殲賊黨無算是時賊匪有青黃藍白綠等號又設掌櫃元帥總兵等僞稱 上命額勒登保移師赴陝西商雒一帶迎剿

襄陽白號高均德黃號姚之富齊王氏股匪遇春隨征入陝三月
抵興安偵知賊目李全等自盩厔趨藍田欲與高齊等逆合遇春
帶兵躡擊殲擒二千餘人四月首逆高均德自雒南竄秦嶺遇春
率兵追擊至紫溪嶺斬獲甚夥五月復隨額勒登保赴湖北會同
四川將軍興肇等勦辦襄陽藍號張漢潮股匪賊屯聚南漳爲我
兵所截竄遁穀城遇春帶兵由章村柵兜勦四面夾擊斬級五千
生擒九百餘人六月敗賊於竹山之菩提河餘匪竄入陝界遇春
仍隨勦入陝七月擊賊於平利之孟石嶺敗之九月在廣元之吳
家河擊勦高均德李全等股匪克之殲賊千餘十月偵聞閬州儀
隴邊界之張公橋有賊匪橫竄遇春帶兵衝截獲賊首張漢潮之

子正澆賊首羅其清遁走大鵬寨時遇春丁父憂請回籍守制額
勒登保以軍務緊要奏請仍畱本任得旨允行尋擊賊於觀音
坪連奪賊卡遂破大鵬寨剿洗過半殲斃羅其清之父從輜擒賊
目苟彬羅其清遁入青觀山十二月復攻克青觀山寨擒賊目苟
文如魏應聘羅其清復竄巴州之蔡家梁遇春連戰連捷逆首羅
其清及其子泳福弟其書其秀皆就獲伏誅是月擢甘肅西甯鎮
總兵官四年正月追剿青號逆首徐添德股匪至廣安之蕭家溪
賊方躡渡遇春分兵抄擊殲賊千餘名淹斃者無算賊竄新甯之
仁市鋪與黃號股匪王光祖合勢復張遇春閒道繞出賊前兜擊
之復斃賊多名二月敗徐添德於大竹之童家場三月迎剿月藍

號股匪包正洪分三路兜圍敗之於大竹之南山坪殲戮甚眾適
川省月藍號股匪蕭占幘張長庚自閬中趨營山遇春移師迎剿
連戰於黃土牆譚家山殲賊六千餘斬占幘長庚於陣得 旨嘉
獎並下部議敘四月追勦白號僞元帥張子聰於梁山向家場逐
北二十里賊由陳家場分路竄逸官兵緊躡賊蹤至雲陽之大黃
山四方山周家壩一帶俘斬多名賊遁竄太平之楊家山與襄陽
黃號首逆樊人傑太平黃號股匪龔建合復竄至開縣譚家壩遇
春率官兵分路攻擊痛殲其眾五月張子聰竄竹峪關與通江藍
號股匪冉添元合遇春攻克賊卡賊潰奔杜家坪旋向鎮龍關奔
逸欲與青號股匪王登廷合時王登廷方踞馬鞍寨七月遇春攻

克馬鞍寨八月追至鄴都扶齊灘又克之適偵知甘肅白號股匪
楊開甲竄至杜家坪卽由蔥子坪翻山迎擊斬馘無算仍旋師西
鄉流渡壩追勦王登廷登廷奔土了子遇春奮勇截擊殲賊一千
八百人生擒八百餘人獲僞元帥靳有年等九月追勦阮正澆股
匪於廣元之雲霧山斬級五百正澆死於陣十月勦徐添德股匪
於雞公梁殲賊千餘時王登廷折回川境與冉添元合遇春率兵
窮追十二月疊戰於巴州花叢埡老官廟鷹背梁皆有斬獲王登
廷子身竄至蒲江縣經鄉勇追獲斬之五年三月擢甘州提督先
是白號首逆張添倫繞至黑河上以黑河與甘省徽縣兩當接
壤卽可直趨秦隴詔遇春由棧道西出賊前奮力攔擊至是遇

春敗張添倫於成縣嚴家壩又敗之於兩當二郎壩又大破之於燕子嶺均俘斬無算時楊開甲方擾商雒遇春由寬坪擊之賊將由龍駒寨竄河南遇春豫扼龍駒寨痛殲賊眾賊西竄豫境以安敘功 子雲騎尉世職並 賞賚焉五月白號股匪劉允恭劉開玉糾合賊眾屯踞東安之大小中溪遇春率兵進擊輾轉兜截三十餘里殲擒允恭開玉及其餘黨又擊敗襄陽黃號股匪伍金柱於漢陰之手板巖又擊之於銅錢窖陣斬賊首龐洪勝擒其子龐有兒及賊目楊大燕等計俘斬五千餘六月追及楊開甲於洋縣之茅坪俘馘二千餘斬開甲於陣疊邀 獎賚並下部優敘時黃號伍金柱藍號冉學勝張世龍白號張添倫馬五先後竄遁甘肅

連兵窺陝西遇春由陝入甘出棧道直趨三岔山進勦在東岔河東河橋迭次俘斬無算賊不能東逸並將老林匿匪陸續搜捕殲二千餘人又有白號股匪陳傑越棧道欲東竄南山遇春在陝境大石板迎擊之擒陳傑盡殲其黨仍回兵三岔河堵勦賊兵夜至犯我師遇春有備擊敗之而成都將軍富成等以無備被戕適甘肅巡撫台布奏請增兵 諭曰行軍勝負全係將領之才與不才不在兵之多寡卽如賊匪前次攻撲各路營盤惟楊遇春早有準備轉獲勝仗卽其明證八月擊斬伍金柱於成縣之峽溝又擊斬賊首宋麻子於鳳縣之潘家溝九月勦高二戴四股匪於西鄉之螞蟻溝又追擊於舊司河殲斃偽總兵楊永祥並斬獲賊黨甚眾

十月白號馬五黃號王廷詔等連兵踞安康銀硃壩遇春率馬步兵分三路勦殺由銀硃壩追至吳家河浴賊大潰殲賊目徐二貓張誠詹如貴獲賊目柯如德等將餘孽偪過漢南陝省南山肅清上嘉之 賜裘服十一月追勦徐添德及高馬等逆於安康平利界疊有斬獲賊仍分股竄逸遇春卽由安康渡江從漢陰截勦以遏商雒之路十二月以冉逆等竄近武關遇春復出子午谷入藍田一帶迎截遏賊東竄在喬家溝冷水河連戰克捷賊不能窺豫楚邊界 上以遇春衝寒冒雪不辭勞瘁嘉之六年正月截擊冉學勝股匪於石泉之兩河石塔寺殲斃冉學勝之子更枝賊目冉大志張廷桂斬級四百生擒三百餘人得 旨賞賚時高三馬

五王廷詔等經官兵偪剿竄至五郎之藥壩遇春方追剿冉逆途次偵知之乘夜掩擊俘斬多名獲僞帥方世傑二月追剿高三馬五後股賊匪由斜峪關躡擊截其由陝入甘之路復趨舊州鋪鋼廠截剿其前股殲擒甚眾尋追及王廷詔於川陝邊界鞍子溝擒之均邀 賞賚並下部議敘是役也遇春奮勇追賊晝夜馳四百餘里馬逸驚墜受傷仍力疾逐北卒擒其渠 上尤嘉獎並 溫詔垂詢焉三月 上念遇春前任副將時丁憂畱軍營帶兵已屆服滿未能回籍經理喪葬 賞銀三百兩給遇春家屬俾無分心家事並 諭以軍務告竣後卽當賞假省視墳塋四月高馬二逆竄至禪家巖遇春料賊必由甯羌之二郎壩奔逸急率兵趨斜谷

先抵二郎壩分兵伏龍洞溪既而賊果至盡殲其眾高三馬五及馬五之子秉太姪秉全秉明僞元帥朱泗林僞總兵張世德等皆就擒捷聞晉騎都尉世職五月擊冉學勝於紫陽之天池山敗之賊竄木蓮橋督兵追擊途次聞白號僞元帥張添倫等五股合兵屯聚洵陽高唐嶺移師往剿克之六月敗張添倫於孤家坡賊復走與冉學勝合遇春揮兵兩路奮擊擒添倫殲賊眾無算捷入賜以御用玉鞞荷囊七月以黃號首逆曾芝秀等敗遁入川戴四崔胡等逆亦向川潰竄遇春入川追剿八月擊賊於通江之報曉埡痛殲賊眾生擒藍號首逆冉添泗王士虎及僞總兵王士勤等餘匪竄大池壩遇春冒雨疾追又擒賊目朱九礮等多名得

旨獎賞並下部優敘十一月擊藍號股匪李彬於達州劉家壩擒賊目魏中均唐執禮餘匪南竄復追至高家河殲其眾擒賊目龐思字楊應學多名七年二月命額勒登保督同邁春辦理陝境苟文明股匪及各股零匪連次抄截俱有斬獲上念邁春晝夜奔馳實已不遺餘力屢以溫諭慰勉之六月在龔家灣獲苟逆妻羅氏子三皮子七月苟文明就擒得旨嘉獎下部議敘是月調固原提督十二月川陝楚勦捕逆匪大功戡定諭曰楊邁春自隨征以來在諸將領中勇略尤著節次殲擒首夥各逆爲數較多著加賞二等輕車都尉世職八年正月追勦零匪於觀音廟天池寺鐵廠溝皆有斬獲七月以陝境太白山有零匪竄出上

命遇春迅速督率官兵極力搜剿以期早就廓清又命自箭桿山以東至安康平利二竹邊境一千餘里分段各鎮將均歸遇春統領督飭巡搜九月以南山餘匪復有蠢動遇春未將賊數據實揭報褫花翎十月丁母憂賞銀五百兩經理喪葬仍暫畱軍營帶兵尋議以陝境東西二千里道里綿長與川省地界犬牙相錯若防兵株守段落巡察難周酌將防兵歸整擇適中扼要之地安設抽調防兵內三千名作爲勦兵往來截剿其龍池場迤西一帶另備勦兵防賊西竄諭獎其籌辦得當九年正月命將陝西南山隘口及江防專交遇春堵禦三月以在馬溪客僧河一帶殲斃賊目苟文華等功賞還花翎七月在鳳凰寨勦捕零匪擒斬

僞先鋒羅思蘭等多名餘黨竄南山三五成羣時復嘯聚遇春帶兵窮搜深山老林蹤跡殆徧將首逆苟文潤及各號賊目以次殲擒夥黨悉數斬獲九月三省全功告蒞得 予優敘賊氛旣埽欽差領侍衛內大臣德楞泰等議於三省邊界添設新兵巡邏彈壓以遇春聲威素著兵勇悅服請令暫駐漢中查察訓練十一年二月回籍守制百日孝滿由原籍入 覲七月行抵西安聞甯陝新兵陳達順等滋事卽會同陝西巡撫方維甸帶兵馳往查辦 上以遇春能以公事爲重 嘉之九月賊由郿縣斜峪關南竄桃川五里坡遇春帶兵迎擊殲賊多名擒賊目彭貴等卽分兵緊躡追剿賊勢窮蹙賊目蒲大芳率其黨乞降縛送首逆陳達順陳先倫

向貴礎於軍事平下部議欵時批誠叛匪內有留充兵丁者二百餘人德楞泰令仍歸原伍 上以德楞泰辦理錯謬壞法養奸遇春既不勸阻又不據實奏參隨同附和有負任使下部議處議降三級調用 命加恩改爲降四級畱任又以勦辦叛匪時官兵在方柴關臨陣潰散將遇春解任交陝甘總督全保四川總督勒保查明奏參十二月降補甯陝鎮總兵官 諭曰楊遇春戰功較著且管兵有方眾心知感擢任固原提督並未到任此次甯陝叛案及固原等營官兵潰散皆非伊任內之事自應量予從寬已將楊遇春降補甯陝鎮總兵嗣後當妥爲管束使營伍日就整肅十二年瓦石坪叛匪韓金堂等滋事遇春偕提督薛大烈分兵進勦盡

數撲滅得 旨褒獎下部議敘十三年入 覲 命在乾清門侍
衛上行走仍授固原提督十四年查閱陝安漢中營伍請將訓練
懈怠之都司徐龍光等降革有差 上以遇春認真考校據實甄
覈 諭嘉之十八年九月直隸長垣教匪不靖延及河南戕害官
弁據滑縣城勢甚猖獗 上命遇春選帶將弁馳赴豫省協同欽
差大臣直隸總督溫承惠剿賊尋 詔陝甘總督那彥成前赴軍
營接辦欽差事務遇春得聯銜奏事十月遇春馳抵衛輝偵知賊
匪方踞道口其黨數千分屯丁欒集亟率兵衝擊斬馘六百餘餘
匪竄歸道口越日道口之賊傾巢而出與官兵抗遇春痛殲之斬
賊千餘斷浮橋絕其西竄之路遂合諸軍進攻道口克之毀其巢

殲賊萬餘救出難民無算乘勝進攻滑縣四面合圍先分兵擊滅
桃源輝縣匪黨之應賊者殲首逆李文成俘斬賊眾無算十二月
克復滑城殲賊萬餘生擒二千餘救出難民二萬餘械首逆牛亮
臣徐安燭等赴京師磔於市敘功 賞二等男爵 賜紫禁城內
騎馬並以黃馬褂及諸珍物 賚之適陝省南山匪徒萬五因木
廠停工乏食糾眾倡亂 上以遇春熟悉南山情形聲威素著
命帶吉林黑龍江馬隊六百名並酌分蘭州固原勁兵迅赴陝西
會同陝甘總督長齡相機勦辦十九年正月 諭曰楊遇春謀勇
素著忠君急公此次辦理滑城叛匪三月之間掃除淨盡實屬可
嘉功成之日本令來京陛見因陝省亂民滋事又令馳往會勦該

提督及所帶官弁兵丁倍加勞勩甚爲廬念務協同長齡等奮勇
妥協一鼓盪平時賊首麻大旗劉二橫行隴竇李大旗楊小一股
匪又來與合遇春馳抵桃花坪一戰勝之躡躑至柏楊嶺其地兩
山夾峙依傍老林賊眾分屯嶺上我師張左右翼擊之遇春親督
勁兵由中路仰撲立殲麻大旗劉二賊驚潰我師乘勝追躡盡殲
其眾尋緝獲首逆萬五磔之傳首南山二月又獲賊首龔貴殲賊
首張占鼇餘匪淨盡 諭曰楊遇春忠誠奮發所向克捷厥功甚
偉著加恩晉封一等男 命與長齡會商陝省善後事宜三月偕
長齡奏請移駐鐵鑪川黃牛鋪等處營員並添募兵丁有差下部
議行二十五年九月 特加太子少保銜 賞戴雙眼花翎道光

五年十月 命署理陝甘總督六年正月歸化城扎薩克喇嘛請
赴甘肅大通一帶購買木植理藩院已議行遇春以採辦木植於
民食邊防均爲有礙奏請停止 從之六月回疆逆裔張格爾入
卡滋事喀什噶爾辦事大臣巴彥巴圖等遇害遇春聞變檄烏魯
木齊提督達凌阿巴里坤總兵官多隆武帶兵往援並奏請親率
將士馳往剿辦 詔授遇春欽差大臣關防率諸軍進討尋 命
授伊犁將軍長齡爲揚威將軍總統軍務遇春暨山東巡撫武隆
阿爲參贊大臣十月馳抵阿克蘇時喀什噶爾和闐英吉沙爾葉
爾羌已相繼失守賊氛偪阿克蘇達凌阿等敗之於托什罕河張
逆復派賊目糾匪黨數千踞柯爾坪回莊阻大兵進剿之路我師

分兩路抄截追至大郝紫爾卡倫盡殲其眾捷聞上以長齡
遇春初到軍營卽獲勝仗足禡逆酋之魄諭嘉遇春韜略嫻熟
督率有方命優加賞賚十一月上念邊外沍寒特賜遇春
裘服七年二月師次大河拐有賊匪五萬屯聚洋阿爾巴特迎拒
官兵先遣其黨夜襲大營我師擊卻之次日馳至洋阿爾巴特分
三路撲殺賊大敗斬馘略盡張逆復糾賊十餘萬踞沙布都爾莊
我師奮勇勦擊偪至渾水河痛殲之斬賊目色提巴爾第素丕卡
克占巴克戰方酣西北林箐中突有賊出援遇春亟分兵迎擊斬
獲無算餘賊竄阿瓦巴特回莊復糾合匪黨十餘萬負嶠抗拒我
兵分馬隊潛繞賊後而以大兵攻其前三面夾擊賊不能支我兵

奮勇搃擊俘斬二萬餘人繼賊目阿瓦子邁瑪底那爾巴特阿渾
追至洋達瑪河將沿河一帶回莊匿匪搜剿淨盡 上嘉遇春等
三獲勝仗懋著勳勤 特晉太子太保銜三月進攻喀什噶爾克
之長齡駐喀城辦理善後事宜武隆阿因病亦畱駐喀城遇春遂
督兵進剿四月連復英吉沙爾葉爾羌遇春駐葉爾羌撫綏回民
別遣固原提督楊芳收復和闐先是克復喀城時首逆張格爾乘
閒竄逸及收復英吉沙爾張逆仍未就擒 詔削遇春太子太保
銜至是敘克復四城功 賞還太子太保銜遇春子國佐以四川
茂州營都司從征亦 賞加遊擊銜時 上以張逆釜底游魂無
難剋期就獲不值多勞兵力 命長齡酌畱官兵彈壓搜捕其餘

官兵次第凱撤以息勞勩而節糜費又念遇春出關日久陝甘
總督事務緊要命督押凱撤官兵先行入關而遇春自克復四
城後偵知張逆由拉克沙竄往達瓦爾斯遂由英吉沙爾與楊芳
分途出卡窮追久之卒未得張逆蹤跡七月乃振旅而還楊芳追
至塔爾克打板與賊接戰斬賊千餘而官兵亦有傷損詔以遇
春等頓兵荒徼虛延時日糜費兵餉竟令零星殘匪傷我官兵辦
理不善咎無可辭與長齡均下部議處部議褫職命從寬畱任
八年正月入覲適生擒張格爾捷聞命開復任內一切處
分實授陝甘總督賞用紫韁諭遣回任五月以俘解張格爾
來京護解妥協下部優敘六月命圖形紫光閣御製贊曰少

年從征進不知退怒馬橫矛善穿賊隊參贊戎機克城賊潰寄以封疆無慙簡在九年九月請改涼州協副將莊浪營遊擊二缺作爲題缺下部議行十二月遇春七十生辰 御書綏邊錫祐扁額三朝疆場宣勤久兩世封圻積慶多對聯及福壽字並壽佛如意服物 賜之並 賜遇春妻田氏服物十年二月奏言口外黎貢向例由陝甘總督衙門差派弁兵赴吐魯番採買雖經嚴立限期飭令照額採買誠恐道遠稽察難周其承辦伯克輾轉假手亦難免藉端滋擾請停免以示體卹 從之五月奏言涼州莊浪二滿營兵缺有限閒散眾多請借款生息增設餘兵藉資調濟部議以增挑餘兵不如酌補附近綠營兵額堪以行之久遠 命遇春

於涼州莊浪二處綠營額兵內酌量均勻挑補二成以資調劑六月又奏古城孳生馬廠倒斃過多請 敕烏魯木齊都統確切查辦以歸覈實 允之八月喀什噶爾有安集延逆回入卡滋事遇春以伊犁烏魯木齊及喀喇沙爾所轄之士爾扈特霍碩特等處距喀城較近飛檄調兵往援並檄甘州提督胡超挑帶官兵先行出口迎探相機勦辦仍奏請檄調固原提標河州肅州西安漢中各鎮標官兵及西安滿營馬隊出關進剿疏入如所請行時遇春已親帶督標兵馳赴肅州 詔頒發欽差大臣關防 命遇春駐劄肅州妥辦後路事宜毋庸出關仍授長齡爲揚威將軍以都統哈郎阿固原提督楊芳參贊軍務九月遇春到肅州奏言分派司

道大員會同營員照料滿漢官兵過境並請由山西陝西添雇駝
隻以備軍需又奏自哈密迤西至阿克蘇計四十站應支馬匹料
草派員前往喀喇沙爾庫車等城購辦均報 聞十一年正月以
官兵迎剿克捷卽將未到口外之東三省兵及四川兵傳令沿途
駐劄候撤又請將口外各城糧員酌量裁減並請撤肅州軍需局
歸併蘭州以節浮費 上俱從之 諭令回任是月京察 諭曰
楊遇春身經百戰絕域宣勤畀以封疆克勝鉅任著交部議敘四
月偕西甯辦事大臣恆敬奏籌添察漢托洛亥蒙古兵數分布各
卡隨同官兵防堵操練得 旨允行十二年三月奏遵 旨議汰
冗員請酌裁甘肅安西直隸州州判一員狄道固原甯州三州隴

西安定中衛三縣訓導各一員八月偕陝西巡撫史譜奏請酌裁
陝安鄜州州同一員蒲城縣巡檢一員甯羌州黃壩驛丞一員褒
城縣馬道驛丞一員延安府訓導沔縣訓導各一員又偕烏魯木
齊都統成格奏言巴里坤古城濟木薩三處馬廠孳生過多不能
容牧酌擬變價畱牧章程以充兵餉而疏馬政一廠地不敷牧放
宜量爲疏通以免擁擠一牧兵毋庸添設以節糜費一定價無取
過重以紓民力一交價不可過遲以重餉項一口老碎小之馬請
按年頂替出廠估變一取孳大兒騾馬不准以馬駒抵補兵部以
所請三廠挑變馬一萬二百餘匹爲數過多駁令再行覈實詳查
以杜浮濫至按年如數頂替出羣一節旣失從前設廠取孳之意

又啟將來任意挑變之私應毋庸議餘俱議行遇春尋覆奏原請挑變之馬業經詳挑實係不堪適用若不如數變估則水草不敷良劣擁擠倒斃損傷勢所不免有關牧務請仍如原奏辦理上允之十月奏裁陝甘兩省馬步守兵一千九百五十名馬四百餘匹所節省餉乾糧料爲撥補回疆新增防兵之用下部議行十三年甘肅都司葉昌泰規避防差不遂以派差辦事不公等詞捏款具稟遇春奏請查辦諭曰楊遇春公忠體國實心膂股肱之臣朕所深信該都司意存挾制無知妄爲可惡已極著革職解交刑部審訊鞠實治罪如律十四年正月京察諭嘉遇春中外宣勞功勳懋著下部議敘十二月皋蘭縣匪徒鄭曼年等糾眾滋事焚

署傷官旋即捕獲置之法過春以未能先事防範自請處分議處如例十五年正月因病陳請開缺 諭曰楊遇春起自行閒歷事三朝自少壯從戎每遇軍書旁午無不在事馳驅忠勇嚴明深嫻韜略功勳懋著洵邀五等之封朕御極後特加簡擢畀以陝甘總督重任復能盡心職守於邊省事務控制得宜訓練軍實整飭官方實心實力不避嫌怨老成威望中外皆知實朕股肱心膂之臣茲因年近八旬舊疾復發瀝情籲懇開缺調理若重違所請朕心實有不忍楊遇春著准其開缺緩程來京陛見親加慰勞量爲恩施以榮其行且俾伊得申瞻戀之忱屆時再令回籍息心頤養優游林泉以示優待勳臣眷念無已至意五月入 覲 命晉封

一等侯在籍或食全俸並以 御製紫光閣畫像贊一軸及八瀆服物 賜之又 賜御書詩扇詩曰元勳入覲允歸榮功立才全際太平宣力 三朝邀寵錫扞忠百戰播威名官兼文武真難邁志篤廉明永不更晉爵酬庸延後世林泉頤養話長生 諭令回籍十六年 特賜福壽字各一方人澆十兩交四川總督鄂山帶回給領時遇春子國楨丁母憂在籍 命服闋後迅卽來京聽候簡用十七年二月卒於家遺疏入 諭曰子告陝甘總督楊遇春自乾隆年間以武舉效力行間每遇軍務無不在事馳驅身經百戰歷事 三朝懋著勳績前於嘉慶年間平定滑縣賊匪蒙 皇考仁宗睿皇帝賞給二等男爵紫禁城內騎馬旋晉一等男爵朕

御極後賞加太子少保銜並賞戴雙眼花翎嗣因克復回疆四城
晉加太子太保銜賞用紫韁由提督擢任陝甘總督恪共忠盡實
國家股肱心膂之臣前年因年近八旬舊疾舉發懇請開缺回籍
調理朕不忍重違所請特命來京陛見追念勲勞晉封一等侯爵
准其回籍支食全俸上年四川總督鄂山來京陛見朕特親書福
壽字二方頒發內府人羨十兩令鄂山帶回賞給祇領方冀頤養
林泉永膺福祉茲聞溘逝悼惜難堪披覽遺章不禁垂淚揚遇春
著加恩晉贈太子太傅銜兵部尙書照尙書例賜卹入祀賢良祠
賞銀二千兩經理喪事任內一切處分悉予開復應得卹典該衙
門察例具奏伊子楊國佐著賞加副將銜所有應襲侯爵著楊國

國朝書目考卷之二十一
表
楨承襲服闋後卽來京陛見以示朕優卹勳臣有加無已至意尋
賜祭葬諡忠武十八年九月署四川總督蘇廷玉題請入祀崇
慶州及成都省城鄉賢祠 諭曰已故陝甘總督楊邁春歷事
三朝身經百戰勤勞懋著功在旂常前已加恩入祀賢良祠著准
其入祀鄉賢祠無庸再交部議子國楨襲侯爵見官山西巡撫

右 國史館本傳

公諱邁春字時齋四川崇慶州人生之夕母氏李夢大水泛紅匣
至揭視之中有雙鯉一金色一赤色少有志量舉乾隆四十四年
武鄉試從征甘肅石峰堡調赴臺灣出征廓爾喀咸有功由把總
累擢守備 賞藍翎六十年黔苗逆命公力戰解嗅腦重圍苗復

悉眾攻松桃廳大學士貝子福康安公令諸將往援山險寨密莫
敢進公請率敢死四十人爲前鋒而精兵三千繼其後由閒道攻
其不意縱馬入賊屯疾呼曰大兵至矣降者免死賊相顧錯愕公
復呼曰眞降者跪於是跪者數千人全軍直抵松桃城下賊潰圍
遂解貝子壯之立奏 予孔雀翎加都司銜復解永綏城圍 錫勳
勇巴圖魯名號遷雲南都司又以生擒首逆吳半生功擢游擊嘉
慶元年參贊額勒登保公攻賊茶山賊圍官兵於土壘截我歸路
公帥壯士數十人衝圍奪據對山拔出官兵數千十盪十決當者
輒靡貝子望見之驚歎不已卽軍中馳授四川普安營參將遂復
乾州擢廣東羅定協副將苗平而教匪起公隨額侯移師往剿當

是時教匪蔓延川陝湖北聞其尤著者湖北則覃加耀林之華漢南則張漢潮公勦賊雞公嶺擒斬三千奪賊卡三十餘處進擣帽子山用奇兵趨賊後奪其隘之華中槍死大捷中保寨加耀漢潮皆就擒尋敗賊於小廟口又敗之長沙岸於大任河斬馘二千七百有奇三年四月張正潮以三萬眾窺荆門州公首先陷陣賊敗走南漳官兵蹙之俘斬五千餘人生擒九百餘人會丁父憂請回籍守制 特旨賞白金三百兩治喪仍以墨經隨征十二月生獲羅其清於大鵬寨馘賊五千功第一遷甘肅西甯鎮總兵四年正月戰蕭家灣及黃土牆再戰譚家山皆大捷前後殪賊三千有奇馘張長庚獲王先祖射死冷天祿自是陝人聞公名震爲天人川

中婦孺亦懾公威望矣五年擢甘州提督 予雲騎尉世職初經
略額侯上言諸將中惟楊遇春謀勇兼優此外無可專任者是年
夏又偕參贊那彥成公德楞泰公合疏請增兵隸公麾下與經略
參贊分路勦賊 詔曰可六月公遂以提督別領偏師並渭西上
擊沂隴之賊八月勦伍金柱於手扳崖即別城 移即田從閒道
突至我軍腹背受敵自午至酉圍愈急有白袍賊二八賊直犯公
相去咫尺忽墜馬則已爲後隊護槍所斃卽金柱也是夕二鼓公
始歸隊明日追斬開甲於山梁六年二月追賊至龍池場設伏生
擒王廷詔三月生擒高天德馬學禮於龍洞溪並獲僞帥十七人
晉騎都尉世職五月大搏於白河六月獲冉天士王士虎等逆目

二百餘人於大池壩八月詔以南山餘賊責公專剿忽川忽陝
搜捕不遺餘力事平晉二等輕車都尉先是龍溪洞之捷俘馘甚
眾公擇驍健者八百人俾立功贖罪咸伏地哭願報不殺之恩及
勦冉天元於蒼溪天元驍桀善戰爲諸寇冠經略令公長右翼西
安將軍穆克登布長左翼而穆將軍與公議不合先三日馳出賊
前賊以奇兵斷其歸路萃精銳衝左翼後隊黑夜乘高自嶺下壓
短兵接左軍潰賊遂併力攻右翼公據廢寨斷牆力拒擲草炬山
下照耀如白晝以勁弩射之矢垂盡而天曙時八百人者殊死戰
無不以一當百賊敗遁追禽王登廷公治軍嚴整雖倉卒眾寡不
敵未嘗少卻平日樸訥若無能遇賊輒機謀洞中應變如神尤不

嗜殺能得降人死力蒼溪之役蓋其明效云七年秋調固原提督
明年丁母憂 命俟凱撤後回籍守制尋追勦苟文潤於紅山寺
初戰我兵小卻公率數十騎躍馬直前賊始敗明日又大敗之賊
自是不能延殘喘矣十年七月南山新兵叛新兵者嘉慶五年平
教匪後於南山要地設甯陝鎮以從征鄉勇五千人充伍者也地
險兵悍爲漢北第一雄鎮至是因文吏停給鹽米銀發包穀充糧
激變於是營兵陳達順陳先倫等戕副將游擊劫庫獄以叛公初
奉 命回籍補行守制百日由川入 覲至西安聞變卽奏調滿
兵四千勦之 詔以德楞泰爲欽差大臣而 命公馳赴甯陝鎮
公扼方柴關大帥皆以兵會鋒交賊銳甚公與諸將皆失利首逆

蒲大芳等望見公猶下馬遙跪哭訴營官蝕餉狀公曉以順逆知其尚可以義動也乃與總兵楊公芳謀曰賊驍悍經戰陣久破城三營汎十九生民荼毒已甚誅渠魁宥脅從則事可息若必欲盡勦勢必奔潰四出老師費帑不可以日月計川楚匪徒其已事也各大帥皆猶豫公乃按兵緩攻而令芳單騎入賊營招撫越數日蒲大芳竟率四千人誘縛達順先倫詣公軍前降公率大芳邀擊不降之賊於江口斬賊渠朱先貴等德公遂以叛賊震懾兵威窮蹙乞命奏其叛卒二百二十四人盡釋歸伍 上震怒責德楞奏專擅廢法縱叛損威時古北口提督薛大烈在軍中德公令馳覲面奏情事大烈奏封失實於是廷議降公甯陝鎮總兵芳戍伊犁

十三年入 覲 賞乾清門侍衛仍授固原提督十八年秋大盜李文成據滑 詔陝督那彥成討賊以公副之賊萃精銳於道口鎮官兵合勦公自當其前率親兵八十人由運河西進覘道口遇賊數千卽大呼突擊賊辟易追渡河擒斬二百有奇賊敗入道口公收隊數親兵少二人復衝入賊隊奪還二屍賊爲喪氣遂斷浮橋焚渡船率諸軍進攻所嚮賊望見髯將軍輒披靡尋克道口燒賊萬計復擊走桃源賊三千於城東進圍滑用地隧轟破其城十一月滑縣平 仁宗大悅錫公二等男爵 賞黃馬褂 命紫禁城騎馬會陝西三才峽箱賊起移師馳勦兩越月歲事晉 封一等男甲戌己卯一再 陛見 睿皇帝慰勞有加嘗命跪在膝前

執手慰勞謂卿與朕同歲年力尙強將來如有軍務卿須爲我獨當一面手賜珍物數種見公長髯稱美者再時公弟逢春官曹州總鎮 上命公繞道視逢春所練兵 宣宗卽位特加太子少保

賞戴雙眼花翎道光五年署陝甘總督六年回酋張格爾叛

詔公以欽差大臣統陝甘兵五千馳赴哈密尋 命大學士長齡爲揚威將軍公爲參贊大臣會阿克蘇進剿七年二月敗賊於洋阿巴特尋敗之於沙布都爾又敗之於阿瓦巴特禽斬各數萬追至渾河距喀什噶爾賊巢十餘里賊悉眾背城一戰列陣二十餘里築橫壘蔽之西南風起撼木揚沙大軍晦我前敵大隊迷道相左未卽至將軍以賊據形勢又眾寡不敵欲退屯十餘里須霽而

進公不可曰天贊我也賊不知我兵多少又不虞我卽渡時不可
失且客兵利速戰難持久乃遣千騎繞趨下游牽賊勢而自率大
兵乘晦乘驟渡上游據上風礮勢與風沙勢相併若百十萬兵摧
壓驟至乘勢衝入賊陣賊土崩三月朔遂復喀什噶爾五日復英
吉沙十六日復葉爾羌又復和闐加太子太保時張逆遠遁 詔
公先行入關八年正月楊公芳禽張逆於鐵蓋山芳公所拔士也
至是先 封果勇侯公入 覲捷音適至 上大悅 賞公紫纒
授陝甘總督圖像紫光閣並推公子國楨爲河南巡撫 本朝漢
人中由提督遷總督者趙公良棟父子及梁公鼎岳公鍾琪後得
公而五九年冬公壽七十 賜御書額曰綏邊錫祐楹聯曰三朝

疆場宣勤久兩世封圻積慶多及福壽字如意玉帛諸珍物十五年
予告歸蜀 陞辭晉 封一等昭勇侯食全俸 賜御書紫
光閣像贊一 御製詩扇一回籍後復 賜御書福壽字十七年
二月薨於里第年七十有八遺疏 聞 上震悼贈太子太傅兵
部尚書 賞白金二千兩治喪入祀賢良祠謚忠武公凡戰陣所
俘必訊明入賊營三月以外始誅或雖逾三月而年老無能年幼
無知皆赦免故治軍數十年未嘗妄殺一人凡疲卒經公訓練卽
膽壯或精銳改隸他部仍不能用命將戰距賊三五里必少停排
比隊伍雖遇伏不至失措公修髯隆準目睛映日光返照能射人
畢生無姬侍而操守尤廉任總督時討軍實肅官方邊務皆控制

得法子國佐官副將國楨字海梁官至閩浙總督襲侯爵國楨少
倜儻豪飲不羈其自刑部郎出守潁州也公方提督固原長公子
國佐亦以守備引 見並予假省親國楨至轅者以公命止之不
許入國佐入爲跪請久乃召而庭數之國楨免冠謝公曰吾起武
舉 上拔擢至此恩遇無比常恐老不知所報始吾期汝云何而
忘之也命予杖文武吏士爲叩頭乞免不許已皆大駭服道光初
國楨擢雲南鹽法道未上遷按察使 陛辭 宣宗諭曰好爲之
有如不稱當語而父知耳當是時 上亦知公家法云

右事略李元度撰

嘉慶道光中漢人武功之燦莫如楊昭勇侯遇春其戰功已見川

楚畿輔同疆諸記及身後行狀出大有不可解者言經略額勒登保先授三省經略旋以勦辦教匪遲延革去經略帳下健兒皆思散去惟遇春慷慨泣畱眾皆感動復歸麾下卒以成功考額勒登保自嘉慶四年在川東一旬三捷連滅劇賊簡授經略嗣後至七年戡定凱旋并無革去經略之事此在方略萬目其覩惟前此平苗封侯及勦湖北覃加耀黜爵其時不但非經略且尙未參贊也豈誤以黜侯之事爲革經略平行狀又稱遇春惟受知於福康安至額勒登保則未嘗爲遇春請一階半級云云考福康安沒於苗疆時遇春尙止副將及從征川楚而總兵而提督而輕車都尉世職皆額勒登保經略時事且額勒登保於嘉慶五年奏言增兵非

難選將爲難日前諸將惟楊遇春謀勇兼優此外無可專任又與參贊那彥成德楞泰會奏請增兵三萬分屬楊遇春慶成二人與經略參贊五路剿賊故自五年以後遇春嘗以提督別領偏師追賊秦隴遂有連禽王廷詔高天德馬學禮之功是經略所保奏獨當一面者惟遇春一人遇春一生立功亦莫大於川楚國土遇我衣鉢授我而徒以一階半級效末弁之拔擢駑馬之駕馭乎至遇春受知於福康安者以乾隆六十年苗疆之役遇春以守備從大軍至銅江與提督花連布衝鋒轉戰連解正大營嗅腦營之圍而賊圍松桃廳方急松桃距正大營六十里距嗅腦營二十里福康安令副將嵩舒以兵三千由嗅腦援松桃山險寨密不敢進其正

大營至松桃山南三十里新寨麥地亦皆苗數福康安召諸將計之遇春請以四十騎由新寨麥地出其不意而大軍隨後福康安壯之立賞孔雀翎加都司銜遇春徑穿各寨見苗卽賞旗賞銀牌聲言大軍卽至苗一時錯愕受賞讓路隨撫隨進直抵松桃城外四山各賊望見援兵至皆驚遁翌日大軍遂抵松桃繼復攻克土空蘭草坪解永綏廳圍奏賞巴圖魯勇號復隨 御前侍衛額勒登保擣黃瓜砦賊巢有功擢游擊嘉慶元年正月隨額勒登保攻賊茶山賊圍官兵於土壘絕我歸路遇春衝圍奪據對山連克石卡木柵拔出官兵福康安命其弟外委楊逢春懷四川普安營參將印授之隨連克賊砦遂復乾州擢廣東羅定協副將而福康安

卒自後遇春每出師前夕輒夢福公者此也遇春又夢神授以黑旗故每戰賊望見黑旗卽知爲楊家軍方王三槐旣禽後川賊徐天德最悍額勒登保擊敗之於平井鋪追攻深入三四十里至大安槽兵賊鏖戰如鼠鬪穴遇春獨於起營未十里卽據險修濠牆立營未幾勁賊千餘果繞攻後路遇春以數百人拒戰竟日薄暮大軍層層捲撤回營始并力擊卻是日微遇春力大軍幾前後受敵旋破之於鶴遊坪又合參贊德楞泰軍破之於雲臺鋪於是德參贊追徐逆而遇春從額勒登保擊包正洪於廣安州賊方奪舟將渡渠河遇春追及擊斬千有五百賊走仁市鋪遇春繞出其前大敗之時額侯病畱達州聞捷卽豁然自督大隊至進兵靖邊寺

賊遁黃土坎窮蹙甚而總兵朱射斗以蕭占國張長庚二賊自閩中合趨營山告急遇春從額勒登保赴之而屬渠縣鄉勇防渠河會晨霧河流黯淡如戈馬聲賊數路盡渡渠河鄉勇數百殲焉包賊遂復熾時朱楊兩鎮之兵諸大帥倚如左右手每急數百里外必調赴賊未滅復被檄去轉戰長壽達州太平開縣連殲蕭占國張長庚冷天祿諸賊晝夜奔逐無暇兼顧五月遇春追張子聰戰大黃山周家溝屢斬獲賊遁楊家山與他賊合層層設伏騎步相間我兵深入重地四面皆賊士皆失色遇春大呼陷陣酣戰三時斬賊千張子聰遁走陝是時賊冉天元最悍十一月經略額勒登保勦之於蒼溪時遇春長右翼穆克登布長左翼經略以冉天元

善戰非他賊比令兩翼合力盡銳擊敗之再分隊邀截而穆克登布與遇春議不合先三日卽分兵馳出賊前迎擊城隍廟賊出奇兵斷其後路後殆賴由砦鄉勇出壘援救始突圍出護軍統領春甯受傷幾死復追至蒼溪之老虎埡遇春兵據山半穆克登布據山巔左右層巖賊無出路奮死衝入穆克登布之營右軍奔潰副將王清弼據險斷後隱身危巖手刃四十餘賊刃折復奪賊矛殺賊二十餘賊麾退其眾改烏銃攢擊斃之都司鄭振貴以兵二百扼險力拒矢銃旣盡爲賊銃傷過半先後亡副將以下數十賊旣敗右翼軍復回攻左翼於山下遇春據廢砦朽牆力拒賊黑夜乘高下壓我兵擲草炬山下照耀如晝以勁弩射之終夜飛鏃有聲

矢垂盡而天曙賊遁遇春與阿哈保追及巴州乘雨襲之又敗諸方山坪自後兩翼長益不相能額勒登保恐其僨事乃令遇春出營領隊穆克登布舉副將喜明代之軍中皆不服乃復令遇春長左翼行狀謂遇春不見悅於經略者殆以此嘉慶五年後額勒登保遂令兩翼長各爲一路穆克登布追伍金柱伍懷志於秦隴南山楊遇春追高天德馬學禮王廷詔於棧道其後高馬二賊爲遇春一晝夜馳四百里所禽伍金柱亦爲遇春乘夜夾攻所殪而穆克登布卒以輕敵死於賊遇春治軍最整每行數里必齊隊雖倉卒眾寡不敵未嘗少卻平日椎訥若無能遇賊輒心開機謀神中未嘗學輒聞合古法嘗追王士虎於報曉埡士虎故川中劇盜專

劫砦峒夜行曉伏每晦夕騰入民砦潛殺擊柝更夫奪門屠戮攻
峒則鼓煙熏穴荼毒無算然專避大軍遇春以三更往捕適賊由
他路出襲大營眾欲回救夾攻遇春不可卽伏巢俟其歸全數禽
斬五年鎮安之戰王鴻儒劉永恭劉開玉四千餘賊長驅入山遇
春繞出其前以兵塞大小中溪而伏兵南面山嶺經略追賊至賊
見溪口有兵卽旁趨南山伏兵自巔突撲賊捲跌而下大軍合蹙
諸山溝全隊殲焉其勦苟文潤也賊鋒銳甚遇春首進參贊德楞
泰繼之賊壓山而下勢若建瓴萬眾驚退遇春據溝力拒賊矛齊
偪馬首遇春震威一叱眾矛辟易親兵數人乘勢越壕殺退眾以
爲神又一日料賊必循山出朝陽民砦擄糧勁兵盡伏砦中以待

僅留鍋帳兵守空營距砦三里乃賊不趨砦而竟偏空營僅隔一溝士皆失色遇春翎頂安步出臥營外賊見曰誘我過溝計也竟趨民砦爲伏兵所破方柴關之戰官兵與叛兵多故舊不肯出力賊衝官兵爲數隊先後敗走遇春僅餘親兵數十據空砦廢垣憑垣罵賊賊大隊數千逼近忽轟然退走及獲賊問之言恍忽若見神人回疆七里河之戰與賊隔河眾十倍我謹譟震天遇春下馬席地而坐以安眾心并回此其長子國柱下馬甫及地隔河已礮碎其鞍矣結髮從戎大小數百戰皆陷陣冒矢石或冠翎皆碎或袍袴皆穿未嘗受毫髮傷 上詢及歎爲眞福將

右記魏源撰

道光五年楊忠武公遇春以固原提督署理陝甘總督六年公子國楨權河南撫篆明年卽真又明年公征討叛回凱旋抵京奉

諭賞授陝甘總督缺公奏請假道豫省與臣子楊國楨講求營伍及操兵之法並求於陝甘將弁對調一二員赴豫教練 宣宗許

可令在豫多在幾日將平日得心應手處詳告爾子使將來好爲朕出力亦可繼爾家聲按以武調文及父子同時爲督撫皆爲

開國以還漢員所僅見然忠武父子繼世忠貞毅然以 國事爲家事亦足可仰酬 異眷矣 按忠武嘗督豫時固原提督以公族

生平執子弟體其誼實一家也

楊忠武歿後襲昭勇侯海梁撫軍服闋入都 成皇帝召見細詢

欽定四庫全書 卷一百一十四 疆臣四十四

忠武染病原委 天顏慘怛而諭云朕望爾父親多活幾年如國
家有事他雖不能親戰陳我問問他也得主意他歿時並無大病
這就算無疾而終爾父親忠勇朕深信不疑爾總要體貼爾父親
實心報國他在地下也喜歡的諭畢嗚咽者久之我 聖朝篤念
勳舊恩誼綢繆幾無異家人骨肉貂蟬兜鍪之徒尚不出心肝以
圖報效眞人馬不如矣

右紀聞陳康猷撰

胡克家

胡克家江西鄱陽人乾隆四十五年進士以主事用籤分刑部五十年補主事五十六年遷員外郎五十八年升郎中五十九年充廣東鄉試正考官六十年二月京察一等三月充會試同考官五月遷廣東惠潮嘉道嘉慶七年博羅縣有重犯越獄知縣劉嘉楨匿報克家未行揭參部議革職上以克家罪止失察從寬改爲畱任八年調河南開歸陳許道九年三月衡工合龍賞加按察使銜遷湖北按察使十一年遷江蘇布政使十四年二月兼署江蘇按察使三月擢刑部右侍郎六月授漕運總督七月因江蘇候補知縣李毓昌秉公查賑被山陽縣知縣王仲漢毒斃以自縊捏

報事 聞 上以克家時署臬司此等重案未經指駁 敕部嚴
議尋照部議革職留河工效力十二月授江蘇淮安府知府十六
年正月遷淮揚道五月全漕渡黃克家隨同催餉迅速 賞加一
級九月擢江甯布政使十二月挑築南河李家樓各工總督百齡
請留克家在工督率 上允之十七年擢安徽巡撫十八年因豫
省逆匪滋事安徽潁亳一帶毗連豫省調兵防守奏請捐廉協濟
軍餉得 旨俞允 賞加一級二十年八月因湖北訪獲麻城縣
教匪孫家旺供出教頭李珠朱元等俱住安徽阜陽地方克家擊
獲李珠究出匪黨王三保徐良璧張烈文等分別懲治奏入 上
嘉之九月教匪金標有之徒方榮升等編造逆帖遣人散播經百

論於安徽地方訪獲克家以傳習辦金棕有傳教之案至是將餘
犯緝獲解交百齡辦理復以失察奏請議處 諭曰此案編造逆
詞首從各犯皆在該撫所屬之和州巢縣一帶該撫未能早行訪
出查拏該省從前何經辦理金棕有傳習邪教一案此次散播逆
詞之人卽其餘黨該撫亦未能先就舊案查覈跟蹤躡緝逮經百
齡委員訪明已將首從各犯拏獲該撫始檢查金棕有原案內將
原擬杖責之朱上忠等二十四犯悉數緝拏殊不知金棕有傳教
之案前已辦結此次方榮升倡造逆謀其句結黨與甚多不必盡
皆前案擬罪之人如散帖之嚴士隴等皆不在此二十四犯之內
其與知逆謀者雖前案無名必應嚴拏重辦其不知逆謀者豈能

於前案枷杖之上又復加罪胡克家事前既不能盡心查辦事後徒涉張皇何不曉事至此卽交部議亦屬虛文再不激發天良定治重罪慎之見在此案有百齡親自督審自能詳細窮究胡克家不必交部議處著在該省督率各委員一有百齡審出案內要犯卽迅速捕獲解交百齡歸案審辦毋稍疎懈總之方榮升謀逆散帖情罪最爲重大其金棕有舊案並非此案要緊關鍵該撫毋庸牽引枝節以自掩其咎也二十一年四月調江蘇巡撫九月以錢糧徵解延玩經戶部參劾 諭曰江蘇各屬節年虧空銀兩上年甫經釐定章程未能立限彌補今年應徵上年新賦江甯蘇州兩藩司所屬又其未完銀四十五萬餘兩該省上年收成豐稔斷

無如許民欠顯係各該州縣掩飾那移以完作欠該撫並不據實
嚴參扶同徇隱胡克家著交部議處旋議降一級調用上從寬
改爲畱任二十二年五月署丹徒縣知縣楊超鐸因京口駐防閒
散鄔勒興阿之妾自縊身死一案超鐸串通丁役得贓致鄔勒興
阿亦情急自盡旋經被控奉 旨將超鐸革職嚴訊克家復偕兩
江總督孫玉庭奏請將該革員拏問 諭曰此案前已降旨將楊
超鐸革職交松筠胡克家會同嚴訊確情定擬具奏嗣因松筠回
京該省督撫接辦所有案內行賄免驗各情形已據眾供確鑿楊
超鐸恃無質證狡供不認該員業經革職儘可嚴行刑訊乃復專
摺齎奏請將楊超鐸拏問豈非故延時日任伊彌縫實屬因循疲

玩可惡已極此摺係胡克家主囊孫玉庭會銜胡克家著交部議處旋議降二級調用上從寬改爲畱任九月卒諭曰胡克家供職多年曾經獲咎經朕棄瑕錄用復擢至江蘇巡撫茲在任病故無庸給予卹典念伊母年已八十有七家無餘貲著加恩將胡克家攤賠王營減壩未完銀二萬六千四百兩零悉予寬免卽令其子奉伊祖母回籍侍養以示矜卹

右 國史館本傳

陸伯焜

吳中以顧陸朱張爲四大姓而陸氏人才尤盛蓋自漢三國六朝迄唐宋見於史傳者多至數百人至明文定公樹聲尤以耆年宿望重於鄉國迄今士大夫景仰不衰而陸君重暉其第七世孫也君名伯焜號璞堂重暉其字文定公本籍華亭子彥章官至刑部侍郎孫景行國學生曾孫慶臻始遷青浦明崇禎壬午舉人揀選推官不就子光弼諸生是爲君之曾祖祖瑜康熙庚子舉人丁未明通進士泰興教諭父楣二代皆 贈中憲大夫翰林院侍讀學士祖妣顧氏妣蕭氏皆 封恭人君少而英異十歲五經三傳已俱徧誦十七歲爲諸生明年補廩生時余方與吳下諸名士爲文

酒之會君亦來從吳企晉趙升之曹來殷張策時諸君游而陸君
健男本同宗尤以詩文相得余官內閣君因至京師未幾館工部
侍郎倪君承官家余同年也金壇于文襄公聞君名延主書記公
性機警敏捷時方爲戶部尙書直機地兼南書房懋勤殿翰墨紛
拏悉以屬君君精心果力分別應之動中窾要無少遲誤公相倚
如左右手凡扈蹕之地必以相隨三十八年高宗純皇帝巡
幸天津君獻賦召試賜舉人尋援例得內閣中書舍人四十
二年冬丁憂服闋補官四十五年成進士殿試二甲第二改庶
吉士充武英殿分校官日下舊聞纂修官明年散館一等一名授
編修兼選進呈文字四十八年充順天鄉試同考官又明年教習

庶吉士補三通館纂修官四庫館提調官五十年 大考翰詹一等第一升侍讀學士旋充日講起居注官五十一年 京察一等五十三年充順天武鄉試正考官五十五年充會試同考官得齊嘉紹桂馥祝曾等六人五十六年再經 大考改吏部員外郎掌考功司印五十八年升考功司郎中掌文選司印充吏部則例提調官六十年充順天鄉試同考官是冬保舉京堂升鴻臚寺少卿嘉慶元年升光祿寺少卿二年授江西按察使九月調浙江按察使君在翰林十載以文章受 主知果擢高等而刑名非所素習時江西訟牒紛繁倍於他省在浙江時方緝捕洋盜每獲四五十人生死出入聞不容髮君晝夜研鞫詳求律例苦心比擬反覆至

於數四本有肝疾由此日劇四年正月遂以病乞假巡撫轉奏蒙
恩允許是年南河總河吳君璈入都 陛見 上詢陸伯焜疾
何時可愈蓋 眷念殊未已也君歸建家祠兼置義田贍宗族其
文定公以下各代祠在郡城者皆爲修葺越二年病少愈將治裝
北行而肝氣復發臥牀月餘而歿君生於乾隆七年九月初三日
卒於嘉慶七年十一月初六日年六十有一配王氏例封淑人卽
余從兄本蕃之女子二長元琦國學生次元珪未娶孫六人壽銘
壽鈞壽銓壽鎔壽錫壽鏗俱幼以八年十二月初三日葬於本縣
字字圩七開村君詩少習三唐後出入於王阮亭查初白兩公閒
清新婉約故爲企晉諸君所稱其後專爲應奉文字又覃心吏牘

不復多作保存玉笥山房詩四卷皆雅音也昔文定公中年登第
以至太宗伯而立朝不滿一紀嘗作適園以爲生平休息游衍之
所君年未六十以病乞休曾繪適園長卷思承祖德而園廢已久
無從構造遂以病終然則台名壽考天之豐於君而靳於今也豈
非命哉余與君託絲蘿之契事余禮先一飯三十餘年出處仕宦
之間周旋無間而歸田之後不獲同山水魚鳥之樂繼文定公之
百一是可爲屑欲而繫息者已銘曰

鸞坡鳳掖耀詞章也
溯江彭蠡播慈祥也
困於二豎旋江鄉也
思述祖德圖縹緲也
志而未遂歸於其藏也
若堂若斧伊金哀之傷也
松楸蔥鬱卜流澤之孔長也

南齊書 卷之九十二 齊書 三

右基詠 鍾王 永撰

楊揆

公諱揆字同叔一字荔裳楊氏之先自華陰遷常州再遷無錫祖孝元考鴻觀世爲名諸生皆以公貴 贈如其官母顧氏 封太夫人公生而聰穎八九歲時卽好涉獵史事塾師嘗以蘭是眾香祖屬對卽應聲曰梨爲百果宗問何出曰南史張敷傳也長老異之年十四贈公去世從其兄今戶部郎芳燦學時戶部已名諫里中所交悉知名士公亦頡頏其間有二難之目南昌彭文勤公視學江左聞其才以兄子妻之入都爲國子監生兩試京兆不售乾隆四十五年 純皇帝五幸江浙 召試一等 賜舉人授內閣中書五十五年充文淵閣檢閱入軍機處行走明年廓爾喀酋長

侵犯藏界誘款西藏丹津班珠爾等稱兵肆掠富察嘉興公補康
安爲大將軍奏公從行五十七年 恩賜花翎以內閣侍讀升用
五十八年補侍讀甫逾月授四川川北道六十年加按察使銜旋
授四川按察使以勦禦苗匪未赴任嘉慶二年正月加布政使銜
二月補甘肅布政使總統宜縣公奏畱四川辦理軍務四年二月
之官是歲十一月調四川在甘肅四川皆代理總督事爲鄉試監
臨官再典武闈鄉試此歷官大略也其從征廓爾喀越日月山並
星宿海後隊遇大雪行李盡失糧糗不繼拾牛馬矢蘊火煮冰調
麥屑療飢夜則蒙裘露宿及抵濟隴山險不能容馬官兵皆舍騎
而徒每經絕陡則手足並用嘗夜雨前途賊至進退無所遂與同

行者淋雨中擁背持踵以達旦。王師抵帕朗古廓爾喀惶懼乞降。公以一書生履其閒略無失策。超勇海蘭察公爲參贊最知兵。聞公言輒云：「與我意合爲宿將所重如此，其任川北當黔楚逆苗煽動，總督和琳檄理軍務，旋與嘉勇軍合攻下苗寨，殲擒賊目嘉勇公封貝子。總督封伯爵，公亦進秩。時湖南北習教匪徒潛結醜類，剽掠邨堡，攻擾州郡，勢甚熾。官兵頻有斬獲，俄貝子卒於軍中。總督亦相繼歿，眾心洶洶有。旨以額勒登保、德楞泰二公接統大軍，公設方略蒐軍實以左右之。由是壁壘一新，其任甘肅爲公舊遊地，凡城垣戶口版籍財賦胸有成竹，僚屬賢否亦瞭然於中。故不煩而理其任四川，值賊竄擾道路梗塞，總督魁倫調度失宜。

賊蹤渡潼河焚掠三臺中江縣境成都戒嚴總督逮問公撫輯難
 民調察姦宄旬日間流亡安集人心以甯於龍安松潘安設臺站
 就無事州邑採買米穀以資飛輓既而各帥率兵接仗餉又不繼
 總督勒保公則遠在軍營公乃直陳情形請發餉銀二百萬幕客
 斂手思拂 上意疏入竟邀 俞允在蜀五年經畫雷波馬邊夷
 務及時蒞功然頻歲軍興庫帑略盡而糧員支餉則絡繹而至公
 衡量緩急權為假貸僅乃得濟而心神因之告瘁矣始公以儼直
 受暑誤服涼劑致痰飲疾後忽復發遂至不起事聞得 旨照軍
 營病故例議卹 特贈太常寺卿蔭一子入監讀書期滿以知縣
 銓選公與戶部皆以文名又皆以武功著自傷少孤事太夫人色

養備至友于兄弟與人交不設城府爲文沈博絕麗下筆于言飛
章走檄洞中窾要廓爾喀平定當立碑紀功向多記室爲主帥代
作大將軍令卽署公銜名勒石番藏蓋文人奇遇也詩初學長慶
出塞後境日險句亦日奇駸駸乎入杜韓之室所著有詩文集如
千卷奏牘如千卷衛藏紀聞如千卷生乾隆二十五年正月四日
卒嘉慶九年五月十六日春秋四十有五配彭氏 封夫人子三
曰承懋三品蔭生候選知州曰承慧國子監生曰承懋候選通判
女一未字以嘉慶十一年某月日葬於某鄉之某阡其孤來謁余
文余以奏賦與公同舉庚子公少余十有三歲方同官京師公處
境尤困貧病至無以自給一旦遭際洊歷崇階而戎馬馳驅精力

亦頗能措柱以爲朝暮當致節鉞而壽亦未可量也乃財逾疆仕
勞勤身殲如余之濩落無成者反操筆而銘其墓悲已銘曰

桓桓方伯智才絕倫詞賦通籍韜鈴致身敷歷行間投轄克濟疇
謂文事而疏武備寄隆藩翰勳耀竹帛下士皈心元戎側席胡天
不弔鳳靡鸞毗星隕井絡愛遺岷峩 帝軫賢勞清卿進秩生榮
死哀父作子述蜿蟺者山滌洄者谿我銘幽宮岸谷弗移

右墓誌銘趙懷玉撰

成林

成林伊爾根覺羅氏鑲藍旗滿洲人乾隆四十五年由廩生考取內閣中書四十七年升侍讀四十八年遷戶部員外郎五十二年隨大學士公福康安赴臺灣軍營勦賊有功 賞戴花翎五十五年擢廣西左江道五十六年丁母憂回旗五十七年署廣西按察使五十八年 命齋 御賜詠詩祭故安南國王阮光平及封其子光纘爲王比還遷布政使五十九年擢巡撫嘉慶元年土田州知州岑煜獲解聽從苗人岑士德等投遞牌文詞語悖妄之梁文貴成林因煜與士德同姓疑有通謀情事請解滇審辦 諭曰此案該土官一經拏獲立即解交百色同知審訊是該土官深知奉

法極爲恭順乃成林先令臬司前往傳訊又將該土官傳至省城
面加詰問如岑煜果與通謀豈有將梁文貴立時送出之理似此
識見糊塗何以勝封疆重寄著交部嚴加議處時桂林平樂等十
府州縣雨澤愆期糧價驟貴 上令成林察實具奏旋以覆奏含
混 嚴飭之二年二月貴州南籠府苗匪滋事地與廣西泗城府
接壤成林恐其竄匿粵境請親赴西隆州彈壓防堵 上令以嚴
密防範毋任竄逸嗣苗匪竄劫西隆州之八達地方並州屬之含
上各田土民亦被煽動 諭曰成林上年辦理岑煜一案錯誤本
應卽予罷斥因一時乏人暫予畱任今廣西省見有會勦貴州逆
苗之事一切糧餉軍火均關緊要斷非成林所能勝任著卽來京

候旨詞兩廣總督吉慶奏參成林遇事不認真辦理並奏前因安南內訌辦理軍需動用倉穀多未買補上以成林由本省司道府升巡撫延玩倉儲其咎甚重命不必來京暫以原品頂帶仍畱該省辦理軍需交吉慶委用六月吉慶奏成林隨同勦賊於上下夏雄一帶地方擊斃苗匪甚眾搜獲器械牛馬進抵亞橋分路歷攻復斃苗匪一千餘名生擒六十九名九月搶獲新會山梁及收復冊亨迭賞玉璽大小荷包十月授兵部左侍郎十二月調工部右侍郎三年授鑲黃旗蒙古副都統旋調鑲黃旗滿洲副都統四年二月調吏部左侍郎六月授馬蘭鎮總兵兼內務府大臣六年調補盛京副都統八年因失察高斫溝地方奸民偷斫木植

暨屬員等婪賂舞弊 命革職來京十一月 賞藍翎侍衛銜旋授駐藏協辦大臣十年三月四川總督勒保疏言接到西藏匿名呈詞稱噶布倫及商上管事之人辦理不公苦累番民並將達賴喇嘛地銀物透漏分占 上命成林偕駐藏辦事大臣策拔克查奏旋拏獲匿名誣控之阿旺索巴等懲辦如律九月成林復奏稱濟隴呼圖克圖差人呈送匿名夷字一張係控策拔克辦案不公及受賄情事 上命成都副都統文弼馳赴西藏會同成林辦理十月成林奏參策拔克不靜候查辦輒行妄拏多人紛紛審訊策拔克亦以成林違例支借庫項聞查庫之信又向所部之濟隴呼圖克圖借銀歸款入奏 上將成林策拔克一併解任 命西甯

辦事大臣玉甯赴藏會同文弼查辦旋經玉甯等分別覆奏 上
以成林身爲駐藏大臣有稽察庫項之責乃不知慎重輒行違例
動支且又向喇嘛客民借貸還款有玷官箴褫職發往烏魯木齊
效力贖罪十二年 賞三等侍衛授喀什噶爾辦事大臣十四年
四月偕參贊大臣積拉堪等奏瓦罕民人因被巴達克山回民搶
掠先後逃赴色勒庫爾地方居住途經奈滿愛曼等處又遇布魯
特劫去男婦十八名及牛羊馬匹等物瓦罕伯克章京之弟霍協
哈達木等呈懇追還三月成林帶同阿奇木伯克伊斯堪達爾率
領伯克等赴巴什亮噶爾卡倫駐劄遴委曉事之伯克等諭令瓦
罕仍回本處適奈滿愛曼布魯特將人口牲畜呈繳成林等給與

領回眾片悅服復以羊隻白麪在卡倫處所給食遂安靜出境乘
入 上是之十月回京 命仍在三等侍衛上行走十五年八月
遷正黃旗漢軍副都統九月調正黃旗滿洲副都統十月授理藩
院右侍郎十一月復授廣西巡撫十六年五月奏請移駐潯州府
通判於所屬貴縣之木梓墟六月奏改梧州府屬之蒼梧縣爲題
缺柳州府屬之羅城縣爲選缺均下部議行九月武緣縣會匪林
崇三傳言符呪煽惑愚民並捏稱偽號私封官職成林會同提督
德成額親往搜查將首逆及著名各犯全行弋獲分別正法奏入
賞戴花翎並交部議敘十月奏請於梧州府屬之紫龍洲江面
建立浮橋以資緝捕 上斥其所奏未明 命繪圖具奏嗣請於

蒼龍橋南北兩岸添建兵房派撥文武員弁駐劄防守於繫龍洲江面添設哨船三十隻往來巡邏得旨允行九月上聞成林聲名平常且時演戲爲樂命兩廣總督蔣攸銛親赴該省訪察十九年二月蔣攸銛奏成林衙署失竊延扣斃命經年不結於地方事務不能整飭請於成林陞見時賞給別項差使諭曰衙署失竊一案其事甚小不能以此爲成林罪案蔣攸銛於成林劣款自己稔知著卽據實列款奏參尋調成林刑部右侍郎閏三月授鑲白旗蒙古副都統嗣成林奏廣西各州縣虧缺三十萬之多蔣攸銛復將革職知縣王延瑞稟揭成林挾嫌參革索取供應門包等款據稟奏入上命戶部侍郎桂芳倉場侍郎初彭齡馳赴

廣西會同蔣攸銛與新任巡撫台斐音將成林革職肇聞諭曰
粵西本係完善之區近年並無兵差工役等事致令州縣賠累何
至通省虧短忽有三十萬兩之多著將該省倉庫虧短緣由會同
確查毋稍徇隱時桂芳行抵湖南病卒六月初彭齡奏稱成林所
奏三十萬之數並非據藩司冊報竟係成林自行約略之詞顯因
王延瑞稟出虧空勢難久延又慮各處再有似此稟揭更屬無可
彌縫因而預行陳奏以爲原虧各員將來脫卸地步又查王延瑞
在任時成林家人裴興索取門包供應屬實成林參劾王延瑞訊
係懷挾私嫌有心刻覈並訊明已革前署臨桂縣田畹與接任已
革知縣徐驥俱供認曾送門包節禮銀兩又據史積容稱成林平

日署中不時演戲用度奢靡雖訊無婪索贓私實據而其恣意聲色亦可槩見請將成林發往伊犁效力贖罪 上以所辦不實不盡 諭曰成林任粵西巡撫數年何以忽將該省錢糧虛報數十萬兩虧空自因平日恣意貪婪計算虧空約有此數恐致日久敗露故預爲此奏以爲將來彌縫脫卸地步見在初彭齡已赴安徽省審案著交蔣攸銛會同台斐音覆加研鞫加重定擬具奏七月蔣攸銛等奏稱成林之聲名平常實由溺情嗜好信用劣奴所致至憑虛入奏之虧數尙非恣意貪婪預爲日後卸罪地步而其漫無整飭諸事廢弛自應加重嚴擬請將成林發往吉林效力贖罪得 旨改發黑龍江二十二年四月故

國史館本傳

右 國史館本傳

曾煥

曾煥江西南城人乾隆四十六年進士改庶吉士四十九年散館改戶部主事五十一年丁父憂五十三年服闋補官充軍機章京五十五年遷員外郎五十七年京察一等授兩淮鹽運使嘉慶十年以失察楚省漢口岸擡價病民部議降三級畱任上以漢口距淮稍遠咎有可原准其抵銷十二年升湖南按察使十四年正月調湖北按察使十二月遷廣東布政使十五年洋盜烏石太等被擒餘黨悉降煥在事有功交部議敘二十年擢貴州巡撫奏言黔俗苗猥雜處不知禮義謹於聖諭廣訓各條後附以解說刊發城鄉民戶廣爲化導又奏屯軍自乾隆二年按戶授田護衛苗

疆最爲良法日久曠廢軍田有與苗田界址不明者悉行劃撥擬定章程一稽察倉貯以免續虧一移居屯堡隨時編入冊籍一衛弁應酌定考察舉劾之法以示勸懲一各衛小旗散軍出缺歸廳員驗放以昭覈實一屯軍原授田畝應換給新照以杜隱混一各軍新墾畸零地土請免升科以示體卹又奏近黔之湖南芷江縣六里地方民人請改歸黔省管轄以免遺誤均奉旨准行二十一年以母老乞養歸尋因廣東藩司任內失察所屬交代逾限部議降三級調用上加恩改爲補官日降三級畱任二十四年丁母憂道光二年服闋閏三月授兩淮鹽政仍准用二品頂帶五月奏請兩淮運庫臣前任運司時於嘉慶十一年清查一次維時庫

貯無虧轉轉之款亦少迄今已閱十六年且節年滯銷商本竭蹶
輾轉撥墊紛如亂絲請以臣到任之日扣起溯查至前次清查冊
止覈明懸欠各款若干未運積引若干造具清冊依原定年限按
綱分別帶徵嚴催各商請運庶殘積漸清庫款得歸實貯 上是
之八月奏准北行鹽章程向係三引併爲一包嘉慶二十五年改
作兩引併包商力益疲請仍復舊章又請將新鹽兩引灑帶殘鹽
一引合爲一包督各商搭運以廣行銷 上俱允行三年奏清查
各款完竣並立定章程下戶部議奏 諭曰自甲申綱奏銷爲始
將該年正雜帑利等銀專疏具題至分帶積年銀款亦一律題報
此後必須年清年款如再新舊牽混積壓惟該鹽政是問五年奏

彙報淮南北綱食各岸銷鹽總數 諭曰兩淮鹽務積疲已久近

年以來曾經嚴立章程緝拏梟販官引自應暢銷乃此次各岸缺銷額鹽尙有二十餘萬引之多豈得以比較道光三年分較數稍有加增便可塞責該鹽政務當認真課運實力督銷以裕國課六年三月以引鹽加斤奏請展限先是淮鹽每引例重三百六十四斤因商力拮据奏准每引加鹽十斤以三年爲限至辛巳綱止燠以產未豐再請展至丁亥綱爲止 從之四月 召回京 諭曰朕以曾燠前在兩淮鹽運十餘年又歷任巡撫藩司特命以二品頂帶補授鹽政期資整頓朕御極之初已將每年玉貢折價銀兩免其交納並免節年玉貢餘銀一百六十餘萬兩迨曾燠抵任

後又奏請將商捐未解銀五百十四萬兩全行豁免其餘隨時奏請調劑無不加恩俞允原冀從此認真清釐庶鹽務日有起色且令久於其任俾得從容辦理乃曾燠在任四年有餘並未能設法整飭一味因循了事若稍有天良之人斷不致此著以五品京堂候補以示薄懲七年引病乞歸奉 旨不准給假十一年卒子協均內閣中書

右 國史館本傳

公諱燠字庶蕃一字賓谷姓曾氏世居江西之南豐明嘉靖間遷南城爲南城人曾祖世麟祖邵雍正己酉舉人父廷樞乾隆乙未進士改庶吉士散館授刑部主事歷員外郎中總辦秋審出守山

東曹州府調濟南護理濟東武臨道俱以公貴 贈資政大夫曾
祖妣丁祖妣丁俱 贈夫人妣羅 封恭人晉 封太夫人濟南
君舉二子公爲其季生而穎異甫成童從宦都下耆宿見其詩文
多折行輩與論交乾隆庚子舉順天鄉試辛丑成進士改庶吉士派
習 國書甲辰散館授戶部主事丙午丁濟南君艱戊申服闋補
湖廣司入值軍機處擢貴州司員外郎壬子京察一等奉 特簡
授兩淮鹽運使卽充欽差大學士慶文恪公隨帶司員至江南讞
獄勘辦事竣次年始莅任視事嘉慶丁卯擢湖南按察使戊辰調
湖北庚午擢廣東布政使乙亥擢貴州巡撫丙子以太夫人年高
乞養壬午養親事畢 上以兩淮疲憊日甚 特命公以巡撫銜

巡視兩淮鹽政丙戌 召遺以五品京堂候補庚寅卒於京寓年
 七十有二配同邑某氏累 封夫人子二長在埏捐職同知次協
 均國子監生並年少績學能不失世業孫五某某公性尤嗜詩至
 老不輟自漢魏六朝三唐兩宋以及近世聞人專集彙集皆悉研
 究辨哲其得失公以世家子弱冠卽陟詞苑值樞廷游登封圻居
 華廡清要者數十年未嘗歷拂逆失意之境而其爲詩顧深悉民
 間疾苦微言激射頓挫沈鬱絕無珠翠羅綺之氣染其筆端詠山
 燒有日層巒從此瘦春草幾時生望岱有日須知天下雨還望一
 山雲寄意遙深有寒峻專家所不及溯公宦轍留揚州者至久其
 地居水陸之衝四方名流所集聚自趙宋時韓歐劉蘇相繼守土

省謙之盛輝映古今閱數百年至國初周樞密侍郎監督鈔關
遠紹逸響而王阮亭尙書繼以司理揚州誠心求士士歸之如流
水之赴壑二公皆履卿貳立治績而世人之豔稱者乃在鈔關司
理時誠哉其難之也後又百年盧雅雨朱子穎爲都轉稍續前緒
至公而大盛是以揚州人士以公丰采爲上接阮亭者信矣公著
有賞雨茅屋詩集二十二卷駢體文二卷續金山志十二卷又選
刻蘇文忠公奏議二卷虞文靖公詩集八卷呂子易說二卷江右
八家詩八卷朋舊遺詩十八卷江右詩徵一百廿卷國朝駢體
正宗十二卷皆行於世唯選批國朝詩爲清真集者未竣事
包世臣曰公二子皆晚生從弟斌官水部未嘗從公宦遊故具狀

不能詳行治按 國史館例官二品皆據紅本及軍機檔以立傳則公之政事自在良史非私家所能增損公任都轉時余嘗朝夕讀公詩詞聞公談議殊不以嗛官爲樂其意蓋欲大有爲者陳臬以後相去遼遠信問阻越然余客百文敏公兩江節署語次及粵東平海事文敏謂委署支調公常拘牽成案以掣其肘頗銜公文敏氣餒偪人舉事多任意同城官之將軍巡撫莫敢立異同而公爲其屬獨能舉方伯之職是亦一節之可見者矣

右別傳包世臣撰

賓谷都轉處淮揚靡麗之區而澹於嗜欲公事餘閒時與賓從賦詩爲樂闢題襟館於署後周植花木爲唱和之所屈指官斯土者

自國朝以來無慮數十輩而若風吹網所過無聞獨寶谷挾其
縱橫跌宕之才以雄視乎當世令人愛慕比於香山六一玉局諸
老不其偉與

右有正味齋文集張維屏錄

清安泰

清安泰費莫氏滿洲鑲黃旗人乾隆四十六年進士授刑部主事五十一年擢員外郎五十二年授甘肅涼州府知府五十六年以署蘭州府事鞫審得實 上嘉其畱心政事送部引 見五十八年擢湖南衡永郴桂道六十年苗匪滋事總督畢沅令清安泰於保靖花園一帶撫綏降苗尋以督餉奮勉 賞戴花翎嘉慶元年先後解送首逆吳半生石三保赴京擢湖南按察使五年擢廣西布政使六年以上林縣買補穀數造冊舛錯部議降一級調用 恩予畱任七年署廣西巡撫八年調浙江布政使九年浙省糧價昂貴清安泰隨巡撫阮元捐銀以濟民食 上嘉其急公十年擢

江西巡撫尋調浙江巡撫十月奏言浙西杭嘉湖三府上年歉收有緩徵漕米十一萬七千餘石本年春夏雨多麥蠶並歉請再緩至來年徵收以紓民力得旨如所請行十一年三月奏言閩浙兩省新造艇船係畫一造辦今閩省報銷經部議覈減著賠者已

恩免追繳浙省請一例邀免上允之八月洋匪蔡牽北竄浙洋清安泰馳赴溫台一帶嚴禁小船出口透漏米石火藥並飭弁兵分路追剿洋匪不能近岸樵汲仍竄去上以清安泰認真防堵竟之時總督阿林保劾提督李長庚私回衙署捏報獲盜請褫職治罪諭曰清安泰覓在溫台一帶所有李長庚追賊情形知之必悉著卽秉公詳查具奏尋復奏長庚督捕奮勇並無玩盜捏

報狀 上嘉其所論公正事見李長庚傳九月奏言沿海村莊編查保甲凡散處海島之居民鋪戶一律編牌造冊其寄寓游民卽責成房主鋪戶考察如有行蹤詭祕卽稟究並稽查出入米數以杜販運濟匪禁止製賣花礮以杜火藥透漏至海口採捕小船恐有奸徒溷跡均飭沿海員弁隨時查禁 上是之十二年五月平陽縣監生莊以莅抗糧奪犯毆官 命清安泰督同江蘇按察使百齡審辦鞫實報 聞時譌傳蔡逆於祥芝洋礮傷斃命七月清安泰奏言臣以該逆因傷斃命之處祇係漁戶傳述焉知非該逆故散浮言以爲緩勦稽誅之計見在諄囑李長庚探聽匪船下落趕緊勦擒卽該逆眞已傷斃亦須根求證據方可信以爲實其

遺夥亦須乘時殲除萬勿輕聽浮言稍涉觀望致失事機 上諭
其言九月偕阿林保奏温州府屬外洋東白等六山向隸樂清縣
山外洋面向歸温州鎮中營管轄請就近改隸玉環廳其洋面改
歸玉環營管轄於緝捕有裨下部議行十月劾温州府知府楊兆
鶴妄報緝捕邀功狀得 旨褫兆鶴職時蔡逆仍竄浙洋其子二
來登岸入普陀寺燒香事 聞 諭曰蔡逆爲積年巨盜亟應躡
蹤追捕盡絕根株今伊子二來膽敢入寺燒香毫無忌憚可見該
督撫等所稱嚴防口岸及蔡逆窮蹙之語全不足信而浙省地方
官尤爲鬆懈清安泰尙敢覲顏入告乎尋 命交部議處十二月
調河南巡撫十三年正月清安泰以浙省漕幫回空阻淺耗費甚

多奏請將應行扣還 恩借本息行月米價並嘉慶九年十二月
造船公借銀兩暫緩分扣奉 旨俞允旋莅河南任四月劾糧道
孫長庚擅動庫項放債漁利狀下部鞠實論罪十四年四月卒

右 國史館本傳

蘭語考 蘭名考 卷之二

四

覺羅琅玕

覺羅琅玕正藍旗人由覺羅學生捐納筆帖式升盛京戶部主事旋擢刑部員外郎乾隆四十六年五月遷本部郎中四十八年擢內閣學士兼禮部侍郎十二月授江蘇按察使五十年四月擢刑部右侍郎五十一年九月授浙江巡撫先是杭州嘉興甯波台州金華温州等府以沿海沙漲地畝積年民竈互控未結者百有六案琅玕到任後辦理完竣五十二年以臺匪林爽文滋事閩督李侍堯集兵進剿札商到浙令豫籌糧餉十餘萬石琅玕以爲若由陸運腳費浩繁且延時日不若海運爲便飭藩司於乍浦甯波温州海口附近府屬共撥穀十六萬石豫爲碾備又以海運全資風

力夏至後南風當令恐有遲滯復飭各府再分勸倉穀四萬石碾米二萬石雇覓堅固船隻分行裝載派各府營弁趕緊運兌奏入上嘉之五十三年正月因總兵柴大紀各劣款琅玕告知德成並不自行陳奏及降旨詢問始將風聞之處奏聞又因温州洋面解閩官錢被劫地方官諱盜不報先後交部嚴議議上奉旨免其革任五十四年四月奏言浙省沿海范公塘舊設石壩十一座一遇潮水猛涌之時易損難修不若柴盤頭一項釘木作椿根腳相宜雖風潮大汛可無衝散之虞請於見在石壩已經衝損者卽行改建柴盤頭其尙屬堅固者俟於應行修築時一體改建得旨如所議行五月因甯海營建跳汛洋面船戶葉如玉周加貴

等漁船盜殺多命經總督伍拉納奏參琅玕未經入告 嚴飭之
旋以琅玕鞫訊疎防各官未能明允復令詳查具奏尋審明葉如
玉等赴汛喊稟時署守備姜起榮在雞籠山巡洋葉如玉等在甯
海縣請代書王榮文作詞欲赴汛官告理憚於回程迂遠從榮文
謀裝敘守備不肖收辦情節在營縣呈報參將愛新泰接收呈詞
未及傳訊卽通報總兵劉文敏總兵一面呈報提督一面行文嚴
查琅玕審明後未將添捏情節之代書照例治罪被人誣告之姜
起榮奏請開復並將愛新泰姜起榮定以發遣伊犁總兵劉文敏
擬以軍臺效力奉 上諭飭駁 敕部嚴議部議革任 上寬之
旋自請罰銀三萬兩十月又以失察閩民黃崑山商船在洋被盜

並殺傷附船回營兵丁部議革任仍寬之復以琅玕撥運閩省軍餉米石辦理妥速命交部甄敘十一月撥寶浙局錢文委員運往上海附搭米船解閩應用上以其奮勉急公實心任事再予甄敘五十五年六月兼署杭州織造並南北兩關榷務時安南夷人遭風到浙琅玕與司道捐廉起屋四十五間妥爲安插並以該夷無生計產業以杭紹二府入官沙地分給該夷人永遠養贍上嘉之先是嘉善縣糧戶因糧書浮收舞弊赴京呈控有旨令伍拉納訪查嗣經查明並有嘉秀二縣書吏舞弊琅玕自以不能督除漕弊奏請革任諭曰琅玕既屢獲愆尤又不能力除積弊且浙江巡撫兼綜鹽漕事務繁劇琅玕才具中平亦難勝任著賞給

頭等侍衛職銜前往哈密辦事九月因藩司顧學潮患病遲參
嚴飭之並令自行議罪尋請繳銀四萬兩復以撫浙時所屬漕務
不能督飭妥協再請繳銀三萬兩五十六年正月又以撫浙時其
海塘工程被風潮衝損並未親往查勘僅將應修之工入於七八
兩月沙水情形摺內修辦 命撫臣福崧查明迅速興修仍令琅
玕照數賠出十二月經福崧查明入奏 諭曰最要各工應賠銀
八萬九千六百六十兩零著琅玕賠五成次要各工應賠銀十三
萬七千六百五十一兩零亦著賠五成從前自行議罪應交海塘
內務府銀兩尙未完銀八萬兩著槩行寬免令其專力措繳見在
應賠之項毋得遲延干咎是月調葉爾羌辦事大臣六十年五月

調喀什噶爾參贊大臣嘉慶元年三月因庫車辦事大臣伊桑阿等奏葉爾羌商人戴侍經私將玉器販往內地案內審出從前琅玕家人穆特赫亦有託帶 命解任來京備質九月 諭曰琅玕從前在葉爾羌因伊家人挾帶玉石案內將伊解任今將家人審詢琅玕尙不知情著賞給郎中銜更換董椿授爲避暑山莊總管罰交郎中俸十年以示儆戒二年六月 賞三等侍衛充蒙古領隊大臣四年十二月授刑部右侍郎五年二月授貴州巡撫四月請將應賠銀兩於巡撫養廉內每年坐扣一半七月因青苗滋事督兵勦捕全行擒獲 命加總督銜仍交部優敘並免應賠銀一萬兩十月擢雲貴總督六年五月擊獲邊外焚搶土司夷寨之漢

奸夷人分別辦理 上嘉之先是石峴苗匪滋事雲南巡撫伊桑阿駐劄銅仁並未親往軍營督辦 上命琅玕據實陳奏嗣經初彭齡奏參伊桑阿各劣款係琅玕告知之語降 旨交琅玕會同孫曰秉嚴審定擬具奏八月以琅玕覆奏不將伊桑阿劣款舉劾並將伊未經親往石峴之處代爲申說 嚴飭之並拔去花翎降爲二品頂帶暫畱雲貴總督任七年二月維西廳獠獠夷人恆乍緝糾眾滋擾腊者布從中主謀並有禿樹出亨二逆一同附合提督烏大經等帶兵前往堵剿琅玕亦派撥籐牌兵二百名馳赴查辦復分派文武員弁在各要隘處所巡查防禦並調土練協剿嗣因維西附近剿散之賊一半由山後潛赴康普與恆乍緝腊者布

助惡拒守一半折回樹苗吉尾一路乘空燒搶遂飭總兵永明等帶兵勇擊殺其山內藏匿之賊亦逐日搜捕後路漸次肅清其曾經順賊之獍獠猶狴各寨經官兵剿捕咸知畏懼潛出投營情願效力殺賊時裸黑復渡江滋擾諭曰該匪想係風聞維西滋擾乘閒搶掠見令提督烏大經速赴普洱督同總兵書成等搜剿自不難剋期蒞事琅玕不必分心兼顧惟當專駐維西一手剿盡五月琅玕同署提督張玉龍等分派弁兵先將阿喃多寨屯駐之賊前後夾攻復將諸別古山內屯聚之賊設伏進攻並將漢奸禿樹擊斃其餘滋擾之處均有斬獲且有畏懼來投者時恆乍綳盤踞康普糾眾滋擾腊者布甸結多人據守小維西抗拒官兵經署提

督張玉龍署總兵永安帶兵進剿攻克維西賊卡並經投出之夷民禾總披結等乘腊者布敗回設計縛獻琅玕審明後卽將腊者布凌遲處死奏入 諭曰琅玕此奏督兵剿辦獐獐已將首逆腊者布生擒辦理迅速琅玕著先行賞還花翎俟恆乍綑擒獲竣事後再行加恩嗣因官兵攻克康普將北路獐匪除盡 命賞還頭品頂帶六月琅玕委守備李上林由葉枝向前攻偪總兵張玉龍由康普前進兩路官兵於洛通道塘會合一處將投出難民妥爲安撫維西北路疏通恆乍綑逃至江外將恆乍綑之父母妻子孥獲 諭曰琅玕卽可就勢完結毋得遇事株連其威遠獐黑旣據稱人數無多尙易蕪事見值瘴盛之際賊匪不能再出滋擾我兵

亦未便冒瘴進攻自宜撤兵防堵俟秋深再設法剿辦是月琅玕馳抵劍川分兵進攻吉尾樹苗賊匪又令參將成文總兵永明等帶兵搜剿並將投順夷民分別安插因吉尾賊匪勢尤強橫且山路處處可通慮其逃入沿江一帶再有勾結琅玕卽駐劄劍川適中之地督兵進攻絕其後路七月琅玕督飭各路將弁分投搜捕遂於樹苗通甸小川各處痛加剿洗並將賊目漾黑等擒獲分別斬首梟示是時威遠猓匪復出滋擾奏請剿辦與琅玕前稱猓匪經官兵痛剿之後已逃出江外各處並無賊匪蹤跡不符奉 上諭琅玕於猓猓一案辦理完畢後卽著前赴威遠一帶確查儻係書成前此稟報賊匪遠遁之言有虛捏情事應卽據實奏參並

諭以該夷等賊性兇頑遇有滋事之時自當隨案懲創至既經懾伏之後亦惟有就事完結窮兵黷武亦非善政何忍殘害無知之人邀功見好耶是月官兵攻克迴龍廠並擒獲首逆親屬八月官兵圍剿工江山等賊匪將爲首賊目殲斃其餘被脇獐獐均乞降安插九月琅玕請將官兵分別撤回並設法擒擊首逆恆乍緝上以琅玕兼轄雲貴兩省事務較繁命卽回省十一月獐匪探知官兵已撤乘江水淺涸復行偷渡過江句結江內降獐搶割稻穀劫奪牲畜 上命琅玕等卽將所撤官兵仍行截回嚴飭將備兵勇迅速剿辦十二月琅玕復馳抵劍川軍營擒獲首逆恆乍緝之妻舅喇叭正法官兵分路將屯聚橋頭溝巴車窠洛別古等處賊

匪痛加圍剿並將滋事賊目泥巴等擒斬又派令將領分路挑搜羅善洛河洛古巨王門等處賊匪多有斬獲八年二月奏言江內地勢散漫自劍川而北至石枝橋頭巨甸魯甸以至維西約有五百餘里自維西至吉尾約有四百餘里自吉尾至迴龍廠約有四百餘里其間俱有獠獠居住必須痛加搜剿盡力埽除 上諭令不可過江搜捕恐該處夷眾驚疑並以琅玕辦理獠匪已及一載尙未將首逆擒獲因命永保接辦維西軍務琅玕仍回省料理地方事務嗣奏分派將備等員在山內江外砍樹紮筏以作過江之勢一面督兵剿殺生擒漢奸張有斌等審明正法遂有江外拉噶洛等寨獠獠十三人過江跪地乞降情願至江外堵擊恆乍緹琅

玕因於江內一帶脇以兵威一面遣令順夷至江外各寨密行開導上因其辦理已略有頭緒復命永保卽在省城任事且不
必前往軍營仍諭琅玕務當倍加奮勉妥速辦理俾邊境早就甯帖琅玕卽督率官兵搜捕三層巖等處賊窩南塔一帶均就肅清其隴戛一帶夷人攜家乞降將家口畱營作質仍回江外截拏首逆並派撥夷勇前往兜圍尋獲恆乍縲妻母妻弟復將恆乍縲助惡之女沙泥刷先及別的扒之胞兄黑蘇扒等拏獲嗣又生擒賊目別的扒並恆乍縲之兄烏恆布等家屬九月探知恆乍縲逃至棲施羅兩箐交界雪山斗崖竹林內藏匿成文率同守備羅倫千總李元龍張國相等分帶兵勇齊集崖下乘其不備奮勇而上

鄉勇頭禾君相併力將恆乍糊擒縛當卽凌遲戮割該逆家屬俱正法奏入 諭曰恆乍糊以邊地夷人膽敢布散妖言句結獍匪乘機搶掠至僞設頭目官名不法已極琅玕督率官兵剿捕幾及二年雖稍爲遲延節經殲除著名賊目此時又復將該逆生擒夥黨全行掃蕩並無一名漏網見在江內江外俱就肅清邊隅永靖辦理甚爲妥協琅玕著交部議敘是時夷疆甫定維西僻處邊隅各種夷人雜居江內江外地勢懸長查察難周十二月琅玕奏請維西麗江等五路設立頭人懇 恩賞給千把頂帶由該鎮道發給執照木戳責成稽查約束奉 命賞給把總外委頂帶並 諭曰如果奮勉出力著於年終奏請加恩琅玕剿捕旣竣因維西協

所管北路之阿海洛古南路之魯甸拉撒等處及中甸一汛鶴麗
鎮屬之橋石鼓九河等汛劍川營屬之通甸蘭州二汛皆地處緊
要或原未設汛或設汛而兵不敷防守奏請裁馬改步添兵八百
名於阿海洛古等處分別安設前琅玕在維西軍營染受嘔吐之
證時發時止九年六月卒於官 諭曰雲貴總督琅玕自復任封
疆以來宣力邊陲前曾辦理貴州石峴苗匪及雲南維西獠匪俱
有微勞今因病身故著加恩將伊任內處分槩行開復其應得卹
典著該衙門察例具奏尋 賜諡恪勤子覺羅毓芳太常寺讀祝
官

右 國史館本傳

國朝耆獻類徵初編卷百九十二補錄

疆臣四十四

楊遇春

道光十五年正月太子太保一等男陝甘總督楊公以疾乞休

上念公歷事三朝積勞成疾既不忍違所請尤不忍遽令公歸

諭令緩程赴京陛見既見晉封一等侯敕在籍支食全俸

於其行也賜七言律詩一首親書於筵所以寵嘉之者甚至

次年上復親書福壽字並頒內府人蔭給公祇領十七年二月

丙子公薨遺疏入上震悼晉贈太子太傅兵部尚書入祀賢

良祠發銀二千兩治喪遣官諭祭命禮臣易名子諡忠

武公諱遇春世爲崇慶州人明季避張獻忠亂徙甯番衛之穆家堡 國朝康熙初年高祖諱星祚始返州治之白碾村居焉曾祖諱宗顯州學生祖諱梅州學生考諱廷棟自高祖以下均 贈光祿大夫高祖妣曾祖妣祖妣妣均 贈一品夫人公幼從家塾受章句嘗一就州試謂此不足以發名成業遂由武科隸四川總督大將軍福公麾下從翼長海公蘭察學將略甘肅石峯堡福建臺灣廓爾喀三次軍功洊升守備苗疆軍功洊升廣東羅定營副將嘉慶元年襄陽賊倡亂蔓延三省所在蟻聚繡屯愈撲愈熾公應調至軍所嚮克捷賊之有名號者如高三馬五王廷詔高二徐天德皆渠魁也 睿皇帝以此五人屢戕大員罪大惡極切責經略

經略得 旨乃委公專勦公於龍池場擒王廷詔於龍洞溪擒高
三馬五有若摧枯曾不淹晷此外林之華張漢潮羅其清冷天祿
等先後爲公所斬艾者更不下三數十人 睿皇帝知公最深其
受知之始則以嘉慶二年黃金嶂之捷是年授西甯總兵五年授
甘州提督 子雲騎尉世職六年加騎都尉七年授固原提督加
二等輕車都尉公由副將擢提督俱在軍次至十三年而後入
覲 陛見 天顏喜甚 命謁 純皇帝陵隨 命以乾清門侍
衛赴固原固原爲西北劇鎮顧營伍懈弛已久公至則勤加訓練
約束堅明而天下精兵遂以固原爲最直隸山東河南奸民倡入
卦教互相勾結潛蓄逆謀十八年八月滑縣遂陷於賊 特旨命

公會陝甘總督那公往勦十月公率固原兵至河南攻道口鎮破
之進攻滑城十二日城破俘首逆牛亮臣等械送京師河南甫定
陝西旋以變聞 特旨命公赴陝限以十日至公至南山聞隴州
賊麻大旗最獷悍率固原兵徑趨隴州浹旬賊平不兩月餘賊悉
平 睿皇帝以兩次軍興歲事迅速 賞公紫禁城騎馬 封二
等男繼晉一等男二十五年七月 睿皇帝升遐 今上卽位謂
公於 睿皇帝受知最深厥功甚大加太子少保 賞戴雙眼花
翎道光元年正月公入 覲 上大痛公益痛旣 命叩謁 梓
宮並以 睿皇帝冠佩十餘事 賜公五年 命署陝甘總督六
年六月回疆有張格爾之變喀什噶爾和闐英吉沙爾葉爾羌四

城一時並覆公率省標兵先行出關十月抵阿克蘇 上命伊犁將軍今大學士長公爲揚威將軍公及山東巡撫武公爲參贊大臣七年二月大兵旣集始由阿克蘇進十六日至二十七日一戰於洋阿巴爾特再戰於沙布都爾莊三戰於阿瓦巴特爾莊乘勝遂復喀什噶爾城始張格爾於喀什噶爾旣戕辦事大臣及副都統各官遂據其城城外七里許倚河爲塹築土爲垣十餘步一穴一穴一礮迫我兵至賊礮直達北岸而我兵北岸之礮不能擊賊相持一晝夜無敢渡河者三月一日公奮然率數十騎揚鞭徑渡漢南虎頭兵隨之而渡由是大隊繼進蹴長垣爲平地公揮兵急攻其城張格爾則已棄城竄矣喀什噶爾城旣復和闐英吉沙爾

葉爾羌三城亦復順以首逆未獲未卽班師旋有 旨令公先行入關赴京 陛見張格爾之竄也走塔什霍爾罕復走阿坦臺以畏公故深自避匿及公入關謀者導之出遂爲我兵所獲八年正月 上聞報大慰及公至益慰前進兵時以三戰三捷加公太子太保至是 賞用紫韁寶授陝甘總督公任總督八年務持大體不事煩苛官吏奉法惟謹部屋之民舉熙熙然有以自樂然而誠慤之性嚴重之質果毅之才抒之爲忠蓋積之則爲威望雖外區別種亦不能不畏若神明以故人心靜謐 上無西顧之憂公崛起行間自結 主知乾隆六十年 高宗純皇帝已 賞公勁勇巴圖魯及事 仁宗睿皇帝 恩遇益隆滑縣之役入京覆 命

特令跪至膝前執手慰勞謂卿與朕同歲年力富強將來如有軍務卿當爲我獨當一面 手賜吉祥如意牌喜字翎管四喜搬指各一 今上在清宮時已心重公久而益知其賢故徑由提督改任總督破格行之不以爲疑公子國楨由潁州府知府累擢至河南巡撫疆土相望一時並授節鉞 眷賴之榮近代以來莫與爲比公之勳名赫奕加以德性純粹天下無識與不識皆翕然仰之 薨之日 朝野惋惜四方來會奠自西北來者言陝甘之民慟公尤甚其相率私祭並作佛事以薦公者不知凡幾也嗚呼公之遺愛若是是亦可以知公矣公生於乾隆二十五年庚辰十二月二十五日辰時享年七十有八夫人田氏 贈封振威將軍子華之

女 封一品夫人先公二年卒子二人長國佐次國楨國佐四川
茂州營都司以隨公出關加游擊銜國楨甲子科舉人官河南巡
撫公遺疏入 上永念茂庸重示 優卹以國楨承襲侯爵加國
佐副將銜孫五人煦熙杰忻烜煦附生候補郎中熙附生以 恩
蔭候補主事杰候選游擊曾孫四人公薨於錦官城南第宅返葬
崇慶州之祖塋以田氏夫人祔葬有日矣國佐國楨奉行狀來請
銘銘曰

少年從征進不知退拍馬橫矛善穿賊隊參贊戎機克城賊潰昇
以封疆無慚簡在 御製像贊 天語煌煌才全功立得此益彰
元首明哉股肱則良嗚呼我公邦家之光

右墓誌銘李惺撰

國朝文獻備考卷之八十一

八

三

國朝耆獻類徵初編卷百九十二補錄

疆臣四十四

翁元圻

翁公諱元圻字載青鳳西其自號也其先嚴州人宋時有爲浙東提督給轄使者始家餘姚遂世爲餘姚人曾祖阜祖運枚皆有潛德隱約不仕父會燦稍仕爲直隸井陘縣典史皆以公貴贈如其官公少敏朗耆學通六經百家言爲文有能名年十九冠童子軍入學學使者奇之二十四以解首舉於鄉三十二成進士授禮部主事當官鯁諤不阿同寮或勸公少貶損須推擇者公曰吾固知剛不如柔獨不如同顧吾性不可強耳雖然通塞命也君見窺時

善俯仰者果皆得耶乾隆五十二年以直隸州知州簡發雲南借補嵩明州有美政大吏賢之遷廣南府知府廣南山險數千里官須夫役馬驢皆取給於民吏胥復因緣椎剝患苦閭閻民苗愁歎公至立罷除之郡多私錢爲民病大吏患之數切責守令而奉行輒不以實充斥如故公爲詳設程目聽民自首納以平價償之躬巡閭閻勞來申勸民感其意不旬日私錢盡出而市不知擾乃解局更鑄善錢嘉慶二年鄰境貴州南籠府狎苗事起廣南素無兵備吏卒洵懼欲亡去公出私財募軍得壯勇民數千日夜部勒據險隘築障棄之民恃以安賊徘徊境外不敢近會鄰州寇警乞援公率民兵馳赴之遇賊於令衝一戰殪其前鋒賊固聞公名及是

益賊乃斂兵踞山梁結三營犄角自固公偵知賊中情勢及其口號物色令軍中多造盾駢厚竹爲之固以綿漆爲仰攻具而預遣死士三十人授以計使溷跡入賊營期戰日舉火乃日揚兵更番數進疲賊或昏夜明火大譟如是數晝夜賊不堪其擾至戰日分兵張左右翼自督中軍雁行猱進賊遽下矢石如雨皆隔於盾不能傷久之度且盡麾軍譟而疾登而三營火齊發賊大驚遂潰追斬渠魁降其餘厚結之使招降諸苗於是八寨兩曹頭人皆相繼縛賊首來獻願隨營辦賊自効由是廣南民兵聲震滇黔間亡何別賊圍官軍於邱北制府檄公赴援公馳之賊聞公且至則撤圍踞儉負隅以待其地山險壁立密箐環之山後皆老林深險無際

公至巡視笑曰吾知所以破之矣彼憑高御下使我不利於仰攻急則以老林爲窟穴恃其趨捷善竄謂我不能追耳此黠鼠故智也於是募降苗爲鄉導得旁近樵徑以壯士千昏夜銜枚紆行出其背伏於老林復遣士官裨將各率勁卒五百人潛從山左右緣崖上伏深箐中部署定親冒矢石督全軍急攻賊亦殊死鬥俄左右箐中伏兵起各大呼橫擣其脅三面夾擊賊大敗急趨山後老林又中伏殲戮無算餘賊狼狽竄崖谷遁公整旅追至平寨賊不敢守夜棄營走入邱境革羊寨糾合別寨苗二千餘稍集散亡勢復振乃反戈死咋公與戰於革羊又敗之再追敗之於矣廈又潰之於渡汪坡賊望見廣南旗卽駭走遂竄粵西滇邊悉平是役也

從征者士同知儂世昌頗敢戰公喜之與同寢食間輒與談古今
義烈事一日與之言張睢陽岳忠武世昌避席曰承長官訓乃知
古忠臣烈士亦人也人自不肯爲耳由是益奮艱險中得其力爲
多每報捷公輒以功推與之事旣制府第公勞始 賞戴花翎累
七級時緣邊被焚掠遺黎憔悴公力請賑上官難之發不足公罄
私財復多方稱貸補益之全活甚眾士民牒言願得公生命日時
立生祠並德政官闕於碑公不許去之日百姓遮道哭傾郡走送
百里外署鹽法道事撫軍初彭齡始至擊斷風厲屬吏惴惴進見
多失次公論議侃然無所撓屈初以是轉重之嘗欲劾府縣十餘
員公從容請聞曰外論藉藉謂公且劾某某等甯有是乎初曰然

此甯不當劾耶公曰固謂公未之知也如某某皆滇良吏謂公方
獎之若某某者雖庸無奇要亦不爲惡不至在劾例公若廉得其
陰私有明白左驗者則某不敢知苟但空言其不可而已則恐公
且悔之也且屬吏人人自危非完計也願公更慮之初意解爲之
損威而十餘員者遂得免嘉慶九年以兩舉卓異遷迤南兵備道
獐獐不靖制府討之以公署糧儲道從征軍事皆倚之歲餘事平
善後事及報銷軍需後制府仍以屬公士大夫遇軍興輒指射糧
臺撥汁爲利數上計必浮其數備部議駁減乃適如所欲公持不
可曰此臧獲賤人之行吾不忍爲後果奉部駁責賠公賠獨多其
同在事分賠者皆怨公思中傷之卒不得聞俸滿當引 見制府

奏畱以署貴州布政使踰年至都 詔以爲貴州按察使晉湖南
布政使兩攝巡撫事 上嘗遣信臣莅楚按事使者附疏言採聽
輿論惟藩司翁某有政聲於是復有護理巡撫之 命尋坐事里
議當奪職 詔原之 上意方嚮用公而公已老矣因 陛見力
求內用授太常寺少卿未幾致仕卒於里年七十有六娶何氏續
娶金氏子一孫五長學濟進士戶部郎次學涵拔貢生工部郎公
內行修持親喪甚毀與兄相友愛三十年如童稚時訃至哭之幾
喪明性彊記博極羣書公暇輒手一編毫而不倦所著困學紀聞
注行世詩古文集述聞若干卷藏家爲人靜重寡言髫年卽嶷立
不羣長而深目高頰面黝紫視瞻停諦無流眄坐立屹如山嶽雖

事變駭愕未嘗有卒遽之色接人坦易喜獎進人善然不爲媒狎人得其笑語以爲榮平生事上不詭隨御屬吏嚴而不煩務自檢厲以率物蓋愛人練事其天性精力能推究之故上下交重卒能以政事自致通顯而所至陰受其賜平居自奉約而奢於爲義歸田後鄉閭善舉必倡行之贖戚族恤養窮孤行之終其身不倦其在官居鄉他善蹟尙多不著著其大者

余坤曰予與戶部君同歲入學又同官戶曹游於其兄弟間最習工部君嘗爲予言公里居恆終日巍然凝坐兒童戲於坐後自若也適面之皆震慄某兄弟呈所爲文伺顏色幸溫霽卽私相慶或抹竟釋筆長吁則流汗跼蹐若負背芒然初未嘗加訶叱也嘗與

漁村史先生分主省城書院講席某隨侍一夕外傳呼史大人來
出窺之先生纓帽葛袍躡青履徒步從一童籠燭至門自探懷出
珊瑚頂加諸冠然後投刺入既就坐賓主泊然久之乃徐相叩答
都得一二語脩然指遠各以意領清坐至夜分始罷去今思之兩
先生風趣覺陳仲弓將二方詣荀朗陵八龍行酒下食猶爲煩也
予謂史典封疆數十年晚歸至無以爲家公所富亦爲書耳是已
近人所難然子尤獨難公風議嶽嶽似古人也詩不云乎雖無老
成人尙有典型汲黯在漢則淮南寢謀至公孫宏以經術致相位
名好士布被脫粟自奉而淮南易之以爲如發蒙耳顧獨憚區區
之汲黯王 謂謝安江左偉人勸苻堅母盾意晉彼其以眇眇之

身繫人國輕重如是然安平生論詩獨取訂謨定命遠猶辰告其在朝乃漠然若無事而卒能使其兄子元以八千人破苻秦傾國之兵信乎國不可無人若是哉嗟乎使如鳳西公者端委立於廟堂其風采隱然折衝萬里之外亦去公孫丞相遠矣

右傳余坤撰

按翁公乾隆四十六年進士

國朝耆獻類徵初編卷百九十三目錄

疆臣四十五

徐端

葉觀潮

陳鳳翔

阿霖

國朝耆獻類徵初編卷百九十三疆臣四十五目錄 一

國朝詩林卷之三

卷之三

一

國朝書獻類徵初編卷百九十三

通奉大夫前署江西巡撫江西布政使司布政使湘陰李桓輯

疆臣四十五

徐端

徐端浙江德清人由監生援例捐通判乾隆四十七年河決河南
青龍岡經大學士阿桂奏派承挑引河四十八年工竣奉 旨畱
於東河河工委用四十九年題補蘭儀通判五十一年蘭儀以工
險改爲同知缺卽升補蘭儀同知尋又改睢甯通判爲同知缺調
端睢甯同知五十七年調開封府下南河同知嘉慶二年湖北邪
匪滋事隨河督李奉翰赴均州老河口防堵江岸出力 賞戴花

領三年署堯沂曹濟道堵築曹工四年擢江西饒州府知府未到
任調江蘇淮安府知府五年十一月堵築邵工 賞道銜七年十
一月兩江總督費滄南河總督吳璈奏准徐道缺請 簡 諭曰
淮安府知府徐端久任河工勤能幹練每遇調辦搶險要工不辭
勞瘁著升署淮徐道八年九月丁父憂奉 旨徐端每當大汛緊
要之時搶險均能奮勉出力未便另易生手著不必開缺令回籍
治喪百日仍回徐州署理河道事務九年四月奉 旨以三品頂
帶護理河東河道總督時衡家樓決口甫合 命端會同侍郎額
勒布河南巡撫馬慧裕督辦善後事宜並周歷南北兩岸查勘隄
壩上埽各工五月 諭曰東河自王秉鐸接任河督意存惜費於

應行修築工段多從節省未能加意修防而嵇承志年力就衰精神又難期周到徐端係久諳河務之員於全河緊要機宜自能熟悉如有必須預行修築之處卽先期據實奏聞辦理總須通籌全河大局爲未雨綢繆之計以期永慶安瀾方爲不負職守尋奏河勢時有變遷而水性無分今昔黃水性易灣曲入豫境後伊洛瀍澗之水匯歸東注勢益浩瀚而沙土性鬆易於淘刷如南岸坐灣挑溜北趨則北岸必生險要北岸坐灣則南岸亦然唯溜勢之趨向無常斯工程之險夷靡定補偏救弊機宜端在臨時而杜漸防微籌備要於先事見當衡工甫合大決將臨臣於應築之工不敢顧惜小費並飭文武各員分段駐守務須長隄節節有人晝夜照

應以冀有備無患報聞六月端勅視南北兩岸工程畢奏臨黃
埽工固關緊要而無工之地尤須慎防上是之七月以奏辦放
淤事宜率用五百里驛遞奉旨嚴飭拔去花翎副衡工善後事
竣奏報秋汛安瀾賞還花翎十月南清河淺阻有礙回空漕船
命端馳往會同尙書姜晟及吳璥等查辦因請展挑引河並啟
放祥符五瑞閘分注河水於洪湖助清敵黃十一月清口刷通漕
船歸次復奉命查勘海口情形十二月授江南河道總督換二
品頂帶先是端奏言清口淺阻皆黃河之底淤高所致蓋緣近年
以來豐工曹工睢工邵工節次漫溢河身受病已非一日上年衡
工奔灑又復停淤必須疏治下游使去路通暢上嘉其論爲探

本窮源十年正月端在任卽疏稱通籌河湖全局請分別緩急辦理查雲梯關兩岸舊有隄工久經沙淤應加疏治自桃源以下外河裏河山安海防等廳土隄工段一律培高庶汎水不致旁溢二月疏稱河口舊建東清壩逼近運河以北未免兜溜入運今昔情形不同請移建於迤南湖水匯出之處更有節制並請於挑壩之外築束清東壩其西壩在對岸張家莊盤基興築酌畱口門寬二十丈仍視湖水大小隨時收束拆展得旨允行三月偕兩江總督鐵保督辦高堰山盱加高甄石各工並幫培土俄請收投效人員六月驗收工竣請更用碎石坦坡之法諭曰高堰大隄用碎石坦坡徐端已於吳城土隄著有成效著再擇深險處所如法拋

填如果更試一二處於隄身假護得力再據實具奏做照辦理聞
六月奏清口淤淺之故由於閘壩啟閉不靈夏閒湖水盛漲啟放
義壩時過水太猛壩隄膨塌一請首先趨堵義壩一請先修砌五
壩底並添建碎石滾壩一請修建運石各閘一請宣洩下河積水
並培築隄工一請於外河方家碼頭大隄填砌碎石一請補築中
河緯隄得 旨下廷臣議行八月義壩堵築斷流十月回空漕船
渡黃畢屢請 陛見 上以南河挑淤煞壩等事要工林立止之
命侍郎戴均元赴工會同豫籌河口蓄清濟運事宜十一月清
江玉帶河土隄爲沒水滲蝕官署民房被淹端自盱堰工次馳回
即日堵合奏參疏防員弁并自請嚴議奉 旨改爲議處十二月

偕戴均元奏河防實無一勞永逸之計祇可因時調劑以蓄清敵
黃東水攻沙爲不易之良法並請挑濬王營減壩以下鹽河等工
如遇黃水盛漲相機啟放庶黃減淮強湖水可以暢出不特於濟
運有裨堰工亦藉免著重 從之十一年五月洪湖異漲舊時石
工皆在其下以上年隄頂添築甄工子堰攔護有資得免滲水
上嘉其未雨綢繆之效俄黃水並漲啟放王營減壩及智禮兩壩
河流驟落清水暢出刷滌淤灘大半尋以減壩洩水過猛漫開鹽
河北岸民堰水由鮑營六塘等河掣溜歸海六月山盱壩水下注
運河東岸荷花塘漫口百餘丈端偕鐵保奏請議處 諭曰徐端
身任河防鐵保兼管河務均難辭咎惟念本年洪湖盛漲存水至

一丈八尺有餘高堰各工閒因風浪衝卸幸賴添築于堰藉資抵禦得以搶護無虞此一節功過尙足相抵均著免其交議又諭曰從前南河原設有正副河督二員後經裁撤見當辦工喫緊之時自當仍復舊制戴均元著授爲江南河道總督徐端熟悉工程練習河務操守亦好著授爲副總河尋部臣議副總河養廉請歲給銀六千兩奉旨徐端於河工並無辦理不善之處著加恩賞給七千兩七月宿南廳周家樓河流漫口其上游郭家房復壅奪溜歸洪湖出清口仍從減壩下游入海端借鐵保戴均元奏請治罪上以本年汛水實屬異漲漫口又係無工處所尙有可原從寬改爲議處旋命端專駐郭家房措辦十一月郭工合龍洪湖

智禮壩及荷花塘均以次堵閉自黃水之由減壩六塘河入海也
正河斷流一時有改道入海之議 上頒示御製黃河改道記仍
命端親至海口查勘是否可行嗣以六塘河下游水勢散漫難
於施工復 頒示御製治舊河記端即專馳減壩督辦要工十二
年正月偕戴均元奏近年河底淤高大隄日形卑矮請加培揚徐
屬黃運南北兩岸隄工爲先事豫防之計 從之三月減壩合龍
河循故道奏入 賞加太子少保銜交部議敘是月偕鐵保戴均
元奏河工料物例價不敷近年皆以浮用之數虛開融抵請按照
時價實用實銷 上命侍郎英和蔣予蒲馳往南河將河工應用
稽麻椿木以及土方等項親查覈辦嗣經英和等查明覆奏 諭

曰近年大工屢興物產昂貴一切工料不能悉照舊價辦理亦係實情既據英和等訪查明確自當酌量准行但不能不定以限制所有單內增添價值較舊價多半倍一倍倍半以及兩倍者均照所議辦理其有較舊價加至兩倍以外至三倍四倍半有零者著減至兩倍爲止於兩倍之外不得再有浮多違者工部仍前不准該總河副總河二人惟當盡心綜理將各工員承辦歲料等物隨時訪查悉心覈估實用實銷一經查有弊竇卽據實嚴參勿稍瞻徇五月黃水陡長陡落河口停淤重運阻滯江廣漕船未得全渡奏請治罪奉 恩旨寬免將未渡黃之漕船截留淮揚一帶俟至次年搭運尋挑濬通湖之太平引河啟東清壩以注湖水刷通運

道七月湖水由裴家場引河涌出黃水同時驟長河工土壩被衝
自請議處 命將開挑引河銀數分賠免其議處南河物料頒定
價值後惟揚屬葦柴一項加價兩倍仍屬不敷端復偕鐵保戴均
元等籲請再加一倍 從之 諭俟物價漸平卽著據實議減若
以此嘗試又復瀆請屢加不已朕惟執法嚴懲耳九月以秋汛安
瀾奉 旨交部議敘會雲梯關外海口潮汛上漾黃水被阻由陳
家浦旁溢入射陽湖歸海奏請於黃泥背河面較窄之處築建壩
基擇要疏淤俾仍由故道出海十三年三月正總河戴均元以病
解職 命徐端接署尋授端爲正總河以那彥成爲副總河先是
端屢言河身淤墊由海口流緩宜於雲梯關外接築長隄以隄束

水以水攻沙綠與工林立未及舉行至是總督鐵保條陳三事一請培築高堰山旰隄後土坡並修補智禮二壩以備湖水盛漲一請修復毛城鋪石壩王營減壩以節宣黃水一請普培黃河兩岸大隄接築雲梯關外長隄以資束溜歸海 命交徐端悉心斟酌端如其議四月 命協辦大學士尙書長麟戴衢亨赴南河查勘覈辦長麟等覆奏除毛城鋪停修改辦徐州十八里屯雙閘外餘俱照原議行五月以全漕渡黃日比較上年早至一兩月交部議敘六月皖省潛山蛟水復發匯歸洪澤湖誌椿長水一丈九尺有餘徐端等啟放智信兩壩不敷宣洩又因風雨掣通臨湖甌工一百餘丈淮揚兩郡勢甚危險旋漫開淮關百子堂南岸並酌啟余

家壩干根旗杆兩處運隄水由高寶湖下注入江高堰獲全 上
以徐端專司河務業已數載不能豫爲防範革去翎頂降三級畱
任九月奏秋汛安瀾臨湖甄工及運河各缺口堵合完竣 賞三
品頂帶時黃水由山安北岸六套馬港口一帶分流經灌河口歸
海揚糧廳境尙有荷花塘蔡家潭缺口未合淮城三鋪緯隄復因
風雨陡蟄二十餘丈 命交部議處淮城三鋪蔡家潭口門尋以
次堵合十月尙書吳璥侍郎托津赴南河會勘馬港口黃河入海
情形會荷花塘壩工垂成復蟄降 旨令吳璥等查奏十二月吳
璥等奏壩基圮築未妥咎由李亨特辦理錯誤那彥成輕信聽從
上以徐端一同在工旣未商酌改正又不及早奏參降副總河

仍交部議處以吳璫爲正總河十四年二月荷花塘合龍八月山陽縣境運河西岸狀元墩廢涵洞壅塌過水交部議處十一月微山湖蓄水短絀東河總督陳鳳翔議開蘇家閘引黃入湖濟運命端赴徐州會勘籌辦是月邳宿一帶回空漕船凍阻交部議處十五年二月偕吳璫奏修復舊海口次第章程請先於春夏接築雲梯關外長隄俟秋汛後挑濬舊河堵閉馬港漫口俾全黃俯歸故道從之時狀元墩缺口堵合平橋三堡東岸土隄復塌三十餘丈交部嚴議降三級畱任六月以全漕渡黃較早上年一月賞還二品頂帶花翎八月吳璫以病解職奉旨徐端著補授江南河道總督無庸另設副總河並命尙書馬慧裕會同徐端督

辦海口工程總督松筠奏雲梯關外從前河流灣曲曲則水行有力自嘉慶八年後吳璚徐端節次將黃泥背兪家灘二處逢灣取直以致停淤請將舊時灣曲處修復如式無庸大挑引河奉 硃諭以入海情形而論河道似宜直直則建瓴而下曲則停淤奉

旨命徐端詳查覆奏端奏黃河溜勢趨向靡常因之曲直無定曲則紆折而行遲直則迅捷而流急此一定不易之理臣恭讀康熙三十八年 聖祖仁皇帝諭旨朕欲將黃河各險工頂溜灣處開直使水直行刷沙是年河臣于成龍遵 旨將楊橫莊一帶挑直奏明其餘水險灣曲之處陸續挑挖奉 旨是凡有灣曲之處俱令挑直 聖諭煌煌久已昭垂勿替我 皇上硃諭片言居要誠

與 聖祖仁皇帝同符合撰洵當永遠欽遵查黃泥溝俞家灘兩處迴環曲折向有米囤之名言其囤積停滯也嘉慶八九兩年臣與吳璥先後奉 命籌勘海口廣諮博詢僉以此二處兜阻顯然是以奏請取直黃泥溝週圍五十三里對直挑通僅長四里俞家灘週圍三十餘里對直挑通僅長六里其時引河南經挑通並未將舊河築壩攔截大溜卽全歸引河此水性舍曲趨直之明驗是海口灣曲處未便復修正河故道必須挑挖深通見將應分股段落應雇人夫豫爲齊備一俟馬慧裕到工卽飭普律興工勒限六十日完竣不致遲誤 諭曰舍直取曲斷無此理已諭令松筠不得干與河務機宜此事專責成馬慧裕徐端二人上緊挑挖務令

引河得勢方可掣動全溜挽回故道切勿稍有游移九月寶應龍
王廟灣隄工坐墊交部議處十月洪澤湖水爲西北暴雨所激掣
動仁義智三壩舊埽衝塌高堰廳屬甄石工一千七百餘丈山盱
廳屬甄石工三千餘丈交部嚴議部議革任 上改爲革職畱任
摘去翎頂責令專駐堰盱督辦新掣各工十一月仁智兩壩以次
堵合松筠密陳徐端祇知作工欠曉機宜自嘉慶十年以來糜帑
數十萬迄無成功見查有墊款應領有未發銀九十餘萬兩難保
無虛捏浮冒情弊 諭曰前此堰盱石工掣動至四千餘丈之多
三壩俱經過水徐端不能先事預防業經革去翎頂暫行畱任伊
在河工年久於全河機宜未能熟悉以致屢有漫工不勝河督之

任著革職留工趨辦義壩緊要工程以觀後效 命戶部尙書托
津順天府尹初彭齡馳赴南河會同總督松筠新任總河蔣攸銛
查辦工項錢糧又 諭曰此時義壩堵築甚關緊要徐端係已經
革職之員恐其呼應不靈難於奏效工員內如有不聽調度者卽
著徐端告知松筠蔣攸銛二人嚴加懲創以免棘手將來一切要
工尙當飭令經理至松筠前日密奏之摺如徐端實有侵蝕錢糧
等弊自當據實嚴參以憑查辦如查無別項情弊則徐端見已革
職伊熟悉辦工尙可令其留工自效十二月義壩合龍 諭曰徐
端此次督辦加勉但伊本係獲咎之人功過祇可相抵見在尙有
添築堰壩等事仍責令趕緊辦理十六年二月托津等奏查明河

庫發領錢糧並無虛捏情弊惟挑挖淮北鹽河銀八萬三千餘兩興修時並未奏明工竣後雨水衝卸已有淤墊處所應責令吳璈徐端二人分賠仍請交部嚴加議處奉 旨徐端先已革職無庸議五月全漕渡黃督催出力 命以通判遇缺卽補六月王家營減壩及蕭南廳屬李家樓河水漫溢端奉 命專辦李家樓中段引河十七年四月卒

右 國史館本傳

公諱端字肇之湖州府德清徐氏曾祖庠生諱元臣祖舉賢良方正岷州知州諱志丙考涉縣知縣候補府同知諱振甲三世皆以公貴 贈太子少保資政大夫公生而強記明達涉縣贈資政公

始仕江南知蕭楊清河縣皆臨河公年二十從官佐治於隄防疏導之法身習心解及從之涉縣助挑引河工竣先諸吏阿文成公奉使在河上見以爲才公於例應選通判卽奏畱於河東河工遂補蘭儀通判逾三年蘭儀改爲同知官卽以公升任調睢甯及開封下南河同知其閒屢遭大河漲警塞禦得宜河南稱其績乾隆五十八年大計薦卓異護開歸道印值湖北邪教爲亂從河督帶兵赴湖北界防堵有功 賜戴花翎旋以江南總督兩河督合請以公署兗沂曹濟道其年睢州河決曹州河涸公豫築河北兩壩以待水至及睢州決口合河至曹漲甚賴壩以安 今皇帝親政公引 見以知府用其冬授饒州府知府江南總督河督請調淮

安府旋加道銜逾年擢淮徐道值改淮徐道專轄徐州公居任遭
贈資政公憂其時河南衡工河決 上憂河事甚 命回籍治喪
百日回徐州道任其後令以三品頂帶署河東河道總督公至衡
工決口初塞善後之政皆公籌也是年冬卽補授江南河道總督
逾一年 上命設河督正副官以戴均元爲正督以公爲副逾二
年戴公病歸公復爲正其年冬又改爲副逾一年裁副總河而公
復爲河道總督公自嘉慶十年居江南河督任至是六年明習河
事授吏程功羸絀必如所計躬耐勤苦以趨險急賴以安者屢矣
時有議改河入海之口者公往相視以爲不可迄今河入海循故
口甚利皆公識之當也然而大河多變非盡人力所可施而 國

家以河淮濟運泛涸或引濁入清漲急或權輕重決彼隄以保此岸於河道民居安得無傷故公之才與所處之難皆上所深悉也而國有正法在任值有河患安能引天災而不爲法受過故嘉慶十五年冬遂令去職仍畱工次公於是每遇要工必以身先眾次年冬以治碭山李家樓決口旁開引河公任其事嚴寒積勞遂至病甚世謂使其功完事定天假之年必復爲上所褒擢而公竟不能待然其所已見於世者亦可稱矣公著有迴瀾紀要安瀾紀要二書年十二而妣錢太夫人喪與母弟妹甚友愛及贈資政公之亡遺庶子及兩女皆幼稚公撫之悽惻恩勤尤至見者爲感動焉夫人蔡氏生二女側室張氏生一子鏞幾女謝氏生一子鏗

幾女公年六十二以嘉慶十七年四月初六日卒以嘉慶某年月日葬於某銘曰

河流渾渾東屆淮瀆朝治而平暮忽改奔效功以人底績者天信維徐公國之勞臣載任水官三十其年有勤其襄有資以安鬱蘊餘志曰瘞茲原

石墓誌銘姚鼐撰

國家治化洪鬯淪治宙合有繼芥媿於民者必拒刷而蕩滌之惟大河自塞外走數千里經兗豫挾淮泗入海往往漲溢壞隄岸爭運道天子尤軫念焉常擇大臣有文武才用者任其事以故河督多名臣若靳文襄公輔納喇勤恪公齊蘇勒高文定公斌並著

續當時垂聲來世而文襄文定皆嘗以河獲譴沒身論定終不以
過掩其功 今上皇帝御極之八年秋河決衡家樓全溜東注奪
北清河故道入海次年春決口未塞時徐州道徐公方以憂歸里
上念練習河事者莫如公 詔公復任旋 賜三品頂帶擢爲
東河河道總督其冬復 賜二品頂帶調江南十五年冬以三壩
漫水罷公次年 賜通判當候補東河復奉 命挑李家樓引河
公已被病力疾往十七年春工竣而公卽卒於是夏公以寒峻受
聖主非常之遇任河督者七年以河患棘不遑離局終不得一
覲 天子悉陳所欲言河務與地方漕運相關穿必會議乃行所
規畫固有不能盡如公意者惟 天子深知公才優守潔將復大

用而公已不及待矣惜哉公諱端字肇之浙江德清人曾祖諱元臣諸生祖諱志丙以賢良方正仕至岷州知州父振甲涉縣知縣候補同知皆以公貴遇 覃恩贈如其官公黝色長身舉動豐偉望若武人尤彊力勤恁涉縣君始官江南清河公從之暇輒行隄上遇老兵退吏訪以河事周悉其利弊涉縣君分挑青龍岡引河公佐其役章佳文成公見而器之奏補東河通判乾隆四十九年補蘭儀蘭儀改同知卽擢公爲之其後睢甯亦改同知復調公睢甯又調下南河六十年署開歸道事隨總河率兵至湖北界防禦教匪以勞 賜戴花翎兵旣罷公復署兗沂曹濟道嘉慶四年引見以知府擢用旋授饒州府知府東河督奏畱公山東已奉

允而江南督南總河復合辭奏請調公淮安以築邵工竦加道
銜七年升署徐州道八年秋丁涉縣君憂 特詔公治喪百日仍
之任未及期驟起復公嘉慶十一年復舊制設江南正副總河公
任正者一副者再加太子少保十五年裁副總河而公復爲江南
河道總督公仕宦未嘗一日去兩河於挑濬鑿攬機要鍼縷穿貫
葦柳四積隄上公一過測其多少莫能欺在工不避風雨盛寒暑
與夫役同勞苦數十年間凡遇大工輒倚公以辦兢兢自愛不妄
取一錢而於故舊惠恤周至未嘗以廉裁物前後當賠官帑二十
餘萬金遺命以財產悉納之官公之任南河也上流旣塞入海未
暢險工叢立內外論者莫不推公之能矯首傾耳俟公奏績而公

百方措拄心力交瘁用帑三千餘萬計厯得無大害有議改海口者公堅持挑倪家灘淺修治故道後卒用公議今大河入海甚暢頻年無事公之功至是乃見譬搏猛獸者方與之角戰手跳足猶若不敵或不能無所傷及其力之既殫則制之甚易勞於前而逸於既其勢然也公之沒也姚郎中鼐爲志銘然實未有葬地嘉慶二十二年十一月公子鏞鎰將奉公及公配蔡夫人葬於錢塘之青龍山麓而乞墓道之文於宗彥公於宗彥爲中表丈人公起復時過宗彥縱譚乃去宗彥竊觀公之爲人忼慷俊邁敢任事丈夫也丈夫生有益於時死有聞於後斯已矣名位得失固不足爲公重輕焉公壽六十一生卒年月具姚志所著有安瀾紀要迴瀾紀

要一書系以銘曰

有汨者流流駛軌有劬者隄隄互趾往者之功來者竣雲車兮風
馬從河伯兮來下笞魚龍兮扶蛟鼉壤無反兮恬洪波功旣遂兮
其榮多體魄傖寂兮長偃息於茲阿

右神道碑銘許宗彥撰

葉觀潮

葉觀潮福建閩縣人乾隆四十八年舉人六十年大挑一等分發山東試用嘉慶二年借補濟甯州州同五年捐升同知分發南河試用八年補淮安府海防同知九年調山清外河同知十年四月捐升道員九月丁母憂經兩江總督鐵保奏畱工次十二年三月以王營減壩合龍 賞戴花翎十二月服闋十三年補江南淮揚道十五年承辦裏河平橋汛隄工勘估不實降五品頂帶十六年二月 命戶部尙書托津順天府府尹初彭齡查勘河工以觀潮所轄屢有漫口工段疏劾之罷職并褫花翎十二月重挑雲梯關外馬港口淤墊引河以觀潮等初次疏濬未盡罰賠重挑工銀十

九年捐復原官留東河委用二十年二月河南睢州二堡合龍復
賞戴花翎九月補永定河道二十一年 賞三品頂帶擢河東
河道總督二十三年奏道員謝學崇童槐搶險出力懇加按察使
銜 上以其冒昧陳請 嚴飭之二十四年二月請添建南旺湖
閘 從之八月黃河南岸蘭陽儀封兩處決口禡觀潮職 命原
任刑部尙書吳璈新授河東河道總督李鴻賓馳往籌堵觀潮隨
同搶辦旋以北岸黃沁廳武陟汛縷隄漫水 敕觀潮專司堵築
九月馬營壩決全河下注蘭陽儀封復決 諭曰葉觀潮辦理不
善若不嚴行懲治何以示儆著將葉觀潮先在北岸工次枷號北
岸工竣再移至南岸工次枷號俾通工人員皆知儆畏俟大工合

龍再發往伊犁效力贖罪該革員誤工糜帑此時姑免籍沒著伊自矢天良先竭力措交銀兩以助工需十月李鴻賓自以不勝任辭職宥觀潮罪復授河東河道總督不予頂帶十一月因壩工遲延嚴飭之二十五年三月馬營壩大工合龍旋以南岸儀封三堡漫口視職畱工效力十二月儀封大工合龍因督辦引河出力命以道員選用道光元年卒子椿齡候選員外郎

右 國史館本傳

国身... 月... 类... 行... 元... 志...
一
二
三

一
二

陳鳳翔

陳鳳翔江西崇仁人由監生充 國史館膳錄議敘縣丞乾隆五十年揀發直隸河工差委五十二年補直隸新城縣縣丞五十四年升玉田縣知縣六月丁母憂五十六年以前在玉田縣任失察流犯田自桐逃逸鐫職五十八年總督梁有堂奏令自備資斧赴豐潤營田效力五十九年永定河漫口奏委挑挖引河工竣送部引 見奉 旨著發往直隸以永定河沿河知縣用嘉慶元年四月奏補寶坻縣知縣十二月調天津縣知縣五年捐升知府閏四月經總督胡季堂奏畱本省差委 上允之六年二月補永平府知府六月擢永定河道時大雨連朝盧溝橋一帶決口四處 諭

命鳳翔卽赴工次隨同侍郎那彥寶辦理堵築事宜九月二十三
號壩工合龍 賞戴花翎十月北上頭工合龍全河復歸故道交
部議敘九月請假省親 上允之八年三月回任供職十月丁父
憂 諭曰陳鳳翔每於差次召對奏及伊父年老多病實因身受
重恩見司河防之責不敢遽請終養察其情詞甚屬真切茲陳鳳
翔已聞訃丁憂殊爲可憫著於直隸藩庫內賞給銀二百兩卽令
回籍作爲料理喪事之費十一年六月兩江總督鐵保等奏請發
往江南河工委用得 旨允行七月因永定河隄工需員經理
上以鳳翔辦理永定河漫工本係熟手仍授永定河道十月直隸
總督葵行簡卒後署總督秦承恩未經接篆鳳翔奏永定河北岸

五工漫口工程已經合龍並以前任道員朱應榮等在工出力奏請照例開復其餘出力各員奏懇 恩施 上以鳳翔越分奏請停其議敘十三年三月督辦康家溝抄河堵築合龍 上以辦理妥速 恩加一級七月永定河秋汛安瀾 上以鳳翔防守得宜賞加按察使銜十四年七月擢河東河道總督九月奏黃河南北兩岸險工林立前任河臣吳璣奏請於歲料外酌辦備防稽厯以資搶險臣查水勢遷變靡常工段亦平險時異與其普添十二廳備防之料以待險工之來莫若暫儲十二廳辦料之需以濟險工之用且防料之設原以濟歲料之不敷豈有十二廳均爲不足而均險工之理卽有險工儘可先用歲料俟用贖無多再爲採買

雖價值稍昂較之各工分貯不急之需究屬稍省臣察看情形祇須於豫省藩庫撥銀八萬兩以五萬兩貯開歸庫俟桃汛後計用過歲料若干酌量添備或無需絲毫不准動用奏入 命如所請行十月奏微山湖水勢短缺來歲重運經行不敷接濟請導引江境蘇家山閘黃水以濟運行 諭曰所議啟放蘇家山閘仍係以黃濟運究非善策萬一湖底漸有淤墊是目前之獲益無多而將來之流弊滋甚自宜加倍詳慎著吳璫徐端會同陳鳳翔前往履勘尋偕江南河道總督吳璫副總河徐端奏如前議 諭曰此事前經陳鳳翔具奏朕卽慮河身淤塞未可輕議舉行特交吳璫等會議伊等亦知引黃濟運亦滋流弊僅爲一時權宜之計殊非長

策據云蘇家山閘黃水由毛村河紆折歸湖浮沙逐漸澄清不過湖邊受淤試思湖邊既有淤墊自必逐漸淤及湖身將來夏令雨水較多盛漲之際又焉能保其不挾沙而下日久湖身淤墊難以容蓄必致不能濟運關係匪輕著吳璫徐端會同陳鳳翔再行悉心詳議或他處另爲疏濬以益湖瀦於來年重運無誤又不致淤墊微湖方爲妥善十一月奏會勘蘇家山閘引黃入湖濟運情形並擄節減估挑渠築壩銀兩妥速興辦 諭曰旣據該河督等會同馳往該處細查情形悉心籌議尙不致有流弊著照所奏妥速辦理於開放蘇家山閘後務使沙泥停於引渠清流達於湖內得收澄清去穢之用以濟來年重運一俟湖水收足卽應將蘆家山

壩蘇家山閘迅速妥閉爲要至應需工費准其於山東藩庫撥銀八萬兩解工備用十二月因河標遊擊李永清請補河標參將經兵部以該員原籍在五百里以內議駁鳳翔仍行奏請補用上責其非是申飭之十五年五月奏汶河水勢微弱請酌放蜀山湖閘以濟漕運 諭曰蜀山湖瀦水向來俟江廣幫船到境始行開放今已先期啟閘將來江廣船來又何所恃以資接濟因思南河及天津運河見用疏淤器具爬沙頗有成效今發去圖式東河亦可做照行之未始非疏濬之一助至利運之道總以瀦蓄水源爲主該督等務當豫籌全局多瀦河湖諸水庶不致重運過境動形棘手六月以上河運通判馮召棠啟閉失宜致鎮江前後兩幫糧

船行走遲延奏參 諭曰陳鳳翔奏參該員啟閉失宜其咎實在應得殊不知該河督辦理蜀山湖濟運一事啟放亦屬失宜蜀山湖水本應瀦蓄充盈以備江廣重船到時用資浮送今先行啟放將來江廣重船經臨又將如何接濟該河督仍當悉心講求多方籌畫俾糧船隨到隨行不可坐失機宜以致延誤干咎十二月調江南河道總督 諭曰南河敝壞已久河湖受病日深而究其受病之源皆由底高開墊所致蓋黃水挾沙而行非清水不能刷滌而欲多蓄清水非堰工堅固不能保無漫溢之虞此時全河大局全在蓄清敵黃去其淤墊使清水無旁洩之途黃河絕倒灌之路方能日有起色至蓄清要法則先須修復高堰隄工所有風掣石

工四千餘丈亟須大汛前一律修整完固然後有恃無恐陳鳳翔到彼卽速購料興工將堰盱工程剋期辦竣庶將來清水力旺不致旁洩以之刷黃利運可收專注之功再此時禦黃壩旣議堵築必當時黃水涓滴不能入運方克有濟夫漕河本屬相需今因利漕先以病河權其輕重甯使暫時剝運渡黃必不可復用借黃濟運之計以致倒灌增病陳鳳翔惟當力持定見通盤籌畫勿稍遊移仍將河口積淤設法消除俾河身日低清水日高全力下注因勢利導實爲尋源探本之法十六年正月奏查明河湖水勢高低尺寸並僱辦挑運各情形 諭曰陳鳳翔由知縣經朕施恩拔擢不數年間用至河道總督伊素能實心任事朕亦深信不疑見在

節調南河任大責重伊到任後亦自必竭誠經理圖報朕恩總之此時扼要機宜全在蓄水敵黃四字湖水得蓄高之效使能全力敵黃黃水無旁洩之時自必迅速達海如此不但以清刷黃並可以黃刷愈深則黃水永無壅潰之虞湖水永無泛濫之慮卽運河之淤墊更當不空自除而其辦法全在隄堰堅固多蓄清水實爲緊要關鍵所有見在將寶應運河以下四十里挑挖淤沙及補砌高堰石工以及酌啟禦黃壩並豫籌堵備各事宜均著照所請辦理又奏自河口至寶應一帶應辦工程分別緩急僭辦情形一添禦黃壩外鉗口壩一挑禦黃壩內及運口以下河身停淤一修運口頭二三草壩壩門一挑寶應至界首河身淤墊一加幫運河兩

岸埽段一加培寶應城外及淮關土隄一補砌臨湖甑石各工一挑邳宿運河一堵閉竹絡壩挑壩頭下引河仍盤裏裏壩頭以備啟放減洩以上皆刻不可緩之工見已派員分投辦理至裏河廳之徑河閘揚河廳之黃浦閘兩廳境內涵洞高堰大隄後之二隄皆應次第興辦奏入 諭曰陳鳳翔所奏急辦各條均著照所請行至其餘所奏次第應辦之工內加培高堰二隄一事前經吳璥條奏發交廷臣集議未經准行高堰保障淮揚自須加意籌辦從前碎石坦坡一事屢經議辦並曾試作有效祇緣臨湖取石甚難錢糧不無多費是以有分年辦理之說今欲改築二隄該隄形制本屬卑狹近數年來殘缺過多恐一時取土更難尤非可迅速集

事著陳鳳翔再悉心體訪是否應仍辦碎石坦坡抑二隄籌辦土
方尙可不致棘手通盤籌畫奏聞定議二月覆奏體訪培築高堰
二隄情形碎石坦坡之制工費過繁曠日持久且上年試作坦坡
處所大隄仍不免塌卸至加培二隄工簡效速今擬於一律加培
之外再接作千有餘丈得 旨著卽照所奏辦理三月奏海口一
帶自大淤尖起三十餘里內深僅三四尺至六七八尺不等形勢
紆迴該處係在攔潮壩以外上年未能挑挖此時水淺溜水太小
不無窒礙見擬將鐵筧鐵埽等混江龍疏淤各器具雇船前往疏
濬奏入得 旨是亦辦理之一法但是否卽能疏濬深通暢達無
阻之處亦著據實奏聞閏三月因糧艘連日行走順利 上嘉其

辦理妥速 賞四喜玉搬指大小荷包尋奏催修洪湖石工並補砌腰洞海漫及補築掣刷土隄事宜 諭曰本年糧船行走尙爲順利但藉黃水浮送究非正辦總須將湖水瀦蓄充盈能得暢出清口刷黃濟運方爲妥協而蓄清機宜全在高堰見在陳鳳翔查催上年坍塌石工俱次第補修外復據查有土隄掣刷之處請一併派員趕辦欲使石工後有倚靠自應照所請辦理但金湯之固全在大隄該總督隨時查勘石工如有須補築之處宜加修砌勿稍怠緩庶保障更爲得力可以多蓄清水不虞旁洩五月重運糧船全數渡黃 上以鳳翔專司河務濬導有方 恩加二級旋偕兩江總督勒保奏禦黃鉗口兩壩已經堵合情形摺尾稱海口北

岸並無人煙之地見在隄裏外面面皆水低窪之處水高於隄所
有該處工程應俟秋閒黃水消落時相機辦理 諭曰黃水並力
東注方能刷沙海口始不致壅滯豈可任其漫溢旁趨上年堵築
馬港工程南北兩岸新隄係一律培築況北岸地勢本高何以轉
有漫溢之水明係北岸隄工疎於防範又有缺口該督等前此諱
匿不奏此時始漸於摺內透露殊屬粉飾黃河形勢全在海口深
通方無他病今該處散漫若此海口正河必致日形淤阻去年挑
挖工程豈不全歸虛擲乎究竟該處過隄之水係由何處漫越見
由何處經行是否別有歸海之路抑仍繞歸正河入海其經由所
在雖稱並無人煙亦當有確實地方著該督等卽據實奏聞見在

黃河入海之路舍正河別無他途應如何趕緊堵築將水勢挽歸正河使不致海口受淤之處著卽妥籌速辦勿再觀望遷延致滋他患六月奏海口漲水不消王營減壩土隄因大雨如注河水增長陡然坐墊口門塌開八十餘丈諭曰王營減壩於嘉慶十一年衝決後堵閉口門接築越隄以爲保障卽與大隄無異此次墊至八十餘丈之多陳鳳翔不能督率廳汛員弁先事防護其咎甚重乃本日摺內竟視爲尋常事件僅以一奏塞責並不自議處分又不將廳汛員弁嚴行參辦實屬負恩溺職本應革職治罪姑念陳鳳翔到任未久革去翎頂交部嚴加議處部議革職上加恩改爲革職出任尋借勒保履奏王營減壩旁注實由偏緊水無他

路可行致有漫溢之患將來秋深水落只須修築王營減壩其海口之新隄請但保護南岸以爲民居田廬之衛其北岸毋庸修築以免偏水之虞摺內援引乾隆四十五年 高宗純皇帝諭旨雲梯關外不必與水爭地等語 諭曰從前雲梯關外盡係瀕海沙灘無居民村落此時馬港口外見有大廣莊小尖集響水口曹家圩張家莊等名村落已非從前盡爲沙灘可比若如所奏將馬港口北岸無庸修築任其廢棄是使上年挑濬工程盡歸虛擲北岸居民盡付波流且北岸旣廢水勢旁洩設南岸又不能保護豈復任其廢棄置民田廬舍於不問耶設水勢散漫不惟海口更淤卽全河亦必勢緩沙停爲惡更大其弊有不可勝言者卽如束水攻

沙亦前人疏濬之一法又豈可以盡廢且雲梯關外正海口及灌
河海口情形前於嘉慶十三年十二月內曾派吳璚托津等前往
查勘繪圖貼說呈覽朕復加閱看馬港口以外村落瞭如指掌及
本日該督所繪之圖只有竹屋數椽又無村落地名馬港口至小
黃河形勢舊圖甚爲灣曲此則故爲取直顯係意存朦混希圖掩
飾不能先事豫防之咎看來陳鳳翔竟有恃才妄作輕視要務光
景如果雲梯關外無須挑河築隄陳鳳翔何以前此不行具奏並
稱溜勢暢達上年未經估挑處所刷至十餘里可見海口並非高
仰陳鳳翔並未身歷其境實因北岸業經漫溢致令海口淤墊見
在束手無策反以從前挑河築隄皆屬非計之言相爲抵塞此事

著交百齡會同陳鳳翔親赴海口及北湖河處所詳細履勘明確
應如何辦理之處另行繪圖貼說據實奏聞七月兩江總督百齡
奏王營減壩見在漫口水勢情形查河臣陳鳳翔謂上潰由於下
壅海口不能通暢係據淮海道黎世序所言而詢之黎世序稟述
情形又似下壅處在倪家灘新隄上下並非海口高仰之故 諭
曰陳鳳翔稱海口不能通暢百齡詢之黎世序則稱河身中段積
淤三十餘丈其自東窪至海口二十餘里見尚深通水深一丈有
餘是陳鳳翔黎世序二人之言已不相同該處情形非親身目覩
難以懸斷百齡見已起程前赴海口親歷履勘自能得其實據統
俟查明熟籌妥計詳細具奏尋以徐屬邳蕭廳境縣拐山李家樓

兩處因大風異漲河水漫隄塌墊請將專管各員交部議處並自
請嚴加議處百齡奏查勘海口上年未經挑挖處所尙係深通惟
中間復挑之處轉已涸成平陸詢之河兵土人等僉稱去歲挑河
所挑之土卽在河灘堆積今春黃水漫灘衝刷土山坍塌仍淤河
內又挑工盡處之攔潮壩一道放水時壩根起除未淨以致阻梗
水中黃水泥沙俱爲填塞攔阻停淤特甚本年凌汛後淮海道黎
世序卽屢次稟明陳鳳翔批令俟秋後再行籌辦 諭曰陳鳳翔
身任河臣本年三月四月倪家灘一帶既有漫溢之處卽應親往
相度趕早籌辦及該管道員屢經稟請伊轉視爲緩圖以致河流
不暢上游漫口實係該河督因循貽誤且見據奏報繇拐山李家

樓復有兩處漫口陳鳳翔著交部嚴加議處尋經部議革任上
加恩改爲革職畱任八月奏蘇拐山漫口堵築合龍見在馳赴蘇
南查勘情形諭曰此時李家樓缺口已塌寬至五十餘丈水勢
甚盛急切亦難以收功陳鳳翔到彼勘明情形卽回至清江浦協
同百齡先將挑濬王營減壩以下河道並堵築減壩口各事宜妥
速籌辦尋因前在東河時將宛平縣縣丞加捐布政使理問張士
鑑於未經服滿時調赴河工奏畱東河以沿河州同補用部議違
例奏畱奉旨陳鳳翔著交部議處部議罰俸九箇月時因李家
樓漫口河南永城夏邑虞城三縣被水江南碭山安徽宿州以下
被災更重九月諭曰百齡甫任兩江此次河工貽誤於該督無

涉皆由陳鳳翔玩視河防及各工員平日辦工草率以致漫口疊
開本應將伊等斥革從重治罪但伊等轉得脫身事外置要工於
不問所有王營減壩以下挑工堵築事宜及李家樓以下挑工著
陳鳳翔徐端二人分任其事陳鳳翔等自思此數十萬生靈橫被
淹浸皆由伊等貽誤所致此時朕不卽治其罪而伊等造此重孽
天地鬼神亦豈能寬恕朕可欺天不可欺河員已造重罪尙不亟
思自救耶此時惟有倍加奮勉早拯民困於國法則可稍贖罪愆
於天理亦可稍寬孽報禍福惟視伊等自擇尋偕百齡奏減壩以
下至海口淤墊河身見在興工挑挖並籌議分消清水刷河上
命將王營減壩以下與李家樓以下挑工同時並舉並發給長蘆

備辦直隸水利銀五十萬兩粵東關撥銀五十萬兩解工備用尋
偕百齡奏請撥銀一百五十萬兩如所請行十二月偕百齡奏長
河放水暢行減壩合龍穩固下游諸工一律完竣諭曰陳鳳翔
身任河督疎於防範當工程報險之時經道廳等稟請施工該河
督一味節省銀兩坐失機宜以致漫溢頻仍災及數省惜小費而
貽鉅患厥咎甚重前革去翎頂姑予畱任已屬格外施恩茲雖著
有微勞尙不足以贖前過姑念河督職分較大伊見無頂帶無以
資統轄而肅觀瞻著加恩賞給四品頂帶以觀後效百齡奏查明
玩誤河防文武員弁請分別懲辦上以陳鳳翔前赴工次未能
訪悉前情具奏著交部議處部議革任奉旨改爲革職畱任十

七年三月偕百齡奏李家樓大工合龍長河放水暢行 諭曰陳鳳翔身任河臣屢經獲咎此次與百齡同在工次奮勉出力著加恩賞給三品頂帶仍交部議敘部議加一級 上加恩改爲加一級紀錄二次五月南糧全數渡黃 上以陳鳳翔辦理築壩濟運等事先期無誤著交部議敘八月百齡奏參鳳翔自李家樓回浦後安坐衙齋數月於禮壩要工自四月開放後並未親往查勘迨至六月水已衝動壩下土石椿木道廳節次稟報始經察看行至高堰仍不親身籌辦僅委遊擊陳岱堵築鳳翔復藉查陳家浦埽工遠赴海口至八月初二日始行赴壩並查河庫所發禮壩工銀至二十七萬七千餘兩之多仍未竣工清水大洩下河州縣被水

成災 諭曰陳鳳翔在河督任內上年王營減壩及李家樓各工漫口皆其貽誤所致乃於禮壩緊要工程不及早親往籌辦因循貽誤糜帑殃民此而不加懲創尙復何所做懼陳鳳翔著革職畱於河工交百齡等差委令當勞苦差使其禮壩工程所用二十七萬餘兩著罰賠十萬兩其餘交該督等照數覈辦時淮安揚州海州等屬田地受淹邵伯一帶各村莊被水尤重 諭曰此皆由陳鳳翔辦理不善以致湖水旁洩過多下游民田廬舍均被淹浸陳鳳翔見在河工效力伊於河工事措置乖方從前曾任府縣豈地方事務亦不能辦理耶著卽令其前赴淮陽辦理災務百齡奏禮壩急難堵合清水宣洩過多見辦減黃助清並奏鳳翔急於開壩

遲於堵築以致辦理棘手請 旨嚴加議處並自請處分 諭曰
本年李家樓壩工合龍之後河流暢順海口深通黃河兩大隄又
俱保護平穩溜勢直走中泓再能清水暢出刷沙則全河積病漸
除實爲南河極好機會乃陳鳳翔不知守蓄情定見怠玩乖舛貽
誤全河大局殊堪痛恨著百齡將陳鳳翔在禮壩工次枷號兩箇
月示眾如禮壩刻期堵合再移往他工限滿疎枷發往烏魯木齊
效力贖罪十月鳳翔遣家人赴都察院呈訴被參緣由 上命協
辦大學士吏部尙書松筠戶部侍郎初彭齡馳往江南查辦十一
月松筠初彭齡奏查訊情形前升任淮揚道黎世序稟開智禮兩
壩鳳翔與百齡俱經批准又鉗口壩不應早開鳳翔曾經批駁有

據又鳳翔查出葦蕩營柴束斤重短少之弊係百齡委用江甯鹽
巡道朱爾賡額捏稱節省朦混並恐有冒銷工本等弊請將朱爾
賡額革職拏問嚴訊。諭曰前百齡奏稱所採蕩柴俱係堅粗適
用今查明霉溼且夾帶雜草充數而斤重又大懸絕是前奏所稱
節省銀四十餘萬兩俱係捏詞詭報朱爾賡額以少報多妄冀邀
功顯有弊竇著革職拏問交松筠等嚴鞠至啟放智禮兩壩緣由
黎世序稟請開壩百齡既有批示著黎世序呈出百齡所批是何
詞語著松筠等查明秉公覈辦本年智禮兩壩彼時是否應開開
放後陳鳳翔堵閉遲緩又於獲罪辨訴其咎固屬難追若百齡前
曾批准迫奏參時並不聲敘全行委過於人含混入奏亦著據實

裴參請松筠初彭齡奏審明黎世序請開智禮兩壩百齡所批有預籌減洩甚合機宜之語百齡於初參摺內漏未聲敘所參陳鳳翔自李家樓回浦後安坐衙齋數月一款見經傳訊各河員僉稱鳳翔自三月回浦往來三閘三壩並禦黃壩等處督催糧船渡黃又親赴中河搶險並到顏家河汰黃堆等處督工日期與陳鳳翔所供無異其朱爾賡額因運柴與鹽請放鉗口壩原稟陳鳳翔當經批駁嗣因淮徐道王逢源又稟請開放百齡始行批准朱爾賡額辦理蕩柴捏詞邀功朦稟百齡毫無覺察且於原參陳鳳翔摺內未將曾據淮揚道稟請開放智禮兩壩批示情節聲敘均有未合應請將百齡交部嚴加議處朱爾賡額發往伊犁效力贖罪

諭曰陳鳳翔所呈蕩柴弊混一款見今松筠等查明朱爾登額經百齡委辦蕩務捏詞邀功百齡被其欺朦率以節省帑銀數十萬輕改章程冒昧入奏已有應得之咎至啟放智禮兩壩百齡於黎世序稟請開放時批詞有豫籌減洩甚合機宜之語卽與陳鳳翔批准啟放無異迨後見湖水宣洩過多欲全委過於人具奏時並不與陳鳳翔合詞請罪輒將陳鳳翔叢參僅自請議處而於曾經批准情節又匿不聲敘且所奏陳鳳翔自李家樓工竣後安坐衙齋數月不赴工次一節亦查訊在工各員事屬虛誣百齡陳奏不實著革去太子太保銜拔雙眼花翎准戴單眼花翎降爲二品頂帶陳鳳翔於獲罪後遣人赴訴若所控虛誣自當加重治罪今蕩

柴弊混情形伊本工竣奏參因革職呈控全實餘亦實非虛捏陳鳳翔著卽日疎枷仍發烏魯木齊效力贖罪朱爾賡額著在葦蕩營枷號三箇月滿日發往伊犁十二月鳳翔在清河縣地方病故經初彭齡奏聞並稱伊有上年罰賠山盱壩工及從前攤賠天津海稅剝船各款銀兩未經措完請將繳出田房契紙先行估變備抵餘飭家屬陸續設法措繳十八年二月諭曰陳鳳翔罰賠山盱壩工銀十萬兩除已繳五千兩外尙有未完銀九萬五千兩見在伊已身故念其家貧子幼除將繳出田房契紙飭交原籍地方官估變抵交外其不敷之數著百齡黎世序查明同案獲咎各員攤賠歸款其應賠天津海稅並剝船等項銀四萬四千餘兩本

繳
係分內扣抵廉俸見在亦未扣完並著溫承惠查明照例攤賠完

右 國史館本傳

本草綱目卷之六十一
卷之六十一

三十一

阿霖

阿霖富察氏滿洲正紅旗人乾隆五十一年由繙譯生員考補內閣中書五十三年投四川順慶府通判五十七年升湖北興國州知州嘉慶元年湖北邪匪滋事檄赴荊州軍營隨巡撫惠齡剿平涼山覃正潮股匪敘功 命以應升之缺升用二年偕侍衛江鼎塔什蘭等截剿竄匪於槐樹岡等處轉戰數十里殺賊二千餘人捷 聞 賞戴花翎四年遷黃州府同知尋丁父憂湖廣總督倭什布奏請畱軍營差遣 允之六年三月湖北提督長齡宜昌鎮總兵明亮擊賊於尹家坪水月寺俱大破之獲被擄難民李子彬等多名阿霖資以路費令各回原籍復業其無歸者亦俱安插得

所七月升鄖陽府知府七年五月湖廣總督吳熊光奏阿霖齋餉銀赴參贊大臣德楞泰軍營卽畱營辦理糧餉八月德楞泰剿辦冉添元黨蒲添寶於竹谿阿霖以催趨糧餉出力下部議敘九月丁父憂仍畱軍營八年大功告竣 詔給假百日回旗穿孝假滿仍署鄖陽府知府九年服闋實授十四年二月調武昌府先是軍興時興山縣守卡鄉勇李翠玉等謀殺良民多命誣指爲賊獄久不具至是湖廣總督汪志伊委阿霖訊辦六月坐審報不實部議革職十六年十月捐復原官十一月山東巡撫同興奏將阿霖發往山東委辦案件 諭曰阿霖原係湖北知府與山東素不相習見在東省並無緊要事件若以審理詞訟爲名則何省不可藉口

自係阿霖因銓選需時干求同興懇恩奏請豫爲得缺地步此端
一開凡在部候選人員皆可夤緣親舊揀發省分大啟奔競之門
於銓政殊有空礙同興所奏不准行十八年揀發直隸十九年補
保定府知府二十年以承審灤州石佛口王姓傳教惑眾案得實
賞還花翎二十一年升熱河道初阿霖任保定府時滄州僧證
法謀殺僧恆通及其母秦趙氏事覺知州趙希曾捕證法鞠治證
法誣引胡四加功希曾遂坐胡四絞候獄上阿霖未及覆讞卽據
原擬轉詳二年三年四月直隸候補知縣顧玉書以前委審時曾
廉得胡四証狀保定府知府沈華旭寢其事不辦遣人赴京具
控上命尙書和珅侍郎穆彰阿往訊得實阿霖降三級調用八

月直隸總督方受麟爲阿霖奏請捐復原官 諭曰阿霖前在軍營出力曾賞戴花翎見以審案錯誤部議降調念其事屬因公尙可加恩錄用不必捐復著賞給知府畱於直隸補用仍准戴花翎道光元年三月復投熱河道尋擢直隸按察使十月遷浙江布政使二年五月升江西巡撫九月以豐城縣所屬沿江雪公腦等處隄埽屢被江水衝刷奏請分別改建修復以資捍衛得 旨允行三年四月偕漕運總督魏元煜奏言江西幫船水次兌米百數十年來議拈議派並無一定章程嘉慶十一年請援蘇松等幫三年一調之例遵辦至今惟蘇松幫見在議請自本年掣定水次以後每屆三年毋庸再掣卽隨上屆各幫挨次輪流受兌查江西各州

縣每年徵漕後俱用小船運赴省城倉次各幫卽在省城領兌倉幫聚集一處丁吏夤緣更易滋弊擬請視蘇松各幫領兌饒州府等屬漕糧相安已久又都昌縣漕糧每年輪派尾幫兌運卽令截畱滄州兵米應循照舊章以順幫情其餘十一幫領兌四十餘廳縣漕米卽按照米數多寡坐落遠近均勻配搭掣定某縣某倉照依新例運兌三年期滿不必再掣並按漕運則例所載江西省各幫次序三年一屆由後推前挨次輪轉如有船多米少則以後倉米數撥補米多船少則以後幫船數找兌各州縣閒有實緩應減船隻請照嘉慶二十年奏明調劑極疲一百三十四隻船內酌量添減帶徵緩漕年分准附本倉正額仍於通幫一律加裝以杜丁

吏向串鑽營之弊疏入 上從其議尋以年力就衰 召來京六
月以原品休致六年卒

右 國史館本傳

國朝耆獻類徵初編卷百九十四目錄

疆臣四十六

全保

常明

董教增

朱理

倭什布

傅爾

朱勳

東坡志林卷之十四

國朝耆獻類徵初編卷百九十四

通奉大夫前署江西巡撫江西布政使司布政使湘陰李桓輯
疆臣四十六

全保

全保杭阿坦氏鑲黃旗蒙古人由生員考補理藩院筆帖式乾隆
五十一年遷主事補軍機章京五十四年遷員外郎是年授直隸
口北道五十五年調熱河道五十九年七月 賞戴花翎六十年
擢直隸按察使嘉慶四年遷山東布政使疏劾德平縣知縣葉芳
浮收漕糧致釀重案請 旨革審并自請議處得 旨交部議處
部議降二級抵銷十一月護理河東河道總督五年正月疏劾貪

國朝通志卷之百九十四
一
繼飢送之知縣郭元兆 上嘉之視元兆職四月因餽送泰山進
香侍衛明安土物銀兩奉 旨罰令捐資修理泰山廟宇五月護
理山東巡撫六年四月授湖北巡撫時川楚賊匪未靖全保馳抵
襄陽以各股竄匪情形及竹山竹谿兩縣防堵事宜奏入 上命
長齡將總督印務暫交全保接管五月同提督長齡總兵明亮堵
剿卅學勝股匪分路殲擒五百餘人箭斃僞元帥劉作初 上嘉
其功是月奏川匪湯思蛟劉朝選竄近上龕關至馬鹿池三道溝
等處 諭曰楚境房竹一帶前經全保等分投防堵何以此時又
有川省賊匪竄近上龕擾至馬鹿池等處可見前奏不實著全保
等將一切大槩情形查明速奏尋偕湖廣總督吳熊光長齡明亮

分勦湯劉等匪於青峯溝殲擒甚眾復在獅子巖等處防堵截賊北竄之路並恐賊匪折出均州穀城自東北向西南遏擊奏入上是之六月川匪湯思蛟劉朝選併合白號黃號股匪入楚經官兵由青峯溝范家垵等處截其東趨全保於獅子巖上龕堵勦長齡督同總兵孫清元等分路進擊斬獲多名 諭曰此次湯劉等逆併夥入楚勢欲東趨經長齡率同孫清元等取道追勦該匪不敢折回南向興山邊界逃遁全保長齡等仍須督飭官兵乘勝勦殺毋使一名東竄尋飭將弁從褚河至平土河迎擊彎腰樹賊匪分翼兜勦侍衛塔津保參將烏爾卿額等率兵鼓勇競進殺賊一百餘名生擒僞先鋒王正當等二十八名賊潰 諭曰全保雖未

親身打仗但一切調兵支糧運送經理妥協著先賞給搬指尊煙
壺大小荷包俟楚境賊匪全行剿淨再行加賞七月湯劉二逆會
合辛聰及黃號白號股匪入楚全保督兵由仙家坪一路進擊鎗
斃賊探十一名餘匪折回分股逃散全保偕長齡帶兵於仙家坪
上龕過往竄路七月探知黃號龍紹周分股賊匪折向楚界卽率
兵由上龕至鐘鼓山公祖河等處奮力截擊箭斃僞元帥李大年
生擒僞總兵蔣添授等三名殲擒賊匪七百餘名時玉山李名各
股竄匪向楚省沿邊老林窺伺繞近竹谿房縣一帶全保偕長齡
等率鎮將分投兜剿殲擒九百餘名匪眾仍向平利大甯逸去八
月全保由吉陽關督兵進剿探知賊眾屯聚黨家溝派兵三面設

伏連夜進剿賊俱散處民人空房草棚兵勇拋擲火彈圍殺草棚
延燒賊冒死衝出伏兵四起槍箭齊發斃賊甚多均奏入屢奉
優旨獎勵九月戴家營股匪在長峪河一帶奔竄全保派侍衛富
翰塔津保等分路扼剿親率參將孫應奉等馳赴長峪河遇賊衝
出迎頭截殺追擊二十餘里馘賊六百生擒僞元帥張起倫僞先
鋒張世才彭良朝奏入 賞白玉搬指玻璃盒大小荷包十月偕
長齡奏楚境賊匪惟曾芝秀及戴家營兩股兇悍詭譎人數亦眾
臣等熟計白應先其所急併力倡擊再將各路零匪及分隊落後
之匪逐段搜捕尋於獐洛河扁擔溝連湖坪等處節次殲擒奏入
諭曰此次全保長齡分路帶兵追剿曾芝秀戴家營兩股賊匪

臣等謹將前次追截斬獲不過百餘人及數十人不等仍未能將曾戴兩股
首逆殲擒夥匪剿淨所辦殊未愜意因吳熊光全保長齡俱曾在
軍機處行走於 皇考籌辦軍務機宜及朕指示方略自所素悉
是以將伊三人先後簡授該省督撫提督冀其併力同心認真剿
辦況曾戴兩股均係小股零匪楚省見在兵力不爲不厚何難悉
數殄平若吳熊光等尙不速行剗盡早膺懋賞必待經略參贊辦
竣川賊到楚勦辦伊等有何面目耶所有曾戴兩股殘敗餘匪著
責成伊三人務在楚境辦竣不得任其他竄十一月戴家營股匪
竄往白河口合川省邊界青藍等號賊眾驟增至二千餘人向老
君溝一帶奔竄全保率兵分投抄擊斃賊三百餘得 旨交部議

敘並 賞四喜玉搬指大小荷包十二月偕吳熊光長齡奏剿戴家營藍黃青白各號賊匪於譚家垵蔡家坪諸處殲擒五百餘匪未盡見在趕緊掃除矣奏入 上以殲擒五六百人仍未能擒一賊首剿盡一股申飭之時王曾戴各逆與川匪合希圖率綴官兵窺伺歸州一帶經全保等帶兵抄截由麻灣馬家坪至摩天嶺斃賊百餘并擒僞元帥周本善等餘匪向觀音巖竄逸 諭曰所辦尙好惟餘匪向觀音巖一路竄去未能在楚省境內剪除淨盡其著名首逆亦未擒獲一名尙不滿意七年正月青藍黃白各號餘匪在房竹邊界萬山之中潛匿奔竄全保率將弁官兵搜捕在紅巖溝地方痛剿之乘夜攻撲賊營拋擲火彈一擁而進賊匪猝不

及備前後獲賊一百八十餘名生擒首逆張允壽之子張得貴將
青號賊匪剏洗淨盡奏入奉 旨交部議敘並 賞四喜玉搬指皮
眼罩袋大小荷包尋借吳熊光長齡率總兵孫清元吉林秦分路
剏王曾等逆於歸州走馬嶺斃賊四百餘生擒偽先鋒張添壽旗
手楊士魁賊匪分竄巴東長齡帶兵馳剏全保督同總兵德昌王
懋賞由興山會剏二月賊於七連坪一帶遊奕全保分兵進剏奏
入 諭曰全保長齡等總當將此兩處奔竄餘匪就地殲除勿畱
餘孽以驅逐出境卽爲了事時王曾股匪與崔宗和樊人傑戴四
各逆合夥竄至霧渡河全保長齡分路截剏生擒偽先鋒文華箭
斃崔宗和之叔崔貴殲斃餘匪數百尋由水月寺搥鼓臺往西南

兇擊以絕賊匪旁折房竹之路并順道搜剿分竄股匪行至黃連坡下適遇賊至卽派副將李天林帶兵進剿槍斃樊人傑之弟樊二時各號零匪湊千餘人陳自得爲首竄擾七連坪冷盤壩全保督同德昌由榛子樹嶺兼程迎探進剿奏入 諭曰此時全保帶同總兵德昌前往西面房竹一帶專剿陳逆股匪并偵探川陝餘孽竄入邊境隨時堵截但不可專注首匪置餘匪於不問須聯文武官弁及兵勇若民爲一氣同心協力必能迅速成功也三月楚境零匪合爲兩股竄紅茨溝廣龍灘兩處全保派將弁兵勇於紅茨溝進剿乘夜圍蠟洞溝焚其巢生擒教師郭士連僞先鋒袁三甲殲獲三百餘名隨督將弁赴廣龍灘搜剿奏入 上嘉之時王

曾樊崔各逆經官兵截剿追擊遁入興山縣西面大山 上命參贊德楞泰自川赴楚剿辦四月全保奉 旨赴襄陽武昌一帶辦理軍需地方事務七月全保以上年捐廉備軍中賞需奉 旨交部議敘九月因湖北被水涸出地方復經秋汛漫淹再請緩徵得 旨允行十一月奏請截留湖北漕糧豫備兵米 上以常平倉貯已足敷用該撫何計不及此著傳旨申飭九年丁母憂回京尋命署理藩院右侍郎十年正月署山東巡撫十一月授湖廣總督十一年調陝甘總督十二年五月因病奏請解任調理尋卒 諭曰全保由軍機章京仰蒙 皇考高宗純皇帝擢任府道洊升藩臬兩司朕親政後畀以封圻重寄服官二十餘年辦理一切公

事謹慎小心克稱厥職前於湖北巡撫任內督辦軍務亦曾著有
微勞茲聞溘逝殊堪軫惜應得卹典察例具奏尋 賜祭葬子爾
滿達見任兵部額外主事海三達揀發四川候補遊擊

右 國史館本傳

156-648

156

常明

常明佟佳氏滿洲鑲紅旗人任提督衙門筆帖式乾隆四十九年緣事革職五十一年復原官五十二年遷主事五十四年授湖南桂陽州知州五十六年遷雲南曲靖府知府六十年正月貴州逆苗石三保等滋事常明隨雲貴總督福康安四川總督和琳往討之閏二月賊據嗅腦營西南大新砦常明帶兵進剿屢克賊巢斬獲甚眾 賞戴花翎五月賊首吳半生自稱吳王屯蘇麻砦常明由構皮砦進擊之大獲勝仗復破西梁賊砦奪卡十餘處殺賊無算擢貴州貴東道六月吳半生潛赴板登砦糾約匪黨常明帶兵掩捕四面攻圍獲其弟吳老正甥石老三等並夥匪多名得旨

嘉獎七月吳逆因降苗漏信憤欲報復由雷公灘糾眾滋擾福康
安佯退誘敵令常明設伏以待賊果大隊來犯常明突起截殺賊
大潰乘勝追躡奪賊卡五座旋由西梁一路進攻立斃賊匪二百
餘人並將砦落燒燬賊復糾芥柳苗人併力衝突官兵槍擊箭射
殲斃多名賊乞降拒不受督兵追剿復大挫之擢貴州按察使
賞智勇巴圖魯名號 諭曰賊匪經官兵剿辦之後臨陣乞降遽
爾允淮安知其不心懷叵測乘閒狡逞爲官兵肘腋之患常明不
准所請極爲有見著福康安和琳傳諭各路帶兵之員遇有此等
剿敗賊匪臨陣乞降者俱照常明所辦毋得率行允准以防反側
是月進剿老烏廠賊巢斬賊日隴老香八月吳逆復往古丈坪地

方糾聚苗眾福康安等自盛華哨前進檄常明由老烏廠進兵與
總兵珠隆阿等會剿大烏草河迤西苗砦常明督率官兵晝夜並
進連克魚井豆田等處三十餘砦大烏草河一帶逆苗全行掃蕩
與大兵合於古丈坪冒雨攻擊殲戮賊匪千餘名吳逆夜遁因分
路搜緝迭攻烏隴巖等處苗砦復全克之九月進攻茶它山梁連
奪賊卡六處十月圍高多砦首逆吳半生降 諭部優敘十一月
克鴨保山嘉慶元年二月由鴨保山進剿平隴苗匪破賊於葫蘆
坪七月丁母憂畱軍營剿賊九月小竹山逆匪滋事占據墮河坡
山梁常明偕副將海格焚燬賊砦奪獲要卡殲賊二百餘名生擒
賊目楊通等 詔交部議敘十一月 上以常明帶兵打仗尙爲

奮勉 命署貴州按察使二年三月隨總督勒保進剿貴州南籠
苗匪因狎苗占據關嶺偕副將施縉等攻破之四月由安姑排沙
口進兵時賊匪圍擾新城與施縉等兩路夾擊拔賊砦新城圍解
五月敗賊於望城坡六月官兵由水煙坪前進賊眾潛匿巖洞截
拒官兵常明設伏巖畔橫擊之斃賊一千一百餘名奪獲器械多
件閏六月官兵抵普坪晝夜圍剿常明抄擊卡子河後路併力環
攻賊眾潰散遂復回南籠 賞加布政使銜尋攻黃草壩克九頭
山獲僞將軍陸寶貴賊退保馬鞭田地方常明擊毀賊柵俘首逆
李阿六等兵臨黃草壩連戰皆捷獲賊日賀有明收復壩城七月
率南籠府知府松伊納入城撫恤難民搜獲匪黨王阿能等十四

犯復往普磨砦地方捕獲賊戚賀朝貴等多名旋攻馬鞍山克賊
隘十處擒賊二百八十餘人繞擊洞西賊巢沿途設卡守禦甚堅
常明督率將弁連攻三晝夜進達三隴口生擒賊目吳抱仙 諭
曰常明打仗出力前已賞給布政使升銜所有貴州布政使員缺
著常明補授八月那蠟等砦賊苗焚掠龍廣一帶降苗寨落常明
率降苗勦平之克安有山獲賊目賀阿豆等九月埽平當文賊巢
獲首逆韋七縉鬚十二月擒首逆黃阿金於補衲山及僞軍師梁
國珍等 命部優敘三年正月連拔兩薛巖等處十八砦俘賊目
楊成元等及夥匪多名 賞喜字玉鞞玉牌大小荷囊各件自勦
辦苗匪以來凡有 恩賚常明皆與焉十月服闋十一月任布政

使事旋署巡撫五年四月因總兵施稽勦賊失利革常明翎頂及
巴圖魯名號八月 陛見 諭曰常明前在湖南軍營及勦辦狝
苗小竹山匪犯曾著微勞見在召對看其人亦尙明白此次所獲
罪愆尙可稍寬常明著加恩賞給三品頂帶仍帶罪畱任俟八年
無過方准開復先是常明題銷興義軍需內有貴陽等屬支給鄉
勇鹽糧及死傷卹賞等款 上以貴陽等處係賊蹤所不及不應
招集鄉勇至五萬九千餘名之多恐有浮冒 命總督琅玕查覆
十一月琅玕奏常明尙無冒銷等弊惟辦理失宜請將發過卹賞
銀十九萬一千三百兩著落常明賠補 諭曰常明總理軍需未
經先行詳明立案而報部覈銷時將鄉勇死傷陣亡數目籠統造

報於前實在發給人數銀數轉造報於後迨護巡撫時又不分析
聲明率行題銷本應照琅玕所請將此項銀兩著落常明賠補第
念爲數過多著加恩准其報銷十萬兩其餘九萬一千三百兩著
落常明照數賠繳六年四月石峴苗人與楚苗互相勾結焚擾平
頭司沙壩場等處常明督兵進剿俘賊甚多獲首犯白老寅及夥
犯隴老波等並以投誠免罪曉諭苗人復經苗人將首逆隴通明
等縛獻剿撫並施全苗底定 諭曰此次常明於苗匪滋事親帶
官兵剋期竣事殊屬奮勉常明著賞還二品頂帶並賞戴花翎其
八年無過方准開復之處加恩卽行開復七月授貴州巡撫七年
三月奏黔省未發兵丁賞項應著落從前濫行報銷之各督撫司

道等分賠歸款但各員難於一時繳齊未便令出力兵丁及孤寡眷屬環而待澤應請於司庫存項內動支派員赴各地方按名補給從之六月奏先後辦理軍需借碾常平倉穀應行買補惟黔省山多田少農民一歲所獲除完糧外卽殷實之家亦積穀有限兼之豐歉無定貴賤不時採買過多有妨民食且分年採買必須十年始能補足誠恐倉儲久懸緩急未能接濟查大定都勻思州石阡等府並所屬各州縣除每年額解糧米其餘米石例應變價解銀而常平缺穀又須發銀向民間採買若將餘米停止變價照一米二穀之例改徵穀石尚可節省銀兩在官旣省催解之煩在民亦免派擾之累且採訪民情向來碾米交納多費工夫今改收

穀石均甚爲稱便而倉穀缺額又可逐漸補完實屬兩有裨益下部議行八月欽差刑部侍郎初彭齡因查辦道員孫文煥侵蝕軍需究出常明拖欠鉛廠銀兩并幕友金玉堂私賣鉛斤及抽匿報銷案卷等款 諭曰常明久任黔藩款項牽混支抵於應撥鉛廠銀兩延宕未繳又將軍需用贖鉛九四十萬餘斤交商鎔化令幕友金玉堂私賣並任聽抽匿報銷案卷難保無侵冒情弊竟不料其負國至於如此常明著革職交初彭齡嚴審定擬具奏一併查抄任所家產九月署巡撫初彭齡奏常明失察金玉堂私賣鉛斤並無夥同串賣情弊卽任聽幕友金玉堂私賣准孫文煥抽移局卷亦祇於孫文煥斬罪上減等擬流惟因支餉賞兵捐辦軍需輒

那用應發鉛本十五萬三千三百餘兩節次繳還尙欠銀一萬八千兩台依那移庫銀一萬兩以上者發近邊充軍例發近邊充軍係旗員應解部折子枷號八年繳完監造銀兩 賞藍翎侍衛充伊犁領隊大臣九年調庫車辦事大臣十年三月 命回京在侍衛上行走九月授湖北鹽法道十一年八月遷山西按察使十一月遷陝西布政使十三年擢湖北巡撫十四年 賞戴花翎 賞還智勇巴圖魯名號十五年擢四川總督 諭曰川省爲巖疆重地邊圉遼闊民夷雜處控制實難其人因常明在軍營有年曾任翼長兼能乘騎於鎮撫一切機宜諒俱熟諳是以擢授此職常明到川後於行伍吏治邊情民俗務當隨時講求悉心經理以期克

副委任十六年閏三月 上以常明賠項甚多每年扣繳養廉外用度不敷 恩免一萬五千兩八月奏川省辦理緝匪請嗣後於徒罪以上及初犯賊輕並無糾夥帶刀者仍照本例問擬其糾夥緝竊有賊輕而訊係再犯並帶有刀械者枷號三箇月滿日折責加繫帶鐵桿二年其隨行服役及帶刀到處遊蕩者枷號一箇月滿日折責加繫帶鐵桿一年以示懲創 命如所議行十一月奏廓爾喀軍需應歸各官養廉每歲均扣十分之五辦公拮据請於兩項內各減一成 上允之十七年因川省行商病民請將鹽課改歸地丁聽民興販部議駁之 諭曰此議若行不但該省奸民趨利若鶩爲害滋甚且川省兩湖毘連私販順流而下侵灌淮網

諸多窒礙常明身任封疆不爲地方計及久遠又不通經籌畫於鄰省利弊顯分畛域所請不准行仍著交部議處尋議降二級留任十八年署成都將軍十九年正月奏順慶府之渠縣大竹二縣所設防汛均歸綏定協管轄而綏定府之新甯縣防汛轉歸夔州協管轄彼此參錯公事既多未便且距本管府轄均極遼遠請將該二縣改隸綏定府其新甯一汛改屬綏定協報 可二月以陝匪南竄常明親帶官兵迎剿時江北零匪僅止千餘有將軍賽冲阿剿辦東北川界已飭將弁防禦 上以省城地方緊要祇宜靜鎮帶兵輕出不知緩急 命傳旨申飭九月以秋審失出過多復以審辦重犯未卽正法部議降調 上改爲降三級畱任二十年

四月贍對番酋洛布七力滋事常明偕提督多隆武督率總兵羅思舉等往剿五月參將曹興邦由裏塘進攻生擒阿用降錯折力等三十餘名番夷潰降洛布七力逃入熱籠地方羅思舉等從熱籠後面夾攻六月逆酋竄伏卻玉官砦官兵四面蹙之焚其砦落洛布七力全家燒斃賊平 諭曰洛布七力頑梗負嵎若就擒縛明正典刑以彰國憲而快人心必將帶兵將弁優敘功績今用火攻焚斃未足遽膺上賞多隆武羅思舉親歷戎行著照軍功例交部議敘常明僅在後路督辦著卽回任二十一年革兵孫占鼈糾眾逞兇連燒官廨傷斃多人常明分派兵役看守倉庫監獄軍裝火藥將首夥十六犯全獲實於法 上嘉其靜鎮妥協二十二年

四月奏勸民捐建義倉義學通省辦理已有成局 諭曰義倉積
穀與常平倉社倉相輔而行使民間緩急有備義學卽家塾黨庠
遺意常明飭屬勸諭捐輸穀石酌定義倉章程洵於民生有裨惟
義倉出自民捐應聽民間自司出納不可令官吏主持致啟侵那
之弊至義學導民爲善宜於一鄉一里分設延師使童子粗識之
無卽能誦習 聖諭廣訓並通曉經書大義庶幾變化氣質薰俗
善良教養爲治世之大端惟在行之以實要之以久阜民訓俗效
自可馴致也五月甯越夷匪滋事常明檄總兵張志林道員奇成
額等帶兵剿捕四旬之間殲獲殆盡夷眾投誠并救出被擄難民
三百餘名 上嘉之六月卒 諭曰常明前於乾隆年間由司員

擢任道員辦理軍務著有微勞仰蒙 高宗純皇帝恩賞花翎勇
號嗣經朕擢用巡撫簡授四川總督在任八年辦理地方事宜撫
綏甯輯勦辦贍對蕙功妥速茲聞溘逝殊堪軫惜著加恩追贈太
子少保所有任內一切處分悉予開復卽照總督例給予卹典該
部察例具奏其靈柩到京之日准其入城治喪並賞銀五百兩俾
資料理尋 賜祭葬諡襄恪子圖麟寶候選道員

右 國史館本傳

--	--	--	--	--	--	--	--	--	--	--	--	--	--	--	--	--	--	--	--

董教增

董教增江蘇上元人乾隆四十五年 召試一等 特賜舉人授內閣中書五十二年一甲三名進士授翰林院編修尋丁父憂五十二年服闋五十五年散館改吏部主事五十八年補官嘉慶二年升員外郎三年升郎中四年發往四川以道員用旋署按察使五年實授六年刑部議覆四川崇甯縣民黃萬煥盜開母棺一案依原奏以斬決律定擬 上以教增審辦此案罪重法輕議擬紕繆傳 旨申飭 命刑部改爲凌遲著爲例 義眉雷波二廳屬銅鉛各廠多與夷地毘連先是雷波奸民李逢春等與夷人爭界毆斃夷目焚其巢七年六月猺夷糾約涼山生番藉端滋擾教增帶

兵馳往詢知起畔緣由擊獲漢奸李達壽等真之法傳集夷人諭以利害夷眾悅服縛獻首犯狃狃等六名以降 諭曰董教增辦理此事仰體朕不忍誅戮遠夷之心先將漢奸拏獲以服其心復經示以恩威剴切曉諭俾夷眾其知感畏縛獻兇渠不煩兵力所辦實爲安速可嘉著交部議敘八月調貴州按察使九年遷四川布政使十二年署湖北巡撫尋授安徽巡撫 上以潁亳等處姦宄肆行 諭令遴選廉明幹練之員隨時整飭又以缺分繁簡今昔情形不同並 敕詳酌更調十三年奏改太和蒙城兩縣爲繁疲難要缺改貴池縣爲衝繁中缺時戶部咨稱甯國池州廣德三府州屬棚民種植苞蘆妨礙民田應勒令回籍教增奏言棚民多

植雜糧爲業閒種苞蘆旣成室家未便槩令遷徙且山頭地角無礙民田一人每歲所種雜穀足贍數人於民人未爲無益應令各州縣管束毋庸勒回本籍 從之十四年奏巨室遠年世僕久經出戶其典賣文契遺失無存遇捐監應考等事疊行訐控請以見在是否服役爲斷出戶者開豁爲良得 旨允行著爲例上年和州大水其西北鄉橫河圩埂衝潰一百餘丈教增以此項雖係民修之工但被災後民力拮据請借銀修築同時潛山縣患蛟吳塘堰土壩盡潰并請借項興修均如所請十五年五月調陝西巡撫陝西興安府七屬舊食河東引鹽由山西商人領引行銷乾隆年閒議將鹽課攤入地丁至嘉慶年閒復歸商運時商人呈稱興安

引地界連川陝楚三省土鹽肆入官鹽不能暢銷且由河東運赴
興安山路崎嶇費用甚重勢必墮引誤課十一月教增會同山西
巡撫衡齡奏請以興安七屬照鳳翔府之例改食靈州花馬池鹽
引歸民運課按丁攤以恤商力十二月又奏興安府城爲漢南保
障見當軍務告竣急宜修葺請於新城四門舊城九門各添設礮
臺敵樓新城南門與趙臺山相依其狀如屏俯視城內瞭如指掌
應設礮樓一座以資防禦其舊城北門向無城臺一并添設初孝
義甯陝兩廳之設也孝義廳由咸甯鎮安藍田三縣分撥甯陝廳
由長安鎮安石泉洋縣盩厔五縣分撥原議以兩廳本係咸長二
縣所屬遂附入咸長考試至是兩廳人數漸繁咸長二縣生童以

兩廳兼有鎮安等縣之人既不准其入籍而鎮安等縣又以地方業經撥出亦不肖收考十六年二月教增請爲孝義甯陝兩廳建學並定學額均從之六月奏請延綏鎮屬各營兵精向於延綏綏三府州屬徵糧供支上年榆林各屬被旱已借常平倉穀撥運而本年秋收豐歉未卜勢難依限催徵請於山西附近水次州縣各倉借撥京斗糧二萬石協濟十七年正月奏南山一帶貧民皆以種植包穀爲生上年歉收紛紛乞食請賑給兩月口糧均報聞甯陝廳向設新舊二城自嘉慶十一年教匪滋事舊城被燬嗣經欽差大臣德楞泰籌議於新城添建套城水門各事宜時甯陝民人以新城依山而居汲水甚遠一切耕作未便而舊城地勢平

衍且有井泉六處味並甘冽懇於舊城地陞築城以爲廳治三月
教增據情入奏 上從其議榆林綏德吳堡米脂四州縣向食土
鹽係由州縣給票行銷嗣前任陝西巡撫方維甸請改用部引每
引一張行鹽二百斤計其額領部引一萬一千三百二十八道民
力不能行銷至是教增奏請復舊仍由各州縣印發小票舊例一
百五十斤及二百斤之票均改爲每票五十斤以從民便而嚴稽
覈四月奏鄜州地處北山界連甘肅五方雜處與南山相同請改
爲繁疲難要缺以邠州改簡互換十八年正月又奏鄜州所屬宜
君縣之馬欄鎮民居稠密距縣城寫遠宜設巡檢以資彈壓新裁
甯陝廳新城巡檢移駐俱下部議行九月署陝甘總督十月調廣

東巡撫十九年偕兩廣總督蔣攸銛奏定夷商貿易章程外夷護
貨兵船不許駛近內洋貨船出口不許逗遛違者驅逐洋商有借
欠夷債者勒限清還如匿不供認查明斥革洋行不得蓋造夷式
房屋鋪戶不得用夷字店號民人有爲夷人服役及私住夷館者
禁之二十年三月奏粵省首經督臣百齡奏定章程額設大中小
號米艇一百四十隻分配各營出洋緝捕茲察洋面情形米艇但
利於外洋連幫攻擊至淺水處則駕駛不靈查有撈罾船一項係
漁戶出海採捕之船無論外海內洋均能駕駛較米艇爲便請裁
中小米艇二十隻改撈罾船三十四隻大號米艇照舊酌留 允
之先是教增以新甯縣屬之上下川兩堡孤懸海中地方遼闊距

縣城及分轄之廣海寨巡檢署相去均遠請以海姓場大使移駐上川改爲上川司鹽巡檢兼管緝捕並撥把總一員兵二十名駐劄又撥外委一員兵十六名駕槳船一隻赴上下川洋面巡緝而以廣海寨巡檢改主簿嗣經部議定上川司鹽巡檢爲調缺廣海寨主簿爲選缺八月教增復以廣海寨本係在外揀調雖改主簿而巡防之責不爲少減仍請定爲調缺又香山縣縣丞駐劄澳門巡緝稽查責任綦重一併改簡爲繁以歸善縣縣丞及龍門縣角司巡檢兩缺改簡又偕總督蔣攸銛會奏連州及所屬之連山縣獠人生齒日繁向之八大排者今分爲五十餘小排居於縣屬者十之七八居於州屬者十之二三而理獠同知駐劄州屬之三

江地方距縣屬較遠遇有瑤民互控之案彼此移提動稽時日查連山縣本簡缺請裁汰歸併同知管理作爲連山綏瑤直隸軍民同知移駐連山縣城俾專責任改連山典史爲同知司獄并請移連州星子墟巡檢於七鞏墟爲陽山七鞏司巡檢移連州州判於星子墟爲分防星子墟州判均下部議行十月署兩廣總督二十一年閏六月英吉利遣使表請入貢由海道赴天津奉 旨允准教增奏請選派諳曉夷語夷字者二人分送浙江直隸以備繙譯之用 上嘉其辦理周妥八月偕總督蔣攸銛密奏英夷貪狡性成藉貢進京必有干請查琉球由福建暹羅由廣東越南由廣西緬甸由雲南皆就近登岸入貢況英夷兩次進貢其貢船均曾由

粵洋經過何得舍近求遠不避艱險徑赴天津顯有熟悉海道之人爲之接引若此後援以爲例於內地洋面往來任意停泊殊有關繫請 敕諭該國王嗣後入貢當照琉球等國定例就近由廣東北上毋得遠赴他處收口若不恪遵章程船到天津不許登岸卽粵東貿易亦當停止此次貢使回程似當由陸路派員伴送來粵其餘人等仍由海道原船回國不准沿途逗遛俾臣等仰仗天威得以隨時飭禁而該夷從此無所覬覦不復妄有干求 上 臆其言二十二年擢閩浙總督二十三年七月偕福建巡撫史致光奏閩省銀貴錢賤寶福局所鑄制錢見在十萬八千九百串請暫停搭放兵餉以資調劑使銀價漸就平減八月有浙省臨海縣

民人蘇學健等糾眾毆差一案 上褫浙江巡撫楊蔭職 命教
增署浙江巡撫前往查辦九月閩省同安縣民蘇添來赴京呈控
匪徒葉藝等搶劫斃命歷經控告久未緝獲 上以福建省吏治
疲玩已極傳 旨申飭初閩省洋匪滋事劫坐商船前任督撫議
請立禁商民造船以一丈八尺爲準而船小不能重載難涉風濤
民多失業且於官運兵糧亦多積壓至是教增以洋面肅清請復
舊免立禁限以從民便報 聞二十五年十二月入 覲因病乞
假道光元年以病未痊懇請回籍調理 許之二年卒 諭曰董
教增於嘉慶年間仰蒙 皇考仁宗睿皇帝擢用封圻宣力有年
聲名素好茲聞溘逝殊堪軫惜所有原任一切處分悉予開復應

國朝典談衙門察例具奏尋 賜祭葬 予謚文恪子斯壽一品
廕生未除官卒斯福江西建昌府知府孫宗遠湖北糧道

右 國史館本傳

上元董文恪公教增乾隆丁未一甲第三人及第由翰林入直樞
廷出爲藩臬彊毅不阿督撫皆敬憚之開藩四川日公讌相尙豪
侈公務爲儉約力矯其弊宴集不作劇總督勒公以春酒召公至
門已通刺矣聞音樂聲返去不入勒公爲之撤樂乃復盡歡一時
侈風爲衰嘉慶十三年巡撫安徽百文敏奉督兩廣軍時海寇方
張文敏銳意滅賊過皖貽公詩云嶺南一事君堪羨殺賊歸來啖
荔支及寇受撫公與文敏書曰昔蒙贈詩當改一字爲降賊歸來

也文敏默然十七年移撫廣東承文敏撫賊之後諸降人桀驁陸地爲閭閻害公懲治甚力然不肖妄殺廣州府有死囚遇赦減等改軍而逃獲之擬斬公以加等律不應死按察使持之一日公會公問按察使曰某囚可以不死君必欲殺之何也對曰此廣州府所議總督蔣公攸銛在坐亦以爲然公誦元次山詩云安人天子命符節我所持此囚竟得免死二十二年督軍閩浙閩中錢糧疲甚民間抗欠成風公議清積欠福清縣武生林彌高憤訟包糧阻眾不納縣令親捕爲其黨截奪官役皆傷公使福州守及參將往圍捕不獲公怒奏褫兩人頂帶乃獲之彌高遺書其黨使劫持通縣抗徵無一人敢納者巡撫史公致光患之公毅然升堂親訊彌

高得其致書狀立縛出斬之福清人聞之大懼又見彌高已死錢糧乃納積逋亦完諸郡抗欠之風乍斂強宗悍族方謀完納積欠奏入 上甚嘉焉未幾有 恩詔普免天下積欠民間妄希 恩澤欠風復熾二十五年以疾乞歸道光元年卒 賜卹如制諡文恪公嘗謂人不可作無益事不可爲無益語不可用無益錢又云刻於己爲儉儉於人爲刻人知儉與刻之分處世之道過半矣趙文恪嘗歎爲名言載之日錄中文恪又言公任蜀藩時義眉猓夷不靖公率兵馳往時圖功者衆咸請進剿公曰兵兇戰危聖人用於不得已且玉石不分遽行殲滅非所以體 皇仁堅不允廉得漢奸構衅激變者十一人夷匪首事者六人集眾誅之夷眾帖然

余謂公此事與趙文恪在粵西治慶遠會匪事相類慶遠匪民廖五桂結眾橫行鄉里村有二墟藍耀青者居新墟嘗結天地會侵暴舊墟五桂爲舊墟長思結龍虎會敵之匿名揭帖有平治大元帥令地方助餉語以恐嚇村眾有司以聞布政使請往將大其事公不可自往察之得其狀捕耀青及五桂並誅其黨眾數十人發遣流徒有差郡邑安堵兩文恪如出一轍錄之以爲撫綏邊疆之法

董公督閩患漳泉二府多械鬪劫掠余時爲龍溪令親捕得渠魁五人訊其案皆數十起旣承伏召其族長於庭詰之各具狀請罪一日杖斃之尸諸城門兇徒股栗皆逃出境巡撫史公以不如制

疑之余曰漳人苦鬪久矣兇狠之徒歲常殺人數百如兒戲官軍
莫可如何吏捕率不得正兇今幸擒之若逐案傳質按問則係累
必數百人非除暴安良本意且漳州距省六百里審轉招解經時
卽依律治之兇民無由知儆今朝捕而夕誅之萬民環堵所謂刑
亂國用重典耳獨公聞而避之每守令至漳必語曰治法可問姚
令又以逃兇積案疏劾同安漳浦長泰三令而於龍溪則曰龍溪
積案亦多惟該令姚瑩潔已奉公寬猛兼施境內遂無械鬪搶擄
之案臣等仰體 皇上愛惜人才至意未經併參云

張保者粵海盜首故肆擾七郡戕二大將粵人恨之入骨以受撫
予守備官所至粵人圖殺之百文敏去粵乃攜之入都改官閩中

數遷至澎湖副將瑩將之臺灣入辭於公時閩洋有盜公方治舟
師瑩進言張保罪大不誅而受賞者欲其效力也今數載未有殊
功遷副將竊以爲過何不使擊賊勝則收其功敗可治其罪卽爲
盜殺亦不足惜公深然之保遂周旋海上盜平而保亦死余嘗謂
封疆大吏當有宏毅之量明果之識非徒孜孜寡過而已董公其
庶幾乎

右識小錄姚瑩撰

Vertical text on the right margin, likely bleed-through from the reverse side of the page.

Vertical text on the right margin, likely bleed-through from the reverse side of the page.

朱理

朱理安徽涇縣人乾隆五十二年二甲一名進士改庶吉士五十五年散館授編修五十六年命校文淵閣四庫書兼纂石渠寶笈五十七年充順天鄉試同考官六十年充會試同考官京察一等嘉慶元年授浙江衢州府知府七年擢福建興泉永道十一年遷浙江按察使十三年擢山東布政使十四年授光祿寺卿旋署都察院左副都御史六月擢刑部右侍郎七月密雲副都統菩薩保劾密雲縣知縣沈仁沛遲誤兵米上命偕兵部侍郎成書赴密雲查辦尋奏該縣沈仁沛因米多一時不能全運露囤通州適值陰雨因致潮變再行堆貯必致愈變不得已向就近各鋪戶商

令分領俟秋後更換好米運倉以備冬季支放之用遲延尙屬有因惟不行申報咎有應得又沈仁沛用印票向鋪戶借銀一事實屬違制業已革職無庸議報 聞八月轉左侍郎十五年充順天鄉試副考官十七年三月授江蘇巡撫五月因前撫臣章煦密陳江蘇虧空情形到任後奏江蘇錢糧爲數甚鉅欲綜覈得實惟在截流以清源 上嘉其一語包括並飭認真勿姑息六月奏海門廳丁口日增新漲沙地移居戶口向分隸通州崇明縣應試涉歷重洋寒酸資斧維艱往往裹足請專立學校額設文生六名武生三名廩增各四名下部議准設學文章取進四名武童取進二名廩增各二名十八年二月酌籌彌補各州縣虧缺章程分條具奏

一見任離任人員分別勒限追補一限補銀兩分別先後次第一抵墊項下著落追補一常平倉穀攸關儲備辦應覈實一徵存兵南等米責成原徵之員照數移交一蘇屬墊完遠年民欠地漕錢糧酌定限制分年勒令催追以免積壓一各屬書役欠自此次飭追之後不准再有借給流抵以絕濫支均如所議行十九年三月奏江蘇虧缺銀兩分別暫停追辦上以其因循疲玩不勝巡撫之任召入爲內閣學士旋授刑部右侍郎二十年五月調倉場侍郎適甘肅虧空案發十月命偕戶部尙書景安馳驛前往查辦過涇州查知倉穀虧缺四千餘石次及平涼固原隆德靜甯會甯各州縣皆有虧缺據實奏參值布政使嚴烺奏各屬續虧銀五萬

有奇復訊出泉蘭縣李醇和二年虧空至十二萬有奇及靈壘縣散賑浮開銀十四萬有奇奏入 上命嚴切根究隨訊明浮銷屬實總督以下各按律擬罪奏入 上嘉其公正尋奏擬追甘肅虧空章程一新舊虧空請分別追繳一新虧內有攤捐雜款無關正項錢糧者請免與正項並追一新虧各員有代前任認賠者請與本身實虧項分別治罪一新虧案內流抵攤銷之公館考棚二項均請准其抵銷免與實虧數並計一新虧各員見有設措歸款者請按未完實數分別著追 上是之二十一年六月調刑部右侍郎十月充順天武鄉試正考官十一月授貴州巡撫二十二年五月奏黔地素產鉛斤以供泉府山重徑雜不免私鑄潛匿請封閉

黑鉛廠通飭關津嚴密查察並收買小錢 上命其盡心辦理毋
懈十二月因滇省銅沙稀少未能如期濟鑄請將俸餉養廉暫停
搭放錢文俟銅至增鑄照舊搭放得 旨允行二十四年三月卒

右 國史館本傳

公姓朱氏諱理字變臣號靜齋先世與徽國文公同派宋代拙翁
府君自婺源遷涇遂爲涇人傳二十一世至曾祖東園公諱武勳
合邑公舉懿行祀鄉賢以公貴 贈通奉大夫祖沛深公諱慶厲
鄉飲賓考繼揚公諱安淮早逝公以猶子承嗣本生考希靖公諱
安沆三公並累 贈至資政大夫曾祖妣氏汪祖妣氏胡妣氏胡
本生妣氏胡繼妣氏張俱 贈夫人公於兄弟行居次幼穎悟初

受經卽數十行並下稍長操筆爲制義卷軸奔走議論英偉有不
可羈勒之勢兼工詩賦守唐人矩度業師胡損齋家劍溪兩先生
詞壇老宿也皆崇獎謂必達公彌自淬厲宗祠月會書院季考暨
諸憲觀風郡縣試率冠軍乾隆戊戌年十八補弟子員長沙劉文
恪公時視學院江擢甯廣兩屬古學第一刻黃花賦游絲等詩入
試牘清麗芊眠膾炙人口尋歲試高等食餼癸卯舉於鄉年甫二
十三是科闡藝經術湛深前後所未有損齋先生亦在榜中師弟
同捷爲一時佳話甲辰會試房薦丁未始中式殿試進呈第三
旋易二甲第一名選翰林院庶吉士習國書國書以十二字頭貫
一切音方語齟齬繙譯殊不易公刻意研摩倏通解所書筆力適

健尤過人教習師歎異之俄聞本生考凶問星奔而歸讀禮一年未敢他赴服闋再入都庚戌散館試第一授編修奉命詳校四庫書兼纂石渠寶笈奏辦院事王子秋充順天鄉試同考官甲寅典試山西所錄文皆樸茂不墮時趨後多成進士者乙卯分校禮闈得士溢房額及廷對房首王君以銜一甲第一次莫君晉一甲第二鼎甲前二名在一房羣詫爲盛事是年京察一等嘉慶元年丙辰授浙江衢州府知府初下車裁革陋規與民休息郡舊有正誼書院歲久傾圮公爲完葺廡舍延名師主其席三衢學者皆翕然從風政暇輒校士於堂皇親定甲乙素不喜游宴城外爛柯山號名勝披案牘矻矻無少息竟未一往葉榮耀者土豪也倚霸

橫行鄉里苦之能陰持官吏短長歷任無如何公聞狀械以來詰
所爲多不法卽收繫坐遣戍並清還曩所侵趙清獻公塋地闔郡
稱快愚民王國三食齋斂錢適江右有案牽連移文至衢營弁欲
邀功以獲教匪聞公再三研鞫無逆迹爲明其枉但科本罪全活
者甚眾其寬嚴相濟皆此類己未護督糧道篆浙省辦清漕公於
剔奸釐弊之中寓卹丁愛民之意有漕州縣均相安無事壬戌遷
福建興泉永道駐廈門偪近海疇洋匪不靖惟督造戰船爲要務
而統水師者屢更其議或同安梭或米艇大小制不一公隨宜應
變雖倥偬無誤海又有艇匪卽倭寇也國極貧所在肆劫忽聞排
六舟往來游奕欲闌入內地廈門汛兵半隨提督李公長庚往剿

賊存者單弱公急捐廉俸募鄉勇守禦三晝夜大風雨弗懈發礮擊船破其二禽六七十人餘始遁甲子赴臺灣覈倉庫虧缺洋匪蔡牽突至鹿耳門公偕兵備道遇公昌知府慶公保率兵固守親巡察海口不以非己任分畛域賊卒不得逞同僚皆謂公一書生倉卒歷戎行不憚不擾確有定力爲難比內渡近港數十里已昏黑颶風陡起海水若湯沸坤軸倒翻船顛簸上下以尋丈計僕隸眩嘔胥偃臥公堅坐舵樓不爲動少選雨傾注衣霑透淋漓忽震霆一聲船如有掖之行者駛衝入港舟子慶更生公始起易衣逮歸署述之人人悸失色公又言危急時電光中彷彿見大父云丙寅蔡逆勢復張將軍總督都統建議合蹙之水陸兵齊集廈門羽

徵考午公與布政使景公承辦軍需局一切軍資器械糧餉火藥
源源貫輸事得濟擢浙江按察使將行值龍溪南靖水大吏委勘
卽日束裝往徧歷邨落爲詳請緩徵施賑並借帑修城池隄防舍
宇災黎獲蘇事竣始入 覲道出衢州公守衢七年民愛戴如父
母至是喜寇公再至空城出迓以得早見爲幸相與嘖嘖曰狀貌
猶昔但鬢鬢斑白矣蓋公外任久事無經細必躬自檢校心血甚
耗故四十餘已頤頷如雪奏對時曾屢荷 聖慈垂問至都請
訓諭以刑名總匯宜平心靜氣勿存成見公兢兢祇守無敢失尤
嚴枉濫嘗擇律例中要語輯爲巾箱本時緡閭旁推交通他人觀
之或不知端緒終臬任秋審二次部臣無一駁難者由是人謂公

熟習法家言厥後邀主知驟躋少寇皆基於此然公夙供文學侍從之職少固未嘗讀律也兩浙洋盜往往有良民被脅入其中吏或以盜上公必推驗得實無辜者多所矜釋温州莊以莅父子濟惡抗不納糧縣令懲以法遂聚眾毆官令重創公與福建按察使張公百齡卻兵仗親至其地乃俯首受縛按治之脅從釋勿問合邑帖然戊辰歲除日授山東布政使己巳春入都 陛見有爲人正氣操守甚好之 褒抵任以山左吏治廢弛帑多虛卽詳查庫款將令積弊全清永除軫轍未而月內轉光祿寺卿旋署都察院左副都御史六月超擢刑部右侍郎八月轉左九月充武會試副考官公念一歲中疊受 恩綸感激圖報每入署晨駕晚歸以

爲常尤強記一日獄數十姓名居陞原委咸明徹 上詢及條舉
無遺至讞問則和衷商榷雖重案祇務得情而止是秋密雲副都
統糾縣令沈某遲誤兵米 特命兵部侍郎成公書與公會審奏
沈令因米多一時不能全運露囤於通州值陰雨致潮變又以路
滿愆期其米色不純及分發賈人易還倉事皆有由惟不行申報
並用官印於私書貸銀宜坐辜業已革職無庸議報 聞庚午春
步軍統領奏煤窯水夫李凱爲夏太毆斃請將獲犯之游擊量加
鼓勵而順天府則稱受溼毒病故事兩歧公偕府尹宋公鎔承
諭往檢其骸無傷痕 上以該統領等庇屬邀功下部察議公之
遇事持平如此秋充順天鄉試副考官得士尤盛辛未 聖駕幸

王臺公隨扈與閱 召試卷所擬第一名爲桐城龍子嘉先應天
津 召試第一次科又以第一人及第者也頃之有東河總督李
公亨特臚款奏參開歸道林某一案公銜 命偕吏部侍郎玉硯
農先生馳驛赴豫訊後合疏言道庫支發銀例有扣存其稍增者
以倡葺神祠故廳員領帑僕張坤輾轉漁利林某爲所蒙屈桃汛
預發夫工銀三千五百嗣因新任不受仍退還於庫項實無缺河
工搶險差遣多人七廳供食及養馬費不貲殊擾累請發伊犁效
力贖罪同時豫撫恩公長奏中牟縣丞冒某許賄求升訊得實亦
請發伊犁爲鑛營者戒途次又接準 行在刑部咨內黃縣民安聘
清控縣役籍林等詐贓鄆城縣民常三多控馮彰主令唐順毆其

父廷龍致死以自縊報兩案並誣擬軍徒有差部覈悉從之壬申簡放江蘇巡撫公以江蘇政務較他省爲劇稍玩泄卽虞叢脞志在振刷舉大綱一曰錢糧一曰訟獄將出都軍機大臣傳發一摺乃前撫軍章公煦陳虧空事故至蘇首上言綜覈得實惟期截流以清源江蘇爲財賦最重之區款目紛繁從前清釐固有其實不盡而後此之賠累多端亦恐不無掩覆請暫緩參辦停其升轉寬歲月以收實效條列七事一見任離任人員宜分別勒限追補一限補銀兩宜分別先後次第一抵墊項下應著落追補一常平倉穀攸關儲備辦應覈實一徵存兵南等米應責成原徵之員照數移交一蘇屬墊完遠年民欠地漕錢糧應酌定限制分年勒

令催追以免積壓一各屬書役欠自此次飭追之後不準再有借給流抵以絕濫支奏入 詔如議公於帑貯課賦雖極綜覈而積欠在民輒體 皇上如天之仁圖爲寬裕先又嘗奏江蘇錢漕因災緩積壓未能依限徵完懇請展限四年以紓民力仰邀 恩準焉其言訟獄事有清釐積案疏言江蘇地密人稠獄訟繁多州縣聽斷稍未勤每致塵積經歷任撫臣設法清釐而舊案甫消新事又增今於奉 旨交審事親自訊擬其各部院咨交控案督同藩臬等依限審辦至本省呈控詞訟飭各屬嚴催訊詳以期控案早結一日閭閻卽少受一日之累各屬詳到時細加查覈就每月審案之多寡覘該員辦公之勤惰其中聽斷平允輿情輸服者卽行

批結如事涉顛預曲直未分亦必立時指駁飭令覆審以免偏抑
又奏海門廳丁賦日增新漲沙地移居戶口向分隸通州崇明應
試在通州者學額僅二在崇明者無定額而涉歷重洋寒酸資斧
維艱往往裹足請專立學額設文生六武生三廩增各四下部議
準但稍減其數維公驟意造士凡誼關學校者尤恐稍緩吳地固
文藪然黌宮或毀壞公捐廉倡修郡學暨吳縣學胥鼎新事載府
志又以范文正公祠其四子配食獨胡安定先生有三子伊川程
子稱爲篤學孝友乃弗得耐安定祠且配享安定者朱公長文也
而長文之父公綽實首議建學反不與殊覺未允遂各製神位涓
吉增祀而士心始洽數百年之闕典藉公修舉編修吳君慈鶴爲

之記蘇城普濟育嬰兩堂收養煢獨老病之民及棄孩需費博向
有奏撥官產並互爭沙洲無主灘地輸租供用節年蕩削萬三千
餘畝請將清出沙地繳價歸堂買補頽缺以完經費 敕部行外
復勸紳士捐置清節堂於虎邱俾家貧守志者衣食有資並嚴其
門禁重懲狂且之窺伺勒石垂永久他如重巡防則蘇松鎮標六
營水師戰艦改造燕尾梢並舳板以資駕駛得力興水利則安東
之一帆河借帑施工藉宣洩以溉農田鎮洋之劉河爲三江入海
要津浚淤築牖兼倣南河海口疏通尾閘法設立混江龍爬羅剔
抉使河流暢出挾沙而行巨浸得無壅固城垣則靖江爲江海交
匯汛潮衝擊漸侵剝偪城根形殊險要請築碎石坡俾資捍衛修

隄堰則睢甯境黃河南岸峰山四圍之東西堰借項興築利轉運則準部咨大學士等議覆御史條陳漕弊其請禁書吏剋扣伍長侵吞及調劑疲乏立法已詳惟米質由年有豐歉地有肥瘠不能畫一必確驗攙雜實係糠砂與否以杜影射各糧道責令弁丁慎重護惜毋致溼氣潛通全倉盡變官弁處分統以額徵原運米數十分計算庶無畸輕畸重之嫌淮陽以北多水患先因久雨高郵等十六州縣被淹而蕭縣獨旱次年值豫省睢工漫口大溜南趨匯入洪澤湖啟禮智壩水由高寶諸湖入運河浸及田廬公每有聞卽輕裝減從躬行履勘飛章入告請蠲緩給籽種口糧至不成災之民屯地畝胥霑愷澤綜計在撫任祇二載秦畿以百數必有

關吏治民生之大癸酉鄉試輪應監臨聲明本籍 上令不必避
並勉以心正意誠諸事可集前惟閩浙總督桐城汪公志伊撫吳
曾爲之至公而再甲戌春以奏請江蘇虧缺銀分別暫停追辦
召入爲內閣學士兼禮部侍郎將行猶奏豐沛二縣歉收請上年
熟田錢糧本年上忙新賦至秋後啟徵報 允未至京仍授刑部
右侍郎并稽察覺羅宗學稽學率具文刑部事復填委公猶按時
課藝親點竄十月充武殿試讀卷官乙亥五月調倉場侍郎糧艘
如雲日不暇給甫南回畢適甘肅虧帑事覺十月奉 命偕戶部
尚書景公安往治其獄過涇州卽察知倉穀缺四千餘石次及平
涼固原隆德靜甯會甯諸處皆虧俄訊出皋蘭首縣二年中虧至

十二萬有奇靈臺等縣散賑浮開銀十四萬有奇 上命窮究毋
隱最後乃得署藩司某投意冒銷已故藩司某通融津貼勒取散
賑各屬空印冊結以爲彌縫少開之數指稱捐廉歸款朦混具奏
諸弊并提銀二萬四千爲戶部書吏奏銷費 上以爲甄實揭參
公正可嘉旋酌章程五一新舊虧空請分別追繳一新虧內有攤
捐雜款無關正項錢糧者請免與正項并追一新虧各員有代前
任認賠者請與本身實虧項分別治罪一新虧案內流抵攤銷之
公館考棚二項均請準其抵銷免與實虧數併計一新虧各員見
有設措歸款者請按未完實數分別著追 上皆聽之命樞臣議
行是役也自季冬初旬抵甘肅至丙子七月杪案緒勢如皆關大

吏犯者既瞻顧不實吐而諭旨督催月數番率由驛日馳四五
百里馳至每一奏動數千言窮日夜罔閒精力俱瘁且其地瘠苦
風霜高勁南人不習水土醫尤劣致起居不適實肇病源事竣還
程已入直隸界復準部咨返山右訊黎城縣生員史森林控縣役
王錦成詐贓偪斃四命坐誣又控典史賈某等於縣試起意居閒
賄鬻得實議奏訖始行先已於六月又授刑部右侍郎公於是蓋
三爲刑部矣十月充順天武鄉試正考官十一月簡放貴州巡
撫時屆歲除促就道丁丑正月至黔黔邊陲要地民苗錯處綏輯
弗善或滋事公一鎮以靜防漢奸煽蠱其苗弁遺缺無可充稔其
向化久熙熙安業循舊章裁汰如興義府屬沙隘亭樂寬亭等前

後凡九人地素產鉛供泉府而重山連屬徑叢雜私鑄潛匿奏請
封閉黑鉛廠通飭關津嚴詞察并給值收繳小錢園法肅清又因
滇中銅砂稀未能如期濟鑄請將俸餉養廉暫停搭放錢舊例俟
銅至增鑄復初報 允公知黔省事稍簡故所奏親校營伍以資
控馭歲覈保甲以靖匪徒實力奉行已著成效惟奸民鬻婦女於
楚蜀時有迷誘最爲閭閻害飭屬分兵役稽其出入旋據松桃廳
同知副將獲繆宗揚等五十九犯於芭茅坪攜行至百二十餘讞
定置諸法戊寅鄉試爲監臨官旣而武闈觀射凌晨至校場天霧
衣稍薄瘴氣內受歸署覺寒食寡味服藥暫可終侵尋不盡脫而
視事如常己卯正月奉 恩詔普免天下積欠錢糧公抵任已兩

奏正供全完遂奏稱黔無積欠 上命將來年新賦寬十分之二
各直省祇四川總督蔣公攸銛奏與公同二月以病久欲自陳解
組歸然 高厚未酬又值 萬壽期藩臬二公皆謂宜少緩摺不
果發先是腹苦脹十餘日不下庸醫用涼劑消導劑則泄瀉元陽
大損致嘔逆氣喘峻補無效逾月竟不起公性簡約不念睚眦初
至衢卽免屬縣供器用及爲大府使他邦飲冰彌潔絕不苛責一
几榻一穀核諸事草草皆弗問無論苞苴在甘肅至出已貲買食
物傳聞徧都中衢屬西安縣知縣許某病故頗有虧爲稱貸以償
時將赴升任新令某多所抑勒因之艱旅費拮据而行後陳臬於
浙某猶令是邑慮公之嫌前事也意殊窘郊迎欲託術爲解終不

得聞或言狀公笑曰是以小人之腹度君子之心矣遇之坦然聞者莫不服大度然公雖遇屬吏以寬而關 國家利病者實未肯稍假如初至江蘇爲清釐事松江府知府孔某常州府知府蔣某輿論未協卽請 旨撤回以防徇隱常熟縣知縣明某交代案內任意那移卽擬罪杖流惟不爲表暴不爲翕翕熱故在任聲光或不耀旣去乃益思凡所莅率年豐江蘇貴州兩省奏報年成摺可覆按也由江蘇內轉是秋吳門卽大旱民相傳語云福星去我輩遽受此苦厥後樞發貴陽城內外焚香跪送者數十里不絕雖苗人亦然嗚呼此可以觀得民心之效矣公最篤友愛於同祖弟無異視嘗縮俸置祭田百畝不以累昆季平生不爲章句學而於經

史能貫穿大意遇近人詬宋儒者必加斥公餘兀坐手一編勘注
丹黃皆不苟隨地購書藏者數萬卷爲詩文頃刻成館課賦及五
七言帖體工細之思流動之氣爲輩流所服嘗與 重華宮茶宴
聯句者再與 行圍屬車者再廢和 宸章詞朗韻諧造次無假
手兩撫任駢體謝摺亦必親定彙閒以繁冗命代擬猶多改削其
餘行役懷古見諸吟詠不自收拾輒爲人攜去故存者頗少公生
乾隆辛巳六月十二日於嘉慶己卯三月二十八日考終貴州撫
署年五十有九配胡氏先十年卒子四長廷魁戊辰科舉人次廷
黼廩貢生三廷烺貢生皆胡出四菊齡側室張出女六並適士族
謹狀

臣等奉命撰述

右行狀朱群撰

三三

倭什布

倭什布瓜爾佳氏正紅旗滿洲人由戶部筆帖式補授四川理事同知升保甯府知府乾隆五十二年調成都府知府五十三年升松茂道五十七年辦理西藏軍務 賞戴花翎五十八年擢廣東按察使五十九年擢山西布政使嘉慶元年正月丁憂回旗四月命署陝西布政使二年擢山西巡撫三年調河南巡撫四年陞工大壩合龍交部議敘是年三月擢湖廣總督時邪匪張添倫由陝省平利竄入竹谿經倭什布截剿折回飭鎮將於縣境西南北三面邊界分段設卡仍自帶弁兵實力巡邏以備策應 上嘉之七月李淑等股匪屯聚竹山竹谿房縣交界處倭什布禦之於南

漳縣界賊由北蜂擁而來勒兵追剿大敗之其時後股賊匪在歇馬河歐家店滋擾亦爲副將孫清元所敗殲擒解散者幾及二千人上以倭什布出力可嘉賞給雲騎尉世職並諭令於諸子內自擇一人送部引見承襲嗣因給發參贊德楞泰軍餉不能足數經略額勒登保奏參諭曰德楞泰領兵前往湖北糧餉不能足數給發卽倭什布所帶之兵亦不支給口糧祇給路費令其自辦殊屬不合事體見在倭什布巡防尙爲奮勉前罪姑不深責著額勒登保將緊要地方專交該督嚴加防守儻再令逆匪闖入楚境朕必治倭什布以疏防之罪若軍餉仍不充裕亦將倭什布嚴懲不稍寬貸十一月有不識姓名股匪在大甯石璧山游奕經

倭什布截剿仍竄陝西平利嗣陝省張洪榮股匪與川省賊匪句
 合多至四五千分竄楚境五年正月奏督兵由黃柏溪太平關
 追剿殲賊百餘名查竹谿城守空虚竹山房保等處亟須官兵順
 道兼護是以統兵就近前往兜剿 諭曰所奏剿賊情形不過派
 兵分投堵擊殺賊僅止百餘並未痛加殲戮又未能截使回川倭
 什布疎縱玩誤所辦何事著嚴行申飭來京候旨所有該處剿賊
 之事交陝甘總督松筠未能一時到楚倭什布仍當督兵實力截
 剿尋奏賊匪竄擾房竹交界之獐落河又有青號賊滋擾三省界
 北大道房縣文報糧運阻塞卽經飭令將弁分道迎擊斃賊甚眾
 生擒樊人傑之弟樊人貴賊眾西竄 諭倭什布著加恩補授湖

北巡撫以觀後效不必給與頂帶仍帶革職留任八年無過方准開復四月青號首逆徐添德股匪四出竄擾倭什布親率將弁兼程進剿斃賊二百餘名生擒四十七名得旨嘉獎嗣徐逆竄入陝境又有藍黃白綠四股賊匪由川省大甯竄擾房縣興山遠安倭什布督兵分禦賊仍折回川境白號賊高二馬五復率眾自白河屬之平頭山漫營等處焚掠入楚境倭什布馳往殲擒八百餘名奪獲槍礮器械無算賊遁上嘉其奮勉賞給四品頂帶十一月徐添德股匪由尙家壩南坪復竄入楚境之白沙河諭曰竹谿竹山一帶係倭什布在彼防堵何以又令徐添德一股竄入楚境可見前此實力堵禦之說皆一派誑言而摺內所稱徐逆慣由

熟路之語尤爲支飾徐添德本係川匪安能熟悉該處路徑豈楚
省之弁兵鄉勇生長其地轉不如徐添德之熟諳乎且賊匪遠來
能探知何處無兵守禦乘閒闖入而倭什布所派之弁兵鄉勇獨
不能探聽賊匪消息預先捉住乎又摺內稱高二一股匪眾狂逃
計日卽可出境之語伊等如此疎懈賊匪有何畏懼而亟思出境
耶賊一入境不思在本境剿捕先以出境二字預爲站腳地步尤
屬軍營惡習前已加恩將該撫賞給四品頂帶今又任徐添德竄
入無能至此實屬大負委任倭什布著革去頂帶暫畱巡撫之任
以觀後效嗣徐逆由竹谿竄近竹山倭什布督兵截剿殲斃甚多
縣城藉以無虞 上嘉之六年三月因饑民就食漢陽武昌倭什

布率同司道捐廉散給銀米分別撫卹 恩加三品頂帶仍 賞
戴花翎時總督書麟患病解任 命補湖廣總督五月經略額勒
登保參贊德楞泰先後奏參倭什布在巡撫任內辦理糧餉遲誤
以致官兵勒索百姓搶掠糧食並於賑濟饑民一事張大其詞多
有不實又補放官員有家人通同舞弊各款得 旨革職交軍機
大臣會同刑部嚴訊尋查明倭什布尙無貪婪愒法縱容家人舞
弊之處惟經理軍需多有貽誤並於饑民數目所奏不實廷臣議
請發往軍臺效力奉 旨給予七品筆帖式交陝西巡撫陸有仁
令其充當苦差七年七月 上念倭什布前任陝西藩司時官聲
尙好 恩賞四品頂帶補山東布政使十一月加三品頂帶授

東巡撫尋復二品頂帶八年正月擢兩廣總督先是博羅永安會匪滋事經前任總督吉慶勦捕餘匪復潛回煽誘倭什布飭弁兵拏獲劉敬堂等八十餘名民心大悅 恩予議敘九年九月鶴山縣會匪劫掠倭什布親往捕獲多名 上嘉其妥速 賞戴花翎是年十二月調陝甘總督因前撫廣東時失察海陽等縣土匪私鑄礮位 命拔去花翎降二品頂帶十一年失察延安匪徒高種秋滋事得 旨降三級畱任七月甯陝鎮新兵陳達順等糾眾謀叛 欽派內大臣侯德楞泰奏請將降賊二百二十四名仍飭歸原營乞降倭什布偕德楞泰奏請將降賊二百二十四名仍飭歸原營約束操防 上以德楞泰壞法養奸所辦錯謬倭什布係本省總

督附和入奏實屬糊塗冒昧交部議處部議革任奉旨賞給二
等侍衛作爲科布多參贊大臣尋查出方柴關兵丁遇賊逃散降
筆帖式職銜前赴烏魯木齊辦理糧餉事務十二年陝甘總督長
齡奏督標營務廢弛諭倭什布著革去筆帖式以示懲儆仍在
新疆效力十四年釋回本旗十五年故子保成見任戶部員外郎
保亮襲雲騎尉世職見任工部員外郎保英見任山西解州知州

右 國史館本傳

傅鼐

傅鼐，順天宛平人，原籍浙江山陰縣。由吏員捐納府經歷。乾隆五十二年分發雲南，五十六年署廣南府經歷。六十年七月實授。是月升甯洱縣知縣。時湖南苗匪滋事，雲貴總督福康安、四川總督和琳攻勦首逆吳隴登於鴨保砦，鼐隨營委辦軍餉，調劑催趨，奮勉出力奉旨以直隸州同知升用，並賞戴花翎。十二月丁母憂。經福康安奏請留辦善後事宜，上允之。嘉慶元年五月奏補福建江州府同知，俟服闋後實授。八月調湖南鳳凰直隸廳同知。四年隨巡撫姜晟截擊苗匪，設法生擒首逆吳陳受，上以傅鼐將首犯擒獲尤爲出力，賞給知府銜，卽行補用，仍交部議敘。五年正

月裴晟保薦堪勝知府人員奏直隸鳳凰廳同知傅鼐於嘉慶元
年到任時值軍務甫經告戢該員清理苗占民田安置歸業難民
苗民畏服該員才長耐勞能勝艱鉅而不急公近利爲丞牧中僅
見之員堪勝保薦見在辦理鎮筸右營一帶荒棄民田均給長壯
丁勇抽撤鹽糧一事未便遽令離任俟其妥善竣事再行給咨送
部奏入報 聞八月曬金塘砦黑苗因乏食出擾民村鼐隨總兵
富志那截擊之殲斃首逆吳尙保得 旨獎勵交部議敘又 諭
曰鳳凰廳同知傅鼐前經賞給知府銜著加恩卽照知府食俸俟
有苗疆道員缺出再予升補六年正月湖南巡撫祖之望奏苗疆
建棚置卡屯勇均田頭緒紛繁鳳凰廳同知傅鼐克勝鉅任不避

勞怨能得兵民心力應責成該員幫同道員往來督率獨總其成奉旨傅鼐實好朕亦知其官聲俟奏到時再降恩旨十一月兩湖總督吳熊光奏苗疆一應邊務必得專員親身周歷隨時督辦尤須文武員弁同心共濟方能妥速完善見任道員鄭人慶統轄苗疆鎮草地處緊要應令常駐鎮城坐鎮辦理勢不能分身督查鳳凰廳同知傅鼐官聲辦事均蒙聖明鑒察自應仍令往來督率以專責成惟該員究係見任同知與各廳營不相統轄未免呼應不靈卽恐不無掣肘查該員係蒙恩照知府食俸遇有苗疆道缺准予升補之員合無仰懇賞給道銜令其總理邊務諭曰傅鼐平日官聲甚好在苗疆一年一切築卡均田等事俱能妥

速完善著加恩賞給道銜卽令其總理邊務遇有苗疆道員缺出
准予升補七年丁父憂湖南巡撫高杞奏畱原任 諭曰傅鼐自
嘉慶元年以來辦理該處邊防妥協素爲民苗悅服卽見在所辦
建城築堡設卡均田仍均係軍務善後事宜此時未便驟易生手
著准其署理鳳凰直隸廳同知不必開缺八年永綏九里癩苗隴
六生等糾眾滋衅傅鼐等先期得信設法擒捕 上嘉其辦理妥
速交部議敘十年四月永綏逆苗石崇四與積匪石貴銀糾集附
近苗人攻擾邊汛鼐派員弁分調兵勇馳擊復督率官兵奮勇圍
剿疊次追捕經官兵擊獲石崇四石貴銀先後擒斬逆黨三百餘
名眾苗震懾自行投首呈繳器械良苗安堵地方甯謐 上以所

辦殊屬可嘉交部從優議敘尋湖南巡撫阿林保奏據傅爾稟稱嘉慶元年平苗善後案內奏將查出逆苗叛產並客民插花地畝分給無業窮苗耕種當日並未查明分給所有田土悉爲強苗侵霸此次勦辦逆苗石崇四名下已有侵占他峇田地一千餘畝其餘各犯亦多有侵占之田見在分別清查卽照叛產歸公另佃良苗耕種正查辦閒遠近峇苗聞風震懾各願將從前侵占田地全行繳出請收作良田分佃良苗每年納租以充公用見在永綏七八九十等里業已繳出一萬餘畝其餘乾州鳳凰保靖等處亦紛紛呈繳懇求一律辦理爾又請將邊防撤後仍挑畱苗兵分交帶管卽將此項官糧賞給苗兵支食疏入得 旨允行五月補授辰

永沉靖道十三年二月來京引 見奏對詳晰 諭曰傅爾由佐
貳出身洵升道員歷任苗疆十有餘年勦除頑梗安撫善良前後
修建碉卡哨臺一千餘座均屯田土十二萬餘畝收卹難民十萬
餘戶挑習屯練八千名收繳苗砦器械四萬餘件又復多方化導
將苗民妄信巫師椎牛聚眾惡習禁止革除設立書院六處義學
一百處近日苗民已知向學籲求分額考試所有鳳凰乾州一帶
邊界苗眾實已革面洗心輯甯安堵凡該省歷任大員及在廷諸
臣多稱係傅爾一人任勞任怨不顧身家盡心籌畫克臻完善朕
久有所聞特因未識其人尙未特沛恩施本日召見傅爾見其人
安詳諳練明白誠實洵屬傑出之才堪爲苗疆保障著加恩賞給

按察使銜合其先換頂帶以示獎勵十四年補授湖南按察使十六年六月卒 諭曰傅鼎前在湖南軍營甚爲出力嗣經辦理苗疆屯防諸務勦撫並用教養兼施見在苗民安堵無不畏威懷德朕眷顧方隆正擬逾格施恩由臬司簡任湖南用資倚畀遽爾病故深爲憫惜著加恩賞給巡撫銜卽照巡撫例賜卹卹並無親子其繼子傅端弼年甫四齡尙幼釋所有傅鼎靈柩著景安派員照料護送回籍到籍後並著蔣攸銛一體照料派委大員賜祭一壇以示朕軫念盡臣優獎勳勞之至意

右 國史館本傳

嘉慶初湖北四川教匪方棘諸將移征苗之師而北草草奏戡定

月給降苗鹽糧銀鞵糜之而苗氣愈惡藉口前宣勇伯和琳苗地歸苗之約遂蔓延三廳地巡撫姜晟至倡以苗爲民之議議盡應其求時鳳凰廳治鎮筸當苗衝同知傅鼐有文武才知苗愈撫且愈驕而兵罷難再動且方民弱苗強也乃日招流亡附郭棲之團其丁壯而礮其要害十餘個則堡之年餘犄角漸密苗妨出沒遂死力攻阻鼐以鄉勇東西援救戰且修其修之之法近以防閑遙其聲勢邊牆以限疆界哨臺以守望礮臺以堵敵堡以聚家室礮卡以守以戰以遏出以截歸邊牆互山澗哨臺中邊牆礮臺橫其衝礮堡相其宜凡修此數者近石以石遠石以土外石中土畱孔以槍掘濠以防又日申戒其民曰勉爲之不可失也是有三利矢

不入火不焚盜不踰有三便族聚故心固扼要故數敷犄角故勢
疆民競以勸百堵皆作而三年苗大出焚掠下五峒大吏將中第
開邊釁罪又兵備道田灑者阿大吏意各出納以旁掣之事且敗
會四年鎮筭黑苗吳陳受眾數千犯邊於是有苗疆何嘗底定之
詔責巡撫姜晟嚴獲首賊孺爲禽之始奏加知府銜俸是年碉
堡成明年邊牆百餘里亦竣苗并不能乘晦霧潛出沒每稍臺舉
銃角則知有警婦女牲畜立歸堡環數十里戒嚴於是守固矣可
以戰時鎮筭左右營黑苗最患邊適謀曬金塘驍苗悉出掠瀘溪
卽夜三路擣燬其巢復回要伏苟瑟巖大殲之苗氣始奪六年而
貴州變起蓋湖南環苗東南北三面七百餘里其西南二百餘里

之貴州邊尙未修備故石峴苗復思狹邏煽十四峒並附近湖南苗以叛甬以鄉勇千五百馳赴銅仁而貴州巡撫伊桑阿至此其越境要功甬還楚界伊桑阿遂以招撫戡定奏回貴陽時首逆槍械皆未繳各峒方沸然邊民赴愬雲貴總督琅玕琅玕至急檄甬會剿三月盡破諸峒其破巖屯溝也前兩路賊皆壘石守甬使貴州兵攻其前而自領鄉勇夜探山後徑猿引上黎明始達礮天降火砦起貴州兵望之亦奮呼奪隘遂連破五巢其破上下潮也萬山一峽苗以死守乃夜分貴州兵左右裹山圍之而親督鄉勇黎明攻峽至晡礮破之追逼其砦驍苗方迎死戰卽分兵火砦上潮潰而下潮亦望風潰又爲守隘貴州兵禽斬前後殲苗二千餘三

日堵穴平琅玕奏楚勇功最并做湖南法建碉堡守之而伊桑阿
冒功誤邊罪爲新巡撫初彭齡所劾伏法爾遂奉 旨總理邊務
爾以永綏孤懸苗巢形如釜底自元年盡撤營汛後城以外卽苗
地有三難二可慮議遷城花園而貴州方藉永綏聲援難其移爾
乃請於貴州邊設螺螄堡移湖南守備戍之助彈壓於是總督琅
玕亦奏移駐是七年九月廳旣移出羣苗爭占舊城彌月槍礮聞
黔境爾以鄉勇數百深入彈壓忽遠近苗大集爾急據吉多砦苗
數重環之銃如雨驟爾按兵不動徐以奇計穿圍去苗疑不敢偪
然自此遂議繳槍械以絕其牙距其抗命者則復有永綏生苗鳳
凰黑苗之勦矣初永綏以廳城孤懸掣肘從未深搆其巢及是果

抗繳械阻丈田於是石崇四等糾數千苗復大倡煽而是時聽已
移出且分駐形勢地又得貴州螺螄堡可駐兵遂立以鄉勇千餘
苗兵二千往首敗之奔都河連燒六砦乘勝窮追宿陽孟岡五鼓
萬苗突至四面譟攻我兵時火藥少後路已絕勢岌岌會雨霰雜
下苗繩硝皆溼槍凍比曉我兵刀槩並前人自爲戰塵至山後斬
墮溺死二千餘生禽石崇四明春正月移兵螺螄堡連剿破口漏
魚補抽等砦皆焚巢破卵是役也賊起事卽戕良苗故甬得以驅
策苗兵深入轉戰月餘破砦十六獲槍礮刀矛三千有奇餘砦乞
命降永綏苗一舉平由是師行所至萬苗讐服納兵恐後羅拜犒
迎貴州吏未能行令於黔苗甬並檄黔砦勒繳槍械震疊罔抗邊

境銷兵時嘉慶十一年也初乾隆乙卯嘉勇貝子征苗時川湖貴
廣重兵環境湖南提督劉君輔進五路平苗策不用故苗得併力
拒大軍彌則偵諜闐然聲東擊西倏然其去忽然其來苗各自守
則黨日離不測則情益紕從來備西北邊莫善於李牧一大創之
法禦流寇莫如堅壁清野法而懲苗則莫如沈希儀勦法彌專
用之大小百戰殲苗萬計迫出良民五千口良苗千餘口而所用
不過鄉兵數千則又其訓練有過人者大都苗兵有三長奧壑重
巖足仄目悸獸蹠猱騰如慕平地此一長也地不可容大眾其進
無部伍行列退則鳥獸竄岡迴箐遠賊忽中發內暗外明猝不及
防此二長也銃銳以長隨山起伏命中莫失惟腰繩藥無重衣裝

而飢渴耐暑寒此三長也。繡因苗地用苗技先囊沙輕走以習步
做造苗槍立上中下三的以習俯擊仰攻臨敵亦不方陣進呼聚
嘯散無異以苗攻苗又苗兼挾利刀乘火器甫發冒煙豕突因兼
苗藤牌刀法狹路相逢則短兵接戰復以趨捷勝每戰還必嚴汰
不但越趨者去貪掠者去卽徒勇而昧機宜昧號令者亦去數年
始得精兵千號飛隊優養勤練而嚴節制之行山澗風雨而行列
不亂遺貨貨載道無反顧者其甘苦若妻子哭陣亡若子弟報公
憤如私仇而鄉兵旣明地利昌苗情又多被禍同仇之家故致死
如一十年勅永綏苗事 聞 詔各省督撫提鎮以勇練鄉勇法
練官兵宋史稱長州士官秦再雄練士兵三千皆披甲渡水歷山

飛塹遂一方無邊患故詳著之庶後籌邊君子有考焉至其屯田一事與修邊禦苗錯舉皆於十年蕝事其始不無廣占民田以權利害輕重及事定民爭復業屢有訟言於是議者人異詞今獨載甯上巡撫高杞書曰防邊之道兵民相輔兵衛民民實屯有村堡以資生聚必有碉卡以固防維邇者貴州巡撫初公奏商均田一事請陳利害情形而效其說湖南苗疆環以鳳凰永綏乾州古丈坪保靖五廳縣犬牙相錯其營汛相距或三四里或五五六七八里故元年班師後苗雲擾波潰如故維時甯竭心籌之無出碉堡爲上遂募丁壯子弟數千以與匪苗從事來痛擊去修邊前戈矛後邪許得險卽守寸步而前而後苗銳挫望絕薪燼燄熄隄塞水止

然湖南寅卯二載用兵來已糜帑金七百餘萬 國家經費有常而頑苗叛服無定募勇不得不散則碉堡不得不虛後患不得不虞則自圖不得不亟通力合作且耕且戰所以招亡拯患於始也均田屯丁自養自衛所以一勞永佚於終也相其距苗遠近碉堡疏密爲田畝多少鳳凰廳碉堡八百需丁四千輪守並畱千人備戰共需田三萬餘畝乾州廳碉堡九十餘守丁八百屯田三千餘畝保靖縣碉堡四十餘守丁三百屯田千五百餘畝古丈坪廳苗馴止設碉堡十餘守丁百屯田五百餘畝永綏廳新建碉堡百餘畱勇丁二千亦屯田萬餘畝而後邊無餘隙各環苗境以成圈圍之勢峻國防省國計也異族偪處非碉堡無以固碉堡非勇兵無

以守勇丁非田畝無以贍在邊民瀕近鋒鏑固願割世業而保身家卽後路同資屏藩亦樂損有餘以補不足況所募土丁非其子弟則其親族而距邊稍遠者則仍佃本戶輪租視古來屯戍以容卒土民雜處者勢燕越矣與其一旦散數千驍健無業子弟流爲盜賊爲無賴何如收駕輟就熟之用而不費大帑一錢稽之古效則如彼籌之今勢則如此惟執事裁之其堅持定議者大指蓋如此也積久制益密田益闕則又有出前議外者於是墾沿邊隙地二萬畝曰官墾田又贖苗贖民田萬餘畝曰官贖田以補助折耗以廩賞以葺繕以調卹百務並舉而苗占田三萬五千餘畝亦以兵勒出別屯苗兵五千其苗弁復自呈七千餘畝爲經費以苗養

苗卽以苗制苗於五年陳屯政三十四事十年陳經久八事十二年復陳未盡七事大抵其經費田皆佃租變價者其屯丁田則附
佃躬耕者其訓練與農隙講武則屯守備掌之以轄於兵備道者
使兵農爲一以相衛使民苗爲二以相安故約官與兵民曰毋擅
入苗若毋擅役苗夫約苗曰毋巫鬼椎牛羣飲以靡財毋挾槍矛
尋睚眦以釀釁則永永不窮且變遂同學校同考試嗚呼其亦善
深長思矣雍正閒張尙書廣泗改黔粵苗歸流設九衛軍屯法蓋
以經略督撫之權行之故帖帖無異議第區區守土吏未領縣官
斗糧尺兵所事大府不掣肘卽已幸徒自奮於齟齬拮据中蓋獨
爲其難卽其始欲不借屯以養丁繼不長屯以安烏合數千眾其

可得乎後之君子設身以處之綜其始末揆其利害而知其用心苦矣十三年屯務竣入 觀 詔加按察使銜明年授湖南按察使司按察使以苗弁兵民籲留命每秋一赴苗疆慰邊人思爾之在苗疆也日不暇給門一木匭訴者投滿其中夜歸倒出閱之黎明升堂剖決盡兵民以事至直至榻前及爲按察使一如同知時下無壅情故事無不舉十五年兼權湖南布政使司布政使十六年復入 觀 天子方將擢爾巡撫湖南而六月卒於官事 聞 震悼 贈巡撫 賜祭葬 敕祀名宦祠並許苗疆專祠嗚呼捍大災禦大患有大功德於民者矣爾年五十有四嗣子端弼幼故未有碑狀嗣兵備道者桐城姚興潔招源纂屯防志鳳凰廳志志

例當有傳乃傳

魏源曰方爾之甚於大吏以掎齧也則鎮筮鎮總兵富志那實保全之云又舉歲給降苗數萬金畀之故爾得以參苗者蹙苗富志那從征大小金川習知山礮設險之利爾實從受之卒以成功仁人利溥哉嫠妾遺孤飢粥不給而議爾者至今斷斷焉吁北山勞大夫所爲太息也

右傳魏源撰

嘉慶四年黑苗吳陳受寇邊事 聞於是 詔書詰問以楚苗久奏戡定何復有糾眾數千連犯邊卡之事是福康安和琳前此將就蕝事之咎其嚴懲毋少縱自是湖貴大吏不敢諱用兵始奏以

鳳凰廳同知傅鼎總理邊務募勇修礮悉力禦之鼎有復總督百齡書曰三苗自古叛服靡常治之惟勦撫兩端叛則先勦後撫威克厥愛乃濟邇者楚苗之役福和二大帥以七省官兵捷伐二載而未底定何哉論者謂始則恃搏象之力搏兔以爲功成指顧而無暇總全局以商定算繼則孤軍深入苗巢前堅後險實有羝羊觸藩之勢兵頓烏草河牛練塘九龍溝者俱累月不得已廣行招納歸咎於客民爭占之滋釁盡撤苗巢營汛四十八處以期苗釋怨罷兵如豢貪狼養驕子大功未就相繼齎志而歿踵其後者承士卒之疲勞國帑之糜費又值川楚事急蒼黃移師北去是以苗志得氣盈鴟張魚爛不可收拾而大兵旣罷勢難再議興戎鼎思

民弱則苗強民強則苗弱因而衛民以壯其氣練勇以摧其鋒駕馭以伸其信鵬勅以威其凶闢堡旣成我埔斯固堅壁清野無可覬覦而後入其穴扼其吭奪其恃殲其強稂莠漸除良善乃康鼎之任鳳凰廳同知也以前禽苗酋吳半生功歷兵備道至按察使

右記魏源撰

乙卯春湖南苗疆蠢動毗連三省時福文襄王爲滇督因率兵討之時貴州提臣花連布驍將也立解永綏之圍苗頗警畏王惑於幕客言欲養賊自重以邀封拜乃頓兵不進與川督和公琳日夜飲酒聽樂苗匪因玩視土師煽惑句連者日眾加以山巖險阻我兵不能寸進又有不肖將士與言以價贖地苗益肆無忌還日相

焚掠二公受瘴相繼死繼之者爲明參政亮復以湖北教匪故忽
忽北歸未及懲創傳重庵廡者浙江人以吏掾仕湖南習知苗中
情形文襄王倚重之明參政亮因薦公爲鳳凰廳同知公受命
時乾州鳳凰各廳苗民出沒居民逃竄公剪荆棘招逃亡團練鄉
勇數月曰可以用命因率兵攻苗砦苗目笑曰往昔宿將如福王
者尙不敢擐吾鋒藐爾微員何足污吾刃也因轉戰數旬苗民大
敗奔還其砦公率眾圍之苗民請降公與之約曰嗣後有闖入漢
界者吾當檄取誅之有匿不與吾必闔砦屠夷不汝貸也苗匪稽
首惟命是從公乃厚加撫卹曰叛卽吾仇降卽吾子也忍不撫育
之耶苗民益感激公在任十年苗民無敢出砦滋事者上大喜

權公按察使因 陸見歸觸暑暴疾殂於途 上甚悼惜之加巡撫銜以旌之

右錄宗室昭榘撰

朱勳

朱勳江蘇靖江人由監生捐納按察司經歷分發陝西乾隆五十三年借補咸陽縣縣丞五十五年升咸甯縣知縣五十九年遷乾州直隸州知州六十年擢同州府知府嘉慶元年勦滅將軍山賊匪勳在事有功 賞戴花翎五年二月升延榆綏道閏四月調陝安道七年大兵殲淨苟文明股匪勳辦理軍務出力 賞加按察使銜八年授按察使十年以秋審罪名失入部議降調 上加恩改爲降五級留任尋遷布政使十一年三月以失察匪徒高種秋等惑眾滋事下部議處尋議降調 命改爲畱任十一月丁母憂十四年服闋復授陝西布政使十八年九月護理巡撫疏請建陝

西甯陝應文廟學署 從之十一月實授巡撫十二月奏言岐山縣
三才峽有匪徒持械掠食旋竄至盩厔縣濁谷河一帶裹脅至八
九百人小王瀾亦有賊眾三百餘人滋擾 上命陝甘總督長齡
帶兵剿辦 諭曰該匪等藉荒歉爲詞輒敢糾集多人肆行搶掠
但一經該撫出示曉諭該匪等卽行具呈申訴似尙有悔罪之心
朱勳自當再行曉諭安撫俾匪夥立時解散不致大煩兵力勳尋
奏南山匪徒裹脅至三千餘人各路分竄勢漸鴟張 上命固原
提督楊遇春前往與長齡協剿長齡未到以前與勳會商剿辦十
九年正月 上以勳等意存招撫未能及早撲滅 諭曰朱勳久
任陝西藩司擢任巡撫南山距省甚近饑民乏食滋事該撫不能

先事豫防迨焚掠肆擾又未能立時剿辦意存招撫其所派招賊之人旋經被賊戕害辦理種種不妥亦與溫承惠長齡無異姑令戴罪自贖如果糧餉無誤防堵嚴密俾大兵得以迅速竣事尙可贖其前罪若怠玩貽誤不得寬貸矣二月剿除賊匪淨盡各路蕩平勳偕長齡楊遇春奏入 諭曰朱勳在陝年久失察匪徒滋事咎有應得但念此次賊匪因陝省兵將遠出始生心滋事該撫辦理軍火糧餉毫無貽誤並在峪口督率防堵朱勳除將功抵過外仍著加恩交部議敘尋疏陳辦理撫卹情形得 旨此次南山匪徒滋事皆由年歲荒歉饑民無所餬口因而聚集滋擾兩月以來就戮纍纍雖死者皆係亂民情形實亦可慘該撫不可不仰體朕

意多協經理二十年正月查擊孝義廳滋事匪徒並究出傳教首
犯均卽拏獲 上嘉之九月以捕獲傳教匪犯師未明下部議敘
十二月年班回子伯克沿途行走遲緩查詢經過陝西等處並無
護送大員 上以勳因循疲玩怠忽遲延下部議處尋議降二級
畱任道光元年九月護理陝甘總督十一月以華陰縣民嚴文潮
故殺一家二命一案勳擬以斬決梟示經部依律改擬斬監候自
請交部議處部議降二級調用 上從寬改爲畱任二年五月以
屬員承審渭南縣民柳全璧毆斃人命重案乖謬得贓漫無覺察
經欽差工部尙書文孚內閣學士辛從益奏劾 諭曰朱勳歷任
有年於地方人命重案任聽屬員顛倒是非舞弊枉法負恩溺職

莫此爲甚必應先行嚴議部議革職 命來京以四五品京堂候
補十月 賞三品頂帶休致九年卒子景刑部員外郎

右 國史館本傳

國事三百年史卷之三十一

三十一

國朝耆獻類徵初編卷百九十五目錄

疆臣四十七

錢楷

楊懋恬

劉體重

嚴如煜

石韞玉

陳預

李廣芸

Vertical text on the right side of the page, likely a page number or title, written in a non-Latin script.

國朝耆獻類徵初編卷百九十五

通奉大夫前署江西巡撫江西布政使司布政使湘陰李桓輯
疆臣四十七

錢楷

錢楷浙江嘉興人乾隆五十四年進士改庶吉士五十五年散館
改授戶部主事在軍機章京上行走六十年充會試同考官京察
一等擢員外郎嘉慶三年充四川鄉試正考官旋提督廣西學政
奏泗城鎮安二府地處邊遠請歲科連棚考試得旨允行五年
擢禮部郎中仍留學政任六年任滿回京仍在軍機章京上行走
七年補刑部郎中以三省軍務告歲交部從優議敘八年截取繁

通志卷之二十三

缺知府引 見記名尋 諭賞給升銜仍留郎中任九年京察一
等十一年五月 諭曰刑部郎中錢楷在軍機處行走多年辦事
勤勉著加恩以四五品京堂用七月補太常寺少卿十二年四月
升光祿寺卿六月京師雨澤稀少奏請循照漢書求雨閉陽縱陰
之說並將正陽門外石道工程停止 諭曰五行生剋制勝雖見
諸傳記大率經生強為傅會其事多迂執不可行即如漢書求雨
注內所稱閉南門禁舉火之類此或在一鄉一邑尚可遵循偶一
為之至京師都會之地車馬輻輳行旅絡繹又豈能拘泥陳言槩
行禁止朕見因京城雨澤愆期所夕齋心默禱惟期勤修實政敬
迓 天和若謂將見在所修石道暫停工作數日遂可立沛甘霖

恐感應之理未必在此所奏應毋庸議尋命往河南會同河東河道總督吳璥鞫羅山縣民范錫爵控伊叔范玉安被賊謀死案潘有富控地方官加糧折收倉書等舞弊分肥案均讞擬如律十三年二月命偕通政司副使文孚往山西鞫臨晉縣民謝恩觀控私徵科派案及孟壽營遊擊李鉞守備崔文以虧那公項私扣兵銀互相稟揭案尋以文孚補授西甯辦事大臣諭將發審事件專交錢楷辦理三月又命審辦祁縣民張萬鑑控鄉約譌詐毆傷案均次第奏結閏五月授河南布政使十四年四月護理河南巡撫並暫署河東河道總督十二月升廣西巡撫十五年調湖北巡撫十六年三月奏外洋鴉片煙一項奸商巧爲夾帶凡粵東

西兩省匪類之糾結多由於此如拜會行劫皆隱祕不肖輕洩之事及相聚吸煙則頃刻引爲同氣盡情吐實聽者亦必樂從粵西遞年拜會行劫之案屢加懲創此風仍未盡熄亟宜遏絕仰懇

皇上嚴飭閩粵海口各關監督並近海督撫一體嚴飭管關委員等嗣後凡遇商貨抵岸務卽到船盤檢如有夾帶鴉片煙泥者立拏按律加等究辦儻透入內地貨賣一經發覺卽窮究買自何人來從何處不得以買自不識姓名商船等語含糊搪塞失察偷漏入境之監督委員及地方官一體從重分別參處務使來蹤盡絕流弊自除似亦清理匪源之一端也 上以所奏甚是並交廣東福建浙江江蘇沿海各督撫認真查察懲辦四月奉 旨來京以

侍郎用旋補戶部右侍郎兼管錢法堂事務奏湖北地方事宜應請酌劑四款一楚省額定南北二漕下游水次糧艘交兌赴通謂之北漕運至荊州支放滿營兵食者謂之南漕州縣寫隔抵兌參差請以荊州滿營兵食額定若干於最近荊州及次近有漕州縣糧額內派定供支其餘有漕州縣徵收之米均歸北漕一沿江洲地應令各州縣將見納錢糧者造冊用印備案契賣者呈官驗實註明冊內無契者一律登載設遇坍卸呈明報豁額糧不准畱糧待淤填地復漲有契者仍准丈量給還耕種無契者作爲官地召佃承種庶爭訟可以稍減一湖北新設提督一員應移駐襄陽府城一楚北均食淮鹽食川鹽者絕少而淮鹽之行於襄鄖宜昌等

府者難於暢銷請籌議減價奏入 命交湖廣總督馬慧裕湖北
巡撫張映漢兩淮鹽政阿克當阿議奏尋據馬慧裕等會議覆奏
惟沿江洲地一款應如所奏辦理其餘三條均有窒礙難行之處
仍循舊章五月 命署河南南巡撫時山東匪徒王膀子偕裕州民
常幅等乘機糾夥搶奪在南陽滋事 諭將王膀子等認真查緝
錢楷抵任後奏前任河南巡撫恩長於南陽匪徒一案前後具奏
情節與原報不符辦理亦覺過當該府州縣等緝犯並未廢弛平
日聲名尙好 諭曰恩長在河南巡撫任內聲名平常至伊辦理
南陽匪徒一案從嚴懲創實不爲過該府州縣等於所管地方有
此奸徒聚眾情事而又稟報延緩咎將安辭錢楷以伊等緝犯並

非懈弛平日聲名尙好代爲敘及豈伊等此時尙可邀開復耶又據稱此摺別無意見因見擬絞候之二十餘犯明年秋審均應情實是以不敢知而不言等語此等案犯一經審擬確實將來秋審自應列入情實至於予句與否朕臨時自有權衡豈臣下所可預定錢楷自擢用戶部侍郎以來甚覺高興敷陳頗多均不甚中冑案此摺所見更謬錢楷著調補工部左侍郎仍交部察議七月授安徽巡撫時有歙縣監生張良璧採生斃命一案紳士公同具控府縣不爲究辦經御史吳椿奏聞奉旨交錢楷親提嚴審十一月審明屬實奏擬斬決上以張良璧人形獸性殘斃嬰孩十餘命豈斬決所能蔽辜張良璧一犯著卽凌遲處死錢楷錯擬罪

名著交部察議部議降一級調用上改爲降二級從寬畱任十七年八月卒於任遺疏入 諭曰錢楷前在軍機章京上行走多年供職勤慎自簡任封圻歷更數省辦理地方事務均能安靜妥協茲因病溘逝伊本係孤子孀母程氏見在年逾七旬伊並無親子其嗣子僅止十歲深爲可憫著加恩照巡撫例賞給卹典該部察例具奏所有任內一切處分悉予開復

右 國史館本傳

公姓錢諱楷浙江嘉興人少器宇凝重伯曾祖文端公見之曰子其爲我宗之範乎遂字宗範後又字裴山先世本何氏始祖貴四於明初坐事戍黔屬其子裕於錢翁遂從其姓四傳至薇嘉靖

朝官禮科給事中以星變陳言請斥方士削職後贈太常寺卿事
載明史又四傳至 贈光祿大夫綸光爲公高祖子二長卽文端
公次峯廩貢生候選訓導爲公曾祖以居父喪哀毀卒 旌表節
孝任太夫人撫八歲孤子汝鼎以文端公蔭監生需次州同知爲
公祖生子濟爲公考亦以居父喪哀毀卒是時公八歲妣程太夫
人上事姑下育孤貧不繼薪米質釵珥盡乃鬻屋賃廡以居親授
公讀大風雪夜紡聲書聲申旦相答也三世皆以公貴 贈資政
大夫公幼秉母教勤學不倦年十二補縣學生乾隆四十二年選
貢入成均充四庫館膳錄四十五年應 召試列二等四十八年
癸卯中順天鄉試舉人 四庫書成議敘知縣不謁選五十四年

己酉 恩科禮部會試第一 殿試二甲進士第一 選庶吉士習
國書明年散館改主事在軍機處行走補戶部福建司公性本明
敏銳志精勤入直常早散直常遲承 旨撰擬無不曲當軍機大
臣所傳述者以故軍機多倚重之六十年乙卯充會試同考官京
察一等記名升江南司員外郎祖妣屠太夫人卒以承重憂歸服
除供職嘉慶三年戊午充四川鄉試正考官得士廖宗驩等秋
命提督廣西學政泗城鎮安二府極邊例令赴南甯就提學試遠
者行二千餘里士勞而費重公奏請歲科連考以惠貧士得 旨
允行粵士使之五年升禮部祠祭司郎中仍畱學政任任滿覆
命仍直軍機逾二年調刑部安徽司郎中截取繁缺知府引 見

記名 賞四品頂帶九年京察一等記名以四五品京堂用十一年補太常寺少卿十二年升光祿寺卿 命偕侍郎吳公璈按事河南十三年又 命偕侍郎文公孚按事山西公遇事鎮靜而決獄尤不敢忽不輕用刑囚或不輸實跪之庭連日夜危坐鞫之卒得其情歷數省皆然是年閏五月授河南布政使 陛辭 上諭以寬嚴相濟勤慎辦事勿效近時習尙因 詢家世公備對陳敘母教伏地感泣 上爲動容曰此賢母也於是太夫人時稱 優諭以勵公焉旣到官每昧爽起謁巡撫白事還接見屬吏退坐小室治文書紙窗布簾無器玩之設食惟一殺雖一紙一薪不取給州縣官覈各州縣虧欠銀九十餘萬兩量爲限制令分季解司官

民無擾累兼護河南巡撫署河東河道總督河南食河東鹽者三十二州縣自嘉慶十一年山西鹽歸地丁者復歸商運限試三年至限滿而河南鹽價日增山西巡撫初公彭齡以河東鹽價隨時低昂請無庸定價公奏河南民苦鹽價之增特待三年滿限減價食賤今若不定價恐奸商藉詞增長訐訟滋紛請 敕令山西撫臣按乾隆間舊價酌定限制違者罪之庶於不定之中仍示裁抑之意十四年十二月擢廣西巡撫十五年二月抵任廣西多客民依山爲竄誘土民爲盜事發遁去土民獨罹重法公謂弭盜莫善於保甲乃酌行舊章令客戶一體編列設巡船哨卡嚴密偵察委官給以資斧易服至各險要訪緝懸重賞爲勸於是獲逸盜甚眾

弊學史先操守後才能願嘗謂人才難得應劭者不少恕而時存
愛惜造就之意其才識未充者隨事教勸若師弟子然重刻陳文
恭公從政遺規以爲僚屬法凡所設施必陳奏 上嘉勉焉十二
月調湖北巡撫十六年二月抵任會 上巡幸五臺公請 陛見
至山西 命閱士子所獻詩賦冊扈 蹕還至正定 召對十六
次 賜賚無算四月還武昌有 旨來京以侍郎用尋 諭兼程
來京供職補戶部右侍郎兼管錢法堂事務時南陽盜王昝子等
所過劫掠襄陽毗連南陽公飭地方文武豫防之總督馬公慧裕
奏請少留巡撫張公映漢至湖北公乃交印公在任兩月途中奏
湖北利弊四事曰漕米之運荊州滿營兵食者宜就近地撥定沿

江洲地宜悉立契垵御報豁以杜爭端提督署宜移駐襄陽府准
鹽價昂川鹽潞鹽價皆賤宜減准鹽價以杜私販奉 旨命湖廣
總督等議奏行至孝感奉 旨署河南巡撫並 諭嚴捕王騰子
等王騰子者山東人與裕州民常幅等乘饑掠人銀米黨七十餘
人已獲五十二人而山東亦獲王騰子解河南公訊治據實奏奉
上諭錢楷奏恩長於南陽匪徒一案前後具奏情節與原報不
甚相符辦理亦覺過當等語所見非是錢楷著調補工部左侍郎
仍交部察議旋 命巡撫安徽兼提督銜例戴花翎離汴之日百
姓老幼遮道送公諭以循分安業有泣下者八月抵安慶時礪山
李家樓河決宿州當其衝靈璧界宿亦被災泗州當下游漲不能

洩患尤甚公乘小舟行巨浸中以察水勢攜餅餌飼災民支席爲
廬凡二千餘所俾民棲止先給一月之食前署河南巡撫時於孟
津諸縣災飭各屬吏勘明災戶數後具奏得卽發帑茲亦如之奉
旨發銀凡四十餘萬兩公復率僚屬捐養廉爲倡紳士繼之或
平糶或振粥司事者無剋減冒漏諸弊所奏正振加振日期及分
別被災輕重蠲緩錢糧皆荷 允行 上復以黃河漫口應如何
設法疏導俾順流入湖爲詢公復奏宿州靈璧泗州境內惟濰河
爲減黃總路然不能容全河之水李家樓奪溜至七八分橫流四
溢高出平地舊河雖深通亦無益其入湖處未嘗不順恐洪湖尙
不能容今漫口未築水勢未減各境舊河皆在釜底固無從疏導

且亦窮於詳探 批荅難之明年春決口合積水漸退民得安宅
如公所云歙縣人張良璧採生斃嬰女多人守令前鞫未明御史
入告 命公鞫之良璧年七十餘恃無證陽聾瞶不服公晝夜親
訊幾二十日太夫人命禱於城隍神翌日情盡吐無隱若有使之
者蒙城人張萬倉子以父死非罪入京訴冤 上命公鞫之原讞
張山杜魁等爲盜山叔父萬倉以拒捕死山魁等皆獲服爲盜賊
證備具贓止袍一裘一布二匹而裘故非實公委曲於典裘券冊
內察得其情與證則皆平民或嘗爲竊者實非盜立釋之其平反
活人多類此安徽潁亳壽鳳等處俗悍多訟莠民傳邪教習拳勇
以脅眾若無爲齋龍華會顯聖義和拳等公悉禽治每決囚終日

不樂食爲之減視學廣西病瘍後體稍勞輒作使山西在途背生
癰氣益耗歷官數省釐治繁劇心力日衰已復得胃疾漸以不起
嘉慶十七年八月十七日卒於官舍年五十三遺疏入 上諭安
徽巡撫錢楷前在軍機章京上行走多年供職勤慎自簡任封圻
歷更數省辦理地方公務均能安靜妥協茲因病溘逝伊本係孤
子孀母程氏年逾七旬其嗣子僅止十歲深爲可憫著加恩照巡
撫例賞給卹典該部察例具奏所有任內一切處分悉予開復欽
此尋復 諭祭 特賜全葬銀公奮自孤苦力學敦行每念 殊
眷不恤勞瘁保直機密筆不輟書退直讀史賦詩不自暇逸莅外
職益勤案牘每吉日焚香告天願賜豐歲若將降咎於民者願降

咎於某身祈晴祈雨雪皆應所至有秋生平無疾言遠色跬步不失矩矱款曲喻人不欲立崖岸意或不司但陳己見不輕斥人非行不效益自克服官二十餘年不親家事家事則程太夫人自治之曰不使兒分心誤 國事也事程太夫人至孝迎養官署幕若孺子所著有綠天書舍詩草六卷善書兼工篆隸又能繪事蓋公五世祖鶴庵公瑞徵善畫松石而高祖妣陳太夫人南樓老人工寫生兼善山水故公畫有家法恭繪 御製詩意及五臺山圖寫文殊師利所說經以進皆蒙 睿賞配陶夫人側室吳氏梁氏皆無子以同祖弟械之子承志爲後女一德容梁氏出公卒後太夫人命字元之子祐太夫人卒於公卒後四年元與公未第時卽相

友善復以同榜成進士登堂拜母知母教及宦跡甚詳於公歿後
屬姍家故爲傳焉

右傳阮元撰

楊懋恬

楊懋恬江西清江人祖錫紱官兵部尙書自有傳懋恬乾隆五十四年拔貢五十五年朝考二等以七品小京官用籤分工部嘉慶元年留部作爲候補主事四年隨欽差大臣尙書那彥成赴陝西勦辦教匪五年回京充軍機章京六年以陝省軍營生擒首逆在事有功議敘卽補主事七年二月補官六月軍機處奏請議敘命以本部應升之缺卽行升用十二月三省大功告蒞下部議敘八年升員外郎九年二月京察一等四月遷郎中十年三月記名以御史用十月授安徽甯池太廣兵備道十八年升江蘇按察使十九年八月調山西按察使九月遷陝西布政使二十年調甘

肅布政使以病陳請開缺回籍調理至二十三年病痊授江蘇布政使二十四年署漕運總督道光元年授湖北巡撫二年八月以湖北江陵縣倉廩朽壞奏請修理並採買倉穀以資收儲下部議行十一月緝獲均州逸犯向志恆治罪如律先是志恆爲圖財謀產妄指教匪仇殺左明倫等十八名遠颺二十餘年懋恬抵任後飭各屬嚴行保甲於興山鄖縣界獲之奏入下部議敘十二月奏漢陽天門漢川三縣淤田水積涸出之後正課錢漕民力尙可輸將惟花利一項戶經數易勢難代完請予豁免從之三年正月奏言襄陽老龍隄爲全郡保障上年秋汛被水各段俱屬險要業經勘明加高培厚用資保衛天門京山等縣因襄水泛漲隄墜缺

口其天門縣之護城隄向係民間自築見因被水力難修復應請借項興修以固隄防如所請行六月御史俞恆澤以荊州府枝江縣羊角洲地方西連巫峽東接江陵並通當陽襄鄖各處縣治太遠匪人出沒沿江盜劫船隻習以爲常請於隄要之區增置一汛或請酌量移設 上命懋恬會同湖廣總督李鴻賓確察情形據實具奏尋議將宜昌鎮標前營千總一員移駐羊角洲撥兵三十五百並以枝江縣典史所管之董市鎮與江口相連去羊角洲地方未遠典史管理監獄勢難兼顧將董市撥歸江口巡檢管轄以專責成四年三月奏言新設白河口撫民同知一切勘建事宜諸多窒礙請卽改爲鄖陽府分防捕盜同知責令專司房縣竹山竹

谿三縣緝捕不獨呼應較靈實於綏戡地方有益白河廳豐徑巡檢移駐常樂河作爲鍾祥豐樂縣河巡檢並裁白河廳照磨移駐張家集作爲穀城縣張家集巡檢以重巡防而專責守均得旨允行初湖北江而派委武弁帶兵巡緝試行二年頗有成效五年正月奏請議定章程永遠遵行因於兩標千把外委內揀弁帶兵在所管段內梭織巡邏其長江漢江兩處自十一月至次年正月商船往來較多復添派都司守備督查期臻周密得旨依議妥辦不可日久視爲具文六年二月署湖廣總督三月以勘明湖南軍船潰淹未涸屯田坐落湖北沔陽州境請按股分別停運湖北安陸荊門等營坐落地方上年迭被水旱又衛昌營不通水路商

販較稀見當青黃不接之時糧價昂貴兵食艱難請酌借各州縣倉穀接濟俾得盡力操防 允之五月襄陽府屬節次添設義學八十餘處奏請分別獎勵九月復 命署漕運總督十一月奏江南各幫旗丁應領行月等米向於豐稔之歲收買運通俾旗丁另購次米以濟口食本年江淮徐揚海州通州等處及安徽太平廬鳳各屬均被偏災糧價較昂請緩收買以卹丁力下部議行是月卒子熙簡二品廕生候選主事

右 國史館本傳

劉體重

劉體重山西趙城人乾隆五十四年拔貢生本年中式舉人嘉慶六年大挑一等以知縣籤分湖南歷署石門新化衡陽臨武衡山湘陰等縣十年丁父憂十二年服闋捐升同知旋丁母憂服闋改掣江西歷署九江袁州饒州南昌府同知道光元年補袁州府同知署南康臨江府知府旋升廣信府知府六年調吉安府十三年調撫州府所至均有循聲其莅撫州也甫視事親歷各屬相度因革諸事宜問民疾苦父老環集每停輿語以孝弟耕讀相勸勉無異家人屬吏之不職者劾罷之於府署堂後設治事所終日危坐每夜分檢校文書訖出巡兩廊察吏勤惰僕從胥役非稟令無敢

擅出入者歷任皆如之撫州舊設興魯書院體重厚其廩儼勤加培植課卷必親爲評定並諭以先德行後文藝尤宗尙經學剖析疑義娓娓不倦而規矩森嚴諸生中有偃蹇從事者必繩以禮法以是士習肅然文風大振臨川金谿兩邑累科無領鄉薦者是歲獲雋者五人一時傳爲佳話體重性端嚴動必以禮值上丁輒先期詣學宮躬執灑埽滌祭器謂宮牆內事非可任之輿臺者於視牲尚儀諸典亦胥蠲胥恪謂於此不展其誠敬讀書何益郡社稷壇久圯體重出資重建復捐建義倉積穀備荒歉就倉之聽事設義塾延師課童蒙升任後撫之人卽塾爲生祠祀之稱曰劉公倉十四年擢河南彰衛懷兵備道河北爲黃河喫緊之區每當河水

盛漲險工疊出體重集夫購料躬率廳營員弁往來巡行數百里
雖酷暑大雨無少息故終其任河流安瀾民無水患沁水隄向由
民築民修體重以民隄單薄擇要加築子埝並籌備歲修費俾垂
永久漳河無隄防田禾屢被淹沒體重督役鳩工深加疏濬水無
泛濫之虞武陟安昌書院僅爲一縣課士之地體重捐廉勸建河
朔書院合三府人士而化裁之構講堂齋舍百數十楹董率官紳
捐集數萬金爲脯脩膏火之費倣朱子白鹿洞規條立章程示久
遠於書院西偏建從祀十賢三儒祠及魁星閣並設義塾一區其
訓迪士子教育童蒙一如在撫州時尋以勅建書院及防河出力
先後得 旨優敘十九年大計卓異擢江西按察使時新喻有糾

眾抗漕之家巡撫令體重帶兵彈壓體重曰是激之變也單騎往諭之眾解散僅置首從二人於法保全無算二十年升湖北布政使二十二年乞病歸尋卒於家體重之在官也整躬率屬廉平不苛所至杜絕餽遺惟以革弊鋤奸愛民養士爲急務故歷仕多善政尤長治獄每莅任必榜前積案於堂次第清理遇告期坐堂上受牘詰數語卽灼知情僞雖險健者莫售其欺然不冒輕施笞杖多方開導俟其人輸情自屈始就斷嘗令屬吏各設循環簿二本將已結未結案次第按期稟聞卽於簿上批示其審讞之當否故吏畏民懷詞訟日簡每去官士民走送數百里不絕二十五年河南巡撫鄂順安疏請體重入祀武陟名宦祠 允之同治二年江

西巡撫沈葆楨以政績昭垂輿情愛戴開具事實請 勅史官纂輯立傳 諭曰已故前任湖北布政使劉體重持躬端謹率屬嚴明所歷各任愛民培士除暴戢奸遺愛在人循良卓著自宜纂輯事實昭示來茲所有劉體重政績著宣付國史館編入循吏列傳以資觀感

右 國史館本傳

公姓劉氏諱體重字子厚號梅坪又號青溪霍之趙城人也曾祖定章祖翺翼父誠恩貢生少孤受業母何太夫人年十九卽教授鄉里諄誨者十四年仁孝廉介邑人欽學行焉祖母高氏二世存封沒 贈衣蟒服雞光耀幽宅公乾隆己酉以拔萃登本科賢

書辛酉挑居上等釋褐署石門縣事專城者六分府者四典郡者五分守河朔陳臬江西作藩湖北仕宦四十年道光二十二年四月以老疾引退十二月七日卒於家年七十有四歲公清苦自甘待次時朝餽暮粥食無齋鹽之侑泊如也口體妻子之養非託官爲命居恆慨然默念能如吾志吾仕不能如吾志吾已視富貴貧賤之遇若春花秋葉之榮落於木本何損何加一不以介意損衣節食之積官橐稍豐濟水旱堅隄防廣倉儲先施以恤民瘼不留多財以使子孫墮志益過也仁於折獄於文於言於貌於氣無微不至察精力蕤什於人至難支復以志持之大疑未決食飲堂皇者或十日雖唾血不息也循循然爲 國家守法愛民罔執己罔徇

人亦罔阿上對上憲辭直氣和上憲久而愛之讓平反之名若寮
友自知其誤者然寮友久而感之爰引爰推卒登高位量才德均
苦樂謹侈靡以馭屬吏吏服民愛士敬循聲洋江河焉妻 誥贈
夫人衛氏榮河訓導鳳池女先公卒年二十有四歲去世餘五十
年淑慎猶傳閭里繼室 誥封夫人張氏太學生飽德女翼翼温
温閨門肅穆於婢使色笑以教終身無忿戾一語 龍章疊錫起
居若未在官日公之克盥掌剔爪不以一錢自污者亦夫人之助
也二十三年十二月二十八日卒歲六十有八副室張氏陳氏子
五長煦鹽山縣知縣次保衡出嗣早卒次熙次長吉道生女一適
候選通判衛某孫二小酉天保孫女四二十四年三月十日從葬

於城東馬仙橋之東阡銘曰

史臣分傳循吏儒林不同者迹無二者心湖南荆南江南西道延
賢造士自壯至老書吏所藏經綸之府父母斯民爲召爲杜霍崇
及天汾流入河令名如公百世不磨

右墓誌銘張子持撰

嚴如煜

嚴如煜湖南溆浦人少從學於鴻臚少卿羅典究心輿圖兵法星卜之書乾隆五十四年學政張姚成以優行貢成均六十年黔楚苗變湖南巡撫姜晟聞如煜有幹濟才延入幕多所贊畫嘉慶三年舉孝廉方正時川陝楚教匪方熾制策平定三省方略奏對幾萬言欽定第一次日傳詣軍機詢屯政事宜復上十二條

召見以知縣發往陝西五年總督長齡委赴南鄭褒城城固三縣地結寨團勇六年補洵陽縣知縣如煜勤於聽斷日坐堂皇治事或因公下鄉有赴愬者立馬訊結洵邑有嚴不再炊之頌又以縣宅萬山中與湖北之鄖西竹谿陝西之鎮安白河毗連官兵追賊

急往來折竄皆道洵陽率民築堡練勇戎勿迎擊抄其尾擾其疲
豫儲糧糴於衝寨以待官兵督寨勇生擒賊帥陳潮觀殲賊目徐
添德樊人傑與官軍夾擊張添倫張三標熊翠兒等七股賊於太
平寨經略額勒登保參贊德楞泰連上其功 詔加知州銜 賞
戴花翎八年擊斃楚北逆匪二千餘人於蜀河口斬賊帥王詳擒
賊目方孝德奏入 命以同知直隸州卽升九年補定遠廳撫民
同知捐修城垣七閱月而竣復於廳之西南百餘里擇要地黎壩
漁渡壩築二城置社倉三所團練武備如治洵時先後擒陳心元
馮世周等巡撫方維甸上其事 賞加知府銜十年丁生母憂十
二年服闋引 見仍發陝西以同知用十三年補潼關廳同知十

四年擢漢中府知府先是甯陝新軍改駐郡城民困兵驕如煜視
事聯營伍立保甲朔望周歷城郭宣講科律問民疾苦農事與撤
蓋行赤日中獎勤懲惰行區田法製紡車式俾民務耕織饒生計
漢郡田疇向資渠堰灌溉小堰不下百餘其大者如南襄之山河
堰城洋之五門楊鎮二堰各灌田數萬畝如煜履勘形勢與紳耆
講求疏蓄啟閉水利均霑郡城舊有漢南書院軍興改爲行館如
煜首出廉俸並勸捐數千金充脩脯月米之資拓基址建講堂齋
舍倣鹿洞蘇湖學規五日一臨躬親講授文風丕振所成就士以
科名起家者數十人十五年巡撫董教增檄勘甯陝新舊二城是
年秋雨連旬所轄鳳雷等處山田歉收道殣相望如煜自甯陝返

郡請展賑期十六年元旦趨撫轅請以一官易百姓命教增破例爲奏請全活無算甯羌山中有楚北王姓以饑民乞食爲名聚眾劫掠如煜星馳至州誘擒之餘眾榜示歸業十七年城固民人陳恆義習圓頓教與京師民婦高張氏通密書相勾結事發如煜往緝但治從逆釋其株連者人心帖服十九年防範岐郿匪徒供運軍餉著績得旨加道銜二十五年十二月授陝安兵備道會廷議以川陝楚接壤州縣添文武營廳爲綏靖邊疆計川督蔣攸銛奏委如煜查勘建置城口白河輒坪太平四廳縣丞倅營制有差尋復請設佛坪廳遷駐文武員弁三省邊防始固道光四年諭曰陝西陝安道嚴如煜在陝年久於南山情形甚爲熟悉該員

任事以來地方安靜洵堪嘉尚著加恩賞按察使銜以示鼓勵巡撫盧坤以如煜素諳溝洫莅漢著有成效欲溥其利於全秦檄視漕涇漕渭諸川鄭白龍首諸廢渠規畫具備五年授貴州按察使六年正月入覲調陝西按察使三月卒於任陝民籲請祀名宦湖南人亦請入鄉賢祠 上允之 諭曰嚴如煜歷官陝省宣力有年其在洵陽縣漢中府陝安道任內實心辦事整飭撫綏俾南山地方安靜循聲久著遺愛在民宜沛恩施以彰懋績著加恩晉贈布政使銜所著有洋防輯要苗防屯防備覽三省邊防備覽漢江南北二地圖三省山內總圖樂園詩鈔文集行世子正基原名芝官通政使正坊候選府經歷

右 國史

皇帝御位之初元首擢漢中知府嚴公爲陝安兵備道四年正月復以公宣力南山有年 特加按察使銜如漢璽書勞問故事旋實授陝西按察使將大其用而公遽以病卒 天子俞秦人之請俾奉祀名宦仍加 贈布政銜酬蓋庸表遺愛也嚴氏出浙之桐廬宋末始遷湖南澁浦明景泰閒有諱秀者當方瑛討黔苗時以諸生應募率熟苗破賊而不受官沒祀忠義祠是爲公八世祖數傳至諸生自治有隱德祖應鼎國學生父君極貢生兩世皆 贈如公官生母李夫人方娠公嫡母何夫人夢大星墜於懷光四溢因小字滿星年十三補縣學生師事少鴻臚羅先生典於嶽麓先

生許爲經世才乾隆己酉學使者張姚成以優行貢時海內承平
久武備弛公獨畱心兵事會乙卯正月黔苗作亂據乾州犯鎮筧
辰沅震動 朝廷命雲貴總督福康安討之湖南巡撫姜晟湖廣
總督畢沅均以師會於辰公草平苗議十二則上姜公其要在亟
復乾由乾進永綏可與保靖松桃鎮筧聲勢相接而攻乾道瀘溪
必先得大小章土蠻乃無阻大小章者故土司遺民散處邊界名
犵狓最勁與苗世讎苗之攻浦市也假道上蠻不應怒焚其砦蠻
率眾出保浦市官兵不能禦苗則執蠻以爲功蠻忿苗遂誘與俱
叛官軍頻失利公乃募能爲蠻語者向國果數人赴大小章示以
利害挾其酋六人以出公推誠與同臥起咸感動歃血送質子許

世宗憲皇帝實錄卷之二十五
三
率所部陽投乾州爲內應約一舉破賊會雲貴主兵者欲專功檄
楚軍毋輕動計遂沮然明年卒賴其力以救兩鎮兵於河溪通乾
東路自後復平隴戰花園靖諸巢率常爲軍鋒公在姜幕四年嘉
慶庚申以孝廉方正科赴 廷試時川陝湖北教匪方熾 制詔
詢善後事宜公對言軍興數載師老財匱投誠者無地安置則已
降復亂流民生計無資則良亦從亂鄉勇召募慮一旦兵撤餉停
則反思延亂莫若做古屯田之法計三省叛亡各產不下億萬畝
舉流民降賊之無歸鄉勇戍卒之無業者悉編入屯團練捍衛計
可得勝兵數十萬餉省而兵增化盜爲民計無出此疏上 睿皇
帝親擢第一傳 旨次日赴軍機處詢屯政方略復上十二事

召見圖明園以知縣發往陝西竝其疏交三省大帥及督撫采行
明年補洵陽令洵宅萬山中表延七八百里與白河鎮安平利安
康及楚北之鄖西竹谿各縣犬牙相錯官兵追賊急往來折竄皆
道洵公乃相險要置砦堡選勇團練且耕且守且戰謂百姓可勝
不可敗戒賊至勿迎擊惟堅壘固守使野無所掠又多出奇計抄
其尾擾其頓使不得休息又念賊以劫掠爲生所至飄忽而官軍
行必待糧故追常不及乃擇堅砦適兵衝者峙糗糧備供給繇是
聲息連絡賊勢大蹙其年四月公督砦勇生擒賊帥陳朝觀五月
殲賊徐添德彭人傑六月復會官軍夾擊張天倫張三標熊翠兒
七股賊於太平砦眾至萬餘一戰平之經略額勒登保參贊德楞

泰累上公功得 旨加知州銜賞戴花翎嗣復擊斃湖北賊匪二
千餘人於蜀河口計斬賊目王詳擒方孝德伏誅賊震懼不敢入
境奉 旨以同知直隸州用癸亥八月補定遠廳是時賊窮蹙甚
分竄山林而西鄉縣界川境多深箐初設廳以公守之公以地爲
全陝門戶乃勅建新城復於廳之西南各百餘里擇險要曰黎壩
曰漁渡壩分築二城爲犄角賊至輒殲先後擒陳心元馮世周等
巡撫方維甸奏加知府銜旋丁生母憂僉議援金革例奪情公固
辭扶喪歸丁卯服闋入都仍發陝西以同知用己巳題補潼關廳
同知 特旨授漢中府知府公以兵燹後民困兵驕散勇逸匪羣
不逞之徒伏戎于莽於是舉工振修渠堰完倉廩以足民食聯營

任治堡砦團保甲以固民衛慎訟獄培學校禁邪說以正民俗疏
節闊目設誠致行南山遂大安以其閒開諭悍回縛獻亡命賊七
十二人於華渭散軍功王姓匪徒數百於甯羌擒圓頓教首陳恆
義等於城固治渠魁寬脅從曰吾但治從逆不治從教而十八年
廂匪之變至勤大兵勦討論者謂始事時苟得公治之當可不煩
一兵雖旋踵撲滅公亦以饒饒無缺加道銜然非公意也公在南
山旣久亭障要隘村砦徑路曲折無不口講指畫而心縈繚之窮
鄉邃谷老兵婦孺皆識公姓字所成就士自宰洵陽以來戎馬倥
偬與諸生投戈講藝比闕漢臺廣院舍得公指授起家侍從牧令
者數十人奉有聲然勞於治民拙於事上始大吏多度外視公嘗

以歲暮卜築甯陝新舊二城歸而南山晚收大歉已逾請振期公
元旦趨撫轅乞棄官爲百姓請命巡撫董公教增以是重公爲破
例奏獲請諸要事多就公議及董公去而公動掣肘益勤懇飭吏
治體民隱於是名滿秦楚間十餘年而官卒不遷道光元年特
旨授陝安兵備道以廷臣奏南巴二山情形下陝西四川湖北督
撫議時川督今大學士蔣公攸銛會奏委公總勘公自川入楚反
陝數千里相度形勢析官移治增營改汛條列井井奏入報可
邊防遂密公又嘗言山中州縣距各省遠鞭長莫及宜倣古梁州
自爲一道及明設鄖陽巡撫之例專設大員鎮撫而割三省邊郡
州縣以附益之庶勢專權一百世無患以更張重大未竟其議也

壬午盧公坤撫陝素重公公治益上聞特加按察使銜仍留陝安道任時開府采公議奏增廳治於盤屋洋縣界增營兵於商州及略陽復委公興修水利先是公在漢中以平壩田衍艱灌漑履視山河五門楊鎮大小百餘堰皆加疏治民大稱快至是欲廣其法於全秦奉檄視灃涇瀕澆渭汭諸川鄭白龍首各廢渠疏鑿蓄洩規制大備而社倉義學諸法亦次第舉行乙酉十一月詔授貴州按察使未行丙戌正月改授陝西按察使入覲召見三次詢十年不調之由上嗟歎久之歸途感微疾抵任七日卒道光六年三月初二日也距生乾隆二十四年八月二十四日年六十有八公起家諸生爲縣令擢府道至臬司皆繇特簡卽忌

之者亦憚於清議不敢搖動但淹滯之然公終不稍貶損今上用賢多不次與廷臣言疆吏才每及公特以保障南山非公莫屬故雖遷擢頻仍遲回久之俾斂惠於一方比任久績著規畫無遺天子慨然思大其福於秦民驟用公而公不及待矣於虜惜哉其卒也秦民巷哭如失慈父母願比朱邑桐鄉請公構入南山不得則籲請祀名宦湖南人亦具公事狀請入鄉賢祠皆得旨報可公諱如煜字炳文生平慕范希文爲人取先憂後樂意自號樂園性豪邁去邊幅澹泊樂利視之田夫野老人也及其馳騁古今理亂貫串天文河渠兵法星卜以逮輿地險要形格勢禁則若聚米畫沙燭照而龜灼盤根錯節迎刃立解嘗佐兩廣總督那公彥

成籌海寇有洋防輯要佐姜公籌苗疆有苗防備覽佐辰沅道傳
輯籌屯田有屯防書又有三省邊防備覽漢中府志及樂園詩文
集若干卷後之有志經世者必將取鏡焉公配張夫人佐公治漢
中手繅車教民婦紡織棉花之利遂興生子二長正基癸酉科副
榜貢生以官學教習分發河南試用知縣次正坊候選府經歷側
室胡氏生女一適候補主事南海吳尙志又撫兒女一適沂州營
都司世襲雲騎尉麻陽滕國興孫男女各一以丁亥十月初七日
葬本邑會仙亭右之青竹隴公子以狀來乞銘澍之先人與公敦
古交知公最詳且將以備史館之采故繁而不殺焉銘曰
倬彼南山維石巖巖分陝所先化逮漢南是稱陸海灌翳榛莽所

守或非化爲夔魁桓桓嚴公匹馬南來亦文武莅此漢臺自公
之來再造鵠首披荆刈萊盪滌羣醜訟不再炊畝有餘糧以拯秦
人于溝于隍昕聞庠鼓迹屏城闕以革秦人于猶于狘秦人望公
如歲如慈秦人敬公如保如師孝廉方正令聞孔美如公克稱一
人而已載茲蕞篔 天子所知貽爾樂利百姓是思 天子旣知
百姓旣思循吏何負而人不爲奕奕南山其大千里公廟巋然與
之竝峙公歸於荆公澤在秦凡百司牧視此貞珉

右墓誌銘陶澍撰

維南山起西羌踰隴阪走秦分野絡關中漢中以東訖商洛旁薄
數千里與漢江以北之巴山相連巴山則自秦階折而東經川東

川北與陝之興安湖之鄖陽宜昌犬牙錯皆千峪萬箐縣棧複障
據兩戒之中自漢暨明爲羣盜逋逃藪天下有事常先叛後服故
自古梁州自爲一道明季專設鄖陽巡撫以轄之 國朝割其地
分隸陝西四川湖北距省會遠者或二千里鞭長駕遠稂莠豐茂
嘉慶初襄達教匪蔓延五省大兵乘之雲擾波潰四年 詔舉直
省孝廉方正之士策方略於是湖南激浦嚴君如煜對幾萬言略
謂賊倚山峪爲窟穴以劫掠爲餽糧湖攻急則潰入陝陝攻急則
潰入川川湖陝合攻則潰入隴入洛今師老財匱無息薪止沸之
計是以撫者旋亂良者脅亂甚至募戍者養寇以延亂亂何由弭
竊計數載以來三省叛產流亡各產不下億萬晦宜乘此時舉流

兵降賊之無歸鄉勇戍卒之無業者悉編入屯立堡砦給器械俾
自爲耕戰守禦專設總理大員割三省山內諸郡縣隸之承平團
練教養有事朝發夕至庶心力專而事權一不獨目前化盜爲民
因敗爲功實百世長久策奏上 仁廟親擢第一次日傳詣軍機
詢屯政事宜復上十二事 召見圓明園以知縣發往陝西其疏
交大帥督撫采擇雖未盡行而堅壁清野之議始此不三載賊次
第平君亦屢以軍功由洵陽令定遠廳同知擢漢中府知府至陝
安兵備道君仕南山十有餘年亭障要隘村寨徑路曲折罔不口
講指畫而心縈繚之窮鄉遠谷老兵婦孺咸識君姓氏教養旣誠
官民丕變道光四載 上以君宣力南山久 詔加按察使銜畱

在旋實授陝西按察使將大其用而旋卒於位漢中興安民願迎其柩入南山比朱邑葬桐鄉事不得旋以名宦祠請 優詔褒嘉特加布政使銜入祠君之功名遂與南山終始方君未遇爲諸生也慕范希文先憂後樂自號樂園當湖貴苗變時上計總督畢沅巡撫姜晟招大小章士蠻陽投乾州爲官兵內應約一舉破賊旋爲雲貴主兵者所阻然卒得其力以救兩總兵於河溪復爲隆園花園諸軍先鋒其令洵陽也縣宅萬山與湖北之鄖西竹山竹谿陝西之白河鎮安安康平利相斗入官兵追賊急往來折竄皆道洵公倡民築堡練勇戒勿迎擊專截其尾擾其頓豫貯糧衝砦以待官兵俾追賊無畱阻遂與官兵夾擊張天倫等七股賊於太

平復破湖匪二千於蜀河口加知州銜 賞戴花翎其知定遠廳也
也勅建新城掘川陝門戶又分築二石城於黎壩漁渡壩與廳城
犄角屢馘賊首陳心元馮世周等加知府俸銜其知漢中府也
兵燹後民困軍驕散勇逸匪伏戎于莽於是舉工賑修渠堰完倉
廩以足民食聯營伍治堡砦嚴保甲以固民衛慎訟獄禁邪說以
正民俗以其間縛悍回於華涓禽餘匪於甯羌城固皆治渠魁寬
脅從曰吾但治從逆不治從教夫人手縑車以教紡棉二子雜諸
生以課藝困蘇獷化懼然如家人然勤治下拙事上始大吏咸度
外待君嘗歲暮卜築甯陝新舊二城歸而南山晚收大歉已踰請
賑期遂元旦趨撫轅稽首請以一官易百姓命巡撫董公教增卒

破例爲奏請乃已及董公去而君始齟齬支詘惟懇懇飭吏事自備於是十餘年不遷及爲陝安兵備道也適有詔三省會籌南山情形川督今大學士蔣公奏委君總勘君自川入湖反陝相度數千里設官置治增營改汛悉湊窾會然如君對策前議亦竟未遑及也會舊撫更易君治益上聞新任督撫皆推誠委聽以君言奏益廳治於鰲厓洋縣界益營兵於商州略陽復以君修復漢中渠百餘堰溉沃萬頃將溥厥利於全秦檄視澧涇瀟澹渭洛諸川鄭白龍首諸廢渠百墜垂興萬人睽仰乙酉十一月詔授貴州按察使未行仍畱陝西按察使明春入覲連日三接詢及十載不調之由咨歎動色而君年則六十有八矣莅任七日遂卒烏

庫惜哉秦誓思斷斷休休大臣用能容彼有技之人咸及其旅力
之未愆良有以也雲弗鬱雨弗厚泉弗堰澤弗大天欲大蘇南山
民故不惜斂大惠於一方俾尸祝萬室矜式百世而尼之者何與
焉君子正基從予遊嘗再晤君京師擺邊幅洞城府視之頽然野
老人也及其馳騁上下奮髯哆頤沙聚數千里龜灼數百世菽區
麥別形格勢禁惘惘所至盤錯洞開佐兩廣總督那彥成公籌海
寇有洋防輯要佐姜公晟傅公鼐等苗有苗防屯防備覽其籌南
山有三省山內邊防備覽漢江南北二地圖三省山內總圖及樂
園詩文集若干卷冰寒火熱粟飽帛煖恣其取攜罔有爽忒烏虜
可謂肫且盛已君生乾隆二十四年八月二十四日卒道光六年

三月初二日祖應鼎父君極皆 贈如君官嫡母何生母李皆
贈夫人爲定遠同知時丁生母憂力辭金革奪情以歸配張夫人
子二正基癸酉副貢生河南候補知縣次正坊候選府經歷側室
胡女二孫男女各一葬邑會仙亭右之青竹壠于道光八年冬奉
使人蜀踰秦棧過漢中舊治益徜徉於君疇昔所言乃爲銘曰
奕奕南山包川絡原分陝所專東遷薦處灌駢榛楚藪姦之所起
嘯敗逋勝國所吁維牧之無翳昔匡難實維良翰盜賊咻拳以覆
以响以起秦庶於溝於路以弦以吟以化秦民於狃於榛彼亦何
取十載遲女適久厥撫俾竟厥施以達 天知以永民思旣知旣
思循吏胡虧而人勿爲南山千里君陟降止作廟並峙君廟在山

國朝通志卷之八十五
三十一

君墳在南百爾式監

右神道碑湯金釗撰

石韞玉

公諱韞玉字執如號琢堂祖籍丹陽系出宋曼卿先生後 國初自丹陽遷吳縣至公已四世曾祖政祖邦楨字介庵考熙載字韞山三世俱以公貴 贈通議大夫妣皆 贈淑人韞山公三子皆殤妣徐太淑人夢介庵公授以白璧而公生穎敏過人讀書卓犖有特識年十八補吳縣學博士弟子員乾隆己亥 恩科舉於鄉庚戌 恩科成進士 殿試進呈卷第二甲一名 純皇帝特拔置第一甲一名授翰林院修撰壬子充福建正考官旋視學湖南未散館而 簡放學政前此未有真異數也任滿還京正值楚苗不靖覆 命時 高廟詢及軍務奏對稱 旨丙辰充日講起居

注官戊午入上書房行走是年冬京察一等授四川知府時蜀中
方用兵公補重慶府兼護川東道經略勒威勤公知公才川以東
軍事悉屬焉嘉慶庚申賊過嘉陵江將犯重慶公與總兵許文謨
防守周密賊不敢窺嘗率精兵擊賊於土沱獲賊渠甘某誅之又
立團練法習技勇三班分班訓練更番休息有警一呼畢至渝城
遂得晏然勒公重莅蜀調公赴營專司章奏事時賊方議聚川陝
楚三省間賊渠樊人傑別爲十號分路肆掠 廷議用兵殲一股
盡再勦他賊公謂勒公曰今官兵僅經略參贊及公三路耳而賊
至數十股若專勦一股餘無兵掩捕勢且益熾爲今計莫若分兵
有一股賊卽有一路官兵迎捕使賊無暇劫掠賊不得食當自潰

勒公曰善卽屬草一疏陳之王戌三月始定分兵策兼用堅壁清野法分作守砦方略十二則檄行川東北從此賊漸解賊首次第就僂是冬卽戡定大局至癸亥秋而三省廓清矣守渝時副將趙某統兵勇各千過渝已給口糧矣而鄉勇不行公廉知有隊長者最黠桀召而責之嗣是兵過渝無敢留者勒公有探事兵十七人道出梁達砦砦民疑爲賊也執之送官中途聞賊警恐被劫遂殺之勒公大怒曰兵爲民殺賊民乃敢殺兵窮治之獲十四人將實其罪行誅公言於勒公曰民乃疑賊而殺兵罪固重然係誤殺也今以此駢誅十四人不近於專僂乎請先僂主謀者二人餘論斬請旨然後行勒公從之仁廟果以疑賊而殺與故殺者有間

十二人皆免死大兵凱旋有難婦數千無所歸眾議欲分給兵丁
公力持不可徧詢原籍有父母兄弟及夫若子者檄各州縣盡令
來省相認識以歸之咸感泣膜拜而去公在雲陽道中舟敗幾溺
大江中遇他舟救免又嘗在川北老山墜馬傷力疾隨營先後奉
旨加道銜 賞戴花翎蓋公之盡心兵事久蒙 睿鑒矣公之
治重慶也寬而明敏而斷循績美政有不勝書者乙丑膺計典入
覲尋擢潼商道值歲浚饑晉中荒歉尤劇米石值白金十七兩
或請禁陝米出關公曰晉人亦 朝廷赤子吾不能爲陝遏糴坐
令飢餒縱之晉省得食而關中人亦獲厚利在任四月擢山東按
察使瀕行辭方葆巖中丞訪以治陝何者爲亟對曰往者長制府

以州縣采買倉穀累民奏請永禁然所謂累民者不過年豐有穀之家不得善價耳其患猶淺今禁之則倉廩空虛過儉歲及軍需倉無儲州縣何以應命中丞以爲然是秋請弛前禁報可公赴熱河行在謝恩請訓適甯陝新兵滋事及召見三次言必及軍務公多所陳奏事釐皆一一如公言抵山東臬使任兩攝藩篆以夏旱運河糧艘淺阻議雇民船撥運費大且擾請於中丞長公檄二郡丞按籍疏通四百餘泉河水驟長五尺漕運以通無何而公緣事被劾部議革職仁宗念川省軍營勞績賞給編修國史館行走而公因從軍時受山巒瘴溼之氣得輭腳疾至是復作遂引疾乞歸公仕宦三十年歸鄉時無田可耕時長子同

福以知縣請次浙江公遂就養焉浙中當事知公至延主紫陽書院辛未勒公開府兩江招公佐幕又主金陵尊經講席復入揚州書局校勘全唐文及丙子歲歸主蘇州紫陽講席並修蘇州府志里居又二十二年公閱覽遠識所爲文貫串古今尤長於經世之學詩則破除唐宋門戶風發泉涌援筆立成譔述甚富所刊獨學廬詩文彙若干卷爲海內所稱書院肄業士二十年來多得公陶淑成就公和易近人不立厓岸而持論正大侍其坐者能使人鄙吝都消卽所居建凌波閣貯書四萬餘卷集里中耆舊結問梅詩社凡鄉中有善舉公必出爲領袖始終無倦公以乾隆丙子閏九月生至道光壬辰年七十有七又逢九月置閏親串故舊及書院

諸生舉觴介壽公賦詩紀事和者甚眾癸巳重遊泮宮一時士大夫皆有詩歌樂章紀之道光十七年五月五日無疾卒於經史巷里第年八十有二公娶同邑 贈文林郎蔣惠賢公女 誥贈淑人先公卒子四長同福浙江台州府同知次嘉祿殤次介福安徽按察使照磨出嗣公弟後次延禧候選鹽大使早卒女八孫六峻華道光壬辰舉人次瑞萃次巖英元和學庠生次屺莪次汝霖次崐芝孫女八曾孫七守彝守訓守和守中守清守樸守經曾孫女一將以是年十月葬公於西磧山祖塋之西長子同福奉公行狀來乞爲銘當公視學湖南時澍受知於公及撫吳公方主紫陽講席得時時相見有地方興利剔弊事輒就公諮訪今歸道山不勝

山頽木壞之感銘曰

公持文枋惟閩與楚既采南琛亦攬湘杜公奮武功惟渝及蜀手
書露布躬冒矢鏃觀風潼關陳臬山左用將大展而乃小挫角巾
扁舟五湖夷猶爲鄉祭酒又三十秋榮枯兩忘夷險一致味道餐
風以樂其志西磧之西有芙蓉城山花礪水幽宅環磬

右墓誌銘陶澍撰

吳門石琢堂殿撰韞玉以文章伏一世其律身清謹實不愧道學
中人未達時見淫詞小說一切得罪名教之書輒拉襍摧燒之家
置一紙庫名曰孽海收燬幾萬卷一日閱四朝聞見錄中有劾朱
文公疏誣詆極醜穢忽拍案大怒亟脫婦臂上金跳脫質錢五十

千徧搜東南坊肆得三百四十餘部盡付諸一炬可謂嚴於衛道
矣是年南閩發解庚戌魁多士夫因果之說儒者不道然以一窮
諸生毅然以闢邪說扶名教自任其胸襟氣節豈復第二流人物
所有

右紀聞陳康祺撰

國書刊行會
英和辭書
第一卷
第一冊

三

陳預

陳預直隸宛平人乾隆五十五年進士改庶吉士五十八年散館
改主事分刑部六十年補官嘉慶二年遷員外郎先是土默特台
吉阿薩拉胞伯喇嘛奕什德忠在本旗貝子處挾嫌捏告阿薩拉
謀殺胞伯喇嘛卓里格圖阿薩拉畏刑誣服及徒弟達木吹等六
人俱擬凌遲阿薩拉之父達漢代來京申訴四年三月預同員外
郎賡音隨侍郎特克慎奉旨獻其獄特克慎仍照原擬奏結預
等以案情可疑向特克慎阻止不聽自行呈報軍機派喀爾喀
和碩親王固倫額駙拉旺多爾濟覆按之事得白上以預等於
特克慎固執己見並不依違迎合俾重案得以平反命交部議

敘以應升之缺儘先補用五月升郎中八月揀發四川以道員用
十二月補永甯道七年丁母憂時川陝楚教匪滋事 命畱四川
督理糧餉 賞戴花翎八年丁父憂十年服闋授山東兗沂曹濟
道十一年遷江西按察使十三年升貴州布政使十五年調廣西
布政使十六年九月調江甯布政使十二月調江西布政使十八
年二月調湖南布政使九月擢刑部右侍郎十二月疏陳時務四
條一州縣中賢能出眾者令督撫密保以備 簡用如犯贓私惟
原保之人是問一倉儲因事動撥應察看年歲豐歉勒限買補虧
缺者嚴參並勸諭富戶建義倉備荒一嚴禁坊肆小說及扮演悖
逆雜劇並廣設義學化導鄉民一刪減科條務歸簡要均如所議

行十九年三月授福建巡撫五月調浙江巡撫七月調山東巡撫
二十年奏青州駐防滿營兵丁生齒日繁請於閒散壯丁內擇其
材堪造就者二百四十名作爲餘兵酌提司庫扣存市平銀二萬
四千兩並滿營所存馬價銀六千兩發商生息每名月給銀一兩
以資養贍 從之二十一年正月京察以清釐積案督催倉庫錢
糧均屬認真交部議敘尋因失察逆犯劉玉滢潛匿境內經鄰省
捕獲延閣閏六月山東商人高恆力來京呈控沂水蒙陰兩縣梟
匪聚眾搶劫自十八年至本年共有七十餘案 諭曰陳預接任
將及二年地方兇徒恣行不法至於如此伊誰之辜無怪飭緝要
犯日久不獲劉玉滢匿境一年茫無覺察陳預著革去花翎降爲

三品頂帶勉力速擊要犯以蓋前愆儻仍不知愧奮必當重治其
罪二十二年四月請移曹州營參將守備駐東昌添設曹州鎮總
兵官一員遊擊守備各一員爲鎮標中營改東昌營都司爲鎮標
右營撥鉅野臨清東昌壽張梁山高唐德州七營隸之下部議行
六月以捕獲逆犯胡成德 賞還二品頂帶十月因題本內 廟
號擡寫錯誤仍降三品頂帶十二月擊獲習教匪犯侯位南究出
與夥黨劉元善等斂銀送往烏魯木齊資助遣犯劉佐臣之子劉
成林均寘諸法 上嘉之 賞還二品頂帶二十三年二月山東
候補人員因署藩司張五緯委缺不公出具匿名揭帖御史王允
輝奏 聞 命戶部尙書景安刑部左侍郎帥承瀛按訊屬實成

五緯軍臺 上以預隱匿不奏交部議處尋議革職 上加恩改
爲畱任四月 召來京署兵部左侍郎尋以才具短淺不能整頓
地方 命以三品京堂降補五月因前在山東巡撫任鄆城縣捕
役叅賊未行參辦部議革職 諭曰陳預自簡任山東巡撫以來
漫無整頓臬司張五緯不能稱職陳預亦毫無振作吏治日形疲
玩溫承惠接任臬司積案已有四千餘件而來京控訴者仍絡繹
不絕且滕縣高唐一帶驛路盜賊公然塗面執械搶奪商旅地方
廢弛至於如此巡撫何所辭咎陳預豈復能勝京堂之任見在吏
部以鄆城縣捕役叅賊一案議以降調無級可降應行革任本應
卽照部議革職姑念其由刑部司員出身刑名尙爲熟悉格外施

恩著以刑部郎中降補八月補郎中十二月山東巡撫和舜武臬
司溫承惠奏審結積案至一千一百餘起 諭曰前任巡撫陳預
因循廢弛實難辭咎著降補刑部主事非奉特旨不准保升二十
四年四月補主事十二月因病乞假道光三年卒

右 國史館本傳

李賡芸

李賡芸江蘇嘉定人孝於繼母植品自勵少讀書淹貫經史嘗受學於同邑錢大昕通六書蒼雅三禮慕許慎之學自署許齋乾隆五十五年成進士以知縣用分發浙江補孝豐縣知縣調德清再調平湖邑有陸隴其祠賡芸以隴其平湖人曾宰嘉定己嘉定人而令平湖下車展謁之政治悉奉以爲法盡心撫字訓士除姦邑中稱神明嘉慶三年九卿中有密薦賡芸者詔詢巡撫阮元元奏稱守潔才優久協輿論爲浙省良吏最上以賡芸循績久彰自應格外優獎六年升處州府同知七年調嘉興府海防同知八年調署台州府知府上謂此人可用十年擢嘉興府知府先是

金華處州兩府被水金華苦無錢處州苦無米慶芸奉檄辦賑領銀二萬以其半易錢加賑於金華又以其半購米減糶於處州民皆便之是年嘉興亦被水慶芸賑以粥全活甚眾十四年丁繼母憂十七年服闋補福建汀州府知府十九年閏六月調漳州府九月升汀漳龍道二十年八月升按察使尋署布政使十二月入覲二十一年授布政使初慶芸守漳州時漳俗故獷悍常械鬪負則鳴諸官及拘犯又匿避縣必會營以捕時龍溪縣有械鬪署平和令朱履中言會營則多費請獨往慶芸信之檄令去久之終不辦因改履中教職履中在任多虧累恐獲罪具揭總督汪志伊巡撫王紹蘭謂虧帑由道府婪索督撫合詞奏請質訊解慶芸職嗣

知事誣志伊迴護前奏必欲實其事委福州府知府涂以輶鞠之
賡芸之去漳也承造戰船工未竣畱其僕督率之僕假履中洋銀
三百圓詭以墊用告賡芸如數給之僕匿不以償賡芸不知也以
輶阿志伊意爲增其數至一千六百偪令自承辭色俱厲賡芸不
肯誣服慮爲獄吏所辱遂自經二十二年二月事 聞 命吏部
侍郎熙昌副都御史王引之往讞事得白 上以賡芸之死由於
汪志伊固執苛求而成於涂以輶之勒供凌偪褫志伊職永不敘
用以輶履中俱戍黑龍江紹蘭以隨聲附和革職賡芸制意刻苦
不名一錢其歿也幾無以爲殮百姓感其德因臚在閩時平獄止
爭戢暴靖匪諸善政請建遺愛祠以祀熙昌等奏 聞 上以斯

民直道之公 允之

右 國史館本傳

李廣芸字生甫江蘇嘉定人祖芳父夢璉乾隆壬戌進士江西甯都直隸知州君少從錢辛楣先生學孝於繼母敦品節礪廉隅爲時所稱通六書蒼雅三禮善屬文以禮經史志爲根柢在文家別開一徑慕許叔重之學故又字許齋乾隆庚戌以二甲進士用知縣發補浙江孝豐縣五十九年調德清縣嘉慶元年調平湖縣二年卓異候升三年冬九卿中有密薦君者 特旨問巡撫阮元元以廣芸爲浙省第一賢員守潔才優覆奏奉 旨送部引 見以同知用尋升處州府同知調嘉興府海防同知八年三月奏委署

台州府知府奉 硃批此人可用閏六月升授嘉興府知府十四
年丁繼母憂歸十六年服闋補福建汀州府知府十九年調漳州
府知府秋擢汀漳龍道二十年秋擢福建按察使署布政使十二
月卸事 陛見回閩九月旋擢福建布政使君性廉正敝衣疏食
率以爲常任監司無異寒儒自爲縣令至藩臬所在皆有惠政得
民心感民以誠久而益篤其治平湖也承前令廢弛之後盡心撫
字訓士除姦邑中稱神明下車之日以陸清獻曾官嘉定而已以
嘉定人官平湖首謁其祠爲治勉法清獻其守嘉興也正己率屬
莫敢以苞苴進者生辰令節閉戶卻掃元理浙漕持官民軍三者
之平多用君之言至今沿其法五年金華處州水災元已馳奏

恩振矣金華民苦無錢錢價大貴處州苦無米米亦貴元加銀二萬兩付君曰惟惠於民任便宜爲之君以銀之半易錢載至金華加振民百錢民益安而錢價頓平又以銀之半買米於温州運處州減價糶之復以糶錢輓輸運米而米亦賤十年嘉興水災君奉檄減糶實惠及民復分廠振民以粥食數十萬人粥厚而吏不侵全活者眾及莅閩亦多惠政任漳州時漳俗獷悍睚眦小怨兩族聚眾持兵械相攻撞甚則施槍礮殺傷人名曰械鬪其負者輒告諸官官拘犯則又匿而抗故縣令必會營兵以往糗糧之費獨責之縣以故縣皆困君初至有歸德堡某姓械鬪龍溪令黃懋修束手無所施君亦未有策朱履中者內狡肆而外樸誠攝平和縣事

受代來謁君詢曰平和亦械鬪乎曰有之擒渠必以兵乎對曰爲民上者平日不以徭訟擾民遇有應捕主名飭里長縛以獻無不如指兵則多費矣安可用乎君諦之愿人也視爲真能感民者乃請於督撫以朱代黃逾月不辦督之朱曰莅事新足未孚也又久之知其終不辦也親率兵往治無所得乃費帑七百兩旣訖事與朱分任之數月遷汀漳龍道未幾又遷按察使署布政使會甄別朱爲教職朱虧鹽課五千餘兩抵以他款數相當代者張均不聽抵漳守畢所詣昔納朱賄而今苛督之朱窮且愼具揭督撫謂虧帑由道府婪索督撫合詞密奏君遷布政使甫二旬而解任矣君之在漳也有監造戰船不如式被駁重修君已去任家人稱貸於

朱以竣事而君不知也質訊時朱據前二事指爲贓私家人自承稱貸事實有之而君愴不知總督桐城汪志伊益疑之飭兩司及福州府必欲窮其獄歲除至漏盡乃罷正月四日復促君對簿君終不肯誣服十八日總督謂獄不成將并罪按事者福州知府索詞急聲色益厲君恐爲獄吏所挫辱夜楹於牀以及資屬相與泣士民數千人走數百里號哭於門累月不絕事聞上使吏部侍郎熙昌副都御史王引之理其獄乃抵朱履中等罪督撫皆罷斥閩士民林光天等公呈於使者云故藩李公學殫經術才裕藩宣簡在天心惠孚民望歷宦卅載居閩五年先縮郡符洊躋方伯持躬謹飭莅事精勤抱慙依忠安良戢暴其平反疑獄囹圄無

冤禮士愛民窮黎存活莅漳時首械書役蠶風斂迹閩郡稱神其
止息鬪爭則如龍溪縣屬之歸德堡鄒蘇滿巨族仇殺多年公察
知緣爭占祠墓起衅親詣秉公勘斷兩造冰釋相安無事其禁戢
萑苻則如漳屬九龍嶺扼要處所設立堆房兵役防守商旅坦行
土盜蔡可黃鐘在海伺劫勢漸鴟張公移行沿海廳縣嚴查口岸
匪船逃竄隨後督飭漳浦詔安等縣拏獲盜首所有議敘仍歸各
屬不自居功此仁教最鉅傳頌至今其他善績不能殫述詎意本
年正月卸事身故部民同聲嗟悼雖荒村僻里婦人童子亦知歎
惜公館臨終景況淒涼不可言狀質衣買棺殮具儉陋零丁孤寡
幾至停炊行道聞之莫不感泣省會士庶拈香拜靈者風馳雲集

汀漳憲轄人民咸爲設位弔祭誦經禮懺共抒哀思猶恨無以爲報伏念生而澤被閩閩歿而貧逾韋布義有必勸德無不酬林光天等泣號昊天若半途而失父母尸祝飲食宜百世以祀春秋在朝廷議禮秩宗且俟馨香於名宦在草野報恩身後非同違禁之生祠見今閩省士民捐貲建李公遺愛專祠以慰輿情而存公義得旨允行之且諭曰斯民直道之公也祠今建於懷德坊鹽法道孫爾準素與李君善經紀其喪君歿後家無以爲炊柩之歸也士民僚友頗多賻贈君之子尙尙幼幸以餬餽粥居於嘉興評曰元在史館欲纂儒林文苑循吏三傳儒林甫脫橐俄奉使出都文苑循吏未之纂也李君之事既論定上硃書使者奏中

曰良吏洵榮袞也元故以良吏名此傳以貽史館之纂循吏者

右傳阮元撰

余讀漢史趙廣漢韓延壽蓋寬饒蕭望之王嘉諸傳未嘗不廢書而歎也自古賢不肖異趣如冰炭不相入其勢固然乃若兩賢相遭而齟齬齟齬不至傾踏不止何與寬饒詆挫於有司望之讒構於宦寺嘉見劾於馬宮夏侯勝諸儒卒皆抱忿自裁天下憐之至如長倩之劾趙韓抑又甚焉廣漢脅持丞相禍由自作延壽直因蘭陵忌害陷以罪法是豈容賢重能之道耶顧蕭王處衰世故觸羅網趙韓蓋並值孝宣英主而同時殺三賢吏刑罰可謂中耶縣官不白其冤吏民雖千萬人號泣守闕莫能籲請於朝報事及世

此尤漢臣之不幸已今李使君忠清正直橫遭天枉賴 朝廷神聖遠照覆益閩人義尙奉嘗不絕其情與蕭王同哀而其遇乃不啻過趙韓蓋等千萬也初閩中兩大府與使君皆從令長起躋高位督府錚錚疆介亦使君舉將也使君名顧出其右且骨鯁嘗庭爭督府行牘有所不可輒持不下必平反而後已以是數與督府忤會龍溪署令某不稱職使君爲監司檄改教官使解印綬去令慊之因雜摭公私計帳爲陋規誣使君受贓上書訐之眾長吏督府不之察遂與撫府謀遽登白簡然猶與使君相慰藉久之 命下則使所屬吏參鞫反覆駁摘數數連晝夜簿責吏迎風指輒摧辱使君故儒者素剛重名節位尊而見凌年且老不勝憤激遂自

經死嗟乎李將軍一武人耳尚恥對簿幕府自甘刎頸況使君乎
春秋之義爲賢者諱雖有一眚猶將覆蓋之不暇奈何讐貞良以
逞讒慝失休休之度而坐隳天下之寶也哉然使君旣死獄益急
禾鋤而肉躡轆轉株蔓讞不可成疏上 天子震怒 命二大臣
往覆治當是時閩中人情匈匈上下同聲嗟悼奔走皇皇涕泣祭
奠者踵接於使君之門同寮以下相與賻其喪優恤其孤不顧忌
上官黎庶相與悲憤謗讟累月不可止於是士民數百人候 天
使至遮道訟使君仁賢願其建遺愛祠以報惠政 天使以情入
告按覈所訐無左驗於是 制詔稱使君良吏清廉者再立黜
大府重譴諸傾仄吏而雪使君之污嘉斯民直道之公獄竟伸而

祠亦竟立嗟乎使君死誠過然非盛德有以不忘於人則鮑司隸
舉幡太學之義安得見於身後非 聖天子明見萬里愛惜賢才
則直不疑盜金之誣奚以辨而朱仲卿王稚子之廟食奚以遂耶
此趙韓諸子之所飲恨於九泉而孝宣之所含垢於千載者也使
君其足以不死矣祠在福州城南懷德坊其成也以嘉慶二十三
年夏五月始饗之日督撫以下畢臨祭鄉之人祇事不怠已屬余
爲之記其舍宇界址祀產條法及呈狀捐貲諸姓名則勒於他石
使君嘉定人諱賡芸字許齋第乾隆庚戌進士嘗從詹事錢曉徵
先生問業湛深經術令於越有循績舉尤異故相韓城大興今兩
廣總督儀真公咸重之 上親政初公卿密薦洊擢守郡莅閩治

如越不數年三遷至布政使駸駸界節鉞矣惜不獲竟其用然而
使君所伸固不以彼加此乃系以迎享送神之歌其詞曰
芳椒堂兮辛夷楣張雲幄兮山之陲靈下上兮辭峰乘夜月兮從
文狸蕉黃兮荔丹雜蕙肴兮朝餐視我民兮依依薦薄醑兮涕漣
靈之降兮醉醕魂睭睭兮嶺嶠搏桑升暎兮九幽晝耀佑福兮海
隅鳴金鼓兮簫竽尸祝兮世世靈來歸兮康娛

右祠記陳壽祺撰

閩中守令號難爲以俗械鬪故予嘗以問甲甲曰此有司之利藪
耳徐汝瀾以晉江富天下莫不聞已而龍溪有鬪而傷令者予又
以問乙此非民悍耶乙曰噬肉及骨知死而一反之耳客有笑者

曰君等焉知之吾則嘗至閩矣挺者刃者矛者千百聚而戰官吏發一語立剗其胸可得而治邪苟治之非用兵一大懲創之不可予因言昔抱翼王先生治南勝大獄單騎入深山中數百里縛其渠出而諸不逞者咸惕息聽命何也客曰此雍正時事今何能然而予乃今得聞鄒齋李公之治漳也公始至悉召鄉約里正至廨飫之酒而問之曰夫關生於爭曲直 朝廷設官正以平爾曹曲直也奈何不告官而私鬪爲皆曰告官或一二年獄不竟竟亦是非不可知而且先爲身累公曰固也今吾在獄至立剖有不當更言之一無所徇護何如皆起立曰幸甚公曰然則私鬪奚可哉歸爲我徧告諸鄉民後更鬪者吾必禽其渠毋恃賄脫苟有居業吾

且盡焚之無悔皆唯唯退然亦不知公之治之果何若也已而有鬪者公立調營兵往捕治悉酬所言鬪者大懼公乃日坐堂皇重門洞開吏役更番侍有愬者直入至公前公命役與俱召所當治者而限以某時日不至則杖役至則立平之釋去獄辭之當存者卽案前命吏代之書不費一錢民皆懼呼曰李公活我雖外縣事皆遠走赴愬於公不詣縣雖例有當自縣達者亦詣公公先詢大都而後下於縣縣以不敢稽漳大治終公任三年無鬪者先是漳患盜公召景跡人問之曰某村某堡皆土著邪抑有外來者邪皆對曰無外來者則命之具狀已獲盜窮治其往來日月蹤跡復召詰之曰若狀云何盜外來何以不禽也重予之杖則又大懼各密

訶其所管村堡匪不得容足終三年亦無盜公常曰南面坐讀書或校閱諸生文或見賓客僚屬言笑飲食皆不離堂閣不嚮晦不入龍溪人黃君亮國爲予言如此嗚呼今之民果異於昔邪果不可得治邪而且輕言用兵邪昔公嘗守吾郡其治意略同然浙西故無事但廉靜治有餘矣公不欲矯異以立名民亦安而忘之故其政聲獨顯於漳將所謂遇槃錯乃別利器者乎而其爲治之本亦不外於廉靜夫豈疾視其民矜搏擊之功而以爲能治劇也哉黃君言次動容太息謂如李公者而不意其冤死也方事之亟吾郡不謀而合者千餘人趨省會愬 朝使以報我公今祠宇之興於吾郡邑者十餘所而猶未已也予乃矍然起曰嘻予昔之所聞

奚又異於是也。初客有嘗官於閩者，謁選來京師，閒從容燕語，至公事，客曰：彼數千人訟公冤者，皆某公以利誘之耳。某公欲全李公，令名且以傾大吏，是說也。予疑之久，今予未嘗問黃君及此天也。嗚呼！言之可畏如是哉！夫子固無與於李公之獄者，而客之告予，詭誕若是，苟居其位，任其事，而欲求其事中之曲折幽隱，不實，豈不難哉！蓋小人翩緝之口，至於無所爲而爲之，而愈不可測矣。然則在上者，如之何而可曰聽於民。

右記事錢儀吉撰

RECEIVED
JUN 10 1964

156

156-842

國朝耆獻類徵初編卷百九十六目錄

疆臣四十八

李鑾宣

程含章

葉紹桂

魏元煜

唐仲冕

王紹蘭

左輔

福縣

臣等謹將月表彙編
卷之三十一

國朝耆獻類徵初編卷百九十六

通奉大夫前署江西巡撫江西布政使司布政使湘陰李桓輯
疆臣四十八

李鑿宣

李鑿宣山西靜樂人乾隆五十五年進士授刑部主事五十七年
任提牢廳五十八年補安徽司主事六十年遷湖廣司員外郎嘉
慶三年擢浙江溫處道九年擢雲南按察使先是建水縣民人龍
世恩誤傷小功服兄一案知縣劉璘錄供詳解經署臬司錢汝豐
審轉定讞將人犯畱禁司監鑿宣於十年接任據司獄陳錦章稟
稱龍世恩係屬頂兇其截斃龍顯恩正犯係向廷貴鑿宣未經訪

國朝通志卷之四十一
卷之四十一
悉輒委員提犯密審刑偏誣認經刑部駁奏 特命廣西布政使
恩長覆訊實鑿宣偏聽舛錯議請革職 從之十一年雲南巡撫
永保奏參鑿宣自審辦龍世恩一案自度平反錯誤例干嚴處遂
將應辦之命盜各案率多延擱內有應行撥減因被遲壓踰限卽
使立時招解審擬已在 恩旨之後未得均沐 皇仁應請審明
一體撥減 詔拏交刑部嚴訊十一月 諭曰李鑿宣身任臬司
於龍世恩戮斃龍顯恩一案平反錯誤被參革職後尙未離任轉
將解司案件耽延積壓踰限至二十餘案之多雖訊因伊父患病
精神昏憤所致但伊父本係迎養在署卽果染病證需伊侍奉亦
何致一時不能分身清釐案牘況伊自被參至今閱時已久伊父

並無他故自係藉詞諉卸李鑿宣著照部議發往烏魯木齊效力贖罪十三年三月釋回發往河工委用七月諭曰李鑿宣見在丁憂令其回籍守制俟服闋來京著軍機處提奏再降諭旨十五年二月命以六部主事用七月任坐糧廳十六年六月補兵部武庫司主事七月遷直隸天津道十八年正月徵收天津海稅一年期滿經總督溫承惠奏言鑿宣經徵海稅稽查偷漏甚屬認真所有十八年稅務應請仍委管理允之十九年七月調通永道八月授直隸按察使二十年三月調廣東按察使十二月遷四川布政使二十二年九月護理四川總督印務尋擢雲南巡撫卒

右 國史館本傳

石農先生爲詩四十年少卽遠遊不進息曰行行草官西曹曹有
白雲亭曰白雲初稟分巡溫處二州曰歐東集提刑雲南曰詔南
集謫迪化州曰荷戈集分巡天津曰七十二沽草堂吟草提刑廣
東曰訶子林集合爲堅白石齋詩集若干卷先生自髫年及於中
歲室家之近羈旅之遠科名之所際仕宦之所值多處憂患之中

右大雲山房文集張維屏錄

石農少失恃育於祖母長遭家變寡且貧備極艱難困苦而後博
一第由刑曹出爲溫處兵備道遷雲南按察使旋緣事謫戍輪臺
父歿於家尋荷 聖主格外恩放歸終制仍由部郎游陟方面

右繩柅齋文鈔張維屏錄

程含章

程含章先世改姓羅雲南景東廳人乾隆五十七年舉人嘉慶六年大挑一等分發廣東署封川縣知縣時有竊賊臨時行強案久未獲含章抵任未能據實揭報迴護前官朦混具詳經總督吉慶奏參革職九年投效海疆十年廣東之南澳澄海一帶與閩洋毗連時有閩匪出沒旬結土盜含章出洋巡緝獲盜渠賴簡明等十
一名救出難民許阿啜等七名巡撫孫玉庭奏請鼓勵得旨賞
還知縣原銜十一年帶領紅單船隻隨提督師船巡緝至佛堂門
洋面有被擄民人歐添爵等殺傷賊目赴船投首並縛送匪黨多
名鞠實問擬如律十二年巨盜梁亞金等據陽江縣屬馬尾洋面

含章率領兵役奮勇衝擊倭匪船陷巨浪中殲其渠擒獲無算敘
功居最送部引 見奉 旨發往廣東以知州用十三年署東莞
縣知縣十四年署雷州府同知時洋盜烏石大等糾眾滋擾含章
團練鄉勇出洋追躡並有斬獲十五年以海洋一律肅清論功得
旨補缺後以應升之缺升用十六年署連州直隸州知州尋補
化州知州十七年陸路清遠從化一帶著名洋匪悉數成擒下部
議敘十八年升南雄直隸州知州十九年因署連州任內失察連
山縣知縣徐鴻飛虧短倉穀限滿未完部議革職尋以鴻飛虧項
完繳開復原官二十二年勘丈南雄州屬地畝未兩年一律完竣
經總督將仗結保奏送部引 見 諭曰南雄直隸州羅含章於

兩年限內查丈未清地畝全行勘明開墾荒田清釐積欠洵屬實心任事著准其送部引見二十三年十月引 見發往廣東以知府用仍交軍機處記名十一月補惠州府知府二十五年七月調廣州府十一月擢山東兗沂曹濟道道光元年升山東按察使二年正月升河南布政使三月偕河東河道總督嚴烺會議馬營壩拋護碎石章程得 旨馬營工挑壩一道藉以攔沁歸黃向用柴工未能持久著照所議開段估拋碎石該署督等總當籌畫周妥爲一勞永逸之計閏三月查看河工情形籌議入奏略言欲治河南必以治河爲先務正本清源之道總在河員大法小廉減一分浮費便添一分工程實心修築加意隄防果能料實工堅自能久

安長治 諭曰羅含章既於工程料物及工員才能尙可勉力察覈善於三汛後屆期前往河道協同嚴煇相機籌畫實心稽查務當同心共濟俾河務益臻完善五月以沁河南北兩岸及攔黃埝工程危險請於司庫河工扣出銀六萬餘兩內支用五萬七千兩趕緊興修以資保衛經河南巡撫姚祖同奏入 允之六月升廣東巡撫 陛見日自陳九世祖程文俊搜拏野賊懼禍改姓爲羅至今未復請仍歸姓程 允之十一月拏獲疊劫賊犯胡亞賴等十九人置之法十二月調山東巡撫三年三月調江西巡撫以山東濟河禹城高唐等州縣被水歉收奏請減價出糶倉穀又以二里壩石隄年久淤塞請借支司庫節省項下興修均下部議行七

月奏道經江西德化縣地方江水漲發田廬被淹請賑卹又奏九
江南昌等府分設粥廠建設育嬰堂籌修白鹿洞書院增添膏火
請將鹽商呈繳公費支放得 旨所辦皆是依議速行十一月奏
拏獲三點會匪賴贊章等遣戍如律四年正月奏請借項修築德
化等處被水圩隄以衛農田 從之又奏買米賑濟僅補救於臨
時買穀貯倉可豫備於先事請於省城設立義倉遇有應行平糶
等事酌量動用以期經久 諭令妥爲經理不可有名無實二月
召來京署工部左侍郎辦理直隸水利事務尋奏言博稽直隸
治水舊案自 國朝雍正年間頻次大水欽差怡賢親王與大學
士朱軾治之歷五年而竣事乾隆四年復大水直隸總督孫嘉淦治

之歷兩年而竣事乾隆九年又復大水欽差尙書劉於義會同督臣高斌治之歷四年而竣事乾隆十六年直隸總督方觀承大修天津尾閘一次二十六七年又復大水方觀承治之歷三年而竣事以上四次共用銀數百萬兩自此水道通利者數十年迨嘉慶六年後漸次淤積道光二三年大雨滂沱被水州縣多至一百餘處則疏通河淀誠目下至急至要之圖矣蓋治水如治病治病者必先明受病之源流急則治其標緩則治其本循古人經驗之良方參今時變遷之證候然後病可得而治也以通省大勢觀之天津爲眾水出海之路若塌河淀若賈家沽若陳家溝若三岔河若興濟若捷地若筐兒港若王家務各減河皆所以洩水入海猶人之

有尾閘也東淀迴環數百里全省之水停蓄於此若楊家河若揚芬港若臺頭若三角若勝芳若辛張河若三汊皆淀中之河道猶人之有腹囊也大清子牙永定南運北運五大川乃眾水之大宗也流貫淀中猶人之有腸臟也西淀容納順天河間二十餘河之水南北二泊容納正定順德廣平三十餘河之水猶人之有胃脘也而其下傳送之區若馬道若清河門若張青口若玉帶若會同若中亭若盧僧等河猶人之有胸膈也其上若十字若豬龍若殷家口若三岔口若新河若新豐河吐納各支河水之流注也淀泊猶人之有咽喉也各屬之支港溝渠導引積水入河猶人之有血脈也今則消洩之尾閘無不阻塞停蓄之腹囊無不淺隘流貫之

腸臟無不壅滯收納之胃腕無不平淺傳送之胸膈無不淤積吐
納之咽喉無不壅滯流通之血脈無不凝滯加以各河淀之大小
隄埝閘壩橋梁無不殘缺每遇霖潦大至有不泛濫淫溢者乎此
直隸水道受病之部位情形也伏思自有直隸以來卽有此河渠
淀泊前乎此者不聞頻患水災自康熙三十九年以後常苦水澇
則永定子牙二濁河築隄之所致也昔孫家淦有言永定子牙河
向皆無隄泥得流行出閘而水不淤淀自永定築隄東水而勝芳
三角等淀皆淤自子牙築隄東水而臺頭等淀亦淤淀口旣淤河
身日高則田水入河之路阻於是淀病而全局皆病卽永定一河
亦自不勝其病總因濁水入淀滯散泥沈之故此又直隸水道致

病之根源也伏查永定河自築隄以來於今百有餘年河身高出平地丈有餘尺既不能挑之使平又不能廢隄不用雖明知病根仍在而無法可治亦惟見病治病多開閘壩以分其勢高築隄埝以禦其衝使不致潰決爲害而已至通省大局工段繁多自不能同時並舉惟有用治標之法先將各河淀之尾閘胸膈咽喉一律挑挖寬深挑出之土用以築隄使窪水得以暢然下注然後廓清腹臟通利腸胃俟大端就理然後用治本之法調理血脈將各州縣之支港溝渠逐一疏通俾民間灌溉有資旱潦有備三五年後元氣漸復此又見在辦理之先後次第也惟此番工程之大十倍於乾隆年間與其緩辦而費多不若速辦而費少與其零辦而費

重不若全辦而費輕此案工費斷非一二百萬所能完事請寬給
經費俾不致辦理掣肘 上嘉納之七月補工部左侍郎閏七月
奏修天津閘座隄埽各工九月奏修千里長隄以資淀水南趨均
如所請行十月請修河道橋壩澤要興工略言治水在一導字欲
治上游先治下游欲治旁流先治中流挑賈家口以洩永定子牙
北運大清四河之水挑西隄頭引河以洩塌水淀之水挑邢家坨
以洩七里海之水另開北岸一河以分督口之勢修復減河以洩
白榆之源挑濬三河頭一帶並添建草壩爲東淀之扼要挑濬馬
道河趙北口一帶爲西淀之扼要十二連橋橫互淀中亟應興修
以利往來並修復增河以分白溝上游之勢修復窩河以分白溝

下游之勢則水得就下之勢而支派旁流乃可次第導引矣 上
從之十二月授倉場侍郎五年三月因太平倉失火下部議處旋
授浙江巡撫時德清縣民婦徐倪氏謀斃徐蔡氏捏稱自縊一案
懸宕三年之久未能平反臬司王維詢檢訊甫得端倪以巡撫黃
鳴傑意見不合辦理掣肘旋復自縊經閩浙總督趙慎畛御史郎
葆辰先後劾奏 命含章督同臬司祁墳按治之含章請偕督臣
趙慎畛會鞫 上以意圖卸責嚴飭之尋鞫實定讞坐徐倪氏謀
殺律論死黃鳴傑下部議處原審原驗各員褫職鑄級有差嗣以
徐倪氏畏罪自縊含章入奏 諭曰程含章於此等要犯卽應豫
飭該管官小心看守不應如此疎忽著傳旨申飭務將全案犯證

國朝通志卷之八十一
速行訊結如再有疎虞恐不能當此重咎也五月御史錢儀吉奏
劾浙江糧船水手恃眾行兇營汛府縣畏蕙觀望御史王世紱陳
奏糧船水手設教斂錢請 飭查禁各一摺 命含章嚴行查辦
旋訊明習教滋事各情請嚴水手犯事之條重運官約束之責
上深是之七月議奏水手兇鬪殘殺多命罪依械鬪律糾眾欺凌
運弁橫索旗丁罪依惡棍詐財律下部議行八月奏海鹽縣未修
石塘請擇要分年辦理十二月奏請修復錢塘縣境袁家浦東江
閘座均 從之又奏監生徐晉錄舊中式自行檢舉請註銷舉人
仍畱監生原名應試 上以不符定制下部議奪俸六年正月奏
浙江鹽務溢銷多引庫貯寬裕得 旨嘉獎二月以衰病辭職

諭曰該撫年踰六旬精力並未稍衰著毋庸開缺卽在署好爲調
養俟病全愈卽當奏聞以慰廑注五月奏浙洋劫案盜犯無獲劾
黃巖鎮總兵羅光韶巡防廢弛請嚴議並捕務疎懈之遊擊張君
昌等奪職撤任有差八月以義烏縣歉收請緩徵十一月調山東
巡撫十二月奏棍徒徐鳳山聚眾鬧漕拒傷官兵已將要犯全數
捕獲 諭曰浙江仁和縣等處民情刁悍敢於開倉收漕時不遵
示期蜂擁入倉拆毀棚廠捆毆書吏拒傷官弁兵丁實屬目無法
紀非地方官日久因循何至有積慣鬧漕玩區名目此等匪徒豈
不畏法若不從嚴懲辦何以警刁風而肅漕政著新任巡撫劉彬
士親提嚴訊從重定擬具奏七年閏五月列款劾奏浙江巡撫劉

杉士聲名平常批駁商綱各情 上命閩浙總督孫爾準密查具
奏尋查劉彬士莅任數月盡心庶務操守謹飭惟批駁商人一節
應於認真之中寓休養體恤之道疏入 諭曰朕行政用人一秉
大公至正督撫大吏如果實有簞簞不飭聲名狼籍者大小臣工
原許風聞入奏朕從不肯顛預了事必將貪黷之員立即斥革然
必須劣蹟昭著確有憑據豈容以捕風捉影之詞妄行參揭程含
章率聽不根之言無端入告伊視朕爲何如主輒敢以此等伎倆
巧爲嘗試耶程含章陳奏不實之咎實無可辭著交部嚴加議處
卽來京聽候部議六月劉彬士劾含章提用商綱銀兩額外溢支
並漏追餘價等情含章回奏各執一詞 上命兩江總督琦善偕

浙江學政朱士彥按之奏入 諭曰程含章查無額外溢支及漏
追餘價情節其回奏存畱商綱一千餘兩聲敘舛錯且出貨捐辦
各項於該商寬裕時照數提還實屬見小至甄別副將鄧宏泰參
將吳賜及委令徐慶超李鶴松遞相接署具奏後始行知照提督
亦與體制未協均應交部議處惟伊從前列款奏參劉彬士率聽
不根之言妄行入告爲先發制人之舉其咎尤重經吏部議以革
職本應照議罷斥姑念其平日居官尙好程含章著加恩以員外
郎用以觀後效八年二月選刑部員外郎九月升福建布政使九
年因病陳請開缺十年以福建藩司任內辦理五百兩以上工程
未經照例詳奏又未將司庫盈餘申詳部議補官日降二級畱任

通判
罰俸六箇月十二年卒子承休福建上洋通判孫洪源江西候補

右 國史館本傳

乾隆五十七年公鄉試中式嘉慶六年大挑分發廣東署封川縣
事以盜案落職九年公請出海效力獲盜奉 旨復原官十一年
隨提督出海擊大盜升知州十四年署海安同知十九年補南雄
州二十四年升惠州府知府二十五年調廣州冬擢山東兗沂曹
道未到任升按察使道光二年升河南布政使秋奉 命巡撫廣
東三年調山東又調江西四年授工部左侍郎調補倉場總督五
年授浙江巡撫七年復調山東八年以浙江鹽政任內事降補刑

部員外郎是年秋授福建布政使十年以病請開缺秋歸里十二年三月以疾終於里第年七十有一

公任南雄州先是南雄田糧沿前明之舊分爲三十一則頭緒繁多無從稽考民間有納租而不完糧者有完糧而不得管田者公與士民議去舊則不用惟以見在田之肥磽分科之輕重定爲七則不足額糧以新墾田勻攤補足糧隨田出每田給與用印勘單一紙買賣以勘單爲憑百姓稱便

公署海安同知海安兵不滿百賊言欲取倉穀人心惶惶公製五色旗團練鄉勇下令曰賊來我當先又招募漁船分派壯勇殲賊數百賊不敢犯

公自李夫人歿後三十年旁無姬侍公餘輒手一卷所著有讀鑑
辨正明倫述要及嶺南諸集

右聽松廬文鈔張維屏撰

葉紹榘

葉紹榘浙江歸安人乾隆五十年由舉人於四庫館議敘授內閣中書五十三年丁母憂五十五年服闋補原官五十八年進士改庶吉士六十年散館授編修嘉慶三年二月大考二等五月充日講起居注官四年二月改河南道監察御史四月命巡視南城十月奏請編查保甲條六事上之一繕造之法十家一牌設牌長給冊二十葉門牌十張註明人丁戶口彙交甲長訂循環冊二循冊存州縣官署環冊交甲長備查門牌發各戶懸挂一牌冊之式冊用堅厚棉紙牌方尺餘爲度一循環之法遷移生故各於環冊內改注四季月朔繳官領回循冊隨時更改及換冊之期復將

循冊繳官環冊領回門牌一體改注一稽查之法州縣官因公下鄉攜所過村莊之冊遇有耆老童叟詳加質訊或於審理詞訟時隨意詳結取冊覈對一詰奸之法凡結會燒香妄言禍福之徒以至兇徒惡棍均責牌甲舉首一勸善之法厚德篤行者公舉以聞官爲優禮得旨允行五年轉掌江西道監察御史六年五月充雲南鄉試正考官八月命提督雲南學政九年三月奏東川府學額舊十五名雍正年間因考試人少減去五名今人文漸盛請復其舊廩缺舊減至八名請增爲二十名下部議行十二月差竣回京十年命巡視天津漕務十一年四月以雲南銅運疲累請將正運六起減去其額運銅斤併於五起內帶運其運員依限解

交足額者未補實缺人員歸部卽行選用 允之六月升工科給事中十一月請將教習期滿以知縣選用人員扣足五年分發各省試用下部議行十二年轉刑科掌印給事中十八年二月京察一等七月升鴻臚寺少卿十月奏請申嚴保甲將嘉慶四年所進規條重行繕錄進呈 諭曰葉紹楨奏陳直省保甲事宜朕詳加披閱頗爲簡要易行著發給直省督撫通飭所屬各州縣一體倣照辦理若視爲具文廢置不辦以違旨論十一月遷順天府府丞旋升大理寺少卿十九年授廣西布政使二十二年擢巡撫二十三年三月入 覲護巡撫富綸奏參桂平縣知縣史棻遲誤兵米並將署藩司程卓樑附參卓樑以未將伊稟揭情由聲敘稟兩廣

總督阮元事 聞嗣紹榷回任查明卓樑所稟屬實富綸情詞支飾意存挾制請欽差大臣審理十月富綸劾紹榷回護卓樑消弭重案並廣西吏治廢弛延案不結虧缺倉穀偷減錢局等弊命刑部侍郎文孚會同阮元往按之紹榷解任候勘二十四年二月給事中卿祖培奏參廣西臨桂縣地方多盜商船市肆屢被搶劫請旨究辦仍飭文孚等查審得實紹榷以緝捕不力部議降二級調用諭曰粵西附近省垣地方盜犯七十餘人一夜連劫六家平時既疎於防範呈報後又未能將首從各犯全數拏獲葉紹榷著照部議降調閏四月文孚等訊明富綸所參紹榷各款皆誣惟於賓州知州明安虧短官項聽其將次年地丁耗羨銀劃抵

含混題升部議降三級調用以同知直隸州知州候補六月 上
以紹樞年老多病人亦輒弱不勝外任 令以六部員外郎用二
十五年十月 賞侍郎銜 派守護 昌陵道光元年卒

右 國史館本傳

國朝文獻通考卷之八十七

七

魏元煜

魏元煜直隸昌黎人乾隆五十八年進士改庶吉士六十年散館授檢討嘉慶三年大考三等改主事籤分吏部四年補官五年充四川鄉試副考官七年三月充會試同考官十一月遷員外郎九年二月京察一等七月升郎中尋授江南道監察御史十年三月以兩廣總督那彥成請發往廣東以道府用六月諭曰魏元煜前於簡發廣東具摺謝恩時當經召見卽奏稱伊父年老患病惟因粵東見當需人之際不敢懇辭俟稍痊卽行起程今據呈稱乞假三月情殊可憫魏元煜著仍在京供職俟有御史缺出該部卽行奏補俾得就近侍養遂其烏私是月仍補江南道監察御史九

國朝志
卷之二十一
三
月轉掌湖廣道監察御史十月丁父憂十三年服闋補山西道監
察御史尋轉掌貴州道監察御史十四年請將京察一等人員無
論本衙門會否題升准於復帶引 見時一體保送 諭曰向來
吏部復帶引見由本衙門題升者槩行扣除若一體復帶是該員
已邀升轉復得遂其外用之心此奏近於沽名邀譽著傳旨申飭
十七年調掌河南道監察御史十八年二月京察一等七月授江
蘇江安糧道十二月以前在御史任內失察本省逆匪林清滋事
降三級調用十九年五月捐復原官六月授浙江杭嘉湖道九月
調江蘇蘇松糧道二十年遷浙江按察使二十三年遷廣東布政
使二十五年擢江蘇巡撫道光元年疏言江蘇倉庫虧缺節年追

補未清若不暫免處分州縣官多方迴護仍不免那新掩舊致滋
軼轍請將從前完解不足各州縣暫緩議處俟新賦提解如額再
行覈辦 上如所請二年授漕運總督三年四月以軍船領運漕
糧某幫應兌某倉須有定制江西或拈或派屢次更張未免日久
滋弊除饒州撫州兩幫便兌饒州府等屬漕糧都昌縣輪兌尾幫
均循舊章辦理餘十一幫領兌四十餘廳縣漕糧請將各倉秉公
搭配照幫分爲十一籤分別掣定自道光三年新運起三年一屆
由後推前挨次輪轉不必再掣如船多米少以後倉米數撥補米
多船少以後幫船數找兌 從之十一月因江西鉛山幫空運過
淮夾帶私鹽漕標中軍副將滿坤查明往捕以軍器戕斃三命

上以元煜疎於查禁下部議處尋議降調 上加恩改爲畱任四年三月以漕船水手恃眾逞刁凌虐商旅並有隨幫匪棍互相勾串疏定章程嚴禁之先是 上以漕船私帶貨物偷漏稅課 命元煜查明喫水尺寸移會山東巡撫委員在東昌一帶照冊查驗四月元煜奏喫水尺寸自乾隆年間定制後以灑帶搭運等項逐漸加增不能倣照舊制請自本年爲始江浙以三尺八寸爲度湖廣以四尺三寸爲度 上允之十一月以本年禦黃壩堵閉遲延黃水倒灌洪湖高堰山盱隄壩潰決 命吏部尙書文孚禮部尙書汪廷珍前往查辦旋罷兩江總督孫玉庭任以元煜代之玉庭仍以大學士畱工督辦河漕諸務調倉場侍郎顏檢爲漕運總督

協同等畫時清水宜洩過多明年重運經臨不敷浮送玉庭援照
嘉慶年間成案倡借黃濟運之策元煜亦以爲請且言自清江上
游至平橋一帶開段淤淺非大加疏濬則引黃入運無以爲受淤
之地見在估計興挑俟明年夏至前黃水尙未渾濁之時將軍船
竭力趨挽埽數渡黃 諭曰魏元煜奏淮水洪澤湖水勢情形兼
籌及清江上下一律挑濬寬深引黃入運不致受淤意在權宜辦
理朕亦不爲遙制但河漕全局關係重大若祇顧目前之計將來
運河受病愈深挑濬愈難誰執其名文孚等接奉此旨卽著會同
細心察看籌及萬全務令軍船早日北來而運河亦無後患方爲
至善文孚等尋亦如元煜所請 上從之五年正月以南河運口

及興築高堰山時各要工同時併舉請調原任江蘇按察使林
其徐河南河北道鄒錫淳等來工分段督催 允之二月啟禦黃
壩引黃入運三月運口淤墊軍船艱於挽渡偕孫玉庭奏請封雇
民船盤才起剝並請帑一百二十萬兩 諭曰前已動撥工需銀
三百萬兩今復以轉輸之正供多此虛糜之帑項轉瞬明年重運
經臨又將如何設法該督等清夜捫心能不爲朝廷度支計耶此
時姑允所請惟當激發天良加意撙節凡今歲回空開年重運應
辦事宜務當及早籌畫勿得昧於機宜又致臨事周章動輒請帑
先是 上以借黃濟運究非善策欲令江蘇之蘇州松江常州鎮
江浙江之杭州嘉興湖州等屬漕船改行海運下元煜等議元煜

以窒礙難行奏覆四月協辦大學士戶部尚書英和請暫雇海船以分滯運酌折額漕以資治河復下元煜等議元煜奏請仍徵本色至海運事關初始如蒙 宸斷施行再督飭司道詳晰妥議上以其意存推諉非實心任事之道嚴飭之五月以黃水消落禦黃壩內外停淤旋即堵合在後軍船不能挽抵原議之高坂頭等處 諭曰魏元煜本係漕督經朕簡授兩江總督漕運河工皆其所轄未能籌辦妥協有誤漕行著交部議處尋議降調 上加恩改爲畱任復授漕運總督擢山東巡撫琦善爲兩江總督六月因裏河揚河運道淤墊請築壩蓄水浮漾軍船並於淮城以上停淤最厚之處挑河切灘 上允之旋以水勢短絀尙餘漕船一百萬

石不能盤運請於淮安揚州所屬州縣暫行存貯俟明年搭運
諭曰孫玉庭顏檢並不通盤籌畫天良何在可謂喪心之至魏元
煜前此會同籌議一味扶同遷就亦不能辭咎琦善係新任總督
無所庸其迴護著將見在未渡軍船究能全數盤運與否抑別有
籌辦之法悉心妥議由驛速奏琦善旋詳陳黃運兩河淤墊及幫
船淺阻情形 諭曰魏元煜身任兩江總督不特有兼漕務之責
且漕督是其舊任乃坐視事機之敝壞隱忍不言糜帑病民是誠
何心著降爲三品頂帶暫畱漕督之任以觀後效是月卒子亨遠
江蘇揚州府知府亨誕二品廕生候選通判升用知州

右 國史館本傳

唐仲冕

道光七年三月念二日致仕陝西布政使陶山唐公卒於金陵寓
邸公有德於吳聞者輟春相海州之民尤悼具事狀請祀於名宦
祠蘇州亦繪像刻石滄浪亭適長君鑑卜葬有期以澍知公尤深
來請銘澍不敢辭謹按狀公諱仲冕字六枳世爲湖南長沙府善
化縣人曾祖啟科祖學文國子生父煥乾隆辛酉舉人山東平陰
知縣有惠政祀其地曾祖妣劉氏祖妣彭氏母李氏譚氏三代皆
以公貴 誥贈如例譚太夫人生子三公其次也年十二應童試
學使盧學士文弢大奇之舉乾隆甲午鄉試癸丑成進士以知縣
分發江蘇補荆溪初莅任卽決陳獄數十老吏驚服調吳江地濱

太湖多盜柵至則審戶籍界垣墉別良楛一革其舊尋調吳縣辦
清漕擢知海州州鄰山東鄒沂境梟匪出沒倚羽山爲巢穴白晝
攫人財物名曳刀手計擒其渠餘黨遁跡先是州試附淮安府道
遠罕赴又無書院肄習士益側陋公乃勅石室書院甄拔俊異親
授讀書之法言於學使者奏請歲按臨卽石室爲考棚試竣仍以
棲學者由是文教大起爲江北冠州城不通舟米薪無市爲鑿渠
自新浦口達東門濠長千餘丈時嘉慶九年也因名之曰甲子河
州人便之更呼爲唐公河歲歉請寬肩負私鹽之禁以卹災黎官
爲給券謂之爲鹽公餘則駕杉船渡海至高公島鷹游門人跡罕
至之區以按察充並諭父老子弟大義焉在州四載民大誠和量

移通州攀轅畱者幾萬比至通值淮大澇急買米設粥且請弛關禁以便流民革喊稟之俗以懲吏胥時大吏皆賢公連署松江蘇州府癸酉推升福建建甯知府總督張公百齡奏請以道員畱江南檄查海州安東阜甯諸淤地按畝升科公謂此舉近牟利而實無利可謀不如其已旣知事難中止則請照舊賦之下則三等分別定則訖事無擾已復檄濬吳淞江公以江之淤由海潮挾沙宜疏來源除內壅修閘壩大舉一勞乃可久時以費絀不能盡用其議至今惜之公年四十始釋褐爲縣令積勞至二千石勤懇練於事先後督撫如岳公起黎公世序及張公皆深加倚重顧清羸善病常志退閒諸公輒勉畱之一署河庫道兩署按察使 今上卽

位拔用人才多不次公以候補道員 特旨擢福建按察使元年
五月抵閩九月擢陝西布政使在陝僅一年三護巡撫印查勘南
山收成及議覆錢糧加耗諸疏皆順輿情四方想望風采庶幾大
竟其用而公則已老矣三年正月遂致仕公為政務大體不喜操
切而察吏懲奸無稍姑息在閩時有陳某者以海盜投誠積官至
副將性婪虐索賄於騎都尉某不遂則誣以事公廉得其實治陳
罪閩人大快權蘇臬時富宦僕茅某濫膺五品公立按之如例人
尤服其廉明學本庭訓以通經為致用服官三十年未嘗一日廢
書布衣幅巾蕭然儒素海內識與不識皆稱為陶山先生所著五
禮六聯表儀禮蒙求家塾蒙求陶山文錄詩錄詞錄岱覽若干卷

行於世晚歲撰退閒錄經學錄泰階六符又擬撰衡疏未竟而卒
距生於乾隆十八年九月初八日年七十有五配甯夫人先卒子
三長鑑己巳進士翰林院檢討浙江道監察御史廣西平樂府知
府娶甯鄉王氏宗人府主事文清孫女繼鄞縣楊氏温州府知府
兆鶴女次鏌浙江鹽運司副使娶本邑甯氏繼江甯楊氏山東長
清縣知縣宣女次鏞甘肅涇州直隸州知州娶甯鄉黃氏文學燦
女女二長適邑增廣生黃棧次適江西上清司巡檢陳玉衡孫男
三爾羨聘京畿道御史賀熙齡女爾鴻聘同邑舉人俞超孫女皆
錢出爾澗鑑出孫女八鑑出者七長適工部侍郎宛平顧德慶之
子廕生蘭徵三許字翰林侍讀錢塘戚人鏡之子其一錢出初譚

太夫人卒於山東官舍遂葬肥城之陶山故公以自號並改鑑鏡籍其地遺命耐葬山向以甲庚銘曰

生衡宗藏岱宗考焉宦妣焉宮生焉侍沒焉從鬱松柏馬鬣封繫唐氏系陶同宅於茲蔭無窮黃鶴返白雲滄魂來往故鄉通

右墓誌銘陶澍撰

今天子卽位不次用人元年湖南長沙府善化縣陶山唐公以候補道擢福建按察使司按察使晉陝西布政使司布政使護理陝西巡撫疏累上皆報可余喜公得大用有自陝來者言公老且病余驚愕三年正月致仕寓金陵七年三月二十二日卒年七十五金陵之人走相弔今年春余承命勘南河公長子鑑余己已

主試禮部所得士也將卜葬公於山東肥城之陶山捧墓誌乞余銘公之碑余曰嗟乎公余舊學也當乾隆己酉公會館余家甫一月聞訃歸癸丑二月重來榜發同成進士余與公蓋友而兼師今公卒屈指弱年師友零落幾無存者何忍不銘公公諱仲冕字六枳父令山東平陰母太夫人卒於官舍相地得陶山故公號陶山公與余以學問相長初以卽用令分發江蘇余以公宿儒或憚於作吏而公循聲大起所知縣曰荆溪曰吳江曰吳縣所知州曰海曰通所署府曰松江曰蘇州嘉慶癸酉推升福建福州府督撫謂公不可去江南奏請以道員畱一署河庫道兩署按察使司按察使終陝西布政使司布政使公之卒海州之民尤哀悼具事狀請

祀於名宦祠余按其狀曰州疲邑也鄰山東郊沂境曳刀手倚羽
山爲巢公殲其魁餘驚潰惟公能除暴再曰州濱海隩區高公島
鷹游門姦宄多出沒公巡洋遇颶風無懼色惟公能靖氛再曰州
之試附淮安府往來維艱公搆石室書院親授讀言於學使者歲
按臨卽石室爲試院士競奮惟公能振文風再曰州之城不通舟
楫米薪無市公鑿渠自新浦口達東門長千餘丈民呼爲唐公河
惟公能盡水利敢具狀以請松江之士大夫亦有謂余者曰往者
總督張公百齡檄公濬吳松江公議曰江之淤由海潮挾沙疏來
源除內壅修牾壩不大舉者不永逸時以費絀不能盡用自前年
冬今中丞陶公重濬費巨萬使當時盡用公議今雖無濬可也公

自進士起家至大吏中間遇升擢送部引一見必至余家言民之
戚若疾痛之在身惜居陝僅一年三護巡撫未竟公之志然江南
之思公深矣公生平不廢書著作宏富海內學者未謀面必尊曰
陶山先生蘇之人士至繪公像刻石滄浪亭以繼歐蘇余與公詩
札往來如山余曾爲公撰岱覽序遺編猶在手迴憶三十年間忽
忽若往日事蓋不勝羊曇華屋之痛余既重鑑請書公之碑公三
代 誥贈諱氏取某氏子幾人孫幾人凡誌於墓者銘之外不復
著重知公寫余思也鑑翰林院檢討浙江道監察御史廣西平樂
府知府有學行嗚呼公未竟之志將有待於鑑銘曰
巍巍衡嶽實產唐公自南徂北惟余之從公宦吳邦兩膏風仁歷

有多年父母我民 天子曰吁聞汝材美承宣泰雍公則老矣連
珠綴玉惠我以詩人之云亡悠悠我思卜吉於陶以從厥母勒詞
貞珉永示公後

右神道碑銘劉鴻朝代某撰

閩門滄浪亭有五百名賢像石刻首吳泰伯終唐陶山爲時所推
重如此

先生孜孜著述嘗結廬墓側教授岱下撰岱覽三十二卷又欲輯
湖南詩徵未成臨別諄諄屬余且曰將待此以瞑目

許石華大令云吾師做古人一官一集之例有臨津集松陵集胸
海集蘇學集又西行南旋東歸諸集

右沅湘耆舊集張維屏錄

先生幼承庭訓學有本原明體達用有古名臣風性孝友白以其父官平陰貧甚母卒不能歸櫬營葬肥城縣鴟夷山山故陶山之麓也因以爲號嘗結廬墓側教授岱下撰岱覽三十二卷以寄哀思

右沅湘耆舊集鄧顯鶴撰

日本書紀卷之六十四 孝元天皇

三〇

王紹蘭

王紹蘭浙江蕭山人乾隆五十八年進士以知縣用籤分貴州親老告近改掣福建六十年補屏南縣知縣嘉慶元年調惠安縣二年調閩縣四年福建巡撫汪志伊以紹蘭守潔才優輿情愛戴保奏 諭曰王紹蘭原係好員朕已早知其名見經在京大臣業有三四人將王紹蘭之名在朕前密保者朕正欲降旨詢問該員官聲若何今汪志伊復將居官實蹟破格保奏可見該撫於察吏尙能畱心王紹蘭著加恩送部引見另候擢用五年引 見仍發福建以知州用時汪志伊人 覲 上命以紹蘭用之漳泉六年以知州銜借補泉州府馬家港通判七年升泉州府知府八年漳州

府屬胡林等械鬪案發該管守令有失覽察礙職遣戍如律疆吏
奏聞 上以紹蘭擢任泉州後頗能整頓民俗漸馴械鬪日少
嘉之十二年授興泉永道十三年正月以拏獲洋盜蔡牽義子
蔡三來並黨匪鄭昌等下部議敘六月擢福建按察使十四年丁
母憂十六年七月服闋十月仍授福建按察使十八年二月署布
政使三月升布政使十二月以失察安溪縣匪徒詹天香擄人勒
贖致斃滅屍未將正犯拏獲部議降一級畱任十九年擢福建巡
撫二十年正月兼署閩浙總督二月以浙省歉收米價昂貴請撥
運閩省倉穀以濟民食由驛具奏 上允所請復以此摺率發驛
遞 飭之八月以雞籠三貂各洋面有盜船往來官兵追捕互有

殺傷經臺灣總兵武隆阿奏入 諭曰閩省洋面自蔡牽朱瀆等
剿捕淨盡洋面久已肅清今又有盜船在洋伺劫此由該督撫不
能督飭沿海文武員弁稽察周密嚴斷接濟汪志伊王紹蘭王得
祿俱著傳旨申飭九月以安溪縣兇犯劉路持械奪骸斃命案懸
至八載未經定讞 嚴飭之二十一年正月奏查閩省各屬虧那
捐賠各款劾長泰令趙敏文虧缺未完請褫職查辦 上命分別
咨追勒限催繳歸款無任懸宕以清帑項七月御史盧浙奏閩縣
地方有裹躡婆及花會名目大爲風俗人心之害 命紹蘭偕督
臣汪志伊查拏嚴禁尋以懲辦情形入奏 諭曰該督撫雖先後
獲犯多名然查緝不可少懈仍當畱心加意整飭以期除暴安良

俾吏治民生蒸蒸日上也二十二年三月兼署閩浙總督籌議天津海口添設水師官兵船隻礮械章程偕汪志伊奏言請以福建左營遊擊文應舉升補天津新設參將瑞安協左哨千總莊廷龍升補天津守備福建抽裁兵丁四百三名浙江抽裁兵丁一百七十名交天津新設水師照額募充分營管轄橫洋大同安梭船一隻作爲天津大號戰船並將一號同安梭船趕造齊全配裝礮位撥弁駕送又於金湯寨筆架山等處挑選礮位四千餘斤者爲天津安設臺墩之用二千餘斤者爲天津裝配戰船之用 允之先是龍溪縣改教知縣朱履中稟許升任藩司李麐芸收受規費奏請審辦 上命紹蘭偕汪志伊按之尋因會審時知府涂以翰偈

令誣承致賡芸含冤自縊事 聞 命吏部侍郎熙昌禮部侍郎
王引之往鞫五月定讞李賡芸實由被逼自盡請將朱履中發往
新疆涂以鞫發往軍臺汪志伊王紹蘭交部嚴議 上以李賡芸
之死由於汪志伊固執苛求成於涂以鞫勒供凌逼以鞫遺戍新
疆志伊褫職紹蘭隨聲附和疊次聯銜具奏下部議處部議奪職
諭曰王紹蘭身任巡撫刑名是其專責李賡芸被逼自盡固由
於汪志伊刻覈苛求王紹蘭係同審之員果能持正商阻汪志伊
或不至偏執己見涂以鞫必不敢肆意凌逼李賡芸亦不至憤激
輕生卽或汪志伊執拗難回王紹蘭儘可據實單銜陳奏乃一味
隨聲附和釀成巨案實屬溺職著照部議革職七月閩浙總督董

教增奏紹蘭交卸印務赴京謝恩得旨王紹蘭係革職之員分不謝恩傳諭浙江江蘇山東直隸各省督撫飭知沿途地方官截令即日回籍不許來京道光十五年故

右 國史館本傳

左輔

左輔江蘇陽湖人乾隆五十八年進士以知縣用分發安徽補南陵縣知縣嘉慶二年調霍邱縣旋以南陵經徵錢漕未完革職離任四年奉 旨送部引見仍發安徽以知縣用五年補合肥縣知縣九年合肥縣鹽快王怛爲鹽辦馬文奎等毆傷身死左輔未將實情敘入改供朦詳 命褫職十一年安徽巡撫初彭齡奏左輔人才可用得 旨左輔在安徽州縣中循名素著能得民心加恩准其送部引見十二年補懷甯縣知縣十四年升署泗州直隸州知州十七年總督百齡等以江南兩省上年水災奏撥銀兩委員督查散放左輔辦理災賑潔已奉公官聲甚好請以應升之缺升

用十九年升潁州府知府二十年擊獲阜陽縣教匪李珠王三保等經百齡等奏入下部議敘二十一年擢廣東雷瓊道二十三年遷浙江按察使二十五年四月授湖南布政使十一月上卽位升巡撫道光元年刑部左侍郎張映漢奏籌議苗疆事宜各款上命總督陳若霖會同左輔查辦尋奏減支銷銀穀二萬餘石籌款買補苗疆額穀六萬餘石免苗民各佃無力完繳租穀七萬餘石其餘挑補兵勇裁撤委員禁差役私入苗寨聽民苗買食川鹽并給苗舉人會試銀兩皆得旨允行二年命戶部左侍郎王鼎等審辦寶慶府通判至善控告一案尋奏左輔於至善被劾後向其詢問緣由不卽正詞指斥以服其心乃以總督密商之件給

與閱看亦有不合應請交部議處十一月奏湖湖南省城南門外妙
高峰爲宋儒張栻城南書院舊址我朝康熙年間屢經修築閱
時既久堂室無存嗣經改建城內南隅近來亦就傾圮見在查明
原建基址督同屬員及該省紳士捐輸移建請御書扁額上
允其請降旨嘉許焉三年二月命來京時左輔奏請修理倉
廩諭曰左輔奏請修理倉廩至三十一廳州縣之多其中豈盡
係必不可緩之工著湖廣總督嵩孚於到任後派員覆勘如見在
實係緊要著奏明估修其情形較輕之處卽覈明停緩五月以年
力已衰原品休致十三年卒子昂二品廕生光祿寺署正

右 國史館本傳

公諱輔字仲甫一字衡友號杏莊世爲常州府武進縣人雍正三年析武進爲陽湖今爲陽湖人也曾祖德昌貢生祖宜康熙癸巳恩科武舉人杭州府督運千總署處州守備考鎮國子監生三世俱以公貴 贈資政大夫妣皆 贈夫人公幼而貧苦力學以躬行爲本爲文章必自道所得中乾隆癸卯科江南榜癸丑始成進士以知縣用籤發安徽補南陵縣知縣旋署巢縣調霍邱以任南陵時錢糧未完五分以上革職巡撫朱文正公珪以業經全完咨部請免離任而部議已下奉 旨引見既引 見仍發安徽以知縣用尋補合肥縣時 廷寄問安徽各官政績巡撫荆公道乾奏左輔實心撫字寬嚴並濟輿情愛戴 上俞之而吏部以合肥

之補不合例駁斥巡撫又專摺力請奉 旨左輔聲名原好朕所
素知著如所請行越四年巡撫王公汝璧以命案取巧規避特參
革職後覆讞以無規避情事請開復部駁不准逾年巡撫初公彭
齡至以人才可惜特請錄用奉 旨左輔在安徽州縣中循名素
著能得民心著加恩准其送部引見既引 見仍發安徽以知縣
用再署合肥縣尋補懷甯縣越一年奏升泗州直隸州知州而公
五十八矣在泗三年調署甯國府知府奏署潁州府逾年升授潁
州府謝 恩 召見養心殿問保薦何人以文正對 上曰爾是
朕素日知道的人因惶恐謝 上曰好爲之逾年拜廣東雷瓊兵
備道之 命明年補授浙江按察使 陛見請訓 上曰朕知汝

作官好故推汝爲臬司勉爲之明年補授湖南布政使 今上登
極補授湖南巡撫道光元年入 覲 上曰爾是 先皇帝識拔
之人歷來辦事公正巡撫大要在用人不避嫌怨實心爲民不負
委任耳三年二月奉 上諭左輔年逾七十精力漸衰著來京聽
候簡用五月 召見勤政殿奉 旨左輔年力已衰著以原品休
致復 面諭軍機大臣曰左輔精神尙去得然已七十三歲未可
久恃見在京堂侍郎皆無缺若令候補轉受羈累不如聽其歸去
蓋 上之恩意惓惓如此公歸囊中不名一錢舊屋已不可居別
構第於邑中賴知交當道者更迭延主書院講席誘進後學疊疊
無倦宅傍有隙地結小圃蒔花木歲時集親故賦詩交懽從容起

居者十年道光十三年八月二十五日薨於里第年八十三公少
更坎坷多練世務審己量物必求其宜而勁持一節不詭俗自挫
故爲親民官能究悉土俗疾苦出死力拯救在巢則禁溺女勘山
田在南陵則頒塾學條規在霍邱則習壯丁禁帶刀鋤大憝在合
肥則修縣志爭彌補章程在懷甯則移丞署修申明亭在泗州則
設局教民紡織請豁民欠力爭開睢河利害爭孫國柱叛案至於
編保甲崇學校葺名賢名宦祠宇則所至皆然雖在官不過旬月
而所施設常若已歷數考故所去則人民攀送或羣眾赴省請畱
去則思之不置數十年如旦暮及爲監司不苛細務勤遠慮銷亂
萌在瓊州則撫崖州黎以靖姦宄免開採昌儋石綠以安黎人請

裕備州縣課屯糧民次以清官道在浙則檄掄海濱無賴以安閭閻瘞南北山寄場棺木以消沴氣在湖南則清屯界設農官慎義學詰漢奸精練勇修礪卡簡苗役以綏苗民立辰沅靖三府巡守河道章程以安行旅疏奏具在炳炳不忝古名臣公起蹶縣令垂三十年雖治民獲上屢列薦剡而挫折逾甚落落自守不以爲憂喜旣任方面不六年遂膺峻擢至巡撫其所以膺特達之知者乃盡在盤桓邑令時蓋聖主重親民之官又眷念舊臣信其舉主推心不疑至垂念耄老全其終始榮遇超越今古罕觀而公勵節慎身不負所學以仰承恩意者亦足以爲爲臣者法矣所著有念宛齋詩詞古文書牘官書五種以行世配陸繼配徐皆封

夫人側室丁氏例贈孺人子男七人晟昂陸出晨智徐出易曜昭
丁出晟先公卒昂廕生候補光祿寺署正晨候選鹽運司經歷智
監生易浙江候補批驗所大使出嗣從叔大任曜監生昭廩生孫
六人公里居時於兆洛爲丈人行而不常見及兆洛出宰鳳臺而
公方爲首邑相見以同官禮且誇其爲政於人甚囑也比公致政
歸兆洛亦蜷伏閭巷歲時必相見獲聞治官諸績公自述生平所
閱依年而譜之斷乎於告歸之年今道光十四年十月二十八日
昂等將葬公於豐東鄉排畝先塋奉公所爲年譜又續告歸後之
十年示予請爲銘不敢辭銘曰

天畏自民敬哉有土聖所敘欽恭生是與容之勤民適俗秉經因

利而導鑿祥而刑維民之勤而宦之拙什伯其最一再其黜皇
有信臣載雪載培抗章言之帝曰俞哉爰遷其秩爰總考任解
嬈滌苛靡有氛祲始何忡忡繼何隆隆循之雍雍卽之沖沖匪奇
於數匪奇於遇守以惇篤忱恂惟素忱恂惟素大哉皇言惟曰
好官惟曰得民不盡其力懼其衰至俾克永譽以全恩意帝畀
之間帝畀之延從容堯天蓋十閱年令始令終何虧何陂聖
主之宏蓋臣之致蒿里悠悠貞之堅珉誓言允臧庇其後人

右墓誌銘李兆洛撰

霍邱知縣陽湖左君治霍邱旣一載其冬有年父老數十人來自
下鄉盛米於筐有稻有秔豚蹄醵鴨鷄僂僂提攜造於縣門君呼之

入曰父老良苦曷爲來哉頓首曰邊界之鄉尤擾益偷自耶之至
吾民無事得耕種吾田吾田幸熟有此新穀皆耶之賜以爲耶嘗
君曰天降吾民豐年樂與父老食之且彼家畜胡以來則又頓首
曰往耶未來吾民之豬雞鵝鴨率用供吏餘者盜又取之今視吾
園柵數吾所育終歲不一失是耶爲吾民畜也是耶物非民物也
君笑而受之賞以酒食皆歡舞而去曰本以奉耶反爲耶費焉士
民相與謀曰吾耶無所取於民而祿不足以自給其謂百姓何請
分鄉爲四四又爲三各以月入米若薪衆曰善則請於君君笑曰
百姓所以厚我以我不妄取也我資米若薪於百姓後之人必爾
乎索之是我之妄取無窮期也不可亳州之民有訴於府者曰毫

舊時盜今而多其來自霍邱霍邱左耶不容盜以既毫願左耶兼治之嘉慶四年十二月霍邱有吳生在京師爲余說如此余同年友仁和湯言士金釗告余曰往歲北來道鳳潁聞往往詢其民人繇俗有刑獄不當賦役無節者民曰非霍邱左耶來誰與辨之有風俗乖忤水旱冤抑者又曰非霍邱左耶來吾屬不安樂矣曰霍邱左耶能爲河南省治獄吾不識左君何如人也余曰吾友左君二十餘年其爲人守規矩質重不可徒非有超絕不可及之才特以其忠誠悱愉之心推所學於古者而施之治效遂如此今之爲治者輒曰儒者迂闊患才不任事以吾觀左君迂闊人也如其才如其才左君名輔字仲甫以進士分發安徽爲知縣初爲南陵調

霍邱嘉慶三年坐徵南陵錢糧不如期落職入 見仍用知縣未
補又坐徵霍邱錢糧不如期落職巡撫爲請 天子知其名 特
許補合肥縣云吳生名書常亦篤實君子人也

右書事張惠言撰

杏莊爲令清約勤慎嘗倣王文成十家牌法實心施行邑無盜警
以其餘力賦詩句奇格正兼有晉唐諸家之勝

右羣雅集王豫撰

日本書紀卷之六十一

三十一

福縣

福縣瓜爾佳氏滿洲鑲紅旗人乾隆六十年由官學生考取內閣中書嘉慶元年充軍機章京六年補官七年以川楚陝三省底定加恩內外有事諸臣下部議敘十年升侍讀十三年兼本旗公中佐領十四年授廣西右江道十六年以查獲會匪出力下部議敘二十年因兼署柳州府任內失察所屬融縣淹禁盜犯部議降三級調用 命以六部員外郎用二十三年補工部員外郎道光元年升郎中二年二月京察一等授山東督糧道九月遷直隸按察使三年升布政使四年擢山西巡撫五年奏河東鹽池時有匪徒搶竊拒捕巡役力難抵禦請於解州安邑縣並運城營內酌派

弁兵巡邏官給烏槍俾匪徒稍知斂跡六年又言鹽池地勢最窪
向有譏池隄塌三十餘道近年被水衝激隄身卑薄請勸款發商
生息爲歲修渠壩之需均 允行八月御史吳傑奏參福縣生日
府廳州縣大半上省巡撫衙內演戲酬謝 上命禮部尙書松筠
一品銜署工部左侍郎王鼎往按之尋覆奏該撫是日封門謝客
豫禁拜壽送禮惟所屬公送挂屏業經書款勉強收受並無餽送
苞苴情弊至所屬各員確有因公在省案據 諭曰福縣於自己
生辰旣先事嚴拒不許拜壽又復收受挂屏設席酬謝總由率屬
不能嚴肅所致本應交部嚴議姑念平日居官尙屬詳慎著降三
品頂帶仍戴革職畱任七年五月疏陳蒲州平陽二府及解絳兩

直隸州所屬州縣距省寫遠遣軍流徒及秋審各犯跋涉拖累且地當孔道防護難周請歸巡道勘鞫詳咨巡撫臬司覈辦從之八月授倉場侍郎仍暫署巡撫十一月猗氏縣民閻克己赴京控訴本縣知縣張珍臬勒罰偏命教諭典史等串詐得贖歷控上司不爲究辦命都察院左都御史湯金釗刑部右侍郎鍾昌讞其獄得實以聞諭曰福縣於串詐得贖重案旣經屍親上控不卽親提究辦殊屬不恤民情有玷封疆之任著交部議處尋議革職上加恩仍予畱任十二月命來京候旨八年三月賞頭等侍衛充庫車辦事大臣四月調庫爾喀喇烏蘇領隊大臣八月調喀喇沙爾辦事大臣九年加副都統銜充科布多參贊大臣

大清會典事例
卷一百一十五

臣等查該處屯田
三

賞戴花翎十年奏稱科布多每歲兵糧向於屯田所穫糧石支放
該處蒙古不諳耕耘全賴綠營兵丁教令播種因班期全換恐誤
屯務請酌留弁兵以資熟手俟下屆班期槩行更換又以該處地
處極邊屯田之外不產五穀官兵需用物價增昂奏請援案撥官
駝一百隻派兵十名每年兩次赴古城置買食用等物以資分給
如所請行十一年卒子文熙刑部員外郎文岳廣東惠州府知府

右 國史館本傳

